

খাজা গরীব নওয়াজ বলেছেন-

- যে ব্যক্তি তরীকতের পথে চলতে চায়, তার উচিত প্রথম দুনিয়া এবং দুনিয়ার সকল বস্তুকে ত্যাগ করে তারপর নিজের নফসকে তালাক দেয়, তারপর আহলে সলুকের পথে পা রাখে। তা না হলে সব কিছুই মিথ্যা।
- মানুষ যখন আমিত্বের খোলস ত্যাগ করে তখন নিগূঢ়ভাবে চিন্তা করলে দেখবে প্রেম, প্রেমিক ও প্রেমাস্পদ সবই এক।
- আরিফের নিম্নতম স্তর হলো সৃষ্টি জগৎকে নিজের দু'আঙ্গুলের ফাঁকের মাঝে অবলোকন করা।
- যে ব্যক্তি আল্লাহতায়ালার প্রেমিক সে দুনিয়াদারীকে ঘৃণা করে। দুনিয়ার ঐশ্বর্য বন্ধুর প্রেম হতে বিচ্ছিন্ন করে দেয়। যার মাঝে অর্থের মোহ আছে সে আল্লাহর প্রেমিক নয়।
- মৃত্যুর বন্ধুর সাথে মিলনসেতু।



রশীদ বুক হাউস


৬নং প্যারীদাস রোড, বাংলাবাজার  
ঢাকা-১১০০। মোবাইল : ০১৯৩৪৯৩৩১১

আনিসুল আরওয়াজ  
খাজা গরীব নওয়াজ



# আনিসুল আরওয়াজ

## • রুহের বন্ধু •



খাজা গরীব নওয়াজ

মুহম্মদ মুঈনউদ্দিন হাসান চিশতী

বহমতুল্লাহ আলায়ছে

মহাপুত্র কুতুবুল মাশায়েখ  
শিখরীক মুহাম্মাদ হক্কাতুল্লাহ সনিত ৪ ফারিস নাচরক

# আনিসুল আরওয়াহ

[ রুহের বন্ধু ]

১. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

২. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

৩. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

## কুতুবুল মাশায়েখ

হযরত খাজা শায়খ মুঈনউদ্দিন হাসান চিশ্তী সনজরী রহমতুল্লাহ আলায়হে

৪. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

৫. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

৬. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

অনুবাদক

কফিলউদ্দিন আহমদ চিশ্তী

৭. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

৮. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

৯. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

১০. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ

# চিশ্তীয়া পাবলিকেশন্স

১১. শিখরীক মুহাম্মাদ হক্কাতুল্লাহ সনিত ৪ ফারিস নাচরক  
৪৫-মাসিখ মুহাম্মাদ



আল্লাহতায়ালা বন্ধুদের শানে  
কোরান শরীফ ও হাদীস শরীফের কয়েকটি বাণী :

ফাসআলুকা স্মাহুলাজ্জ জেকরে ইনকুনতুম লা তা মালুন। —আল কোরান  
অর্থ—আল্লাহতায়ালা বলেন, তোমরা যা না জান, জেকেরকারিগণকে জিজ্ঞেস কর।

ইন্নানি আনাল্লাহ লা-ইলাহা ইল্লা আনা ফাবুদনি ওয়া আকিমিস্ সালাতা নে জেকরি।  
—সূরা তাহা-১৪

অর্থ—আমিই আল্লাহ্ আমা ব্যতীত কোন মাবুদ নেই, অতএব আমার ইবাদত কর  
এবং আমার জেকেরের জন্য সালাত কায়েম কর।

অসলা ইন্না আউলিয়া আল্লাহু লা খাওফুন আলায়হিম ওয়ালাহুম ইয়াহ জানুন।  
সূরা ইউনূস-৬২ আয়াত।

অর্থ—সাবধান! নিশ্চয়ই আল্লাহর অলীদের (বন্ধুদের) কোন ভয় নেই এবং তাদের  
কোন দুঃখ ভাবনা নেই।

ইন্না আউলিয়া আল্লাহু লা ইয়ামুতুন বাল ইয়ানতাকিনু মিন দারুল ফানা ইলা দারুল  
বাকা। —আল হাদীস

অর্থ—নিশ্চয়ই আল্লাহর বন্ধুদের কোন মৃত্যু নেই বরং তাঁরা স্থানান্তরিত হয় ধ্বংসশীল  
ইহ জগৎ হতে স্থায়ী পরজগতে।

আল্ আউলিয়াও রায়হানুল্লাহ- (আল হাদীস) অর্থ—আউলিয়াগণ আল্লাহর সুবাস।

কারামাতুল আউলিয়াউন হাক্কুন- (আল হাদীস) অর্থ—আউলিয়াদের অলৌকিক  
ক্ষমতা সত্য।

ইন্না আউলিয়াই তাহুতা কাবাই লা ইয়ারিফুহুম গায়রী ইল্লা আউলিয়াই  
—হাদীসে কুদসী।

অর্থ—নিশ্চয়ই আমার বন্ধুগণ আমার জুব্বার অন্তরালে অবস্থান করেন, আমি ভিন্ন  
তাঁদের পরিচিত সম্বন্ধে কেহই অবহিত নহে, আমার আউলিয়াগণ ব্যতীত।

কুলুবুল ইনছানে বাইতুর রহমান ওম্মা কুলুবুল মুমেনিনা আরতুল্লাহ। —আল হাদীস  
অর্থ—মানুষের হৃদয় করুনাময়ের ঘর এবং মুমিনের হৃদয় আল্লাহর সিংহাসন।

কুলুবুল মুমেনিনা মেরআতুল্লাহ- (হাদীসে কুদসী) অর্থ—মুমিনের হৃদয় আল্লাহর  
দর্পণ।

# আনীসুল আরওয়াহ

[ রুহের বন্ধু ]

রচনায়

কুতুবুল মাশায়েখ

হযরত খাজা মুঈনউদ্দিন হাসান চিশ্তী সান্জরী (রহঃ)

## দলীলুল আরেফীন

(সাধকদের সনদ)

রচনায়

কুতুবুল আকতাব

হযরত খাজা কুতুবউদ্দিন বখতিয়ার কাকী আউশী (রহঃ)

## ফাওয়ায়েদুস সালেকীন

[তাসাউফ পন্থীদের ফায়দা]

## বুরহানুল আশেকীন

(আল্লাহর প্রেমিকদের দলীল)

হযরত খাজা শায়খ ফরিদউদ্দিন গঞ্জেশকর (রহঃ)

অনুবাদক

কফিলউদ্দিন আহমদ চিশ্তী



পরম করুণাময় মহামহিম আল্লাহ্ জালেশানহ-র অনন্ত ও অফুরন্ত দয়ায় এ উপমহাদেশের আউলিয়া সম্রাট কুতুবলমাশায়েখ হযরত খাজা শায়খ মুঈন-উল-হক ওয়াল মিল্লাতে ওয়াশুশরায়ে ওয়াদ্বীন হাসান চিশ্তী সনজরী ছুমা আজমেরী কাদাসান্নাহ সাররাহ-এর স্বরচিত আনিসুল আরওয়াহ এবং তাঁর সুযোগ্য সাজ্জাদা নশীন (তরীকার শাসনভারপ্রাপ্ত) খলিফা শহীদুল মহব্বত হযরত খাজা কুতুবউদ্দিন বকতিয়ার কাকী আউনী (রহঃ) বিরচিত দলীলুল আরেফীন ও তাঁর সুযোগ্য সাজ্জাদা নশীন খলিফা হযরত খাজা শায়খ ফরিদউদ্দিন গজেসকর (রহঃ) লিখিত ফাওয়ায়েদুস্ সালেকীন-এর অনুবাদ করতে পেরে আল্লাহ্ রাহমানুর রাহিমের বারগাহে শুকরিয়ার সেজ্দা প্রদান করছি। সেই সাথে লাখোকাটি সালতে ও সালাম জানাই তাঁকে, যিনি সৃষ্টির উৎস, যার নূরে নূরায়িত এ বিশ্বব্রহ্মাণ্ড, যিনি না এলে মানবজীবনের পরিপূর্ণতা ঘটতো না। যার মাধ্যমে সৃষ্টি পেলো সৃষ্টির পরিচিতি, প্রেম ও দর্শন। শেষ প্রণতি আমার তাঁর দরবারে, যিনি নিজের জীবন বিপন্ন করে ইসলামের আলো জ্বালিয়েছেন এ উপমহাদেশে, যিনি রহমতুল্লিল আলামিনের নয়নমণি, যিনি শরীয়তের স্তম্ভ, তরীকতের নিদর্শন, মারফাতের জ্বলন্ত-শিফা, হাকীকতের আয়না। যিনি সালেকের অন্তর, প্রেমিকের প্রেম, আরিফের রুহ ও কামেলদের পথ-প্রদর্শক।

অনুবাদক হিসেবে আমি সম্পূর্ণ নতুন। শুধু যার জাতের সাথে আমার অস্তিত্ব একাঙ্ক হয়ে মিশে আছে এবং যারা আমার দিশারী তাঁদের অনন্য অমূল্য তাছাউফের অমিয়বাণী বলেই একজন আশেক হিসেবে নব্য হয়েও এ গ্রন্থগুলো অনুবাদ করতে প্রয়াস পেয়েছি উল্লেখ না করে পারছি না যে আমাদের দেশের তরীকতপন্থীদের বেশির ভাগই চিশ্তীয়া তরীকার দাবিদার, তাদের মধ্যে কিছুসংখ্যক লোকের ধারণা মুরীদ হলে আল্লাহর আদেশ-নির্দেশের অনেক কিছুই নাকি মাফ হয়ে যায়। কিন্তু তারা জানেন না যে, শরীয়তের বিধি বিধানগুলো হচ্ছে নিজের অস্তিত্বকে টিকিয়ে রাখার উপকরণ। তাই এগুলো বাদ দিয়ে তাসাউফপন্থী হওয়ানো দূরের কথা তাসাউফজগতে প্রবেশের অধিকার পাওয়াও সম্ভব নয়। চিশ্তীয়া তরীকার নিয়ম হচ্ছে শরীয়তের আরকান আহকাম পরিপূর্ণরূপে পালনের মাধ্যমেই অধিকার আসে তরীকতে প্রবেশ করার। এ না হলে সে কোন অবস্থাতেই তাসাউফের সাধ পাবে না। আমাদের মাশায়েখ (পীরগণ) জীবনের শুরু হতে শেষ দিনটি পর্যন্ত শরীয়তের বিধিবিধানে আবদ্ধ থেকেই প্রেমের রাজ্যে বিচরণ করেছেন এবং কামালিয়াতের স্তর অতিক্রম করেছেন। যারা বলেন শরীয়ত, তরীকত, মারফাত ও হাকীকত ভিন্ন ভিন্ন পথ, তাদের সেই ভুল ধারণাকে বদলিয়ে সঠিক ও সর্বাঙ্গীন সুন্দর পথের সন্ধান দিতে এগিয়ে আসছে খাজেগানে চিশ্ত-এর অমূল্য কিতাবগুলো।

আসুন আমরা সেই মহান করুণাময়ের দরবারে মোনাজাত করি তিনি যেন আমাদেরকে বিভ্রান্তি হতে মুক্তি দেন। আমিন। আমিন।

## প্রাপ্তিস্থান

রশীদ বুক হাউস

৬নং প্যারিদাস রোড

ঢাকা-১১০০

আশরাফ আহমদ চিশ্তী

চিশ্তীয়া পাবলিকেশন্স

৭৬/২, মধ্য বাড্ডা গুলশান, ঢাকা

ইসলামিয়া লাইব্রেরী

সাহেব বাজার

রাজশাহী

দেওয়ান ষ্টোর

বড় মসজিদ রোড

টাঙ্গাইল

দারুল বুহুহ লাইব্রেরী

মাদ্রাসা রোড

সোবহানী ঘাট, নিলেট

এছাড়াও

বাংলাদেশের

প্রতিটি ধর্মীয়

লাইব্রেরীতে

পাওয়া যায়।

প্রকাশনায়

বাংলা মিল ষ্টোর্স

২২৬ নবাবপুর রোড, ঢাকা-১১০০

প্রকাশক কর্তৃক সর্বস্বত্ব সংরক্ষিত

প্রকাশকাল

তৃতীয় সংস্কারণ : ৬ই সাউয়াল ১৪১৫

হাদিয়া : ১০০.০০ টাকা



## সূচীপত্র

## • আনিসুল আরওয়াহ •

হযরত খাজা ওসমান হারুনী (রাঃ)-এর সংক্ষিপ্ত জীবনী	১২-১৬
ভূমিকা	১৭-১৮
প্রথম মজলিস	১৯-২০
ইমানের বিভিন্ন দিক এবং নামাজের আলোচনা	
দ্বিতীয় মজলিস	২১-২২
ক) হযরত আদম (আঃ)-এর বেহেস্তী পোশাক বসে পড়ার ঘটনা এবং তাঁর ভুলের জন্য তওবা।	
খ) চন্দ্র গ্রহণ ও সূর্য গ্রহণ সম্বন্ধে আলোচনা।	
তৃতীয় মজলিস	২২-২৩
শেষ জামানায় মানুষের গোনাহের কারণে বিভিন্ন শহর ও দেশ নষ্ট এবং ইমাম মেহেদী (আঃ)-এর আশ্রয়প্রকাশ।	
চতুর্থ মজলিস	২৩-২৫
স্ত্রীর কর্তব্য এবং গোলমাম আজাদ এর ফজিলত।	
পঞ্চম মজলিস	২৫-২৭
সদকার গুরুত্ব ও নফসের বিরুদ্ধাচরণ	
ষষ্ঠ মজলিস	২৭-২৮
শরাব বা মদ পান সম্পর্কিত আলোচনা	
সপ্তম মজলিস	২৮-২৯
ক) মুমিনের অন্তরে দুঃখ দেওয়ার কুফল	
খ) সুনাত ও নফল নামাজের গুরুত্ব	
অষ্টম মজলিস	৩০-৩১
ক) গালি দেওয়ার কুফল, খ) লাল দস্তুর খানার বরকত	
নবম মজলিস	৩১-৩৩
ক) বৃত্তি বা পেশা	
খ) ইমামে আজম হযরত আবু হানিফার মাজহাবে প্রবেশ	
দশম মজলিস	৩৩-৩৫
মুসিবতে ধৈর্য ধারণের বিভিন্ন দিক নিয়ে পর্যালোচনা	
একাদশ মজলিস	৩৫-৩৭
ক) অকারণে পণ্ড জবাই করার কুফল, খ) নামাজে আল্লাহর সাথে স্বীকার	
দ্বাদশ মজলিস	৩৭-৩৮
সালামের গুরুত্ব ও নিয়ামত	
ত্রয়োদশ মজলিস	৩৮-৩৯
বাক্যকালীন নামাজের গুরুত্বপূর্ণ বিষয় নিয়ে আলোচনা।	
চতুর্দশ মজলিস	৩৯-৪০
সূরা ফাতেহা ও এখলাস পাঠকারীর মর্যাদা	
পঞ্চদশ মজলিস	৪০-৪১
বেহেস্তে খাওয়া দাওয়ার নিয়ম কানুন	

## পুস্তক পরিচিতি

আনিসুল আরওয়াহ পুস্তকটির প্রথম প্রকাশকাল ষষ্ঠ হিজরীর শেষ দিকে, আজ ২শে প্রায় ৮ শত বছর পূর্বে। হযরত খাজা গরীব-উন-নওয়াজ রহমতুল্লাহি আলাইহি যখন তাঁর দীর্ঘ ও মুর্শেদ হযরত খাজা ওসমান হারুনী রুদ্দেমা মিরকুলুম আযীয-এর সঙ্গে বিশ বছর অতিবাহিত করেন, তখন তাঁর মুর্শেদ তাঁর নিকট শরীকার শামন ক্ষমতা হস্তান্তরের পূর্বে তাঁকে বিশেষভাবে কিছু উপদেশ প্রদান করেন। এ উপদেশের অমিয় বামিশ্রমো ২৮টি মজলিমে সমাপ্ত হয়। হযরত খাজা ব্রুজর্গ রহমতুল্লাহি আলাইহি তাঁর মুর্শেদের নির্দেশানুযায়ী প্রত্যেকটি মজলিমের উপদেশগুলো মিলিভঙ্গ করে নেন এবং পরে আনিসুল আরওয়াহ নাম দিয়ে প্রকাশ করেন।

পবিত্র কোরান ও হাদীসের বরাহতম প্রতিটি মজলিমের অমিয় বামিশ্রমো শরীয়াত ও শরীকতদ্বীদেদের জন্য অমূল্য মমসদ।



## উদ্দেশ্য

“হুত্বন মাশায়েখ  
হযরত খাজা শামখ মুঈনুদ্দীন হামান চিশতী  
মুজরী  
রহমতুল্লাহ আলায়হে-এর  
পবিত্র করকমলৈ”

দশম মজলিস	১০৯-১১৫
ক) পূন্যবানদের সঙ্গ ও পাপিদের সঙ্গের পরিণাম, খ) ইরাকের বেঈন বাদশাহের ঘটনা, গ) আল্লাহর সহিত প্রেমের বিভিন্ন রূপ	
একাদশ মজলিস	১১৫-১১৯
ক) আরিফদের তাওয়াক্কুল সঙ্কে আলোচনা	
খ) তওবা ও মহকবতের স্তর সমূহের আলোচনা, গ) আল্লাহর পরিচয়	
ঘ) সত্যিকারের প্রেমিক ও মিথ্যা প্রেমিকের ব্যবধান।	
ঙ) এবাদতের মাধ্যমে আল্লাহর গোলামীত্ব	
চ) গরিব নওয়াজ (রঃ) -এর আজমির গমন এবং অগণিত হিন্দুদের ইসলাম গ্রহণ।	
দ্বাদশ মজলিস	১১৯-১২১
ক) খাজা কুতুবুদ্দীন বখতিয়ার কাকী (রঃ)—কে খিলাফত এবং সাজ্জাদায়ে খাজেগান দান।, খ) খাজা গরিব নওয়াজ (রঃ)—এর পরলোকগমন।	
○ ফাওয়ানেদুস সালেকীন ○	
হযরত খাজা কুতুবুদ্দীন বখতিয়ার কাকী (রঃ)-এর সংক্ষিপ্ত জীবনী	১২৩-১২৭
প্রথম মজলিস	১২৮-১৩৪
ক) পীর বা মুর্শিদের যোগ্যতা, খ) কুকুরের কারামাত	
গ) কামালিয়াত অর্জনের সোপান, ঘ) আল্লাহর গোপন রহস্যের হিফাজত	
ঙ) বিচ্ছুর ছোবলে হাজার মণ সাপের মরণ	
দ্বিতীয় মজলিস	১৩৫-১৪২
ক) আল্লাহর দেয়া দুঃখ-কষ্টের ভিতর নেয়ামত লাভের আলোচনা	
খ) মজলিসের আদব সঙ্কে আলোচনা	
গ) বয়াত ও বিত্বক আকিদা সঙ্কে আলোচনা	
ঘ) অচৈতন্যলোকে গমন সঙ্কে আলোচনা	
তৃতীয় মজলিস	১৪৩-১৪৪
ক) সলুকের স্তর নিয়ে বিভিন্ন তরিকার বিভিন্ন রকম আলোচনা	
খ) কাশফ ও কারামতের গোপন রহস্য প্রকাশ না করার আলোচনা	
চতুর্থ মজলিস	১৪৪-১৪৭
ক) তকবির বলা সঙ্কে আলোচনা	
খ) পীরের উপস্থিতিতে নফল নামাজ পাঠ না করার আলোচনা	
গ) খাওয়ার সময় সালাম না করার বর্ণনা	
পঞ্চম মজলিস	১৪৭-১৪৯
ক) আল্লাহর অলির সম্মানে খানা কাবা নিজেস্বস্থান ত্যাগ করে সেই অলির সামনে উপস্থিত হওয়ার আলোচনা	
খ) কুরআন শরীফ কি ভাবে তাড়াতাড়ী মুখস্থ করা যায় সে সম্পর্কে আলোচনা।	
ষষ্ঠ মজলিস	১৪৯-১৫২
ক) হজুর পাক (সঃ) -এর দেখানো জায়গায় সুলতান শামসুদ্দীনের জলাধার তৈরীর ঘটনা।	



## হযরত শামসুল আরেফীন খাজা ওসমান হারুনী কুদ্দেসা সিররুহুল আজীজ-এর

### সংক্ষিপ্ত জীবনী

হযরত আবি আননূর খাজা ওসমান হারুনী কুদ্দেসা সিররুহুল আজীজ-এর পবিত্র জাত ইল্মে শরীয়ত ও তরীকতের মধ্যে ১৩ জন মহামানবের সঙ্গে সম্বন্ধযুক্ত থেকে হযরত আলী করমুল্লাহ ওয়াজহ হয়ে হযরত রসূলে মকবুল সাল্লাল্লাহু আলায়হে ওয়া সাল্লাম পর্যন্ত পৌছেছে--

#### শরীয়ত ও তরীকতের সিলসিলা নিম্নরূপ :

- ০। হযরত মুহাম্মদ মুস্তফা সাল্লাল্লাহু আলায়হে ওয়া সাল্লাম
- ১। আমিরুল মুমেনীন হযরত আলী করমুল্লাহ ওয়াজহ
- ২। হযরত খাজা হাসান বসরী রহমতুল্লাহ আলায়হে
- ৩। হযরত খাজা আব্দুল ওয়াহেদ বিন জায়েদ রহমতুল্লাহ আলায়হে
- ৪। হযরত খাজা ফুজায়ের বিন আয়াজ রহমতুল্লাহ আলায়হে
- ৫। হযরত খাজা ইব্রাহিম বিন আদহাম রহমতুল্লাহ আলায়হে
- ৬। হযরত খাজা সৈয়দ বান্দরুদ্দীন ওরফে হুজাইফা মারআহী রহমতুল্লাহ আলায়হে
- ৭। হযরত খাজা হুমবাইরাতুল বসরী সামসুদ্দিন রহমতুল্লাহ আলায়হে
- ৮। হযরত খাজা মুমসাদউল্লী দিনুরী রহমতুল্লাহ আলায়হে
- ৯। হযরত খাজা আবু ইসহাক চিশতী কুদ্দেসা সিররুহুল বারী
- ১০। হযরত খাজা আবু মুহাম্মদ চিশতী রহমতুল্লাহ আলায়হে
- ১১। হযরত খাজা আবু আহমদ আবদাল চিশতী রহমতুল্লাহ আলায়হে
- ১২। হযরত খাজা নাসিরউদ্দিন আবু ইউসুফ চিশতী রহমতুল্লাহ আলায়হে
- ১৩। হযরত খাজা মওদুদ চিশতী রহমতুল্লাহ আলায়হে
- ১৪। হযরত খাজা হাজী শরীফ জিন্দানী রহমতুল্লাহ আলায়হে
- ১৫। হযরত খাজা আবিনুর ওসমান হারুনী রহমতুল্লাহ আলায়হে

ষোড়শ মজলিস	৪১-৪২
মসজিদে প্রবেশ ও বের হওয়ার পদ্ধতি	
সপ্তদশ মজলিস	৪২
সম্পত্তি ও ইসলামের কৃতজ্ঞতা প্রকাশের নিয়ম	
অষ্টাদশ মজলিস	৪৩
হাঁচি ও হাঁচির পর কর্তব্য	
উনবিংশ মজলিস	৪৩-৪৪
আজান সবক্কে বিভিন্ন গুরুত্বপূর্ণ আলোচনা।	
বিংশ মজলিস	৪৪-৪৫
ক) মুমিনের পরিচয়, খ) হাসরের দিনের আলোচনা	
গ) তিন দলের প্রতি আল্লাহর রহমতের বিশেষ নজর	
একবিংশ মজলিস	৪৫
অভাব গ্রন্থদের অভাব পূরণের প্রতিদান	
দ্বাবিংশ মজলিস	৪৬
আলেম বা জ্ঞানীদের মর্যাদা	
ত্রয়োবিংশ মজলিস	৪৬
ক) মৃত্যু চিন্তার সূফল, খ) দরুদ শরীফ পাঠের উপকারিতা	
চতুর্বিংশ মজলিস	৪৭
মসজিদে আলোদানের ফজিলত	
পঞ্চবিংশ মজলিস	৪৭
ক) দরবেশদের মেহমানদারীর প্রতিদান	
খ) তিন দল বেহেস্তের সুগন্ধ হতে বঞ্চিত হবে।	
ষষ্ঠবিংশ মজলিস	৪৮
পাজামা ও জামা পরিধানের নিয়ম	
সপ্তবিংশ মজলিস	৪৮-৪৯
সদকা দানের নিয়ম	
অষ্টবিংশ মজলিস	৪৯-৫০
ক) তওবার গুরুত্বপূর্ণ আলোচনা	
খ) খাজা গরিব নওয়াজ (রাঃ) — এর খেলাফত প্রতি	

#### ০ দলিলুল আরেফীন ০

খাজা গরিব নওয়াজ (রাঃ) -এর সংক্ষিপ্ত জীবনী	৫৭-৬১
প্রথম মজলিস	৬২-৬৬
ক) খাজা কুতুবুদ্দিন বখতিয়ার কাকী (রাঃ)-এর বয়াত গ্রহণ এবং "কুল্লাহ চহার তর্কী" প্রাপ্ত	
খ) নামাজের গুরুত্ব, গ) মুরিদের কর্তব্য ও পীরের দান	
ঘ) ১। অজুর সময় হাত ও পায়ের আঙ্গুলের মধ্যস্থিত ফাক সমূহে পানি প্রবেশের গুরুত্ব	



২। অজুর সময়প্রত্যেক অঙ্গ তিনবার করে ধৌত করার গুরুত্ব।	
৩। মসজিদের স্বাদব এবং খাজা সুফিয়ান ছওরীর ঘটনা।	
৮। আরিফের পরিচয়, ৯। এশরাক নামাজের ফজিলত	
৯। কাফন চোরে বেহেস্তে অবস্থান	
<b>দ্বিতীয় মজলিস</b>	৬৭-৭১
ক) ফরজ গোছলর গুরুত্ব	
খ) নামাজ আদায়র নিয়ম নীতির গুরুত্ব	
<b>তৃতীয় মজলিস</b>	৭১-৭৩
ক) সঠিক সময়ে নামাজ পড়ার গুরুত্ব	
খ) কসম খাওয়ার বিভিন্ন আলোচনা	
<b>চতুর্থ মজলিস</b>	৭৪-৮০
ক) মুহব্বতে সদিদ বা সত্য প্রেমিকের নিদর্শন, খ) উচ্চ হাসির কুফল	
গ) ১) আল্লাহকে ভয় করার নমুনা এবং জুলুমের বিচার।	
২) আল্লাহর প্রেম বেহীনী	
<b>পঞ্চম মজলিস</b>	৮০-৮৪
ক) পিতা মাতা খেদমত, খ) কুরআন শরীফের সম্মানের প্রতিদান	
গ) জ্ঞানীদের রেহবত, ঘ) খানা কাবার সম্মানের প্রতিফল, ঙ) পীরের খেদমত।	
<b>ষষ্ঠ মজলিস</b>	৮৫-৮৮
ক) "আসহাবেগহাফ" গণ উম্মতে মুহাম্মাদিনে অন্তর্ভুক্ত।	
খ) দানবদের স্বী হতে ৩০ বছর পর বৃদ্ধার ছেলেকে মুক্তি দেওয়ার ঘটনা।	
গ) কোহকাফে ঘটনা	
<b>সপ্তম মজলিস</b>	৮৮-৯২
ক) ১। সূরা ফাতেহার বৈশিষ্ট্য	
২। সূরা ফাতেহর ৭টি নাম এবং আক্ষরিকভাবে সূরা ফাতেহা পাঠকারীর মর্যাদা।	
৩। পারাপারেরবাহন ছাড়া ফাতেহা পাঠ করে দজলা নদী পার	
<b>অষ্টম মজলিস</b>	৯২-১০০
ক) ১। বুজুর্গায়ে ঘীনদের অজিফা এবং অজিফার নিয়ম কানুন।	
২। অজিফা ত্যাগকারীর পরিণাম	
খ) হজুর পাক (ঃ) -এর ৯৯টি গুনবাচক নাম, গ) তাহাজ্জোদ নামাজের গুরুত্ব।	
<b>নবম মজলিস</b>	১০০-১০৯
ক) সলুকের স্তর সংখ্যা সম্পর্কে আলোচনা	
খ) ধৈর্য্য ধারণের প্রতিফল	
গ) হযরত বাজীদ বোস্তামী (রাঃ) -এর প্রেম-আওনের ঘটনা।	
ঘ) আল্লাহর প্রেমিকগণ দুনিয়ার আজাব সম্পর্কে কোন কিছুই উপলব্ধি করতে পারে না।	
ঙ) আল্লাহর ব্যদের কারামত	
চ) আরিফের পরিচয় ও 'দম' বা স্থাস	

হযরত খাজা ওসমান হারুনী কুদ্দেসা সিররুলুল আজীজ খোরাসানের অন্তর্গত নিশাপুরের অদূরে থাকা নামক এক প্রখ্যাত গ্রামে জন্মগ্রহণ করেন। সাত বছর বয়সে সম্পূর্ণ কোরান শরীফ মুখস্থ করে 'হাফেজে কোরান'-এর মর্যাদা অর্জন করেন। এরপর তিনি ধর্মীয় শিক্ষার বিভিন্ন বিষয়ে অগাধ জ্ঞান লাভ করেন। তিনি প্রতিদিন দু'বার করে কোরান খতম করতেন। 'জওহরে ফরিদী' কিতাবে বর্ণিত আছে, তিনি ৭০ বছর পর্যন্ত কঠিন সাধনায় লিপ্সি ছিলেন। এ সময়ের মধ্যে স্কখনও তিনি পেট ভরে আহার বা পান করেননি। তিনি গড়ে নমমাত্র বিশ্রাম নিতেন। সারা জীবনে কখনও তিনি দুনিয়ার ঐশ্বর্যের প্রতি লাগতিত ছিলেন না। তিনি প্রায়শই বলতেন, দুঃখ হয় ঐসব দরবেশদের জন্য যারা পেট ভরে আহার করে ও দুনিয়ার ঐশ্বর্যকে কজা করে। অথচ, দুনিয়াদারীকে আল্লাহ ঘৃণার গোথে দেখেন। আল্লাহর প্রেমিকদের উচিত নয়, তারা আল্লাহর ঘৃণার বস্তুকে গ্রহণ করে। তিনি 'মুজিবুদ্দাওয়াত' গিছিলেন অর্থাৎ যে দোয়া তিনি আল্লাহর দরবারে করতেন সেটা গীত (কবুল) হতো—সামার মজলিসে অর্থাৎ গানের মজলিসে গান শ্রবণ করে ঠাণ্ডা করে কাঁদতেন। মজলিসে অন্য কাউকে কাঁদতে দেখলে তিনি চিৎকার করে কাঁদতেন। তিনি হামেশাই (প্রায়শই) রোজাব্রত পালন করতেন; একাধিক ক্রমে ৫ দিন রোজাব্রত (সিয়াম) পালন করার পর ইফতার করতেন অর্থাৎ ১২০ ঘন্টা অনাহারে (রোজা) থেবে তারপর তিনি খাদ্য গ্রহণ করতেন। এই অবস্থায় তিনি কারও প্রতি দৃষ্টি নিক্ষেপ করলে সে প্রাণ ত্যাগ করে ঐশ্বলিন (মৃত্যুর পর পুণ্যাত্মাদের নিবাস)-এ পৌছে যেতো। 'শাফ ও কারামত' (অন্তর্দৃষ্টি ও অলৌকিক ক্ষমতা) তাঁর এতো তীক্ষ্ণ ও অগাধ ছিলো ঠাণ্ডা বর্ণনা কোন লেখনীর পক্ষেই লেখা সম্ভব নয়। তিনি জাতে পাকে (পবিত্র) এলাহি কুদরতর অনির্বাণ প্রদীপ ছিলেন। তাঁর মধ্য হতে একই সময়ে আল্লাহ জাল্লে শাহুর কুদরতের অসংখ্য নিদর্শন ও অগণিত কারামত প্রকাশ হতো। তাঁর শান ও মর্যাদার সচেয়ে বড় মাপকাঠি হচ্ছে জন্মগত ওলিয়ে কামেল (আল্লাহর পরিপূর্ণ বন্ধু), আরেসুফ আখিয়া আলে রসুলা (দঃ) [নবীদের জ্ঞানের উত্তরাধিকারী; হযরত রসূলে মক্বুল (ঃ)-এর বংশধর] আউউলিয়া সম্রাট, ইলমে শরিয়ত, তরিকত, মারেফাত ও হকিকতের প্রভাকর ও এই উপমহাদেশে সর্বপ্রথম ও সর্বাধিক সংখ্যক বিধর্মীদেরকে মুফরমান মেরে দীক্ষা দানকারী, সন্দাদীও সেই পরশমণি খাজা গরীব-উন-নওয়াজ শায়খ জৈয়দ মুইনুদ্দীন হাসান চিশ্তী সন্জরী কান্দাসাল্লাহ সাররাহ-এর মতো মহামানবকে যিনি স্বীয় মুরীদের মধ্যে পেয়েছেন; তাঁর অপরাপর কারামত ও মর্যাদা বর্ণনার প্রয়োজনরাখে না।

হযরত খাজা ওসমান হারুনী (রাঃ) যখন মুরীদ হওয়ার জন্য হযরত খাজা হাজী শরীফ জিন্দানী (ঃ)-এর দরবারে উপস্থিত হলেন তখন তিনি তাঁর বাঞ্ছিত পীর মুর্শেদ



হযরত খাজা শরীফ জিন্দানী (রহঃ)-এর কদম (পা) মোবারকে পড়ে বলতে লাগলেন, ওসমানের খায়েশ (বাসনা) আপনার তরীকা (আল্লাহপ্রাপ্তির পথ) গ্রহণ করা। হযরত খাজা শরীফ জিন্দানী রহমতুল্লাহ আলায়হে তাঁকে অত্যাগ্রহে স্বীয় তরীকায় মুরীদ করে কুল্লাহ চাহার তর্কী (চার টুকরা কাপড়ে তৈরি গোলটুপি, যাহা চিশতীয়া তরীকার পীরগণ কাউকে উপযুক্ত মনে করলে মুরীদ করার সময় প্রদান করতেন) স্বীয় হস্তে হযরত খাজা ওসমান হারুনী কুদ্দেসা সিররুহুল আজীজকে (আল্লাহ তাঁর রহস্যকে পবিত্র রাখুন) মাথায় পরিয়ে দিলেন এবং এরশাদ করলেন, 'হে ওসমান, যখন তুমি এ টুপি পরিধান করলে তখন তোমার উচিত এর হক (প্রাপ্য) প্রদান করা বা সম্পাদন করা এবং এর হক আদায় করতে তোমার প্রথম কাজ হবে দুনিয়াদারী ত্যাগ করা ও দুনিয়ার যাবতীয় বস্তু হতে নিজেকে মুক্ত করা। দ্বিতীয় কাজ হবে, লোভ-লালসা ও অহংকার বর্জন করা। তৃতীয় কাজ হলো, নফসের ইচ্ছার বিরুদ্ধে চলা। চতুর্থ কাজ হলো, রাতে এলাহির জেকেরে মশগুল থাকা এবং শয়ন না করা।' আমাদের শ্রেষ্ঠ মাশায়েখ (পীরগণ) বলছেন, যে কুল্লাহ চাহার তর্কী পরিধান করে সে স্বীয় অন্তর মনকে আল্লাহর জন্য উৎসর্গ করে। হযরত খাজায়ে আলম (রাসুলুল্লাহ) সাল্লাল্লাহু আলায়হে ওয়া সাল্লামকে প্রথম এই 'কুল্লাহ চাহার তর্কী' জীব্রাইল আলায়হে ওয়াসসালাম আল্লাহতায়ালার দিক থেকে প্রদান করেন এবং বলেন, 'আপনি এটা পরিধান করুন এবং যাকে খুশী দান করে খলিফা নিযুক্ত করুন।' হযরত রসূলে মকবুল (দঃ) এ টুপি পরিধান করার পর দরিদ্রতা ও উপবাসকে (রোজা) সঙ্গী হিসেবে গ্রহণ করেছিলেন। এ টুপি যখন হযরত আলী করমুল্লাহ ওয়াজহ পরিধান করেছিলেন তিনি তখন হুজুর করিম (সাঃ)-এর মতো দরিদ্রতা ও রোজাব্রত পালন করতেন। এভাবেই তরীকার বংশ পরম্পরায় এ টুপি তার হক অর্থাৎ দাবি নিয়ে আমার নিকট পৌঁছেছে এবং আমি তোমার নিকট পৌঁছলাম; তুমিও পূর্বসুরীদের পথ অনুসরণ করবে। এরপর খাজা শরীফ জিন্দানী (রঃ) বললেন, 'হে ওসমান, আমি তোমাকে উপদেশ দিচ্ছি যে, আল্লাহর ইবাদতে রাতদিন মশগুল থাকবে, দরিদ্রতা ও উপবাস (রোজা) জীবনযাপন করবে এবং বস্তুজগৎ ও তাতে নিমজ্জিত ব্যক্তিগণ হতে নিজেকে বাঁচিয়ে রাখবে।' হযরত খাজা ওসমান কুদ্দেসা সিররুহুল আজীজ বললেন, 'আমি আপনার সমস্ত উপদেশ কবুল (গ্রহণ) করলাম।' এরপর স্বীয় পীরের খানকা শরীফে তিন বছর উপস্থিত থেকে ইবাদত ও মুজাহেদায় (উপাসনা ও সাধনায়) নজীরবিহীন দৃষ্টান্ত স্থাপন করেন। হযরত খাজা শরীফ জিন্দানী (রহঃ) যখন তাঁর এ কঠোর রিয়াজত (সাধনা) অবলোকন করলেন তখন তাঁকে সাজ্জাদাহ নশীন (তরীকার শাসন ক্ষমতা দান করে) খলিফা নিযুক্ত করলেন এবং চিশতীয়া তরীকার পীরগণ কর্তৃক বংশ পরম্পরায় (সিলসিলাহ-ব-সিলসিলাহ) প্রাপ্ত ইস্মে আযম (আল্লাহর সর্বশ্রেষ্ঠ নাম, যা আল্লাহর আউলিয়া ছাড়া জানেন না) হযরত

খাজা ওসমান হারুনী (কুঃ সেঃ আঃ)-কে দান করলেন। সাথে সাথেই আল্লাহতায়ালার কুদরতের জ্ঞানসমূহ তাঁর অন্তরে প্রতিষ্ঠিত হলো। যখন তিনি নামাজ পড়তেন তখন অদৃশ্যলোক হতে আওয়াজ আসতো "হে ওসমান আমি তোমার নামাজ কবুল করলাম, তোমার যা কিছু চাওয়ার আছে চাও?" তিনি নামাজ শেষ করে প্রার্থনার মাধ্যমে বলতেন, "হে বারে এলাহি, আমি তোমার কাছে তোমার মা'রেফাত (পরিচয়ের জ্ঞান) চাই।" এ দোয়ার পর পুনরায় আওয়াজ হলো, "হে ওসমান, আমি তোমার দোয়া কবুল করে আমার মা'রেফাত দান করলাম; আরও কিছু চাওয়ার থাকলে চাও?" তখন হযরত খাজা ওসমান হারুনী (রহঃ) সেজদাবনত হয়ে দোয়া চাইলেন, "ইয়া এলাহি, তুমি আমাদের রসূলে মকবুল ও তোমার প্রিয় হাবীব (ষক্বু) হযরত মুহাম্মদ সাল্লাল্লাহু আলায়হে ওয়া সাল্লামের গোনাহগার উম্মতদেরকে ক্ষমা কর।" উত্তর এলো, "হে ওসমান তোমার দোয়ার সম্মানে ত্রিশ হাজার গোনাহগারকে ক্ষমা করা হলো।" এ রকম ঘটনা খাজা ওসমান (রহঃ)-এর জীবনে প্রত্যেক দিন প্রতি ওয়াজ (সময়) নামাজে বিরামহীনভাবে ঘটতো এবং যতদিন পৃথিবীর অধিবাসী হিসেবে এ দুনিয়ায় অবস্থান করেছিলেন শেষ দিনের সর্বশেষ নামাজটিতেও অনুরূপ ঘটনা ঘটত। সুতরাং তাঁর ৭০ বছর দুনিয়ার জীবনে সর্বমোট কত সংখ্যক গোনাহগার উম্মত তাঁর দোয়ার বরকতে ক্ষমা লাভ করেছে তা অবশ্যই অনুধাবন করার বিষয়!

তাঁর জীবনের ছোট্ট একটা কারামত (অলৌকিক ক্ষমতা) হযরত খাজা গরীব-উন-নওয়াজের মুখে শ্রবণ করুন। "আমার এক প্রতিবেশী পীর ভাই, তরীকার আইন-কানুন মেনে চলতো না, হঠাৎ মারা গেলো। নিয়ম অনুযায়ী তাকে কাফন দাফন (ইসলামের বিধান অনুযায়ী মৃতদেহকে নতুন পোশাকে আবৃত করে মাটির তলায় শায়িত করানো) করে প্রত্যেকে যে যার কাজে চলে গেলো। কিন্তু কৌতূহল বশতঃ আমি কবরের পাশেই দুনিয়া হতে বিচ্ছিন্ন হয়ে খানিকক্ষণ বসে রইলাম। এমন সময় দু'জন ফেরেস্তা এসে কবরে অবতরণ করলো, দেখেই বুঝতে পারলাম এরা আযাবেবের ফেরেস্তা (আল্লাহ প্রেরিত শাস্তি প্রদানকারী দূত)। কবরে নেমেই তারা আমার পীর ভাইকে শাস্তি প্রদানে উদ্যত হলো। এমন সময় আমার পীর ও মুর্শেদ খাজা ওসমান হারুনী কুদ্দেসা সিররুহুল আজীজ ফেরেস্তাদ্বয়ের সম্মুখে উপস্থিত হয়ে বললেন, "এ লোককে শাস্তি প্রদান করতে পারবে না, কারণ এ আমার মুরীদ।" ফেরেস্তাদ্বয় আল্লাহর বস্তু সন্মানার্থে চলে গেলো, কিন্তু একটু পরেই ফিরে এসে বললো, "হুজুর এ লোক আপনার মুরীদ একথা অবশ্যই সত্য কিন্তু এ আপনার তরীকার কর্ম হতে বিরত ছিলো।" হুজুর এরশাদ করলেন, তার কর্ম যাই হোক না, সে নিজেকে আমার নিকট সমর্পণ করায় তার কর্ম আমার কর্মের



সংগে সংযুক্ত হয়ে গেছে। অতএব, তার রক্ষণাবেক্ষণ আমার কর্তব্য। হজুর ফেরেস্তাদেরকে তাঁর বক্তব্য পেশ করার সাথে সাথেই ফেরেস্তাদের প্রতি আল্লাহুতায়ালার হুকুম হলো, “তোমরা চলে এসো, তাকে শান্তি দিও না, আমি আমার বন্ধুর সম্মানে তাকে ক্ষমা করে দিলাম।”

হযরত খাজা ওসমান হারুনী রহমতুল্লাহ আলায়হের কাশফ, কারামত ও অন্যান্য বিষয় জানতে হলে তাঁর জীবনী পাঠ করুন।

হযরত খাজা ওসমান হারুনী (কুঃ সেঃ আঃ)-এর অগণিত খলিফা ছিলো, তন্মধ্যে হিন্দুস্থানে প্রখ্যাত খলিফা ছিলেন চারজন এবং সমস্ত খলিফাদের মধ্যে তরীকার শাসন ক্ষমতায় অধিষ্ঠিত এবং তরীকার আমানত ছিলো হযরত ওয়ারেছুল আশিয়া খাজায়ে খাজেগান শায়খ মুঈনুদ্দীন হাসান চিশতী সন্জরী ওরফে খাজা বাবা গরীব নওয়াজ(রহঃ) এর ওপর। হিন্দুস্থানের দ্বিতীয় প্রখ্যাত খলিফা ছিলেন হযরত খাজা সৈয়দ মুহম্মদ তুর্ক (রহঃ), মাজার শরীফ দিল্লীর কাছাকাছি নারনোল নামক স্থানে অবস্থিত। তৃতীয় প্রখ্যাত খলিফা ছিলেন হযরত খাজা সাইয়েদি লাসোচি (রহঃ), মাজার শরীফ নারনোলে অবস্থিত। চতুর্থ খলিফা ছিলেন হযরত খাজা সৈয়দ শায়খ নিজামুদ্দীন ছোগরা (রহঃ), মাজার শরীফ দিল্লীতে অবস্থিত।

হযরত খাজা ওসমান হারুনী রহমতুল্লাহ আলায়হের বেহাল মোবারক (দেহত্যাগের মাধ্যমে মহামহিমের সাথে মহামিলন) ৫ই শওয়াল ৬০৭ হিজরীতে হয়েছে। রওজা মোবারক মক্কা মোয়াজ্জেমায় কাবা শরীফের বায়ে জান্নাতুল মুয়া'ল্লাতে অবস্থিত। কিন্তু সেখানে ওহাবী শাসন কায়েমের পর মক্কা মোয়াজ্জেমা ও মদীনা মনোয়ারা তথা সমগ্র সউদী আরবের একমাত্র রসূলে মকবুল (দঃ)-এর রওজা মোবারক ব্যতীত সমস্ত মাজার শরীফ ধ্বংস করে ফেলা হয়েছে এবং বহু স্থানে সে সব মাজারের ওপর এখন প্রাসাদ গড়ে উঠেছে। অতএব পুস্তক ব্যতীত হযরত খাজা ওসমান হারুনী (রহঃ)-এর মাজার শরীফের চিহ্নও সেখানে খুঁজে পাওয়া সম্ভব নয়।

## ভূমিকা

হযরত খাজা বুজুর্গ ওয়ারেছুল আশিয়া ফিল্ হিন্দ মুঈনুদ্দীন হাসান চিশতী সন্জরী ছুয়া আজমেরী কান্দাসাল্লাহ সাররাহ তাঁর লিখনীর মাধ্যমে প্রকাশ করেছেন—

আমি দোয়া প্রার্থী, ঘৃণিত মুসলমান, অকর্মণ্য ফকির, আল্লাহর গোলাম, মুঈনুদ্দীন হাসান সন্জরী বাগদাদ শহরে হযরত খাজা ওসমান হারুনী কুদ্দেসা সিররুহুল আজীজের জিয়ারত (দর্শন) ও কদমবুসি (পদচুষন) লাভের সৌভাগ্য অর্জন করলাম। ঐ সময়ে অনেক মাশায়েখ (পীরগণ) আমার মুর্শেদের খেদমতে উপস্থিত ছিলেন যার জন্য ঐ জমীনকে আদবের স্বীকৃতি হিসেবে চুমু খেললাম। হযরত খাজা শায়খ ওসমান হারুনী (কুঃ সেঃ আঃ) আমাকে এরশাদ করলেন, “দু'রাকাত নামাজ পাঠ কর।” আমি যথার্থভাবে আদেশ পালন করলাম। আমার নামাজ শেষ হলে তিনি দাঁড়িয়ে গেলেন এবং আমার হাত ধরে আকাশের দিকে মুখ করে বলতে লাগলেন : “ইয়া এলাহি, আমি মুঈনকে তোমার হাতে সমর্পণ করলাম।” এরপর খানকা শরীফে তরীকার নিয়ম অনুযায়ী বিভিন্ন রিয়াজতে নিজেকে নিয়োজিত করলাম।

অতঃপর হযরত খাজা ওসমান (কুঃ সেঃ আঃ) মক্কা-মোয়াজ্জেমায় চলে গেলেন, আমিও তাঁর সঙ্গ লাভ হতে বঞ্চিত ছিলাম না। সেখানে তিনি আমাকে নাওদান (পানির নালী)-এর নিচে দাঁড় করিয়ে দোয়ায়ে খায়ের (উৎকৃষ্ট প্রার্থনা) করলেন। ঐশীলোক হতে আওয়াজ ভেসে এলো, “আমি মুঈনুদ্দীন সন্জরীকে গ্রহণ করলাম।” এরপর আমাকে মদীনায় নিয়ে গেলেন। যখন হযরত রসূলে মকবুল সাল্লাল্লাহু আলায়হে ওয়া সাল্লাম-এর রওজা মোবারকের পার্শ্বে পৌছলাম তখন আমার পীর ও মুর্শেদ আদেশ করলেন—সালাম করো, আমি সালাম করলাম। রওজা মোবারক হতে আওয়াজ হলো, “ওয়া আলায়কুমুসসালাম ইয়া কুতুবুল মাশায়েখ” (হে ঐশীজ্ঞান-জগতের মাশায়েখদের ধ্রুবতারা, তোমার ওপর আল্লাহর করুণা বর্ষিত হোক)। আমার মুর্শেদ এরশাদ করলেন, তোমার কর্ম যে কামালিম্মত (পরিপূর্ণতার স্তর) পর্যন্ত পৌছেছে তার স্বীকৃতি পেলে। পরে মদীনা শরীফ হতে রওয়ানা হয়ে আমরা বদখশানে এসে একজন বুজুর্গের সাক্ষাৎ করলাম, যিনি হযরত জোনায়েদ সুলগদাদী (রহঃ)-এর বংশধর ছিলেন। তাঁর বয়স তখন ছিলো ১৪০ বছর, তিনি সবসময় ধ্যানমগ্ন হয়ে থাকতেন, তাঁর একটা পা ছিলো না। একেবারে মূল থেকে কাটা ছিলো। আমরা দেখে একেবারে অবাক হয়ে গেলাম। পা



না থাকার কারণ জিজ্ঞেস করায় তিনি উত্তর দিলেন, “আমি দীর্ঘকাল যাবৎ এ এবাদতখানায় অবস্থান করছি। নফসের ইচ্ছায় কখনও এক কদমও এ এবাদতখানার বাইরে বের করিনি। একবার এমন হলো যে নফসের প্ররোচনায় এ কর্তিত পাঁটি এবাদতখানার বাইরে বের করেছি এবং অপরটি বের করে বাইরে যাওয়ার সিদ্ধান্ত নিয়েছি, এমন সময় অদৃশ্যালোক হতে ঐশী আওয়াজ ভেসে এলো, “হে প্রেমপ্রার্থী আমার সাথে প্রতিজ্ঞা করে ভুলে গেলে?” এ আওয়াজ শুনে সাবধান হলাম এবং ওয়াদা ভঙ্গের জন্য অনুতপ্ত হলাম। ছুরি আমার নিকট মজুদ ছিলো তৎক্ষণাৎ খাপ থেকে বের করে যে পাটা বাইরে বের করেছিলাম সেটাকে কেটে বাইরে ফেলে দিলাম। এ ঘটনা ঘটেছে আজ প্রায় ৪০ বছর। সে সময় হতে আজ পর্যন্ত সৃষ্টি অবলোকন হতে বিচ্ছিন্ন ও লজ্জিত আছি এ জন্য যে, কাল কেয়ামতে দরবেশদের সম্মুখে মুখ দেখাবো কি করে?

আমাদের পরবর্তী গন্তব্যস্থল ছিলো বোখারা। সেখানকার ছোট বড় সব রকম মাশায়েখদের সঙ্গে সাক্ষাৎ করলাম। এদের মধ্যে প্রত্যেকেই এমন সৌন্দর্যের অধিকারী ছিলো যাদের প্রশংসা বর্ণনার বহির্ভূত। এমনি করে দশটি বছর পীর ও মুর্শেদের সঙ্গে ভ্রমণ করে কাটলাম এবং পরে বাগদাদ পৌঁছলাম। বেশ কিছুদিন আমরা বাগদাদে অবস্থান করেছিলাম। তারপর আবার দশ বছরের জন্য পীর ও মুর্শেদের সঙ্গে ভ্রমণে বেরলাম। ভ্রমণ উপযোগী প্রয়োজনীয় উভয়ের আসবাবপত্র আমি মাথায় বহন করে পথ চলতাম। ভ্রমণের দশ বছর পূর্তি হলে বাগদাদে ফিরে এলাম। এরপর হজুর এক বিশেষ বন্দেগীর জন্য নির্জনতা বেছে নিলেন এবং আমি অধমের প্রতি নির্দেশ দিলেন, “আমি কিছুদিনের জন্য নিভূতে (মু'তেকিফ) অবস্থান করবো, ই'তিকাফ (উপসনার জন্য নির্জন বাস) হতে বাইরে বেরোব না, তুমি প্রত্যেক দিন একবার করে অবশ্য আসতে থাকবে, কিছু বিশেষ কথা বলবো যা আমার অবর্তমানে তোমার কাছে স্মরণীয় হয়ে থাকতে পারে। এ নির্দেশ দেয়ার পর তিনি ই'তিকাফ-এ বসলেন। এ অধম প্রত্যেকদিন খেদমতে হাজির হতো এবং হজুর জবান মোবারক হতে যা বলতেন, আমি লিখে রাখতাম। এভাবেই এ ২৮টি মজলিসের অমিয় বাণী জমা হয়েছে এবং আল্লাহুতায়ালার করুণায় নাম রাখা হয়েছে “আনিসুল আরওয়াহ”।

ঈমান (বিশ্বাস)-এর আহকাম (আদেশসমূহ) সম্বন্ধে আলোকপাত করলেন। এ সম্বন্ধে বলতে যেয়ে হযরত খাজা ওসমান হারুনী কুদ্দেসা সিররুহুল বারী বললেন যে, হযরত আমিরুল মু'মেনীন আব্বাহ্ রাদিআল্লাহুতায়াল্লা আনহু হতে বর্ণিত আছে যে, হযরত রসূলে মকবুল সাল্লাল্লাহু আলায়হে ওয়া সাল্লাম এরশাদ করেছেন, “ঈমান একটি উলঙ্গ জিনিস, তার পোশাক হলো, 'তাকওয়া' (সংযমশীলতা), তার পা' হচ্ছে দরিদ্রতা, তার ঘর হচ্ছে জ্ঞান এবং তার কথোপকথন হচ্ছে আশহাদু আল-লা-ই-লাহা ইল্লাল্লাহু ওয়া আশহাদু আন্লা মুহাম্মাদান আবদুহু ওয়া রাসূলুহু।” এরপর এরশাদ করলেন, “হে দরবেশ, ঈমানের মূল কখনও বৃদ্ধি পায় না কখনও হ্রাসও হয় না। যে বলে যে কমরেশি হয় সে নিজের অস্তিত্বকে (জাতকে) কষ্ট দেয়, কারণ সে মিথ্যা বর্ণনাকারী। এরপর এরশাদ করলেন, যখন রসূলে খোদা সাল্লাল্লাহু আলায়হে ওয়া সাল্লাম-এর প্রতি নির্দেশ এলো যে, কাফেরদের সঙ্গে ততক্ষণ পর্যন্ত যুদ্ধ করুন যতক্ষণ না তারা লা-ই-লাহা ইল্লাল্লাহু (আল্লাহ ব্যতীত কোন স্রষ্টা নেই) বলে। হযরত রসূলে খোদা সাল্লাল্লাহু আলায়হে ওয়া সাল্লাম সে নির্দেশ অনুসারেই কাজ করেছেন, যতক্ষণ না তারা কলেমা পড়ে ঈমান এনেছে অর্থাৎ পবিত্র অন্তকরণে সাক্ষী দিয়েছে যে আল্লাহ এবং তাঁর রসূল সত্য ততক্ষণ পর্যন্ত যুদ্ধ চালিয়ে গেছেন।

পরবর্তী পর্যায়ে নামাজ অবতীর্ণ হলে প্রত্যেকেই বিনা দ্বিধায় তা গ্রহণ করেছেন। এরপর রোজার আদেশ হলো, রোজাও সবাই সন্তুষ্ট চিত্তে গ্রহণ করলেন। তারপর এলো হজ্ব করার হুকুম। এর প্রতিও প্রত্যেকে সম্মান প্রদর্শন করলেন। অবশেষে এ সমস্ত পালন করার জন্য আদেশ হলো এবং বলা হলো সবই ঈমানের আরকান (স্তম্ভ)। নামাজ পালন করতে যেয়ে যদি নামাজের ক্ষতি বা অঙ্গহানি হয় তবে তা অতিরিক্ত (নফল) নামাজ দ্বারা পূর্ণ করতে সহজ করে দিয়েছেন আল্লাহুতায়াল্লা এবং এমতাবহায়ে ফেরেস্তাদেরকে বলেন, দেখ আমার বান্দারা নফল দ্বারা কিভাবে ফরজের গাটতি পূরণ করে নিচ্ছে। যে ফরজ এবং নফল কিছুই পাঠ করে না সে দোজখের শাস্তি ভোগ করবে। অবশ্য যদি সে আল্লাহুতায়ালার বিশেষ রহমতের আওতাধীন থাকে বা রসূলে মকবুল সাল্লাল্লাহু আলায়হে ওয়া সাল্লামের শাফায়াত লাভকারীদের অন্তর্ভুক্ত হয় তাহলে মুক্তি পাবে। যে ব্যক্তি আল্লাহুতায়ালার ফরজ (অবশ্য কর্তব্য) অস্বীকার করে, সে কাফের। কসম (শপথ) সেই মহাপরাক্রম আল্লাহুতায়ালার, কারো স্বাধীনতা নেই সে ঈমানের বিষয়গুলো হ্রাস-বৃদ্ধি করে। এরপর এরশাদ করলেন, হযরত আলী করিমুল্লাহ



ওয়াজহ হতে বর্ণিত আছে যে, রসূলে খোদা সাল্লাল্লাহু আলায়হে ওয়া সাল্লাম বলতেন, ঈমান নূর যা কুলবে অবস্থান করে। যদি কোন ব্যক্তি নেক কাজ করে তাহলে তার অন্তরে তখন শুভতা বৃদ্ধি পেতে থাকে এবং নেক কাজ তার মাঝে সুপ্রতিষ্ঠিত হলে সম্পূর্ণ অন্তর সাদা হয়ে যায়। এরূপ স্থলে ঈমানের স্বাদ অর্জিত হয়। এ ঈমান বিশেষভাবে বন্ধুত্ব লাভের জন্য। নিফাক (কপটতা) হলো অন্ধকার বন্ধু, যখন কোন মু'মিনের অন্তরে তা প্রবেশ করে তখন সেখানে কালিমার সৃষ্টি করে। গুনাহের পরিমাণ বাড়ার সাথে সাথে হৃদয়ের কালিমাও প্রসারিত হয়। গোনাহকর্মে দৃঢ়তা অবলম্বন করলে সম্পূর্ণ অন্তর অন্ধকার হয়ে যায়। এ অবস্থায় সে মোনাফেকে (অবিশ্বাসী) পরিণত হয়ে যায় এবং আল্লাহতায়ালার রহমত হতে বঞ্চিত হয়। এরপর এরশাদ করলেন, হে দরবেশ, যদি মো'মিনের দিল চেরা যায় তাহলে দেখবে সেখানে শুভতা ভিন্ন কালোর চিহ্নও পাবে না। তারপর বললেন, আমি আমার পীর ও মুর্শেদ হযরত খাজা হাজী শরীফ জিন্দানী কুন্দেশা সিরকুহর মুখে শুনেছি যে, হযরত আনিস বিন মালেক রাদিআল্লাহু আনহু পয়গাম্বর সাল্লাল্লাহু ওয়া সাল্লাম হতে রওয়ায়েত (বর্ণনা) করেছেন যে, প্রকৃত ঈমান কমবেশি হয় না। কিন্তু এর ১০১টা হদ (ধাপ বা পরিধি) আছে। যে ব্যক্তি এর মধ্যে কম বা বেশি বর্ণনা করবে সে ব্যত্যয় বা প্রভেদ সৃষ্টিকারী। এর প্রকৃত রূপ হচ্ছে লা ই-লাহা ইল্লাহ মুহাম্মাদুর রাসূলুল্লাহ। এর হদ' বা পরিধি হচ্ছে নামাজ, রোজা, হজ্জ ও যাকাত। যানাবাত (সহবাস)-এর গোসলও এর মধ্যে অন্তর্ভুক্ত। যে ব্যক্তি অধিক নেকি করবে সে অধিক ছওয়াব (প্রতিদান) পাবে এবং যে বিমুখ থাকবে সে কোন প্রতিদান পাবে না বরং ক্ষতিগ্রস্ত হবে। এরপর এরশাদ করলেন, 'কিয়ামতের' দিন বারিতায়ালা মু'মিনদেরকে তাদের 'আমল' (কর্ম) সম্বন্ধে জিজ্ঞাসাবাদ করবে, ঈমান সম্বন্ধে কোন প্রশ্ন করবেনা এবং কাফেরদেরকে ঈমান সম্বন্ধেই জিজ্ঞাসাবাদ করা হবে। মু'মিনদের ঈমান ধ্বংস হয় না কিন্তু কাফেরদের ঈমান ধ্বংস হয়ে যায়। নামাজ ত্যাগকারী এবং অস্বীকারকারী (মুনকির), নিম্নোক্ত হাদিসের নির্দেশে কাফের হয়ে যায়। হযরত রসূলে মকবুল সাল্লাল্লাহু আলায়হে ওয়া সাল্লাম এরশাদ করেছেন, 'মান তারাকাস্ সালাতা মুতা'আমেদান ফাকাদ কাফারা' অর্থাৎ যে ব্যক্তি বুখিয়া শুনিয়া নামাজ ত্যাগ করে সে কুফর (অবিশ্বাস) করে এবং কাফের হয়ে যায়। ইমাম শাফি রহমতুল্লাহে আলায়হের মজহাবে এমন ব্যক্তিকে কতল (হত্যা) করা ওয়াজেব।

এ অতুলনীয় ও অমিয় বাণী বর্ণনার পর হযরত খাজা নিশ্চুপ হলেন এবং স্বীয় কর্মে বিভোর হলেন। এ অধম তার জায়গায় চলে এলো।

মদুলিল্লাহ আলা জালেক।

হযরত আদম আলায়হিস্ সালাম-এর মোনাজাত সম্বন্ধে হযরত খাজা ওসমান হারুনী (রহঃ) আলোচনা আরম্ভ করলেন। বললেন, আমি হযরত খাজা নাসিরুদ্দীন মওদুদ চিশ্তী কান্দাসাল্লাহু সাররাহ হতে শুনেছি, তিনি বলেছেন, আমি "তাহীহ আল গাফেলীন" পুস্তকে লেখা দেখেছি যে হযরত আলী করমুল্লাহ ওয়াজহ, হযরত রসূলে মকবুল সাল্লাল্লাহু আলায়হে ওয়া সাল্লাম হতে শুনেছেন, আল্লাহু জান্নে কাদেরহ তাঁর পাক কালামে এরশাদ করেছেন, "ফাতালাক্বা আদামা মের রাবিবিহি কালেমাতিন ফাতাবা আলায়হে।"

যখন হযরত আদম (আঃ)-এর বেহেস্তী পোশাক তাঁর অপরাধের জন্য খসে পড়েছিলো যার কারণে তিনি বেহেস্তের মধ্যে এদিক-সেদিক দৌড়াচ্ছিলেন, তখন আল্লাহুতায়ালো তাঁকে জিজ্ঞেস করলেন, হে আদম, আমার নিকট হতে পালাচ্ছ কোথায়? হযরত আদম (আঃ) উত্তরে বললেন, হে খোদা, তোমার নিকট হতে কে পালাতে পারে এবং যাবেইবা কোথায়? আমি আমার ভুলের কারণে লজ্জিত হয়ে পড়েছি। অপরাধ স্বীকার করায় আল্লাহুতায়ালো তাঁকে কলেমা শিখালেন, যার উচ্চায় তিনি তওবা করলেন এবং পরম করুণাময়ের দরবারে তা গৃহীত হলো।

পরবর্তী পর্যায়ে চন্দ্রগ্রহণ ও সূর্যগ্রহণ সম্বন্ধে কিছু জটিল তথ্য প্রদান করলেন। হযরত এবনে আক্বাছ রাদিআল্লাহুতায়ালো আনহুর বরাত দিয়ে বললেন যে, তিনি হযরত রসূলে খোদা সাল্লাল্লাহু আলায়হে ওয়া সাল্লাম হতে রওয়ায়েত (বর্ণনা) করেছেন যখন মানুষের মধ্যে গুনাহের পরিমাণ বৃদ্ধি পায় তখন আল্লাহুতায়ালো ফেরেশতাদেরকে হুকুম করেন সেখানে চন্দ্র বা সূর্যের আলো কিছুক্ষণের জন্য ঢেকে দাও, যাতে সৃষ্টি সাবধান হয়। এরপর এরশাদ করলেন, যখন মহররম মাসে সূর্য বা চন্দ্রগ্রহণ হয় সে বছর অনেক 'বালা' (দুঃখ) অবতীর্ণ হয়, ফেতনা (গণ্ডগোল) বৃদ্ধি পায়, বুজুর্গদের উপরে বিনা কারণে অপবাদ ঘটে। সফর মাসে গ্রহণ হলে বৃষ্টি কম হবে, নদী শুকিয়ে যাবে। রবিউল আওয়াল মাসে সূর্যগ্রহণ বা চন্দ্রগ্রহণ হলে কঠিন আকাল পড়বে, যার ফলে অসংখ্য মানুষ মৃত্যুর কোলে ঢলে পড়বে। রবিউস সানি মাসে সূর্য বা চন্দ্রগ্রহণ হলে দেশের শস্যভাণ্ডার ভরে উঠবে কিন্তু বুজুর্গদের মৃত্যু অধিক হবে। জমাদিউল আউয়াল মাসে গ্রহণে ঝড়, বৃষ্টি ও তুফান হবে এবং আকস্মিক মৃত্যুর হার অনেক বেড়ে যাবে। জমাদিউস সানি মাসে সূর্যগ্রহণ বা চন্দ্রগ্রহণ হলে সুফল ফলবে। সে বছর ফসল খুব ভাল হবে এবং দ্রব্যমূল্য হ্রাস পাবে ও ঐশ্বর্য বেড়ে যাবে। রজ্জব মাসে যদি সূর্য অথবা চন্দ্রগ্রহণ, নতুন চাঁদের প্রথম শুক্রবারে হয়, তাহলে দুঃখ-দুর্ভিক্ষ মানুষের প্রতি



অত্যধিক বেড়ে যাবে। আকাশ হতে বিকট আওয়াজ শোনা যাবে। শাবান মাসে গ্রহণ হলে মানুষ সুখ-শান্তিতে থাকবে। এরপর হযরত রসূলে মকবুল সাল্লাল্লাহু আলায়হে ওয়া সাল্লাম এরশাদ করেছেন, যদি রমজান মাসের প্রথম শুক্রবারে দিনে অথবা রাতে সূর্য অথবা চন্দ্রগ্রহণ হয় তা হলে দেশে অনেক বিপদাপদ নেমে আসবে এবং অনেক লোক মারা যাবে। শওয়াল মাসে গ্রহণ হলে হাওয়ার গতি অত্যধিক বেড়ে যেয়ে অনেক গাছ উপড়িয়ে ফেলবে। জিলক্বদ মাসে গ্রহণ হলে অনেক রোগ অবতীর্ণ হবে। জিলহজ্ব মাসে গ্রহণ হলে মনে করবে দুনিয়ার আয় শেষ হয়ে এসেছে, ফেতনা প্রতিষ্ঠিত হবে, আয়েব (দোষ) ঢেকে রাখার লোক মরে যাবে, অপরের দোষ বলে বেড়াবার লোক অধিক হবে, বাইরের সাজসজ্জা বেড়ে যাবে, তাদের আখেরাতের সুফল বিনষ্ট হবে। দুনিয়ার প্রতি প্রেম বেড়ে যাবে। অর্থাৎ মানুষ পরকালের চিন্তা পর্যন্তও ছেড়ে দেবে। মানুষ মোনাফেকদের সম্মান করবে, দরবেশদেরকে দীন-দুঃখী মনে করে ঘৃণা করবে। সে সময় তাদের প্রতি আল্লাহ্‌তায়ালার এমন একটা বিপদ প্রতিষ্ঠিত করবে যার কারণে তাদের সুখ স্ত্রিনষ্ট হবে।

— নাউজুবিল্লাহ।

হযরত খাজা এ অমিয় বাণী বর্ণনা করার পর স্বীয় কাজে মশগুল হলেন। আমি আমার বিজন স্থানে চলে এলাম।

আলহামদুলিল্লাহ আলা জালেক।

### তৃতীয় মজলিস

হযরত খাজা ওসমান হারুনী কুদ্দেসা সিররুল্ল আলীজ শহরের অপকারিতা সম্বন্ধে জ্ঞান দান করলেন। বললেন, শেষ জমানায় শহরে অধিক গোনাহের কারণে শহর নষ্ট হয়ে যাবে। আমি যখন আমার পীরের সঙ্গে একসাথে সমরকন্দ সফর করছিলাম তখন হযরত খাজা মওদুদ চিশ্তী রহমতুল্লাহ আলায়হে-এর মুখে শুনেছি, তিনি বলেছিলেন, হযরত ইমামুল আশ্ফাইন মদিনাতুল উলুম ওয়াল মুতালেব আলী এবনে আবু তালিব করমুল্লাহ ওয়াজহ্ এরশাদ করেছেন, যখন এ আয়াত নাজেল হলো, “ওয়া ইমমিন্ কারুল্লাহ্ ইল্লা নান্নু মুহলেকুহা কাবলা ইয়াওমিল কেয়ামাতে আও মু'য়াজ্জিবুহা আজাবান শাদীদা। কানা জালেকা ফিল কিতাবি মাসতুরা” অর্থাৎ এমন কোন শহর নেই যেখানে কেয়ামত আসার পূর্বে দুঃখ কষ্ট ও দুর্দশা অবতীর্ণ হবে না এবং এমন কোন শহর নেই যেটা ধ্বংস ও নষ্ট হবে না। একথা ‘লওহে মাহফুজে’ লেখা আছে।

এরপর এরশাদ করলেন, হাবশীগণ (আবিসিনিয়ার অধিবাসী, নিগ্রো) মক্কাকে বিরান (জনশূন্য) করবে। মদিনা দুর্ভিক্ষের কারণে জনশূন্য হবে, বিপদাপদ অবতীর্ণ হবে, লোক অনাহারে মৃত্যুবরণ করবে। আমাদের দেশ (খোরাসান, বর্তমান ইরাক) “রিয়্যা” (কপটতা)-এর কারণে ধ্বংস হবে। শ্যাম দেশ (সিরিয়া) বাদশাহের জুলুমের কারণে ধ্বংস হয়ে যাবে। এ অবস্থায় আকাশ হতে এক প্রকার ফসল ধ্বংসকারী পোকা (টিড্ডি) জমিনে পতিত হবে। রোম ধ্বংস হবে সমমৈথুনের কারণে। বলখদেশ ব্যবসায়ী বন্ধুত্বের কারণে ধ্বংস হবে। মুসলমানগণ সুদ গ্রহণ করবে এবং নরখাদক হিসেবে চিহ্নিত হবে। এরপর এরশাদ করলেন, হযরত খাজা মওদুদ চিশ্তী (রহঃ) আরও বলেন যে, ভবঘুরে ও তাদের সঙ্গীদের রঙ্গ রস ও মদ্যপানের কারণে শহর ধ্বংস হবে। সিন্তান দেশ ভূমিকম্প ও অন্ধকারাচ্ছন্ন প্রলয়ে পাহাড় ফেটে চৌচির হয়ে যাবে এবং সেখানকার অধিবাসিগণের অস্তিত্ব বিলুপ্ত হয়ে যাবে। মিসর ও দামেস্কে মেয়েদের ওপর অত্যাচারের মাত্রা এতো বৃদ্ধি পাবে যে, যার কারণে তাদের একজনকে শূলিতে চড়াবে এবং অনেকে বলবে, এ হচ্ছে ফাতেমা (নবীদুলালী) নাউযুবিল্লাহ। সুতরাং এটাই হবে উক্ত দেশ দুটোর ধ্বংসের কারণ। ইরান এবং সিন্ধু ধ্বংস হবে হিন্দুস্থানের কারণে। হিন্দুস্থান ধ্বংস হবে ফ্যাছাদ, জিনা ও শরাব পানের কারণে। এরপর আল্লাহ্‌তায়ালার হাওয়াকে হুকুম করবেন দুনিয়ার অবশিষ্ট লোক ও দেশকে নিঃশেষ করো। এরপরও যারা বেঁচে থাকবে তাদের মাঝে তখন মুহাম্মদ ইবনে আবদিল্লাহ (ইমাম মেহেদী) আত্মপ্রকাশ করবেন। সারা দুনিয়ায় তখন ন্যায় প্রতিষ্ঠিত হবে। এরপর হযরত ইসা (ঈসাঃ) আসমান হতে অবতরণ করবেন। ঐ সময় সমস্ত জগতে দীন ইসলাম প্রতিষ্ঠিত হবে। এ অমিয়বাণী পেশ করার পর হজুর আল্লাহ্‌তে মশগুল হলেন। আমিও আমার জায়গায় ফিরে এলাম।

আলহামদুলিল্লাহ আলা জালেক।

### চতুর্থ মজলিস

এ মজলিসে স্ত্রীলোকদের স্বীয় স্বামীর আনুগত্য ও গোলাম মুক্ত করার ফজিলত (উপকারিতা) সম্বন্ধে বলতে যেয়ে বললেন, আমিরুল মু'মমীন হযরত আলী করমুল্লাহ ওয়াজহ্, হযরত রসূলে মকবুল সাল্লাল্লাহু আলায়হে ওয়া সাল্লাম হতে রওয়ায়েত (বর্ণনা) করেছেন যে, হযরত (দঃ) এরশাদ করেছেন, যে নারী স্বীয় স্বামীর ইচ্ছায় তার কাছে না যেয়ে দূরে দূরে থাকে তার সমস্ত নেকি এমনভাবে ধ্বংস ও নষ্ট হয়ে যায় যেভাবে সাপ তার খোলস ত্যাগ করে আলাদা হয়ে যায় এবং জঙ্গলের বালুর পরিমাণ



গুনাহ তার আমলনামায় লেখা হয়। যদি সে স্ত্রীলোক এমতাবস্থায় মারা যায় তবে সে দোজখ ভোগ করবে। দোজখের সত্তরটি দরজা তার জন্য উন্মুক্ত হয়ে যাবে। কিন্তু যে নারীর স্বামী তার ওপর সন্তুষ্ট থাকাকালীন অবস্থায় ইন্তেকাল করে, সে তৎক্ষণাৎ শ্রেষ্ঠ বেহেস্তে স্থান লাভ করবে। বেহেস্তের সত্তরটি দরজা তার জন্য উন্মুক্ত করে দেয়া হবে। ইমাম আবুল লায়ছা সমরকন্দি (রহঃ) স্বীয় কিতাব 'তাস্বীহ'-তে লিখেছেন, যে নারী স্বীয় স্বামীর নিকট রাগের সঙ্গে উপস্থিত হয় তার আমলনামায় আকাশের তারকারাজির সমপরিমাণ সংখ্যক গোনাহ লেখা হয়। এরপর এরশাদ করলেন, যদি স্বামীর শরীরে কোন স্থান হতে পুঁজ অথবা রক্ত প্রবাহিত হয় এবং স্ত্রী সেগুলো সাফ করার অভিপ্রায় মুখ দিয়ে চাটে, তবুও স্বামীর পূর্ণ হক আদায় হবে না। তারপর বললেন, হে দরবেশ, যদি আল্লাহ ছাড়া অন্য কাউকে ইবাদতের সেজদাহ করার হুকুম থাকতো তাহলে আল্লাহতায়াল্লা অবশ্যই স্ত্রীর প্রতি স্বামীকে সে রূপ সেজদাহ করার হুকুম প্রদান করতেন।

পরবর্তী আলোচনা গোলাম আজাদ করার ব্যাপার নিয়ে আরম্ভ করলেন। এমন সময়ে এক দরবেশ হজুরের খেদমতে উপস্থিত হয়ে জমিনে চুমু খেলেন। হজুর তার জন্য দোয়া-খায়ের করলেন। এরপর এরশাদ করলেন, রসূলে মকবুল সাল্লাল্লাহু আলায়হে ওয়া সাল্লাম হতে বর্ণিত আছে, যে ব্যক্তি কোন গোলামকে আজাদ করে দেয় তার আমলনামায় আজাদকৃত গোলামের শরীরের শিরা-উপশিরার সমপরিমাণ সংখ্যক নেকি লেখা হবে এবং যে পর্যন্ত সে একজন নবীর প্রাপ্ত পুণ্যের সমপরিমাণ সওয়াবের সৌভাগ্য অর্জন না করবে সে পর্যন্ত সে এই ধ্বংসশীল পৃথিবী হতে বিদায় নেবে না। এ ছাড়াও কিয়ামতের দিন সে নিজের মা-বাবা ও আত্মীয়স্বজনের মধ্য হতে ৭০ জনকে ক্ষমা করাতে পারবে এবং তার শরীর হতে তার দেহের লোমের সম পরিমাণ নূর উদ্ভাসিত হবে। আসমানে তার নাম ওলি-আল্লাহু (আল্লাহর বন্ধু) বলে উচ্চারিত হবে। এরপর এরশাদ করলেন, পয়গম্বর সাল্লাল্লাহু আলায়হে ওয়া সাল্লাম বললেন, গোলাম আজাদকারী ব্যক্তি যে পর্যন্ত না নিজের জায়গা বেহেস্তে দেখবে সে পর্যন্ত সে মারা যাবে না এবং প্রাণবায়ু বের করার সময় এ কাজে নিযুক্ত ফেরেস্তা (মালেকুল মউত) তাকে বেহেশ্তের সুসংবাদ প্রদান করবে। তারপর বললেন, যে ব্যক্তি বন্দী বা দাসকে মুক্তি দেবে সে এ নশ্বর পৃথিবীতে যে পর্যন্ত বেহেশ্তের সুখা (শারাবুন তহরা) পান না করবে সে পর্যন্ত সে নিজেকে মৃত্যুর নিকট আত্মসমর্পণ করবে না। মৃত্যু যন্ত্রণাও তার জন্য সহজ করা হবে। কিয়ামতের দিন আরশের নিচে ছায়া পাবে এবং বিনা হিসাবে বেহেশ্তে যাবে। এরপর এরশাদ করলেন, আহলে সলুকগণ দুনিয়াকে দোজখের চেয়েও নিকৃষ্ট মনে করে, কারণ দুনিয়ার সাথে বন্ধুত্ব করলে পথভ্রষ্ট হতে হয়; যার

তুলনা হলো অন্ধকারাচ্ছন্ন পথ। যেমন, কোন পথিক যদি অন্ধকারে পথ চলতে যেয়ে পথ হারিয়ে ফেলে তাহলে পুনরায় পথ খুঁজে পেতে তাকে খুবই কষ্ট করতে হয়। সুতরাং সেই ক্ষমতাবান, যে নিজের সত্ত্বকে এই দুনিয়ায় মৃত্যু ঘটিয়ে রাখে। যে দুনিয়াদারীতে নিজেকে না জড়িয়ে এ আবর্জনা হস্ত মুক্ত থাকে, সেই শ্রেষ্ঠতম স্তরে বা মাকামে পৌছে সফলতা অর্জন করতে সক্ষম হয়। এরপর এরশাদ করলেন, আহলে সলুক, 'দাসগণকে' হাজার প্রার্থনা ও আকাংক্ষা দ্বারা ক্রয় করে মুক্ত করেছে যেন কিয়ামতের দিন সে ঐ ওসিলায় (কারণে) দোজখ হতে মুক্তি পায়। যখন হযরত খাজা এ অমিয়বাণী বর্ণনা শেষ করলেন, তখন স্বীয়কর্মে বিভোর হলেন। এ দোয়াপ্রার্থী বিদায় নিয়ে নিজের জায়গায় ফিরে এলো।

আল্‌হামদুলিল্লাহু আলা জালেক।

### পঞ্চম মজলিস

হজুর সদকা সন্বন্ধে কথা শুরু করলেন, হযরত রসূলে মকবুল সাল্লাল্লাহু আলায়হে ওয়া সাল্লাম-এর নিকট আরজ করা হয়েছিল, কর্মের (আমলের) মধ্যে কোন কর্ম আফজল (শ্রেষ্ঠ)? উত্তরে তিনি এরশাদ করেছিলেন 'সদকা' (আল্লাহর উদ্দেশ্যে দান করা)। পুনরায় আবেদন করা হলো, 'সদকা কি জিনিস'? উত্তরে বললেন, কারও অভাব দূর করা। সদকা প্রদানকারীর আশপাশের ৭০ হাজার লোক কিয়ামতের ভয় হতে নিরাপদ থাকবে। এরপর এরশাদ করলেন, হযরত খাজা হাসান বসরী (রহঃ)-কে জিজ্ঞেস করা হয়েছিল সদকা দেয়া শ্রেষ্ঠ, না কোরান শরীফ তেলাওয়াৎ করা? উত্তরে তিনি বলেছিলেন, রসূলে মকবুল সাল্লাল্লাহু আলায়হে ওয়া সাল্লাম হতে বর্ণিত আছে যে, এক টুকরা রুটি বা একমুঠো খেজুর দান করা হাজার বার কোরান শরীফ খতম করার চেয়েও উত্তম। এরপর সদকা সন্বন্ধে একটা প্রত্যক্ষ ঘটনা বর্ণনা করলেন হযরত খাজা হাসান বসরী (রহঃ) সন্বন্ধে তিনি বলেছিলেন, একবার এক ইহুদীকে দেখলাম বাজারের মধ্যে দাঁড়িয়ে এক ক্ষুধার্ত কুকুরকে রুটি খাওয়াচ্ছে। তাকে বললাম, তোমার এ নেকি কবুল হবে না, কারণ তুমি ইসলামের বহির্ভূত সম্প্রদায়ের লোক। ইহুদী উত্তরে বললো, "হে খাজা (মহামান্য ব্যক্তি), যদি নেকি কবুল (গৃহীত) না হয় না হবে, কিন্তু খোদা তো দেখেন এবং জানেন।" এ ঘটনার বহুদিন পর আমি কাবা ঘর জিয়ারতের জন্য গিয়েছিলাম, তওয়াফের সময় দেখলাম এক বৃদ্ধা কাবা ঘরের পাশে সেজদাবনত হয়ে 'রাব্বি' 'রাব্বি' (আমার রব, আমার রব) বলছে, হঠাৎ গায়েবী আওয়াজ হলো, 'লাস্বায়িকা আবদি' অর্থাৎ- হে আমার এবাদতকারী, এইতো আমি উপস্থিত। আমি



তওয়াফ শেষ করে ঐ বৃদ্ধার নিকট গেলাম। বৃদ্ধা সেজদাহ হতে মাথা উত্তোলন করে আমার দিকে তাকিয়ে বললেন, “হে মাননীয়, আমায় চিনতে পেরেছেন? আমি সেই ইহুদী, যে বসরার বাজারে কুকুরকে রুটির টুকরো খাওয়াচ্ছিলাম এবং আপনি নিষেধ করেছিলেন। এবার আপনি দেখলেন তো করুণাময় আমার পুণ্য গ্রহণ করেছেন এবং আমাকে তাঁর কাছে ডেকে নিয়েছেন। হে মহামান্য হাসান, আল্লাহর কুদরতকে কেউই সম্পূর্ণরূপে জানে না এবং এটাও বুঝতে পারে না যে, কোন কাজের পরিণাম কি হবে!”

অতঃপর হযরত খাজা ওসমান হারুনী কুদ্দেসা সিররুহুল আজীজ এরশাদ করলেন, আমি সলুকের কিতাবে লেখা দেখেছি যে, খাজা ইব্রাহীম বিন আদহম (রহঃ) বলেছেন, এক বছর বন্দেগীর চেয়ে ১ দিরহাম (টাকা) সদকা দেয়া উত্তম এবং একজন গেলাম আজাদ করা সারা রাত্রি বন্দেগী করার চেয়ে উত্তম। এরপর এরশাদ করলেন, হযরত আলী করমুল্লাহ ওয়াজহ হযরত রসূলে খোদা (সাঃ)-কে জিজ্ঞেস করেছিলেন, ‘কোরান শরীফ’ তেলাওয়াৎ করা উত্তম না ‘সদকা’ দেয়া? তিনি বলেছিলেন সদকা দেয়া। কেননা, সদকা দোজখের আগুন হতে মুক্ত করে। এরপর বললেন, সদকা অন্তরে নূর পয়দা করে এবং হাজার রাকাত নামাজ অপেক্ষা অধিক প্রতিদান আনয়ন করে। এরপর বললেন, সদকা প্রদান করা নফল নামাজ হতে উত্তমতর। আরও বললেন, যারা সদকা দেয় এবং নামাজ পাঠ করে তাদের মর্যাদা অনেক উর্ধে। তারপর বললেন, কিয়ামতের দিন সূর্য যখন মাথা থেকে সোয়া হাত বল্লম পরিমাণ ওপরে অবস্থান করবে তখন সদকা তার মাথার ওপর গম্বুজ হয়ে যাবে। সদকা বেহেশতের পাথেয়। সদকা প্রদানকারী কখনও আল্লাহর করুণা হতে বঞ্চিত হবে না। এরপর আরও বললেন যে, আল্লাহ্‌তায়ালা বলেছেন, “দাতা বা দানকারীগণ আমার বন্ধু এবং দানকারীদেরকে কবর বা কেয়ামত-এর কোন আজাবই করা হবে না। এসব লোককে নিয়ে পৃথিবীও গর্ববোধ করে। এরা যখন পথ চলে তখন তাদের প্রতিটি পদক্ষেপের জন্য একটি করে প্রতিদান আমলনামায় লেখা হয়। দানশীল ব্যক্তিগণ এক হাজার বছর পূর্বে বেহেশতের সুস্রাণ গ্রহণ করবে এবং প্রতিদিন তাদের আমলনামায় একজন পয়গম্বর (আঃ)-এর পুণ্য লেখা হবে।”

পরবর্তী বক্তব্য পেশ করলেন আউলিয়া (রহঃ)-র সঙ্ঘে এরশাদ করলেন আল্লাহর বন্ধুগণ (আওলিয়া আল্লাহ) দশ দশটি পর্যন্ত নিজেদের নফসের বাসনা পূরণে বিরত ছিলেন। বর্ণিত আছে যে, হযরত খাজা আবু তোয়াব নহশী, যিনি অত্যন্ত উচ্চপর্যায়ের বুজুর্গ ছিলেন, তাঁর ২০ বছর যাবৎ বাসনা ছিলো, ডিম সহকারে মোরগের মাংস দিয়ে রুটি খাবেন কিন্তু নফসের এ ইচ্ছাকে তিনি কোনদিন পূরণ করেননি। ২০ বছর পর তাঁর ইচ্ছা হলো আজ নফসের ইচ্ছা পূরণ করা দরকার এবং সেই অনুসারে সন্ধ্যায়

ইফতারের ব্যবস্থা করলেন। সেই দিন ঘটলো একটা বিভ্রাট, তিনি যোহরের নামাজের জন্য নতুন ওজু করতে বিজন বনের দিকে যাচ্ছিলেন হঠাৎ পৃথিমধ্যে এক বালক দৌড়ে এসে তাঁর হাত ধরে বলতে লাগলো, “কাল তুমি আমার জিনিসপত্র চুরি করে নিয়ে গেছো, আজ আবার কি চুরি করতে এসেছ?” লোকজন ‘চোর- চোর’ আওয়াজ শুনে জমা হয়ে গেলো, ঘটনাচক্রে বালকটির পিতাও সেখানে উপস্থিত হয়েছিলো। সে ছেলের নিকট থেকে সব শুনে হযরত খাজাকে ধরে বিশটি ঘুঁষি মারলো। এমন সময় হযরত খাজা তোরাব নহশী (রহঃ)-এর এক পরিচিত ব্যক্তি উপস্থিত হয়ে এ অচিন্ত্যনীয় ঘটনা অবলোকনে হকচকিয়ে গেলো। সে তখন উপস্থিত জনতাকে লক্ষ্য করে বললো উনি চোর নন, উনি মহামান্য ও মাননীয় তোরাব নহশী (রহঃ)। এ বাক্য উচ্চারিত হওয়ার সাথে সাথে উপস্থিত জনতা স্তিমিত হয়ে গেলো এবং নিজেদের ভুলের জন্য অনুশোচনা করতে লাগলো এবং বললো, হুজুর আমরা আপনাকে চিনিনি, আমাদের অন্যায় হয়ে গেছে, মাফ করে দিন। তিনি জনতার কবল থেকে মুক্ত হয়ে ঐ পরিচিত ব্যক্তির সাথে তার বাড়ীতে মেহমান হলেন। ইফতারের সময় সে লোক তাঁর জন্য মোরগের গোস্ত; ডিম ও রুটি পরিবেষণ করলো। ইফতারের নফসের চাহিদা অনুযায়ী আহার্য দেখে তিনি বলে উঠলেন, “এগুলো জলদি এখন থেকে দূর করো, আমি এসব জিনিস আহার না করে শুধু আহারের বাসনা পোষণ করার জন্য লাভ করেছি বিশ ঘুঁষি, আর যদি এসব আহার করি তাহলে না জানি কোন ধরনের বিপদে আবদ্ধ হই। পরের ঘটনা হলো তখন তিনি ওগুলোতো খেলেনই না বরং বাকি জীবনেও তিনি আর নফসের কোন বাসনাই পূরণ করেননি।

এ পর্যন্ত বলা শেষ করে হুজুর আল্লাহতে মশগুল হলেন এবং আমি আমার নির্দিষ্ট স্থানে ফিরে এলাম।

আলহামদুলিল্লাহু আলা জালেক।

ষষ্ঠ মজলিস

শরাবখোর বা মধ্যপায়ীদের সঙ্ঘে বক্তব্য পেশ করলেন। হযরত আমিরুল মো'মেনীন ওমর রাদিআল্লাহ্‌তায়ালা আনহু হযরত রসূলে মকবুল সাল্লাল্লাহু আলায়হে ওয়া সাল্লাম হতে রওয়াকে (বর্ণনা) করেছেন, শরাব (মদ বা সূরা) সম্পূর্ণরূপে ‘হারাম’। পরিমাণে কম হোক অথবা অধিক হোক সর্বপ্রকার পরিমাণই হারাম (নিষিদ্ধ)। কিন্তু আঙ্গুরের রস বের করে পান করা হারাম নয়। অবশ্য যদি সে রস রেখে দিয়ে পরে পান করে তাহলে নাজায়েজ (অনুচিত)। এরপর এরশাদ করলেন রসূলে



মকবুল সাল্লাল্লাহু আলায়াহি ওয়া সাল্লাম-এর নির্দেশ হচ্ছে লা'নত (অভিশাপ) সেই ব্যক্তিদের উপর যারা 'শরাব' পান করে অথবা বিক্রি করে অথবা বিক্রিত মূল্য দ্বারা নিজের কর্ম সমাধা করে। এরপর বললেন, এ সব কথা হচ্ছে হুকুম বা আদেশের ব্যাপার এবং এ জিনিস পান না করা খুব কঠিন কোন কাজ নয়, কেননা প্রথম থেকে অভ্যেস না থাকলেই তো হলো কিন্তু যারা মধ্যপানে অভ্যস্ত তাদের জন্য ত্যাগ করা কষ্টের ব্যাপার হলেও ত্যাগ অবশ্য কর্তব্য। সলুকের পথে এমন এমন মহাপুরুষ (বুজুর্গ) গত হয়ে গেছেন যাঁরা নিজের নফসকে হালাল (বেধ) পানিও পান করতে দেয়নি। উপমা স্বরূপ হযরত খাজা ইউসুফ চিশ্টি রহমতুল্লাহ আলায়হের ঘটনা বর্ণনা করলেন। এক রাত্রে তাঁর ইচ্ছা হলো হাজার রাকাত নামাজ পাঠ করবেন। কিন্তু তাঁর নফস বিরুদ্ধাচরণ করায় পড়তে পারেননি। সকালে চিন্তা করতে লাগলেন নফসের বিরুদ্ধাচরণের কারণ কি? বহু অনুসন্ধানের পর তাঁর মনে হলো রাতে এক কৌজা (পানি পান করার পাত্র) পানি অধিক পান করে ফেলেছেন এবং সমস্ত ফ্যাসাদ (গন্ডগোল) ঐ পানিকে কেন্দ্র করেই ঘটছে। অতঃপর শপথ করলেন, 'যত দিন জীবিত থাকবো নফসকে (নিজে) তার ইচ্ছা মতো পানি পান করতে দেব না বরং পিপাসার্ত থাকবো। পরিশেষে তিনি তাই করেছিলেন, যত দিন পর্যন্ত জীবিত ছিলেন কখনও আর পেট ভরে বা চাহিদা অনুযায়ী পানি পান করেননি। হজুর এ পর্যন্ত বর্ণনা করে মশগুল হলেন আমিও স্বীয় কুটির ফিরে এলাম।

আলহামদুলিল্লাহ আলা জ্বালেক।

### সপ্তম মজলিস

আজকের বক্তব্য ছিল মু'মেনদেরকে (বিশ্বাসীদেরকে) দুঃখ দেয়া সম্বন্ধে। হজুর এরশাদ করলেন, হজুর করিম সাল্লাল্লাহু আলায়হে ওয়া সাল্লাম নির্দেশ করেছেন, মুসলমানদেরকে দুঃখ দিও না। কারণ, এদের সিনার (বক্ষের) মধ্যে সত্তরটি পর্দা রয়েছে এবং প্রতিটি পর্দার উপর একজন করে ফেরেস্তা অবস্থান করছেন। যে ব্যক্তি কোন মুমেন-মুসলমানকে দুঃখ দেয় প্রথমতঃ সে যেন কোন ফেরেস্তাকে কষ্ট দেয় অর্থাৎ যন্ত্রণা প্রথমে ফেরেস্তাগণের মধ্যেই অনুভূত হয় এবং পরে মোমেন উপলব্ধি করে। যে ব্যক্তি মোমেনকে কষ্ট দেয়, ৭০টি কবীরাহ গুণাহ (মদ্যপান, জেনা অথবা এধরনের নিষিদ্ধ কোন কর্মের অপরাধকে কবীরাহ গোনাহ বলা হয়) তার কর্মফলের (আমলনামায়) সাথে যোগ হয় এবং তার জন্য দোজখের মধ্যে একটা শাস্তির ঘর তৈরী হয়। মোনাফেক (প্রবঞ্চক, ভদ্র, কপট) ব্যতীত কেউ মো'মেনদের অন্তরে কষ্ট দেয় না।

পরবর্তী বক্তব্য ছিল সুন্নত ও নফল নামাজ নিয়ে। বললেন ফরজের পরেই সুন্নত ও নফলের স্থান। আমাদের মাশায়েখ (পীরগণ) রহমতুল্লাহ আলায়হিম এরশাদ করেছেন, যে ব্যক্তি নামাজের পূর্বে চার রাকাত নফল নামাজ প্রথমে পাঠ করে এবং কোরান শরীফের মধ্য হতে যা তার স্বরণে আসে সূরা ফাতেহার সঙ্গে সংযুক্ত করে (অর্থাৎ সূরা ফাতেহার শেষ অক্ষরটির উপরে পেশ দিয়ে পরবর্তী সূরা বা আয়াতের সঙ্গে মিলিয়ে পড়তে হবে) পড়বে সে এই দুনিয়াতে বেহেস্তের সুসংবাদ পাবে এবং মৃত্যুর পর ৭০ হাজার ফেরেস্তা প্রত্যেকে ভিন্ন ভিন্ন উপহার নিয়ে আসবে এবং দাফনের পর তার কবরে নূরের তবক বিছিয়ে দেয়া হবে। হাশরের দিন ঐ ফেরেস্তাগণই তাকে কবর থেকে উত্তোলন করবে এবং ৭০ প্রকার বেহেস্তী পোশাক পরিধান করাবে। আল্লাহু আরাযিকনা মিনহু (হে আল্লাহ আমাদেরকে উহা হতে রেজেক দান কর)। এরপর এরশাদ করলেন, যোহরের সুন্নতের পূর্বে যে ব্যক্তি চার রাকাত নফল নামাজ পাঠ করবে এবং এ নামাজের জন্য যে সব সূরা-কারাত নির্ধারিত আছে তা সঠিকভাবে অনুসরণ করবে আল্লাহতায়ালার তার হাজার বাসনা পূর্ণ করবেন। প্রত্যেক রাকাতের বিনিময়ে এক হাজার বছর এবাদতের ছওয়াব পাবে। এরপর বললেন, যে ব্যক্তি আছরের ৪ রাকাত সুন্নতের পূর্বে ৪ রাকাত নফল নামাজ পড়বে সে তার প্রতি রাকাতের বিনিময়ে বেহেস্তে একটি করে প্রাসাদ (মহল) পাবে। এ রওয়াকে হযরত আবু হুরায়রা (রাঃ) হযরত রসূলে খোদা (সাঃ)-হতে বর্ণনা করেছেন। যে ব্যক্তি মাগরেবের নামাজের পরে ৪ রাকাত নফল নামাজ পড়বে সে ব্যক্তি রোজ হাশরের আরশের ছায়ায় নিচে-স্থান পাবে। যে ব্যক্তি মাগরেব ও এশার মধ্যবর্তী সময়ে চার রাকাত নামাজ পাঠ করবে আল্লাহতায়ালার তাকে সমস্ত বালামুসিবত হতে মুক্ত রাখবেন এবং বিনা হিসেবে তাকে বেহেস্ত প্রদান করবেন। এ ছাড়াও প্রত্যেক রাকাত নামাজের বিনিময়ে এক একজন নবী (আঃ)-দের ছওয়াব প্রদান করা হবে। যে ব্যক্তি এশার নামাজের পরে ৪ রাকাত সুন্নত নামাজ পাঠ করবে সে আল্লাহতায়ালার বারগাহে (দরবারে) গৃহীত হবে এবং বিনা হিসেবে বেহেস্তে স্থান পাবে। এই সমস্ত নামাজ আল্লাহতায়ালার বঙ্গুগণ ব্যতীত কেউ পাঠ করেন না। এরপর এরশাদ করলেন, যে ব্যক্তি অধিক নামাজ পাঠ করে, তার অর্জিত ছওয়াবের পরিমাণ হবে ফেরেস্তাদের অর্জিত এবাদত হতেও অধিক। অর্থাৎ ঐ পরিমাণ ছওয়াব তাকে দান করা হবে।

এরপর বললেন, মো'মেনদেরকে দুঃখ-কষ্ট দেয়া সম্বন্ধে। অতঃপরে সলুকগণ অপরের সঙ্গে কথা বলা এই জন্য বন্ধ করে দেয় যাতে কথা বলতে যেয়ে কোন মুসলমান ভাইয়ের অন্তরে দুঃখ না দেয়া হয়। আহলে সলুক শুধু ভয় পায় এই ব্যাপারকেই এবং এ জন্যই তারা নিজেদেরকে বোবা ও বধির করে রাখে। এই পর্যন্ত বলার পর হজুর আল্লাহতে মশগুল হলেন এবং আমি আমার নির্ধারিত স্থানে ফিরে এলাম।

আলহামদুলিল্লাহ আলা জ্বালেক।



## অষ্টম মজলিস

গালি দেয়া সম্বন্ধে আলোচনা শুরু করলেন। এরশাদ করলেন, কোন ব্যক্তি কোন মুসলমানকে গালি দেয়ার অপরাধের মানদণ্ডটি দাঁড়ায়, স্বীয় মা বোনের সঙ্গে 'জেনা' (নিষিদ্ধ সহবাস) করার সমতুল্য। ফেরাউনের সাহায্যকারীদের মধ্যে তার নাম লেখা হয়ে যায়। (ফেরাউন হযরত মুসা (আঃ)-কে দুঃখ কষ্ট দেয়ার অগ্রনায়ক ছিল।) এরপর এরশাদ করলেন, কোন ব্যক্তি কোন মুসলমানকে গালি দিলে তার দোয়া ১০০দিন পর্যন্ত কবুল হয় না এবং সে যদি বিনা তওবায় মৃত্যু বরণ করে তাহলে দোজ্জখে হবে তার বাসস্থান। পরে এরশাদ করলেন, এক সময় হযরত খাজা নাসিরুদ্দিন আবু ইউসুফ চিশ্তী কুদ্দেসা সিররুহুল আজিজ-এর মজলিসে উপস্থিত ছিলাম। ইলমের বাহাস (জ্ঞানের বিতর্ক) চলছিলো। এক ব্যক্তি খুব বাকপটু দেখাচ্ছিলো এবং উচ্চৈঃস্বরে কথা বলছিল। খাজা আবু ইউসুফ চিশ্তী (কুঃ সেঃ আঃ) ঐ ব্যক্তিকে বললেন, আস্তে কথা বল। এ কথা শুনে সে ব্যক্তি চুপ হয়ে গেলো এবং নিজের জিহ্বাকে এমনভাবে চিবালো যে, একেবারে রক্তাক্ত হয়ে গেলো। অবশেষে নিজের নফসের দিকে খেয়াল করে বলতে লাগলো, তোর এই অযথা কথা বলার কি প্রয়োজন? মজলিস হতে নিশ্চুপ উঠে বেরিয়ে গেল। পরবর্তীতে সে দশ বছর পর্যন্ত এই অপরাধের জন্যে নির্জনে এরাদতে মশগুল ছিল।

এরপর খাবার দেয়া হলো। দস্তুরখানা সাদা ছিলো। তিনি বললেন, লাল দস্তুরখানা নিয়ে এসো, তার উপর খাবার রেখে খাওয়া হবে। কেননা হযরত রসূলে মকবুল (সঃ) খাঞ্চগর (Tray) মধ্যে রেখে খুব কম সময়েই আহার করতেন; যদি মেহমান আসতো এবং মেহমানদারি করা হতো, তা হলেও লাল দস্তুরখানা ব্যবহার করা হতো। এরপর এরশাদ করলেন, হযরত ঈসা (আঃ)-এর দস্তুরখানাও লাল ছিল এবং সেটা আসমান হতে অবতীর্ণ হয়েছিল। এরপর এরশাদ করলেন, যে ব্যক্তি লাল দস্তুরখানে আহার করে তার প্রতি লোকমা (গ্রাস)-এর প্রতিদানে একশ' করে ছুওয়াব পাবে এবং বেহেশ্তের ১০০টি দরজা তার জন্য নির্ধারিত হবে। সে ব্যক্তি বেহেশ্তের মধ্যে সব সময়ই হযরত ঈসা (আঃ) ও অন্য নবীদের হাজার হাজার সালাম ও আশীর্বাদ লাভ করবে, আর যে ব্যক্তি লাল দস্তুরখানে কোন গরীব-দুঃখীকে আহার করাবে তার জন্য শ্রেষ্ঠ প্রতিদান তার আমলনামায় লেখা হবে এবং যখন রুটি খাওয়া শেষ হবে তখন আল্লাহুতায়্যা তার পুঞ্জিত গুনাহকে মাফ করে দেবেন। এরপর এরশাদ করলেন, লাল দস্তুরখানে খাবার খাওয়া হযরত ইব্রাহিম খলিলুল্লাহ (আঃ)-এর সুন্নত এবং এই সুন্নত অন্য আন্নিয়াদেরও

ছিল। হযরত মুসা (আঃ) কখনও লাল দস্তুরখানে খাবার না রেখে আহার করতেন না। এরপর হযরত কসম খেয়ে বর্ণনা করলেন, কসম সেই খোদার যার হাতে নিহিত আছে আমার প্রাণ; যে ব্যক্তি লাল দস্তুরখানে রুটি খাবে সে এক ওমরা হজ্বের ছুওয়াব পাবে এবং এক হাজার ক্ষুধার্থকে পেট ভরে আহার করানোর ছুওয়াব পাবে। সে ব্যক্তি এত বেশী ছুওয়াব লাভ করবে যেন আমার উম্মতের মধ্যে হাজার বন্দীকে মুক্ত করালেন। এরপর এরশাদ করলেন, যে ব্যক্তি সব সময় লাল দস্তুরখানে আহার করতে থাকে রোজ হাশরে জিব্রাইল (আঃ) তার জন্য বেহেশ্তী পোশাকসহ বোরাক নিয়ে আসবে, বোরাকের উপরে উপবেশন করিয়ে এবং পোশাক পরিয়ে বেহেশতে নিয়ে যাবে। এরপর এরশাদ করলেন, যে ব্যক্তি কোন মেহমানকে লাল দস্তুরখানে আহার করাবে, যে প্রতিটি দানা, যা সে মেহমানকে ভক্ষণ করাবে, প্রতিদানে সে হাজার হাজার নেকি পাবে। এরপর এরশাদ করলেন, আমি আমার পীর হযরত খাজা হাজী শরীফ জিন্দানী (রঃ)-এর মুখে শুনেছি, তিনি বলেছিলেন, যে ব্যক্তি লাল দস্তুরখানে খানা খাবে এবং খাওয়াবে আল্লাহুতায়্যা তাকে রহমতের নজরে দেখেন এবং হাজারটি বেহেশ্তের প্রকোষ্ঠ তাকে দান করবেন। হযরত খাজা যখন এ বর্ণনা শেষ করে মশগুল হলেন, তখন দোয়াপ্রার্থী নিজের জায়গায় ফিরে এলো।

আলহামদুলিল্লাহ আলা জালেক।

## নবম মজলিস

বুস্তি বা পেশা সম্বন্ধে আলোচনা শুরু করলেন। বললেন, হযরত রসূলে মকবুল (সঃ)-এর নিকট একবার জানতে চাওয়া হয়েছিল ব্যবসা করা কেমন? জবাবে তিনি বলেছিলেন, 'আলকাসিবু হাবিবুল্লাহ' অর্থাৎ যারা ব্যবসা করে তারা আল্লাহর বন্ধু। ঐ সময় মজলিসের মধ্য হতে একজন লোক দাঁড়িয়ে বললেন, ইয়া রাসূলুল্লাহ, আপনি আমার পেশা সম্বন্ধে কি বলেন? রাসূল (সঃ) এরশাদ করলেন, তোমার পেশা কি? সে বলল, আমি দর্জির কাজ করি। তিনি বললেন, তোমার পেশা খুব উত্তম, যদি তুমি সততা অবলম্বন কর, কাল কেয়ামতে ঈদ্রীস (আঃ)-এর সঙ্গে তোমার হাশর হবে। এরপর আর একজন লোক দাঁড়িয়ে বললেন, আমার পেশা সম্বন্ধে আপনি কি বলেন? তিনি জিজ্ঞেস করলেন তোমার পেশা কি? তিনি উত্তরে বললেন, আমি 'হারহী' অর্থাৎ কৃষক, খাদ্যশস্যের চাষাবাদ করি। তিনি উত্তর দিলেন, এ কাজটি খুবই উত্তম। হযরত জিব্রাইল আঃ হযরত আদম (আঃ) কে এই পেশা শিখিয়েছিল। যদি মিথ্যা না বল এবং চুরি না কর তাহলে হাশরের দিন আদম (আঃ)-এর সঙ্গে তোমাকে উঠানো হবে ও উত্তম বেহেশ্ত দান করা হবে এবং তার প্রতিবেশী হবে। এরপর কজন বললেন ইয়া রাহুল্লাহ



সাল্লাল্লাহু আলাইহি ওয়া সাল্লাম আমি কর্মকার। তিনি বললেন তোমার পেশা পূর্ণতা লাভ করে হযরত দাউদ (আঃ)-এর হাতে। তিনি বললেন যারা কর্মকার তাদের হাশর আমার সঙ্গে হবে। বেহেস্তে সে আমার পর্শী হবে। এরপর আরও একজন লোক দাঁড়িয়ে বললেন, ইয়া রাসূলান্নাহ, আপনি আমার পেশা সম্বন্ধে কি আদেশ করেন? তিনি জিজ্ঞাসা করলেন, তোমার পেশা কি? তিনি উত্তর দিলেন, আমার পেশা 'কশতকারী' অর্থাৎ (শাজি-তরকারি) উৎপন্ন করি। তিনি বললেন, তোমার ব্যবসা অত্যন্ত ভাল, হযরত ইব্রাহিম (আঃ)-এরও এই পেশা ছিল। "আল্লাহুতায়াল্লা মঙ্গল করুন এবং সুফল প্রদান করুন" হযরত ইব্রাহিম (আঃ) এই পেশা অবলম্বনকারীদের জন্য দোয়া করেছিলেন। হাশরের দিন আমার সাথে তাদের হাশর হোক এবং আমার প্রতিবেশী হোক। এবার অন্য একজন দাঁড়িয়ে বললেন আমার পেশা শিক্ষকতা। তিনি জবাবে বললেন, এই পেশাধারীকে আল্লাহুতায়াল্লা বন্ধু মনে করেন। আরও বললেন, হাশরের দিন আমার সঙ্গে তোমার হাশর হবে এবং তুমি আযরে আজীম (শ্রেষ্ঠ প্রতিদান) লাভ করবে। যদি পড়াবার সময় নির্ভুল ও মনোযোগ সহকারে পড়াও তাহলে ফেরেস্তা তোমার জন্য আস্তাগফার (ক্ষমা প্রার্থনা) করবে। এরপর আরও একজন লোক দাঁড়িয়ে বলতে লাগলেন, আমার পেশা তেজারত ব্যবসা। তিনি এরশাদ করলেন, এটাও ভাল পেশা যদি সততা বজায় রাখ তাহলে হযরত লোকমান (আঃ)-এর সঙ্গে বেহেস্তে স্থান পাবে। এরপর তিনি বললেন, হযরত রসূলে মকবুল (সাঃ) এরশাদ করেছেন, তালাবাল হালালে ফারিজাতুন আলা কুল্লে মুসলেমেও ওয়া মুসলেমাতিন। অর্থাৎ হালাল রুজি প্রত্যেক মুসলমান নর-নারীর উপর ফরজ। এরপর এরশাদ করলেন, "আলকাসেবু সাদিকুল্লাহ" অর্থাৎ পেশা অবলম্বনকারী আল্লাহুর সাদেক অর্থাৎ বন্ধু। অন্যত্র বলেছেন, আল কাসেবু হাবিবুল্লাহ অর্থাৎ পেশা অবলম্বনকারী আল্লাহুতায়াল্লা বন্ধু। এরপর এরশাদ করলেন, বৃত্ত অবলম্বনকারীর উচিত, যে পেশায়, আকৃষ্ট হয়েছে তার উপর অধিক গুরুত্ব না দিয়ে বুঝতে চেষ্টা করা পেশা শুধু পেশার জন্যই। এতে অন্য কোন উপকার নেই। তাকে অবশ্যই ফরজ নামাজ, রোজা ও রসূলে খোদা (সাঃ)-এর সুন্নতসমূহকে প্রথমে খেয়াল রাখতে হবে এবং এগুলো সমাধা করার পর পেশায় নিয়োজিত হতে হবে। আল্লাহুতায়াল্লা করণা লাভের জন্য নিজের নিয়তকে বিশুদ্ধ রাখা অত্যন্ত প্রয়োজন। আহলে আশেকদের মধ্যে যদি কেউ চিন্তা করে যে পেশার মাধ্যমে রুজি আসে তাহলে সে সাথে সাথে কাকের হয়ে যাবে। কেননা রিযিকের ব্যাপারে হযরত রসূলে মকবুল (সাঃ) বলেছেন, রিজিক দানের অধিকর্তা হচ্ছেন আল্লাহু রাব্বুল আলামিন স্বয়ং। যদি কেউ বলেন, "ম্যায় আক্বিবানকে কাম করতে হ্যায় আওর বিবি বনকে খাতে হ্যায়" অর্থাৎ আমি অন্ধ সেজে কাজ করি এবং বিবি সেজে খাই, তাহলে এ প্রবচনকারীও কাকের হয়ে যায় এবং এরূপ আরও অনেক খারাপ প্রবচন

আছে যা আমরা ব্যবহার করি কিন্তু যার পরিণতি জানি না। এরপর এরশাদ করলেন, আমি 'উমদাহ' কেভাবে লেখা দেখেছি হযরত আবু দারদা (কুঃ সাঃ) প্রথম দিকে দোকানদারীর পেশায় একযুগ পর্যন্ত নিয়োজিত ছিলেন এবং পরে হঠাৎ করে ছেড়ে দিলেন। লোকজন তাঁকে এর কারণ জিজ্ঞেস করায় তিনি উত্তর দিলেন আমার কাছে এর স্বরূপ উদ্ঘাটিত হয়েছে। আমার এ দোকানদারী মুসলমানিত্বের সঙ্গে সম্পর্কযুক্ত ছিল না, আমার দ্বারা এ কাজের মাধ্যমে মুসলমানের প্রাপ্য সম্পূর্ণ আদায় হচ্ছিল না বরং কমে যাচ্ছিল। এরপর এরশাদ করলেন, হযরত ইমামে আজম আবু হানিফা (রাঃ) কোন এক লোকের নিকট কিছু টাকা পেতেন। তিনি যখন তার কাছে টাকা ফেরত চাইতেন তখন সে প্রত্যেকদিনই পরিশোধ করার শপথ করত। পরে একদিন সে সাত দিনের সময় চাইলে তিনি তাকে সময় দিলেন। সে এক সপ্তাহের মধ্যে কোন কাজ সমাধা করতে শ্যাম দেশে চলে গেল, কিন্তু ফিরে এলো এক বছর পরে। তিনি আবার তাকে তাগাদা দিলেন, সে আবার সাতদিনের সময় চাইল। তিনি এবারও তাকে সময় দিলেন কিন্তু পূর্বের মত এবারও সে অন্য কোথাও চলে গেল এবং এক বছর পর ফিরে এলো। এমনিভাবে হযরত ইমাম আবু হানিফা (রাঃ) তাকে সাতবার সময় দিলেন এবং সাত বারই অন্যত্র যেয়ে এক বছর পর দেশে ফিরে আসতো। কিন্তু এজন্য ইমাম সাহেব তখনও তার প্রতি কটুবাক্য ব্যবহার করেননি। শেষ বার যখন সে ফিরে এলো তখন ঐ লোকটি বলতে লাগলো, আপনার মজহাব-এর আদর্শ দেখে দুঃখ হয় যে, এত পরিচ্ছন্ন আদর্শ দেখেও মানুষ গ্রহণ না করে থাকতে পারে কি করে? সে আবেদন করলো, হযরত আপনি আমাকে ইসলামে দীক্ষিত করুন। হযরত তাকে ইসলামে দীক্ষা দিলেন। এই ঘটনা বলা শেষ করে হযরত খাজা ওসমান হারুনী (রহঃ) বলতে লাগলেন যে, ঐ ব্যক্তির ইসলাম গ্রহণ করার সময় ঘনিয়ে এসেছিল যার জন্য ইমামকে আল্লাহুতায়াল্লা তাঁর প্রতি মেহেরবান করে দিয়েছিলেন। তাই সেদিন লোকটি তাঁর মেহেরবানীর মর্যাদা মুসলমান হওয়ার মাধ্যমে প্রদান করলো। এই পর্যন্ত বলা শেষ করে তিনি আল্লাহুতে মশগুল হলেন। আমি ফিরে এলাম।

আলহামদুলিল্লাহু আলা জালেক।

### দশম মজলিস

আলোচনা মুসিবত সম্বন্ধে শুরু হলো। খাজা ওসমান হারুনী কুদ্দেসা সিররুলহ আজীজ বললেন, হযরত আবদুল্লাহ আনসারী রাদিআল্লাহুতায়াল্লা আনহু হতে বর্ণিত আছে যে, হযরত রসূলে মকবুল সাল্লাল্লাহু আলাইহি ওয়া সাল্লাম এরশাদ করেছেন, মুসিবত (বিপদাপদ, দুঃখ-দুর্ঘটনা)-এর সময় যে বিলাপ ও চিৎকার করে সে কাকের। তাকে দোজখে নিক্ষেপ করা হবে এবং তার নাম মুনাফেকদের তালিকায় অন্তর্ভুক্ত করা



হবে। আল্লাহুতায়ালার লানত (অভিশাপ) তার ওপর অবতীর্ণ হয়। মুসিবতে চিৎকার করা ইবলিস (শয়তান)-এর কাজ। যে বিপদ-আপদে ক্রন্দন বা চিৎকার করে তার শত বছরের সুকর্মফল নষ্ট হয়ে যাবে এবং শত বছরের গুনাহ তার আমলনামায় লেখা হবে। এই সময়ের মধ্যে তওবা (আল্লাহর নিকট ক্ষমা প্রার্থনা) না করে মৃত্যু হলে দোজখে ইবলিসের সঙ্গে স্থান হবে। এরপর এরশাদ করলেন, হযরত খাজা ইব্রাহিম বিন আদহম বলখী (কুঃসঃ) একদিন কোথাও যাচ্ছিলেন, পথিমধ্যে ৫৫ দিনক হতে ক্রন্দন ও চিৎকার শুনে পেলেন। পেছনে পিছিয়ে ঘেয়ে বিলাপকারীর দেখা পেলেন। তিনি তাকে দেখে ফিরে চলে এলেন এবং এসে এধরনের কৌতূহলের জন্য নিজের নফসকে এমন শাস্তি দিলেন যে ২০ বছর পর্যন্ত এ ধরনের দৃশ্য দেখা ও শোনা থেকে বিরত রইলেন। বর্ণিত আছে যে, তিনি নিজের কানের মধ্যে সীসার গুলি ঢুকিয়ে দিয়ে শব্দপথ বন্ধ করে দিয়েছিলেন। এরপর এরশাদ করলেন, যে ব্যক্তি মুসিবতে ক্রন্দন করে আল্লাহুতায়ালার হাশরের দিন তাকে রহমতের নজরে দেখবেন না এবং দোজখের মধ্যে তার কঠিন শাস্তি হবে। অন্যত্র বর্ণিত আছে, যে ব্যক্তি মুসিবতের সময় নিজের কাপড় ছিড়ে ফেলে এবং বিলাপ করে হাশরের দিন তার উভয় আল্লার মধ্যই লেখা থাকবে, এ ব্যক্তি আল্লাহর রহমতকে বিশ্বাস করতো না। পুনরায় বললেন, যে ব্যক্তি দুঃখ-কষ্টের সময় নিজের মুখ কাশো করে, তাকে শাস্তি দেয়ার জন্য দোজখের মধ্যে একটা প্রকোষ্ঠ তৈরী করা হবে এবং তার কোন এবাদত কবুল হবে না। এছাড়াও ৭০ জন মুসলমান হত্যার গুনাহ তার আমলনামায় (কর্মফলে) লেখা হবে। আসমান ও জমিনের ফেরেশতাগণ তার ওপর লানত (অভিশাপ) দেয়।

অন্তঃপল্ল পিপাসার্তকে পানি পান করানোর বিষয়ের ওপর আলোকপাত করলেন। তিনি এরশাদ করলেন, যে ব্যক্তি পিপাসার্তকে পানি পান করাবে সে গুনাহ হতে এমনভাবে পৃথক হয়, যেন সদ্যজাত শিশু মায়ের পেট হতে ভূমিষ্ট হয়েছে। যদি ঐ দিন তার মৃত্যু হয় তাহলে সে শহীদের মর্যাদা লাভ করবে। আরও এরশাদ করলেন, যদি কেউ কাঃও পিপাসা নিবারণের জন্য শরবত পান করায় আল্লাহুতায়ালার হাজারো বাসনা পূর্ণ করেন এবং সে দোজখের অগ্নি হতে মুক্তি পাবে ও বেহস্ত লাভ করবে।

পরের বক্তব্য ছিল কন্যা-সন্তান সম্বন্ধে। তিনি এরশাদ করলেন, কন্যা-সন্তান আল্লাহর নিকট হতে বান্দাদের জন্য উপহারস্বরূপ। প্রত্যেকের উচিত কন্যা সন্তানকে মর্যাদা দেয়া। যে ব্যক্তি কন্যাদের মর্যাদা রক্ষা করে আল্লাহুতায়ালার তাকে সুখ-শান্তিতে রাখেন। যার ঘরে দুটো কন্যা-সন্তান আছে এবং সে তাতে সন্তুষ্ট থাকলে ৮০টি হেজের সওয়াব তার গুনাহ করা হয়। তার মর্যাদা ঐ ব্যক্তির মর্যাদার চেয়েও উচ্চ যে ব্যক্তি

৭০ জন গোলামকে (কৃতদাস) মুক্ত করেছে। যার ঘরে একজন কন্যা-সন্তান আছে আল্লাহুতায়ালার দোজখকে তার নিকট হতে পাঁচ শত বছরের রাস্তার দূরত্বে রাখে। এরপর এরশাদ করলেন, আমাদের নবী করিম (সাঃ) কন্যা-সন্তানকে বন্ধু মনে করতেন। যখন হযরত খাজা (রহঃ) বক্তব্য শেষ করে আল্লাহুতে মশগুল হলেন তখন দোয়াপ্রার্থী নিজের যায়গায় ফিরে এলো।

আলহামদুলিল্লাহ আলা জ্বালেক।

### একাদশ মজলিস

এবার বক্তব্য শুরু করলেন পশু জবাই করা সম্বন্ধে। এরশাদ করলেন, আবদুল্লাহ বিন মাসউদ (রাঃ) হযরত রসূলে মকবুল (সাঃ) হতে রওয়ায়েত (বর্ণনা) করেছেন, যে ব্যক্তি (নফসের তৃপ্তির জন্য) ৪০টি গারু জবাই করে, একটা খুনের অপরাধ তার নামে লেখা হয় এবং যে ব্যক্তি ১০০টি ছাগল জবাই করে, তার নামেও একটা খুনের অপরাধ লেখা হয় এবং যে অন্যায়ভাবে গাভী বধ করে তার অবস্থা এমন হবে যেন সে কাবা শরীফ ধ্বংস করতে সাহায্য করলো। কিন্তু এগুলো সেই কারণেই জবাই করা উচিত; যে সব কারণে জবাই করার বিধান রয়েছে। এরপর এরশাদ করলেন, আমি আমার পীরের মুখে শুনেছি, তিনি আবদুল্লাহ মোবারক নামের এক বুজুর্গের কথা বলতেন, যার বয়স ৭০ বছরের মতো ছিলো। তিনি বলতেন, আমার ৭০ বছরের জীবনে কখনও কোন পশু জবাই করিনি। এরপর এরশাদ করলেন, হযরত রসূলে মকবুল (সাঃ) বলেছেন, কোন পশুকে আগুনে নিক্ষেপ করা উচিত নয় কারণ আগুন আল্লাহর আযাব। যদি কোন ব্যক্তি পশুকে আগুনে নিক্ষেপ করে তার প্রায়শ্চিত্ত (কাফফারা) হলো একজন কৃতদাসকে মুক্ত করে দেয়া অথবা ৬০ জন মিসকীন (দীন-দুঃখী)-কে আহার করানো অথবা ৬০টি রোজা রাখা। যে ব্যক্তি এ প্রায়শ্চিত্ত বা কাফফারা আদায় করবে না সে কেয়ামতের দিন হকতায়ালার আযাবে পতিত হবে। এরপর এরশাদ করলেন নবী (সাঃ) বলেছেন, পশুকে আগুনে ফেলো না। আল্লাহুতায়ালার এই ধ্বংসশীল দুনিয়া ও আখেরাতের আযাবকে ভয় কর। পশুকে আগুনে নিক্ষেপ করলে একাধারে দু'মাস রোজা রাখতে হবে। কেননা পশুকে আগুনের মধ্যে ফেলা এমন গুনাহ, যেমন মায়ের সঙ্গে জেনা করা।

এরপর হুজুর নামাজ সম্বন্ধে বক্তব্য পেশ করলেন। বললেন, এ রাস্তায় এমন অনেক শক্তির মহাপুরুষ আছেন যারা নামাজের রুকু-সেজদাতে আল্লাহর নিকট হতে লাভ্যক আবদি (অর্থাৎ হে আমার বান্দা আমি উপস্থিত) না শোনা পর্যন্ত রুকু ও



সেজদাহ হতে মাথা উত্তোলন করেন না। আমি সলুকের কিতাবে লেখা দেখেছি যে, একবার খাজা জোনায়েদ বোগদাদী (রহঃ) এবং শায়খ শিবলী (রহঃ) নতুনভাবে ওজু করার জন্য দজলা নদীতে যেয়ে ওজু করতে লাগলেন নদীতে তাঁরা এক কাঠুরিয়াকে ওজু করতে দেখলেন। হযরত শিবলী এবং জোনায়েদ বোগদাদী (রহঃ) 'ওজু শেষ করে নিজেদের মধ্যে বলতে লাগলেন, কাঠুরিয়াকেও কিন্তু একজন উঁচুদরের বুজুর্গ (আল্লাহর নৈকট্যপ্রাপ্ত ব্যক্তি) বলেই মনে হচ্ছে। তাঁর ওজু শেষ হলে এরা দু'জনে তাকে পেশ ইমাম হওয়ার জন্য অনুরোধ জানালেন এবং বললেন, অনুগ্রহ করে আপনি নামাজ পড়ান। তিনি নামাজ আরম্ভ করলেন, কিন্তু রুকু ও সেজদাতে অনেকক্ষণ ধরে অপেক্ষা করতে লাগলেন। নামাজ শেষ হলে এরা উভয়ে তাঁকে রুকু ও সেজদাতে এত দীর্ঘ সময় শ্বাবহার করার কারণ কি জানতে চাইলেন। তিনি উত্তর দিলেন, আমি রুকু ও সেজদাতে প্রত্যেকটি তসবীহ পাঠ করার পর যতক্ষণ না 'লাক্বায়েক আবদি' গুনতাম ততক্ষণ পর্যন্ত দ্বিতীয় তকবীর বলতাম না। এটাই ছিল রুকু ও সেজদাতে দেরি করার কারণ। এ কথা শ্রবণ করার পর উভয় বুজুর্গের চোখেই অশ্রু দেখা দিলো এবং কেঁদে ফেললেন। শেষে একে অপরজনকে বললেন, এটাই হচ্ছে প্রকৃত প্রেমিক ও আল্লাহতায়ালার নিকট উপস্থিত ব্যক্তিদের নিদর্শন। যে পর্যন্ত হুজুরী ক্বলবে (সমস্ত জাগতিক চিন্তা বিবর্জিত অবস্থায়) নামাজ না হবে সে পর্যন্ত তাঁরা সেটাকে নামাজের মধ্যেই গণনা করেন না। এরপর এরশাদ করলেন, আমি হযরত খাজা ইউসুফ চিশ্তী কুদ্দেসা সিররুহুল আজীজের জীবিত সময়ে তাঁর মজলিসে উপস্থিত ছিলাম, তিনি বলতেন—

হর বার কে দর নামাজ মশগুল শোয়াম

চুঁ দোস্ত হুজুর নিস্ত আঁ নিস্ত নামাজ

অর্থ— প্রত্যেকবারই আমি নামাজে বিলীন হই।

যখন বন্ধু উপস্থিত থাকে না, উহা নামাজ নয়।

অর্থাৎ যে নামাজে বন্ধু নেই সে নামাজ নামাজই নয়।

এরপর এরশাদ করলেন, খাজা ইউসুফ চিশ্তী (রহঃ)-এর রেহম বা রীতি ছিল নামাজে যখন দাঁড়াতে তখন ১৩০০ বার তকবীর (আল্লাহ আকবার) বলতেন। যতক্ষণ পর্যন্ত নিজেকে নামাজের উপযোগী মনে না হয়েছে ততক্ষণ পর্যন্ত নামাজ আরম্ভ করতেন না এবং যখন ইয়্যা কানা বুদু ওয়া ইয়্যা কানাসতায়ীন পর্যন্ত পৌছতেন তখন এ আয়েতকে কয়েকবার পাঠ করে তারপর পরবর্তী আয়াত পাঠ করতেন। এরপর এরশাদ করলেন, খাজা শামসিল আরেফীন বড় বুজুর্গ ছিলেন। একবার তিনি রসূলে মকবুল (সাঃ)-এর রওজা মোবারকে পৌঁছে সালাম নিবেদন করলেন, "আসসালামু আলায়কুম ইয়া সায়েদাল মুরসালিন" রওজা মোবারকের অভ্যন্তর হতে আওয়াজ এলো,

ওয়া আলায়কুমুস সালাম ইয়া শামসিল আরেফীন" এরপর হতেই তিনি শামসিল আরেফীন নামে সর্বত্র পরিচিত হয়ে গেলেন। প্রত্যেকেই তাকে তখন হতে শামসিল আরেফীন বলে ডাকতেন। এরপর এরশাদ করলেন, অনুরূপ ঘটনা হযরত ইমামে আযম আবু হানিফা (রহঃ)-এর সঙ্গেও ঘটেছে। যখন তিনি ঐশী পরশে আপুত হয়ে রসূলে খোদা সাল্লাল্লাহু আলায়হে ওয়া সাল্লাম-এর রওজা মোবারকে গমন করে সালাম আবেদন করলেন, "আসসালাতু আসসালামু আলাইকা ইয়া সায়েদাল মুরছালিন" উত্তরে শব্দ ভেসে এলো, "আলায়কা আসসালাম ইয়া ইমামাল মুসলেমিন।" এ সময় হতেই তিনি ইমামুল মুসলেমিন অর্থাৎ মুসলমানদের ধর্মীয় নেতা হিসেবে সারা বিশ্বে পরিচিত ও সুপ্রতিষ্ঠিত।

এরপর হযরত বায়েজীদ বোস্তামী (রহঃ)-এর উপাধি লাভের ঘটনা বর্ণনা করলেন। একদিন রাত্রি দ্বিপ্রহরে হযরত বায়েজীদ (রহঃ) যখন বালাখানায় (উপর তলার কক্ষে) গমন করলেন তখন চন্দ্র কিরণে ধরণী ছিল আপুত এবং বিশ্ব ছিল ঘুমিয়ে, কিন্তু আল্লাহর রহমত বর্ষিত হচ্ছিলো অঝরে। তিনি এ দৃশ্য অবলোকন করে বললেন, "আফসোস! এ মধুময় ও আনন্দঘনক্ষেণে মানবসন্তানগণ নিদ্রায় নিমগ্ন।" মানুষের ভবিষ্যৎ অন্ধকার দেখে তাঁর কোমল হৃদয় কেঁদে উঠলো এবং ভীত হয়ে পড়লেন। ইচ্ছা জাগলো দোয়া করতে যাতে মানুষ এ স্বপ্নরাজ্য হতে বাস্তবে ফিরে এসে পরিত্রাণ পায়। কিন্তু পরক্ষেণেই খেয়াল হলো, এ রকম ভয় পাওয়া তার উচিত নয়, কারণ এ কাজ খাজায়ে আলম (সারা বিশ্বের সর্বশ্রেষ্ঠ সম্মানিত মহাপুরুষ) হযরত মুহম্মদ (সাঃ)-এর শাফায়াতের স্তরে নিবন্ধ, এখানে অপরের প্রবেশ নিষিদ্ধ। সুতরাং আমার উচিত নয় তাদের জন্য দোয়া চাওয়া। এ চিন্তা করার সাথে সাথেই ঐশী আওয়াজ ভেসে এলো, হে বায়েজীদ, আমার হাবীবের (বন্ধুর) প্রতি সম্মান প্রদর্শন করার জন্য আমি তোমাকে "সুলতানুল আরেফীন" হিসেবে প্রতিষ্ঠিত করলাম। এ পর্যন্ত বলার পর হযরত আল্লাহর ধ্যানে নিমগ্ন হলেন। আমি স্বীয় স্থানে প্রত্যাবর্তন করলাম।

আলহামদুলিল্লাহ আলা জালেক।

দ্বাদশ মজলিস

সালাম করার বিষয়ে জ্ঞান দান করলেন। বললেন, যখন মজলিসে প্রবেশ করবে, সালাম করে প্রবেশ করবে এবং যখন মজলিস ত্যাগ করবে তখন সালাম করে তারপর বেরবে। কেননা সালাম গোনাহর কাফফারা (পাপের প্রায়শ্চিত্ত) হিসেবে পরিগণিত হয়। ফেরেস্তাগণ সালাম প্রদানকারীর জন্য ক্ষমা চায় এবং আল্লাহতায়ালার রহমত তার



ব্যক্তি বেহেস্তে প্রবেশ করবে এবং তার আগে আর কেউ যেতে পারবে না। তাছাড়াও বেহেস্তে সে হযরত ঈসা (আঃ)-এর প্রতিবেশী হিসেবে স্থান পাবে। এরপর এরশাদ করলেন, খাজা আবু মুহম্মদ মিরাস (রহঃ)-এর মুখে শুনেছি তিনি বলতেন, যে ব্যক্তি তিনবার করে এখলাস এবং ফাতেহা পড়বে তার সমস্ত গুনাহ এমনভাবে দূর হয় যেন সদ্যজাত ভূমিষ্ট শিশু। এরপর এরশাদ করলেন হযরত জুনুন মিসরী (রহঃ) লিখেছেন হযরত ইবনে ওমর (রাঃ) হতে বর্ণিত আছে, যে ব্যক্তি শোয়ার সময় সূরা কাফেরুন পাঠ করে, হাজারো ফেরেস্তা তার বেহেস্তী হওয়ার সংবাদ প্রদান করেন। এরপর এরশাদ করলেন, এক সময় আমি আমার পীর ও মুর্শেদের সাথে বদখশানের পথে চলছিলাম, একজন বুজুর্গের সাথে আমাদের দেখা হলো, যিনি অত্যন্ত বিলয়প্রাপ্ত ছিলেন। আমি তাঁর নিকট শুনেছি যে ব্যক্তি সূর্য উঠার পর দু' অথবা চার রাকাত নামাজ পড়ে সে ওমরাহ হজ্জের সওয়াব লাভ করে। আরও বললেন, রসূলে মকবুল (সাঃ) হতে বর্ণিত আছে, যে ব্যক্তি সূর্য উদয়ের পর ২ অথবা ৪ রাকাত নামাজ পাঠ করে তার মর্যাদা পৃথিবীর সমস্ত রক্তভান্ডার বিলিয়ে দেয়ার চেয়ে কম নয়।

এখানেই হজুর তাঁর কথা শেষ করে আল্লাহুতে বিলীন হলেন। আমি আমার কুটির থেকে ফিরে এলাম।

আল্‌হামদুলিল্লাহ আলা জালেক।

### পঞ্চদশ মজলিস

আহলে জান্নাত (বেহেশ্তবাসী)-দের প্রশংসা সম্বন্ধে জ্ঞানগর্ভ আলোচনা করলেন। তিনি এরশাদ করলেন যে, তফছীরে ইমাম শাফী-তে বর্ণিত আছে যে, হযরত রসূলে খোদা (সাঃ)-এর নিকট আবেদন করা হয়েছিল, “আপনি আমাদেরকে বেহেশ্তবাসীদের খাওয়া-পরা সম্বন্ধে কিছু জ্ঞান দান করুন।” হযরত রসূলে কারীম (সাঃ) এরশাদ করলেন, কসম সেই জুল্‌জালালে ওয়াল ইকরাম (শপথ সেই মহামহিম ও মহানুভব)-এর যিনি আমায় রসূল বানিয়েছেন, বেহেস্তে মানুষ ১০০ বার করে প্রতিদিন আহার করবে এবং ১০০ বার স্বীয় পরিবারের সদ্বলাভ করবে। মজলিস হতে একজন বিনয়াবনত হয়ে বললেন, “ইয়া রাসুলাল্লাহু” এ ধরনের খাওয়া-দাওয়ার পরিমাণ অনুযায়ী কাজায়ে হাজত (মলমূত্র ত্যাগ করা)-এর প্রয়োজনও দেখা দিবে কি? হজুর বললেন, না, এধরনের কোন অবস্থার সৃষ্টি হবে না বরং খাওয়ার পরে পেট হতে বায়ু নির্গত হয়ে পেট খালি হয়ে যাবে, যার সুগন্ধ মৃগনাভীর (মুশক) সুগন্ধকেও হার মানাবে। এরপর এরশাদ করলেন, বেহেস্তবাসীগণ সব সময় ধরে জীবিত থাকবে

কখনও মরবে না, চিরযৌবন লাভ করবে, কখনও বৃদ্ধ হবে না। চিরকাল প্রফুল্ল থাকবে, কখনও দুঃখিত হবে না। নিত্য নতুন নেয়ামতও লাভ করবে। যে ব্যক্তি এ পুরস্কার লাভ করতে চায় তার উচিত জুমা'র দিন জুমা'র নামাজের পর ১০০ বার সূরা ইখলাস পাঠ করা। তাহলেই সে এ অনুদান লাভ করতে পারবে। আর যে ব্যক্তি প্রতি জুমাতেই এই আমল করবে তার সৌভাগ্য বর্ণনাতীত। এরপর এরশাদ করলেন, হযরত রসূলে খোদা (সাঃ)-কে জিজ্ঞেস করা হয়েছিল, লোক নিজের মা-বাবাকে সেখানে দেখতে পাবে কি, পাবে না। তিনি জানালেন, দেখতে পাবে এবং সাক্ষাৎও করতে পারবে। পরে নিম্নোক্ত আয়াত পাঠ করলেন, “জান্নাতু আদনিয়াদখুলুনাহা ওয়া মান ছালাছা মিন আবা-য়েহিম ওয়া আজওয়াজিহিম ওয়া জুররিয়াতেহিম ওয়াল মালায়েকাতু ইয়াদ খুলুনা আলাইহিম ফুলে বাব অর্থাৎ থাকার বাগান আছে সেখানে প্রবেশ করবে পুণ্যবান লোক মাতা-পিতা, দস্তান ও স্ত্রীগণ। আর ফেরেস্তা প্রতি দরজা দিয়ে তাদের নিকটে আসবে। এরপর এরশাদ করলেন, একজন অপরজনের সঙ্গে দেখা করতে চাইলে ঘোড়ার মতো এক প্রকার বাহনে চেপে তাদের মহলে যেতে পারবে। হযরত খাজা এ পর্যন্ত বলে বিলয়প্রাপ্ত হলেন। আমিও প্রত্যাবর্তন করলাম।

আল্‌হামদুলিল্লাহ আলা জালেক।

### ষোড়শ মজলিস

কথা বললেন মসজিদ সম্বন্ধে। হজুর এরশাদ করলেন, যখন মসজিদে প্রবেশ করবে তখন প্রথমে ডান ও পরে বাম পা প্রবেশ করাবে এবং নিম্নোক্ত দোয়া পাঠ করবে। মিসমিল্লাহে ওয়া তাওয়াক্কালতু আলাল্লাহে ওয়া লা হাওলা ওয়া লা কুয়াতা ইল্লা বিল্লাহে আউজুবিল্লাহে মিনাশ শায়তোয়ানির রাজিম। এ দোয়া হযরত রসূলে মকবুল (সাঃ) হযরত আলী (কঃ)-কে শিখিয়েছিলেন এবং নির্দেশ দিয়েছিলেন, যে ব্যক্তি মসজিদে প্রবেশ করার সময় এই দোয়া পাঠ করে আল্লাহুতায়ালার তার নামাজ কবুল করেন এবং তার প্রতি রাকাত নামাজের জন্য ৭০ রাকাত নামাজের সওয়াব প্রদান করেন এবং প্রতি পদক্ষেপের জন্য বেহেস্তে প্রাসাদ দান করবেন। এরপর এরশাদ করলেন, যদি কোন ব্যক্তি মসজিদে প্রবেশ করার সময় আউজুবিল্লাহে মিনাশ শায়তোয়ানির রাজিম পাঠ করে তখন ইবলিস দুঃখ করে বলে যে, এ লোক আমার পিঠ ভেঙ্গে দিয়েছে। ঐ দোয়া পাঠকারীর আমলনামায় ১ বছর এবাদতের ছওয়াব প্রদান করা হয়। বাহির্গমনের সময়ও যদি উক্ত দোয়া পাঠ করে তাহলে বেহেস্তে তার জন্য ১০০টি দরজা তৈরি করা হবে এবং শরীরের লোমের পরিমাণ সংখ্যক সওয়াব লাভ করবে।



এরপর এরশাদ করলেন, হযরত ইমাম জিন্দোসী (রহঃ) স্বীয় পুস্তকে বর্ণনা করেছেন, মুমেন যখন মসজিদে প্রবেশ করার সময় ডান পা প্রথমে প্রবেশ করায় তখন ফেরেস্তাগণ বলতে থাকে যে, হে আল্লাহ্ একে বেহেস্তে স্থান দাও। বেরুবার সময় যখন সে বাম পা প্রথমে বের করে তখন ফেরেস্তাগণ বলতে থাকে যে, হে এলাহি এর সমস্ত গোনাহ মাফ করে দাও।

এ পর্যন্ত বলেই তিনি আল্লাহতে বিভোর হলেন। আমি আমার নিজ জায়গায় ফিরে এলাম।

আল্‌হামদুলিল্লাহ্ আলা জালেক

### সপ্তদশ মজলিস

হুজুর এবার কথা বললেন দুনিয়া ও দুনিয়ার সম্পত্তি সঞ্চয় করা সম্বন্ধে। এরশাদ করলেন, প্রথমে জানা উচিত দুনিয়া কি জিনিস এবং এর মাল সঞ্চয় করার অর্থ কি? দুনিয়ার প্রতি কোনক্রমেই কোন পুণ্যাত্মা অথবা প্রেমিকের উচিত নয় আসক্ত হওয়া বরং তার উচিত যা কিছু তার কাছে আছে তা যেন সে খোদার রাস্তায় বিলিয়ে দেয়। কোন অবস্থাতেই কোন বস্তুর মোহে আবিষ্ট হওয়া তার উচিত নয়। এরপর বললেন, হযরত খাজা ইউসুফ চিশ্তী (রহঃ)-এর মুখে শুনেছি তিনি বলেছেন, “মালের কৃতজ্ঞতা (শুকুর) প্রকাশ করা হয় দুনিয়া ত্যাগের মাধ্যমে এবং ইসলামের কৃতজ্ঞতা প্রকাশ করা হয় আল্‌হামদু লিল্লাহি রাব্বিল আলামিন বললে।” যে ব্যক্তি সর্বাবস্থায় আল্‌হামদু লিল্লাহি রাব্বিল আলামিন বলে সে ইসলামের প্রাপ্য প্রদান করে এবং যে ব্যক্তি জাকাত দেয় সে মালের (শুকুরানা) কৃতজ্ঞতা আদায় করে।

পরে বললেন বালকদের খারাপ অভ্যেস সম্বন্ধে। এরশাদ করলেন, কান্নার সময় বাচ্চাদেরকে মারতে নেই। কারণ ঐ সময় শয়তান তার কান মলে, ভয় দেখায় ও কষ্ট দেয়। এ অবস্থায় তার পিতামাতা অথবা অন্য যে কোন ব্যক্তি তাকে মারবে তার জন্য তাকে গোনাহগার হতে হবে। এরপর এরশাদ করলেন হাদীস শরীফে উল্লেখ আছে যে, যখন বাচ্চা কাঁদে তখন বাচ্চাকে মারা অন্যান্য বরং তার কানে লাহাওলা ওয়ালা কুয়াতা ইল্লা বিল্লাহিল আলিয়েল আযীম শুনাও, কেননা এতে তার কান্না বন্ধ হবে এবং শয়তান পালিয়ে যাবে। তিনি এ সমস্ত বাণী বর্ণনা করে বিলয়প্রাপ্ত হলেন এবং আমিও বিদায় নিয়ে চলে এলাম।

আল্‌হামদুলিল্লাহ্ আলা জালেক।

### অষ্টাদশ মজলিস

হযরত হাঁচি সম্বন্ধে বক্তব্য পেশ করলেন। বললেন, যখন কোন মুমেন বান্দা হাঁচি দিয়ে আল্‌হামদু লিল্লাহি রাব্বিল আলামিন বলে তখন আল্লাহতায়াল্লা তার সমস্ত গোনাহ মাফ করে দেন এবং ঐ বান্দার জন্য বেহেস্তে একটা প্রাসাদ তৈরি করেন, যার মধ্যে একটা গাছ থাকবে এবং সে গাছের ওপর সুমধুর কঠের অধিকারী একটা পাখী বসে থাকবে। একজন কৃতদাস মুক্ত করার ছুঁয়াবও এরসঙ্গে তার আমলনামায় লেখা হবে। এরপর সে যদি দ্বিতীয় হাঁচি দিয়েও আল্‌হামদু লিল্লাহি রাব্বিল আলামিন বলে তাহলে খোদাতায়াল্লা তার পিতামাতার সমস্ত গোনাহও ক্ষমা করে দেন। যদি সে তৃতীয়বার হাঁচি দেয় তাহলে ভাববে এটা সর্দির প্রতিক্রিয়া। মুসলমানদের জেনে রাখা উচিত যে হাঁচির জবাবে ইয়ারহামুকাল্লাহ বললে গোনাহের প্রায়শ্চিত্ত (কাফফারা) করা হয় এবং আত্মিক উন্নতিও ঘটে। যে ব্যক্তি হাঁচির জবাব দিবে রোজ হাশরে সে নবী (আঃ)-দের প্রতিবেশী হওয়ার সৌভাগ্য অর্জন করবে এবং বেহেস্তে হাজার হর লাভ করবে। এরপর এরশাদ করলেন, যে ব্যক্তির প্রথম হাঁচি আসে, সে হচ্ছেন হযরত আদম আলায়হিস সালাম এবং যে ব্যক্তি প্রথম হাঁচির জবাব দেন, তিনি হচ্ছেন হযরত জিব্রাইল (আঃ)। হযরত আদম (আঃ) যখন আল্‌হামদুলিল্লাহি রাব্বিল আলামিন বললেন, তখন হযরত জিব্রাইল (আঃ) উত্তরে ইয়ারহামুকাল্লাহ বললেন। এরপর এরশাদ করলেন, আতিয়া নামে একটা পর্দা দোজখের মাঝে আঙুনকে আড়াল করে রেখেছে। যখন কোন ব্যক্তি হাঁচি দেয় তখন সে ঐ পর্দার নিকটবর্তী হয় এবং যখন হাঁচির ‘শুকুর’ আদায় করে তখন সে ঐ পর্দা হতে বহুদূরে সরে আসে।

এ অমিয়বাণী বলা শেষ করে হুজুর আল্লাহতে বিলীন হলেন এবং আমি আমার কুটিরে চলে এলাম।

আল্‌হামদুলিল্লাহ্ আলা জালেক।

### উনবিংশ মজলিস

আযান সম্বন্ধে হুজুর তাঁর অমিয়বাণী পেশ করলেন, বললেন হযরত আমিরুল মুমেনীন আলী (কঃ) এরশাদ করেছেন যে, আমি হযরত রসূলে খোদা (সাঃ) হতে জিজ্ঞাসার মাধ্যমে জেনেছি তিনি বলেছেন, “হে আলী যে ব্যক্তি আযান দেয় তার ছুঁয়াব সম্বন্ধে আল্লাহতায়াল্লাই ভাল অবগত আছেন। আযানের অর্থ এই যে, যখন মুয়াজ্জেন আল্লাহ আকবর বলে, তার অর্থ হলো আল্লাহতায়াল্লা অত্যন্ত মহান। উদ্দেশ্য হলো, আমি তার সাক্ষ্য দিয়ে দুনিয়ার সমস্ত কর্ম হতে বিমুক্ত হয়ে তোমার নামাজের



জ্ঞান উপস্থিত হয়েছি। আশহাদু আল লা-ই-লাহা ইল্লাল্লাহু এর উদ্দেশ্য হচ্ছে “ হে উম্মতে মুহম্মদ (সাঃ), জেনে রাখ আমি ফেরেস্তাদেরকে সাক্ষী মনোনীত করছি এবং তোমাদেরকে খবর দিচ্ছি আমাদের সময়ে নামাজ হতে উত্তমতর কিছুই নেই। যখন আশহাদু আন্লা মুহাম্মাদার রাসূলুল্লাহ বলে তখন উপলব্ধি করতে হবে যে, হে উম্মতে মুহম্মদ (সাঃ), আমি সাক্ষ্য দিচ্ছি মুহম্মদ (সাঃ) আন্লাহুর রসূল এবং প্রেরিত হয়েছেন সত্যকে সঙ্গে নিয়ে। যখন হাইয়্যা আলাস্ সালাহ বলে, তার অর্থ হলো, হে উম্মতে মুহম্মদ (সাঃ), তোমাদের ওপর আমি প্রচার করে দিয়েছি, এখন তোমাদের উচিত আন্লাহুতায়াল্লা ও তাঁর রসূলের অনুগত হওয়া। কেননা, নামাজের প্রতিদানে আন্লাহুতায়াল্লা তোমাদের গোনাহ মাফ করে দেন, কারণ নামাজ ধর্মের স্তম্ভ। এরপর হাইয়্যা আলাল ফালাহ; যার অর্থ হে উম্মতে মুহম্মদ (সাঃ) বেহেস্তের দরজা খোলে দেয়া হয়েছে উঠ এবং নিজের ভাগ্য নির্ণয় কর এবং আন্লাহুতায়াল্লা রহমত হাসেল কর। এ কাজ দুনিয়া ও আখেরাতের চেয়ে উত্তম। যখন আন্লাহু আকবর বলে তখন বুঝবে যে স্বীয় আত্মার উপর করুণা বর্ষিত হয় এবং এ হতে উত্তম বস্তু কিছুই নেই। যে ব্যক্তি নামাজ আদায় না করে সে দুর্ভাগাদের অন্তর্গত হয়। যখন লা-ই-লাহা ইল্লাল্লাহু বলে তখন বুঝবে যে সাত আসমান জমিনের আমানত তোমার (মুয়াজ্জিনের) গর্দানের ওপর বোঝাধরূপ; যদি এ আযান কবুল হয় তাহলে মুক্তি পেলো।

নামাজ পাঠ করলে গোনাহের কাফফারা এবং আন্লাহ ও তাঁর রসূলের আনুগত্য স্বীকার করা হয়। যার আন্লাহ ও তাঁর রসূলের আনুগত্য মঞ্জুর হয়েছে সে মসজিদে যেয়ে নামাজ আদায় করে। পরকালে সিদ্দিক ও শহীদদের সঙ্গে একসাথে থাকার অধিকার লাভ করে এবং বেহেস্তে হযরত দাউদ (আঃ)-এর প্রতিবেশী হওয়ার যোগ্য হয়। এরপর এরশাদ করলেন, মুয়াজ্জিনের আযানের জবাব দেয়া কিয়ামতের দিনে মুক্তির সনদধরূপ। যে ব্যক্তি জামাতে নামাজ পাঠ করে তার প্রতি রাকাতের জন্য সে ৩০০ রাকাত নামাজের সওয়াব পাবে এবং উত্তম বেহেস্তে সংখ্যাভীত মহল লাভ করবে।

আলহামদুলিল্লাহ আলা জালেক।

### বিংশ মজলিস

মুমেনদের হকিকত (যথার্থতা) সম্বন্ধে বক্তব্য পেশ করলেন। বললেন, মুমেন তাকেই বলা চলে যে তিনটি জিনিসকে বন্ধু হিসেবে গ্রহণ করে--(১) দরবেশী (২) অসুস্থতা (৩) মৃত্যু। যে ব্যক্তি এ তিনটি জিনিসকে বন্ধু হিসেবে গ্রহণ করবে ফেরেস্তাগণও তাকে বন্ধু হিসেবে গ্রহণ করবে। আন্লাহুতায়াল্লা স্বীয় করুণা দ্বারা তাকে আশুত করবে এবং এর বাসস্থান হবে উত্তম বেহেস্তে। এরপর এরশাদ করলেন, আন্লাহুতায়াল্লা মুমেনদেরকে বন্ধুত্ব দান করেন এবং মুমেনগণও আন্লাহুকে বন্ধু মনে

করেন। এরপর এরশাদ করলেন, হযরত আনিস বিন মালিক (রাঃ) হতে বর্ণিত আছে, যে ব্যক্তির নিকট ৬০ হাজার দিরহাম আছে, সে ধনীদের মধ্যে গণ্য হয় এবং যার কাছে এর চেয়ে কম আছে সে মুফলেসীন (গরীব)। যে ব্যক্তির নিকট কিছুই নেই তার উচিত কৃতজ্ঞতা প্রকাশ করা। কারণ সে হযরত আয়ুব (আঃ)-এর উত্তরাধিকারিগণের মধ্যে গণ্য হয়। এরপর এরশাদ করলেন, আমি হযরত খাজা মওদুদ চিশতী (রঃ)-এর মুখে শুনেছি, তিনি বলেছেন হাসরের দিন আন্লাহুতায়াল্লা তিনটি দলকে রহমতের নজরে দেখবেন এবং তারা আরশের নিচে ছায়ায় থাকবে।

প্রথম দল : যাদের চোখ সবসময় অশ্রুতে ভেজা থাকে।

দ্বিতীয় দল : ঐ সব স্ত্রীলোক যাদের প্রতি তাদের স্বামীরা পরিতৃপ্ত।

তৃতীয় দল : ঐ সব লোক যারা দরবেশ ও মিসকিনদেরকে আহ্বার করায়।

এরপর এরশাদ করলেন, যে ব্যক্তি প্রতিবেশীকে খুশি রাখবে সে ব্যক্তি বেহেস্তে হযরত রসূলে মকবুল (সাঃ)-এর প্রতিবেশী হবে এবং যে ব্যক্তি প্রতিবেশীদেরকে কষ্ট দেবে সে অভিশপ্ত (মাল'উন)। যে ব্যক্তি নবী করিম (সাঃ)-এর আহলে বয়ত (পরিবারবর্গ)-কে বন্ধু মনে করে না সে মুনাফিক (প্রবঞ্চক)। এরপর এরশাদ করলেন আমলের মধ্যে উৎকৃষ্ট হচ্ছে নামাজ, তারপর সদ্কা (দান), তারপর কোরান শরীফ পাঠ করা।

হযরত খাজা বর্ণনা শেষ করে মশগুল হলেন। আমিও স্বস্থানে চলে এলাম।

আলহামদুলিল্লাহ আলা জালেক।

### একবিংশ মজলিস

অভাব পূরণের ব্যাপারে বক্তব্য পেশ করলেন। বললেন, যে ব্যক্তি অভাবগ্রস্তদের অভাব পূরণ করে আন্লাহুতায়াল্লা তাকে বন্ধুত্ব ও বেহেস্ত দান করেন। যে ব্যক্তি মুসলমানদেরকে সম্মান দেয় তার গোনাহ মাফ হয়ে যায়। যে ব্যক্তি পথের কাঁটা এই নিয়তে পরিষ্কার করে যে, কোন মুসলমানের পায়ে বিধলে কষ্ট পাবে, আন্লাহুতায়াল্লা হাসরের দিন তাকে সিদ্দিকীন ও শহীদগণের সঙ্গে উত্তোলন করবেন। এরপর এরশাদ করলেন, আমাদের শ্রেষ্ঠ মশায়েখ হতে বর্ণিত আছে যদি কেহ ওজিফাতে মশগুল থাকে এবং তখন কোন অভাবগ্রস্ত লোক তার কাছে আসে তাহলে তার উচিত ওজিফা ছেড়ে দিয়ে তার প্রতি মনোযোগ দেয় এবং নিজের সামর্থ্যানুযায়ী তার অভাব পূরণ করার চেষ্টা করা। আন্লাহুতায়াল্লা তাকে এর প্রতিদানে আশাতীত ফল দান করবেন।

এখানে পৌছেই হুজুর নিশ্চুপ হলেন। আমি আমার কুঠিরে ফিরে এলাম।

আলহামদুলিল্লাহ আলা জালেক।



## দ্বাবিংশ মজলিস

আখেরী জমানা বা শেষ জমানার অবস্থা সম্বন্ধে বলতে যেয়ে বললেন, হযরত রসূলে খোদা (সাঃ) এরশাদ করেছেন, আখেরী জামানায় লোক আমার দলভুক্ত আলেমদেরকে প্রাণে মেরে ফেলবে ; যেভাবে চোর এবং ডাকাতদেরকে মারা হয়। ঐ সময় লোক আলেমদেরকে মুনাফেক এবং মুনাফেকদেরকে আলেম মনে করবে। সে সময়ের জীবন মৃত্যুর চেয়ে নিকৃষ্টতর হবে। এরপর এরশাদ করলেন, যে ব্যক্তি আল্লাহর ওয়াস্তে (জন্যে) জ্ঞান অর্জন করবে সে দুনিয়া এবং আখেরাত উভয় জগতে উচ্চমর্যাদা লাভ করবে এবং কিয়ামতের ময়দানে হযরত রসূলে মকবুল (সাঃ)-এর সঙ্গলাভের সৌভাগ্য অর্জন করবে। এরপর এরশাদ করলেন, জ্ঞান বিস্তারের জন্য শিক্ষার পথে শিক্ষার্থীকে এক টাকা দান করা হাজার বছর এবাদতের চেয়েও উত্তম। সে হাজার বছরের এবাদতের সওয়াব পাবে। যে ব্যক্তি জ্ঞান অর্জনের জন্য এক পা অগ্রসর হয় আল্লাহতায়াল্লা তার জন্য বেহেস্তে ১০০টি ঘর দান করেন এবং ১০০টি হ্রও অনুদান পাবে। এরপর এরশাদ করলেন, যে ব্যক্তি ধর্মীয় জ্ঞানের পুস্তক প্রণয়ন করে আল্লাহতায়াল্লা হুকুম দেন তার নাম আমার জুব্বার নিচে অবস্থিত আউলিয়াদের দফতরে (খাতায়) লিখে নাও। ফেরেস্তা তখন তার নাম আউলিয়াদের দফতরে লিখে নেয়। হযরত এ অমিয়বাণী বর্ণনা করার পর আল্লাহতে বিলীন হলেন। আমি চলে এলাম।

আল্‌হামদুলিল্লাহ আলা জ্বালেক।

## ত্রয়োবিংশ মজলিস

মৃত্যু-চিন্তা করার বিষয়ে জ্ঞান দান করলেন। বললেন হযরত রসূলে খোদা (সাঃ) এরশাদ করেছেন মৃত্যুকে স্বরণ করা দিবা-রাত্র বন্দেগীর চেয়ে উত্তম। এরপর বললেন যে ব্যক্তি মৃত্যুকে সবসময় স্বরণ করে সে তার কবরকে বেহেস্তের বাগানের মতো একটা বাগান হিসেবে পাবে। উত্তম কাজ হচ্ছে সবসময় মৃত্যু-চিন্তা করা ও আখিয়া আলায়হিস্ সালামের প্রতি দরুদ পাঠ করা। যে ব্যক্তি এরূপ আমল করে আল্লাহতায়াল্লা তার গোনাহ মাফ করে দেন, যদি সে গোনাহ বনের বৃক্ষ হতেও অধিক হয় এবং তার জন্য দোজখ হারাম করে দেন। আল্লাহতায়াল্লা বেহেস্তে নবীদের সম্মুখে তার ঘর করে দেবেন।

বক্তব্য এখানে শেষ করে হজুর মশগুল হলেন। আমি এজাজত (অনুমতি) নিয়ে চলে এলাম।

আল্‌হামদুলিল্লাহ আলা জ্বালেক।

## চতুর্বিংশ মজলিস

মসজিদে আলোদান ( চেরাগ) সম্বন্ধে বলতে যেয়ে বললেন, আমিরুল মো'মেনীন হযরত আলী করমুল্লাহ ওয়াজহ হতে রওয়াকে (বর্ণনা) আছে, যে ব্যক্তি এক রাত্রির জন্য মসজিদে বাতি প্রদান করে আল্লাহতায়াল্লা তার ৭০ বছরের গোনাহ মাফ করে দেন এবং তার আমলনামায় ৭০ বছরের নেকী লেখা হয়। এছাড়াও বেহেস্তে তাকে একটা প্রাসাদ দেয়া হবে। এরপর এরশাদ করলেন, যে ব্যক্তি মসজিদে বাতি দেয়া অব্যাহত রাখে আল্লাহতায়াল্লা তার দেহকে দোজখের আগুনের জন্য হারাম করে দেন এবং বেহেস্তে তার জন্য উনুজ্জ হয়। সে তার ইচ্ছানুযায়ী যে কোন পথ দিয়ে বেহেস্তে প্রবেশ করতে পারবে এবং যে পর্যন্ত সে নিজের জায়গা বেহেস্তে অবলোকন না করবে সে পর্যন্ত মৃত্যু তার জন্য হারাম হয়ে যায়। এছাড়াও বেহেস্তে তাকে নবী (সাঃ)-দের বন্ধু বলে সম্বোধন করা হবে।

হজুর এখানেই বলা শেষ করে আল্লাহতে নিমগ্ন হলেন। আমি নিজের ঘরে চলে এলাম।

আল্‌হামদুলিল্লাহ আলা জ্বালেক।

## পঞ্চবিংশ মজলিস

দরবেশদের সম্বন্ধে আলোচনায় বললেন, যে ব্যক্তি দরবেশদেরকে মেহমান রাখেন তার জন্য বেহেস্তের একটা দ্বার উনুজ্জ হয় এবং আখেরাতে সে ধনী হয়। যে ব্যক্তি এ পথে টাকা-পয়সা খরচ করে অর্থাৎ দরবেশদের ভরণপোষণ করে এবং ঐ দানকে গোপন রাখে তার সমস্ত গোনাহ মাফ করে দেয়া হয়। এরপর এরশাদ করলেন, তিনটি দল বেহেস্তের সুগন্ধও ভোগ করতে পারবে না। প্রথমঃ যে দরবেশ মিথ্যা কথা বলে। দ্বিতীয়ঃ যে ব্যবসায়ী অপরের ধন আত্মসাৎ করে। তৃতীয়ঃ যে ধনী কৃপণ। যখন দরবেশ মিথ্যা বলবে, ধনী কৃপণতা করবে এবং ব্যবসায়ী অপরের আমানত আত্মসাৎ করবে তখন আল্লাহতায়াল্লা জমিন হতে বরকত তুলে নেন। এ পর্যন্ত বলা শেষ করে হজুর মশগুল হলেন এবং আমি নিজের আবাসে ফিরে এলাম।

আল্‌হামদুলিল্লাহ আলা জ্বালেক।



## ষষ্ঠবিংশ মজলিস

সালোয়ার (পাজামা) পিহন (জামা) ও আস্তিন-এর ব্যবহার সম্বন্ধে বক্তব্য পেশ করলেন। বললেন, হযরত আমিরুল মু'মেনীন আলী করমুল্লাহ ওয়াজহ হতে বর্ণিত আছে যে, পাজামার পা লম্বা করা ঐশাফেকের নমুনা। পাজামার পা যদি কোন ব্যক্তি পায়ের শান্তা পর্যন্ত বড় করে তাহলে বুঝবে যে, সে মুনাফেক এবং তার জায়গা হবে দোজবে। এরপর এরশাদ করলেন, কোন ব্যক্তি পাজামার পা যদি পায়ের শেষ প্রান্ত পর্যন্ত বৃদ্ধি করে তাহলে চনার সময়ে সে অভিশাপ লাভ করে। ফেরেস্তাগণ আসমান জমীন হতে তাকে অভিশাপাত করে। তার শরীরের লোমের সংখ্যা পরিমাণ দোজখে শান্তির ঘর তৈরি করবে। এরপর এরশাদ করলেন, হযরত আবু হোরাইরা (রাঃ) হতে রওয়াকে আছে, "যে ব্যক্তি লম্বা পাজামা পরিধান করে সে ঐশাফেক এবং যার জামার আস্তিন বড় সে মাল'উম (অভিশপ্ত)।" এরপর এরশাদ করলেন, দুটো দল সবসময় আল্লাহতায়ালায় লান'তের (অভিশাপের) শিকার হয়। প্রথমতঃ যারা লম্বা পাজামা পরিধান করে, দ্বিতীয়তঃ যারা জামার আস্তিন বড় রাখে। যে ব্যক্তি এ দুটো কর্ম করে সে নিজের জন্য দোজখে ঘর তৈরি করে। এরপর এরশাদ করলেন, লম্বা পাজামা পরিধান করা এবং জামার আস্তিন বড় রাখা মেয়েদের জন্য জায়েজ (অনুমোদিত) আছে। এ সব বক্তব্য পেশ করার পর হজুর মশগুল হলেন। আমি নিজের ঘরে প্রত্যাবর্তন করলাম।

আল্‌হামদুলিল্লাহ আলা জালেক।

## সপ্তবিংশ মজলিস

হজুর এরশাদ করলেন আবেদী (শেখ) জামানার (কালের) আলেম ও আমির সম্বন্ধে হযরত রসূলে মকবুল (সাঃ) বলেছেন যে, শেষ জামানার দলপতি (আমির)-গণ বেহাচারী হবে এবং আলেমগণ দুনিয়াকে বন্ধ হিসেবে গ্রহণ করবে এবং ফেতনা (বিশ্বনা) সৃষ্টি করবে সুতরাং সে সময় জীবিত থাকার চেয়ে মৃত্যুই উত্তম হবে। কেননা মু'মেনগণ তখন বিলাসে নিমজ্জিত হবে অর্থাৎ আনন্দ উল্লাসে মেতে থাকবে। এরপর এরশাদ করলেন, যখন আমির হবে যবেহাচারী এবং আলেম হবে দুনিয়ার বন্ধ তখন আল্লাহতায়ালা দুনিয়ার বুক থেকে বরকত তুলে নিবেন। রোগ, ব্যাধি ও অন্যান্য করার অবশ্যতা মানুষকে গ্রাস করবে। শহর বিরান (বিজয়) হবে এবং পৃথিবীর বুক কপড়া-বিবাদ ইড়িয়ে পড়বে। এরপর এরশাদ করলেন, আবেদী জামানার অধিকাংশ

আলেম মদ্যপায়ী ও সমকামী হবে। সুতরাং অবশ্যই জানবে যে তারা দোজবের কাঠবণ্ড। এরপর সদকা সম্বন্ধে বললেন যে, সদকা (দান) দরবেশদেরকে দেয়া দরকার। যে ব্যক্তি নিজের দরবেশীকে ঢেকে রাখে সে দশগুণ সওয়াব বেশি লাভ করে। দরবেশদের সদকা নিজের আত্মীয়স্বজনকে দেয়া উচিত; কারণ, এতে বহু সওয়াব রয়েছে এবং এ কাজের জন্য তার সমস্ত শৌখিন হাফ হয়ে যাবে। আত্মীয়স্বজনের পরে সদকার হকদার হচ্ছে আলেমগণ, এদেরকে ১ টাকা দান করলে ৬ হাজার টাকার সওয়াব লাভ করা যায়। এরপর সদকার হক হচ্ছে পুণ্ডায়া ও তাল লোকদের। যে ব্যক্তি উক্ত নিয়মে সদকা প্রদান করে আল্লাহতায়ালা তাকে ফমা করে দেন এবং বেহেস্তে উৎকৃষ্ট অটালিকা দান করেন।

এ জ্ঞানপর্ভ আলোচনার পর হজুর মশগুল হলেন এবং আমি বিদায় নিলাম।

আল্‌হামদুলিল্লাহ আলা জালেক।

## অষ্টবিংশ মজলিস

তওবা ও আলেমদের সম্বন্ধে আলোচনায় বললেন, হযরত রসূলে মকবুল (সাঃ) এরশাদ করেছেন যে, "মৃত্যুর পূর্বে তওবা কর"। মৃত্যুর পর অনুয় বিনয়ে কোন কাজ হবে না। এরপর এরশাদ করলেন, আল্লাহতায়ালা কোরান মজিদ ও ফোরকানে হামিদের মধ্যে বলেছে, "ইয়া আয়ুহাজ্জিনা আমানু ছুব্ব ইলাল্লাহ তাওবাতুন নসূহা"। অর্থ- হে দয়ালুদার, আল্লাহর নিকট তওবা কর, তওবাতুন নসূহা। অর্থাৎ সেই রকম তওবা যে রকম তওবাত হক বা দাবি রয়েছে এবং তা করবে তওবার দরজা বন্ধ হয়ে যাওয়ার পূর্বে। এরপর এরশাদ করলেন, হযরত আদম (আঃ) যখন বেহেস্ত হতে দুনিয়ার নিষ্কিণ্ড হলেন, তখন তিনি দোয়া করলেন, "হে করশাময়, ইবলিসকে তুমি আমার ওপর বিজয়ী করেছো, আমার কোন ক্ষমতা নেই যে আমি নিজে তাকে পরাস্ত করতে পারি, কিন্তু তুমি যদি ক্ষমতা দাও তাহলে কোন অসুবিধা হবে না"। ঐশী আওয়াজ ভেসে এলো, "হে আদম, যখন তোমার আওয়াজ (সন্তান-সন্ততি) হবে, তখন আমার দয়া তাদের সঙ্গে থাকবে, তারা সতর্ক থাকলে তাদের ওপর ইবলিসের আক্রমণ কার্যকরী হবে না। হযরত আদম (আঃ) দ্বিতীয়বার আবেদন করলেন, "হে এলাহি তোমার দয়ার পরিমাণ বৃদ্ধি কর"। পুনরায় আওয়াজ এলো, "আমি তাদের জন্য তওবা দরজা করলাম, সে শেষ নিঃশ্বাস ত্যাগ করার পূর্বমুহূর্তে তওবা করলেও আমি গ্রহণ করবো"। এরপর এরশাদ করলেন, "আহুলে সলুক"; মুসলমান হওয়ার জন্য তওবা



করা ফরজ মনে করে। প্রত্যেকের উচিত মৃত্যুর পূর্বেই তওবা করা। তারপর বললেন, আল্লাহতায়াল্লা পশ্চিমে তওবা নামক একটা দরজা তৈরি করেছেন তার বিস্তৃতি ৭০ বছরের পথ এবং উচ্চতা ৪০ বছরের পথ। মানব সৃষ্টির পর হতে আজ পর্যন্ত সেটা খোলা আছে এবং যতদিন পর্যন্ত সূর্য পশ্চিম দিক হতে উদয় না হবে ততদিন পর্যন্ত খোলাই থাকবে।

এরপর এরশাদ করলেন, যে সমস্ত আলোচনা বা বক্তব্য পেশ করা হলো মনে করবে এগুলো তোমার পূর্ণ-পরিপূর্ণতার বা পরিপূর্ণ-কামালিয়াতের জন্য। তোমার উচিত আমি যা কিছু বললাম সেগুলো পালন করবে, যাতে কেয়ামতের দিন লজ্জিত না হও। এরপর এরশাদ করলেন, সেই মুরীদই পীরের প্রকৃত উত্তরাধিকারী যে তার পীরের নিকট হতে যা শোনে তা স্মরণ রাখে এবং মনপ্রাণ দিয়ে তা মেনে চলে। তাঁর বক্তব্য শেষ করে তিনি পবিত্র মুছল্লা (জায়নামাজ), খিরকা (লম্বা দরবেশী জামা), আছা (লাঠি) মোবারক আমাকে দান করলেন এবং নির্দেশ দিলেন এ আমানত (গচ্ছিত মাল) খাজেগানে চিশূত রাদিআল্লাহ্ আনহু হতে আমার নিকট পর্যন্ত পৌঁছেছিলো। আমি তোমার নিকট পৌঁছলাম এবং গচ্ছিত রাখলাম। এখন তোমার উচিত, তোমার পরে যাকে তুমি উপযুক্ত মনে করবে তাকে দান করে জিযাদার করবে। তাঁর কথা শেষ হলে এ গোলাম মাথা কদমে রাখলো। তিনি আমাকে স্নেহের পরশে উত্তোলন করে আলিঙ্গন করলেন। অতঃপর আমি বিদায় নিয়ে চলে এলাম।

আল্‌হামদুলিল্লাহ্ আলা জালেক।

## দলিলুল আরেফীন

(পুন্যবানদের সনদ)

### কুতুবুল আকতাব

হযরত খাজা কুতুবউদ্দিন বখতিয়ার কাকী আউশী রহমতুল্লাহ্ আলায়হে

অনুবাদক

কফিলউদ্দিন আহমদ চিশতী



নারায়ে চিশ্‌তীয়া  
ইয়া গরীব নওয়াজ

হযরত খাজা বুজুর্গ হিন্দুল ওলি, আতায়ে রসুল,  
কুত্বে বাররুল বাহার, আশরাফুল আউলিয়া  
নূরে চশমে আরেফীন, শাম্মায়ে চিশ্‌তীয়া,  
রওশন জামির, গওসে সামদানী, য়োরহানুল আশেকীন,  
সদরে আউলিয়া, মেশকাতুল মুহেব্বীন,  
লুম্মায়ে রেছালাতে মা'ব, আওলাদে সাহেবে  
লাওয়া লাক, খলিফায়ে সুলতানে লাভানহার,  
নকীবে আছফিয়া, সাহেবে কুন ফা ইয়াকুন,  
সাহেবে এহমে আ'যম, সাহেবে নজরে কিমিয়া,  
বাহুরে এরফান, কাশিফে রুমুজে হাবীবে ইলাহ,  
সাহেবে ওহদাতুল ওজুদ, ইমামুল মুয়াহেদীন,  
আহলে ভাসাররুফ, মুহিয়ে সুন্নাতে নববী,  
আহলে ছামা, নুকতায়ে ইশক ও উলুম,  
আল ইনসানুল কামেল, সায়েদি, কেবলায়ি  
কাবাই, মুহতারেমি, মুয়াজেমী, মুঈনুল হক  
ওয়াদ্দীন সৈয়দেনা শায়খ মুঈনউদ্দিন  
হাসান চিশ্‌তী সনজরী ছুমা আজমেরী কুদ্দেসা  
সিররুলহল আজীজ, রুহী ওয়া কুব্বী ফিদাছ।

উম্মা

কদম পাকে

কছীদা

ইয়া সাহেবোল জামালে, ইয়া সাইয়েদুল বাশার  
মিন ওয়াজহিকাল মুনীর লাকাদ নুরাল কামার,  
লা ইয়ামকেন ছানায়ে কামা কানা হাক্বাহ  
বাদে আজ খোদা বুজুর্গ তুই কিছা মুখতাছর।

ইয়া রাহুল্লাহ উনজুর হালেনা,  
ইয়া হাবীবুল্লাহ এহমা ক্বালেনা।  
ইয়াদা ফি বাহুরে গামমুন মুগাররেকুন,  
খুজ ইয়াদী ছাহলুন এশকালেনা।  
এমদাদে কুন এমদাদে কুন  
আজ রাজ্জগাম আজাদ কুন  
দর হীন ও দুনিয়া শাদে কুন  
ইয়া শাহান শাহে আজমেরী।

বাগের দাফে বালা উফতা দে কিস্তি  
জয়িফানো শেকোস্তারা তে পুস্তি  
বে হাক্কে হযরত খাজা ওসমান হারুনী  
মদদকুন ইয়া খাজা মুঈনউদ্দিন চিশ্‌তী।

নাহ্মাদুহু ওয়া নুছাল্লিহি আলা রাছুলিহিল করিম।

### পুস্তক পরিচিতি

#### দলিলুল আরেফীন

মূল গ্রন্থটি কুতুবুল আকতাব হযরত খাজা কুতুবউদ্দিন বখতিয়ার কাকী আউশী ছুয়া দেহলুবা কুদ্দেসা সিররুহুল বারী কর্তৃক ফার্সীতে প্রণীত এবং ফার্সী হতে মওলানা গোলাম আহমদ উর্দুতে অনুবাদ করেন। আমরা যে উর্দু পুস্তকটি হতে বাংলায় অনুবাদ করেছি সেটি ১৩১০ হিজরীতে দিল্লী হতে প্রকাশিত।

হযরত খাজা কুতুবুল আকতাব, হযরত খাজা বুজুর্গ গরীব-উন-নওয়াজ মুঈনুল হক ওয়াল মিল্লাতে ওয়াশ শারায়ে' ওয়াদ্বীন, হাসান চিশতী সনজরী ছুয়া আজমেরী রাদি আল্লাহুতায়াল্লা আনহুর সাজ্জাদা নশীন অর্থাৎ গদীনশীন খলিফা ছিলেন। হযরত গরীব-উন-নওয়াজ বিভিন্ন সময়ে ওলি, দরবেশ, মাশায়েখ (পীরগণ) ছুফি, মুরিদান ও ভক্তদের নিয়ে মজলিস করতেন এবং সেই সব মজলিসে এলমে তাসাউফের (আল্লাহপ্রাপ্তির জ্ঞান) বিভিন্ন দিক কোরান ও হাদীসের আলোকে আলোকপাত করতেন। যার মধ্য হতে ১২টি পবিত্র বিশেষ মজলিসের অমিয়বাণী এই ক্ষুদ্র পুস্তিকায় স্থান লাভ করেছে।

এ অমূল্য ও পবিত্র গ্রন্থে বর্ণিত তাসাউফের মূল বিষয়গুলো এত প্রাঞ্জল ও বিষদভাবে উল্লেখিত হয়েছে যা তরীকতপন্থীদের বহু আকাংখিত ও অজানা প্রশ্নের সমাধান করতে বিশেষভাবে সহায়ক হবে।

#### অনুবাদের কথা।

বিছমিল্লাহির রাহমানির রাহিম।

আলহামদু লিল্লাহে রাব্বিল আলামিন ওয়াসসালাতু ওয়াস সালাম আলা রাছুলিহি মুহাম্মদেও ওয়া আলিহি ওয়া আসহাবিহি ওয়া আজওয়াজিহি ওয়া আহবাবেহি ওয়াল আউলিয়ায়ি ওয়া উন্বাতিহি আজমায়িন।

বাংলায় অনূদিত গ্রন্থের সংখ্যা একেবারে কম নয়। কিন্তু ইলমে তাসাউফের উপর যে ক'খানি পুস্তক অনূদিত হয়েছে তার সংখ্যা অতি নগণ্য। বিশেষ করে চিশতীয়া তরীকার বুজুর্গানে দ্বীনদের মাত্র কয়েকটা জীবনী ব্যতীত অন্য কোন প্রকার পুস্তক, যেমন মকতুবাত (চিঠি), মলফুজাত (অমিয়বাণী), আধ্যাত্মিক বিধিবিধান সম্বলিত রচনা ও প্রবন্ধের (তাসনিফাত ও রেছালা) সংখ্যা শূন্যের কোঠায়। অথচ আমাদের দেশের তাসাউফপন্থীদের অধিকাংশই চিশতীয়া তরীকার দাবীদার। চিশতীয়া তরীকার মাশায়েখ অর্থাৎ পীরগণ বাংলায় এ ধরনের কিতাবের অভাব অনুভব করেন কিনা জানি না, করে থাকলেও নিশ্চয়ই তাঁরা চোখ বন্ধ করে আছেন। আমরা আশা করছি অচিরেই তাঁরা এ অভাব মেটাবার প্রচেষ্টা চালাবেন।

আমার নিজের কথা বলতে গেলে প্রথমেই বলতে হয়, আমি এ ধরনের লিখিয়ে বা অনুবাদক নই এবং এ দুরূহ কাজ আমাকে করতে হবে তা কল্পনারও অতীত ছিল। শ্রদ্ধেয় ভাই হযরত শাহ সৈয়দ মোহাম্মদ ইব্রাহীম শিরাজী আলকাদরী এর বিশেষ অনুরোধে এ কাজে হাত দিয়েছি।

দলিলুল আরেফীনের অনুবাদের অনুবাদ করতে যেয়ে প্রতি মুহূর্তেই হোচট খেয়েছি। কারণ, আরবী-ফার্সীর বহু প্রতিশব্দই বাংলাতে নেই। আমি আদ্যপ্রান্ত মূল গ্রন্থের ভাবার্থ গ্রহণ না করে প্রতিটি শব্দ ও বাক্যের অঙ্গহানী না ঘটিয়ে বাংলা হতে সঠিক উপযুক্ত প্রতিশব্দ বেছে নিয়ে বাক্যের সৌন্দর্য রক্ষা করতে চেষ্টা করেছি। কিন্তু তবুও খাপছাড়া ও অসংলগ্ন বাক্য 'মূল'কে রক্ষা করতে যেয়ে একেবারে এড়াতেও পারিনি। নতুন ও অনভিজ্ঞ হিসেবে এ অনুবাদকে ক্ষমাসুন্দর দৃষ্টিতে দেখলে ধন্য হব। সর্বোপরি, যদি এ পুস্তকের বিষয়বস্তুগুলো প্রিয় পাঠকগণ গুরুত্ব সহকারে ভক্তি ও মহব্বতের সাথে অন্তর্করণে গ্রহণ ও আমল করেন, তবে ভাববো এ ক্ষুদ্র প্রচেষ্টা আল্লাহ রাব্বুল আলামিন গ্রহণ করেছেন।

#### -অনুবাদক

সমস্ত প্রশংসা মহামহিম আল্লাহু জান্নেশানুহুর বারগাহে কিবরিয়ায় এবং বেএনতেহা তাহিয়া ছালাতে, ছালাম, দরুদ সুলতানে লাতানহার আঁ হযরত নূরে মুজাছ্বাম মুহাম্মদ মুস্তফা (দঃ) এর বারগাহে নবুবীতে।

সূদীর্ঘ দিনের একটানা প্রত্যাশা এবং আকাংখার অবসানে হিন্দুল অলীর শুভদৃষ্টিতে বাংলা ভাষাভাষী তাছাউফমোদী আহলে চিশতের রুহানী খোরাক ঐশী অবিধান স্বরূপ মলফুজাতে খাজেগানে চিশত-এর বংগানুবাদ প্রকাশনার দিকে এগিয়ে চলছে। অধুনা এলমে ছুলুক ও এরফানের উপর যথেষ্ট রেছালা আমাদের নজরে পড়লেও তাছাউফের প্রকৃত ও নির্ভেজাল পরশ পাথরের অভাবে এদেশের তরিকত জগৎ প্রায় অন্ধকারাচ্ছন্ন। আর এই শূন্যতা পূরণে ঐশী অভিপ্রায়ে "বারগাহে চিশতীয়ার" কফিলউদ্দিন আহমদ চিশতীর পবিত্র দাস্তুমবারকে চিশতীয়া তরিকার কোরআনে ছানী (দ্বিতীয় কোরআন) তুল্য মলফুজাতে খাজেগানে চিশত-এর সরল অনুপম বংগানুবাদ প্রকাশিত হলে নিঃসন্দেহে তরিকত পন্থীদের জন্যে মুজাছ্বাম নেয়ামত বুশরা (খোশ খবরী) বললে অত্যুক্তি হবে না। বারগাহে চিশতীয়ার পক্ষ থেকে মুহতারেম অনুবাদককে মোবারকবাদ।

বর্তমানে কাগজের মূল্য, ছাপা ও বাঁধাই খরচের আধিক্যে পুস্তক প্রকাশনা খুবই দুরূহ ব্যাপার। তা সত্ত্বেও আমরা বিত্তরূপ তাসাউফের গ্রন্থসমূহ প্রকাশনার প্রচেষ্টা চালিয়ে যাব।



পর্যায়ক্রমে মলফুজাতে চিশ্তির যে সাতটি রেছালা প্রকাশ করতে যাচ্ছি সেগুলো হলো :-

- ১। আনীসুল আরওয়াহ- খাজা গরীব-নওয়াজ (রাঃ) প্রকাশিত।
- ২। দলিলুল আরেফীন- খাজা কুতুবুল আকতাব (রাঃ) প্রকাশিত।
- ৩। ফাওয়ায়েদুছ ছালেকীন- শায়খ ফরিদউদ্দিন গঞ্জেশকর (রাঃ) প্রকাশিত।
- ৪। রাহাতিল কুনুব- খাজা নিজামুদ্দীন আউলিয়া (রাঃ) প্রকাশিত।
- ৫। রাহাতুল মুহেব্বীন- হযরত খাজা আমির বসরু তৃতীয়ে দেহলী (রহঃ) প্রকাশিত।
- ৬। ফাওয়ায়েদুল ফুয়াদ - কথা : খাজা নিজামুদ্দিন আউলিয়া (রহঃ)
- ৭। খায়রুল মাজালিস - কথা : খাজা নাসিরুদ্দিন মাহমুদ চেরাগে দেহলী (রহঃ)

পরিশেষে পাক-ভারত উপমহাদেশের বেলায়েতের সম্রাট আমাদের আকা, মওলা তাজেদার কাবায়ে হিন্দ গরীব নাওয়াজ (রাঃ)-এর প্রতি অকৃত্রিম ভক্তি ও শ্রদ্ধা রেখে, তাঁরই পথানুসরণ করে, তাঁরই মহান আদর্শে উপমহাদেশের তরিকতপন্থীরা পথের সন্ধান পাবেন এই প্রত্যাশা নিয়ে শেষ করছি। আল্লাহুয়া আমিন।

-প্রকাশক

## হযরত খাজা মুঈনুদ্দীন হাসান চিশ্তী (রাঃ)-এর সংক্ষিপ্ত জীবনী

হযরত খাজা গরীব-উন-নওয়াজ বুর্হানুল আশেকীন, সেরাজুস সালেকীন, মুরাদিল মুশতাকীন, শামছিল আরেফীন, আতায়ে রসূল, সুলতানুল আওলিয়া, রৌশনজামীর, খাজায়ে খাজেগান, পীরে পীরান, কুতুবে রব্বানী, মাহবুকে সোবহানী, হযরত খাজা মুঈনুদ্দীন হাসান চিশ্তী সনজরী সূমা আজমেরী (রাঃ) হযরত রসূলে খোদা (সাঃ)-এর পৌত্র হযরত ইমাম হাসান (রাঃ)-এর বংশধর। হযরত খাজা গরীব-উন-নওয়াজের পিতার নাম হযরত সৈয়দ গিয়াসুদ্দীন হাসান সনজরী। সঞ্জরের অন্তর্গত সিস্তান নামক গ্রামে হযরত খাজা বুজুর্গ জন্মগ্রহণ করেন। শৈশব ও বাল্যকাল সিস্তানেই তিনি অতিবাহিত করেন। যখন তাঁর বয়স ১৫ বছর তখন তাঁর আব্বা পরলোক গমন করেন। মরহম আব্বার রেখে যাওয়া সম্পত্তির অংশ যা তিনি পেলেন, তার পরিমাণ ধনী হওয়ার জন্য কম ছিল না। একদিন খাজা ইব্রাহিম (রাঃ) নামের এক মজ্জুব (আল্লাহর প্রেমে উদাস বুজুর্গ) তাঁর আত্মর বাগানে প্রবেশ করলেন। হযরত খাজা গরীব-উন-নওয়াজ মজ্জুবের প্রতি ভক্তি শ্রদ্ধা নিবেদনের পর একগুচ্ছ তাজা আত্মর তাঁর খেদমতে পেশ করলেন। হযরত খাজা ইব্রাহিম আত্যন্ত সন্তুষ্ট চিত্তে আত্মর ভক্ষণ করলেন এবং সুলির মধ্য থেকে কয়েকটা দানা বের করে স্বীয় দাঁত দিয়ে ভেঙ্গে হযরত খাজা বাবাকে খেতে দিলেন। তিনি দানা কয়টি খেয়ে গিলেন। খাওয়ার পরপরই তাঁর অন্তর্দৃষ্টি খুলে গেল এবং দুনিয়ার প্রতি বিতৃষ্ণা জেগে উঠলো। এরপর তিনি তাঁর সমস্ত সম্পত্তি খোদার রাস্তায় দান করে দিলেন এবং সন্তোষের সন্ধানে নিজের জন্মভূমি ত্যাগ করে বোখারায় চলে গেলেন। সে সময় বোখারা স্তানার্জনের কেন্দ্র ছিল। সেখানে যেয়ে কিছুদিনের মধ্যেই তিনি সম্পূর্ণ কোরান শরীফ মুখস্ত করে ফেললেন। অর্থাৎ হাফেজে কোরানের মর্যাদা অর্জন করলেন। কিন্তু বেশীর ভাগ লেখকের মতে তিনি তাঁর গ্রামের মকতবে ৭ বছর বয়সেই সম্পূর্ণ কোরান শরীফ মুখস্ত করে হাফেজ হওয়ার সম্মান লাভ করেন। তারপর অতি অল্প সময়ের মধ্যেই তিনি খর্মের বিভিন্ন বিষয়ে শিক্ষা সমাপ্ত করে আল্লাহ রাব্বুল আলামিনের পথের পথিকদের অনুসন্ধানে বের হলেন। ইরাকের অন্তর্গত নিশাপুর তখন ধর্মীয় ও বিভিন্ন উচ্চশিক্ষার প্রাণকেন্দ্র ছিল এবং এই নিশাপুরের অদূরে হাক্রন নামক স্থানে তখন প্রখ্যাত কামেল বুজুর্গ হযরত খাজা ওসমান হাক্রনী কুদ্দেসা ছিররুল বারী-এর বান্ধব শরীফ ছিল। হযরত খাজা বাবা এই কামেল বুজুর্গের নিকট

বয়স গ্রহণ করে ধন্য হলেন। মুরিদ হওয়ার পর ২০ বছর তিনি স্বীয় পীরের খেদমতে নিয়োজিত ছিলেন। এই সময়ের মধ্যে তিনি ১২ বার তাঁর মুর্শেদের সাথে দেশ ভ্রমণ করেন। তখন পায়ে হেঁটে চলা ব্যতীত অন্য কোন ভ্রমণ উপযোগী বাহন ছিল না, যার জন্য সব ভ্রমণগুলোই তাঁরা পায়ে হেঁটে সম্পন্ন করেছেন। প্রত্যেক ভ্রমণের সময়েই মুর্শেদের প্রয়োজনীয় মালপত্র স্বীয় মস্তকে বহন করে নিয়ে যেতেন। খেলাফতপ্রাপ্তি ও সাজ্জাদা নশীন হওয়ার পর স্বীয় মুর্শেদ হতে বিদায় নিয়ে বাগদাদের আলিয়া মাদ্রাসায় উপস্থিত হলেন। পরে সরকারে দোজাহান হযরত রসূলে মকবুল (সাঃ)- এর নির্দেশে ৪০ জন সঙ্গীসহ হিন্দুস্থান অভিমুখে রওয়ানা হন। এ সময়ে হিন্দুস্থানে হিন্দুরাজাদের রাজত্ব এবং হিন্দু বসবাসকারীদের সংখ্যাই ছিল সবচেয়ে বেশি। অন্যান্য ধর্মাবলম্বীদের সংখ্যা ছিল নামমাত্র। হযরত খাজা হিন্দুস্থানে প্রবেশ করে প্রথমে লাহোরে দাতা গঞ্জবক্স (রঃ)-এর মাজার শরীফে চল্লিশ দিন অবস্থান করেন। সেখান থেকে সরাসরি তিনি দিল্লিতে আগমন করেন এবং কিছুদিন অবস্থান করেন। এ সময় হতেই তিনি ইসলাম প্রচারে আত্মনিয়োগ করেন এবং বিভিন্ন ধর্মাবলম্বীদের প্রতি ইসলামের শ্রেষ্ঠত্ব বর্ণনা করে ইসলাম গ্রহণের অনুরোধ জানান। হিন্দুদের নিকট এ প্রস্তাব গ্রহণ করা দুঃসাধ্য হয়ে দেখা দেয়। তারা এ প্রচারের বিরুদ্ধে প্রতিরোধ গড়ে তুলে এবং খাজা বুজুর্গের ক্ষতি সাধনে মনোনিবেশ করে। কিন্তু স্বয়ং আল্লাহ যার সহায় মানুষ তার কি করতে পারে? হিন্দুদের মধ্য হতে একজন শক্তিশালী যুবক হজুরকে শহীদ করার জন্য মাহফিলে প্রবেশ করে। সংগে তার তীক্ষ্ণধার এক ছোরা লুকিয়ে রেখে সামনে এগিয়ে এসে সুযোগের অপেক্ষা করতে থাকে। হজুর তার মনোভাব বুঝতে পেরে সুখামিশ্রিত কণ্ঠে বললেন, “চুপচাপ আছ কেন? ছোরা বের করে-নিজের কাজ সমাধান কর অথবা সময় নষ্ট করে লাভ কি?” এ কথা শোনার সাথে সাথেই সে ভীত হয়ে পড়ল এবং খাজা বাবার এ অলৌকিক ক্ষমতা দেখে তাঁর প্রতি আকৃষ্ট হয়ে পড়ল এবং নিজের কৃতকর্মের জন্য হজুরের পায়ে মাথা রেখে কাঁদতে লাগলো। খাজা বুজুর্গ তাঁকে ক্ষমা করলেন। তখন সে অত্যন্ত পবিত্র অন্তরে ইসলাম ধর্ম গ্রহণ করলো। পরবর্তী সময়ে সে নিজেকে খাজা বাবার গোলামিতে আবদ্ধ করার সংকল্প ঘোষণা করলো। এ সংবাদ অতি দ্রুত হিন্দু সমাজের সর্বত্র ছড়িয়ে পড়লো। ফলে দলে দলে বিধর্মীরা এসে হজুরের নিকট ইসলাম ধর্ম গ্রহণ করতে লাগলো। (আল্‌হামদুলিল্লাহ)।

হিন্দুরাজাদের মধ্যে তখন পৃথ্বীরাজ ছিল খুব শক্তিশালী এবং তার রাজধানী ছিল আজমীরে। খাজা গরীব-উন-নওয়াজ তাই দিল্লি ছেড়ে আজমীর অভিমুখে রওয়ানা হলেন এবং যথাসময়ে আজমীর পৌঁছে প্রথমেই পৃথ্বীরাজকে ইসলাম ধর্ম গ্রহণের জন্য অনুরোধ জানালেন। কিন্তু এ সৌভাগ্য তার ললাটে ছিল না। তাই সে ঈমানও আনল না

বরং পাল্টা আক্রমণ, নির্যাতন ও নানা প্রকার অসুবিধায় ফেলার জন্য যা যা করা দরকার তার কোন কিছুই বাকি রাখল না। প্রথম প্রথম ক্ষুদ্র শক্তি প্রয়োগে কাজ না হওয়ায় পরে শাদী দৈত্যকে খাজা বাবার বিরুদ্ধে ক্ষেপিয়ে তুলল এবং শাদী দৈত্য বিরাট বিরাট পাথর পাহাড়ের ওপর থেকে খাজা বাবার মজলিসের ওপর নিক্ষেপ করতে লাগলো। কিন্তু খাজা বাবার ইশারায় পাথরগুলো দূরে যেয়ে পড়তে লাগলো। শাদী দৈত্য কোন ক্ষতি সাধনই করতে পারলো না। এত বড় শক্তিশালী দৈত্যকে নিয়োগ করেও যখন রাজা কোন সুবিধা করতে পারলো না তখন হিন্দুস্থানের সর্বশ্রেষ্ঠ যাদুকর স্বীয় ভ্রাতা জয়পাল যোগীকে ডেকে পাঠালো। জয়পালের ছোট হতে বড় বড় সব যাদু যখন বিফল হলো তখন সে তার সর্বশেষ ও সর্বশ্রেষ্ঠ যাদু প্রয়োগ করলো কিন্তু তবু কোন কাজ হলো না। জয়পাল অস্থির হয়ে উঠল এবং চিন্তা করতে লাগল এ লোক কোন শক্তির অধিকারী, যার জন্য এ বিদেশীদের সামান্যতম ক্ষতিও সে করতে পারলো না, তখন জয়পালের স্থির বিশ্বাস হলো খাজা বুজুর্গ নিশ্চয়ই অলৌকিক-ঐশী শক্তির অধিকারী যা অন্য কোন ধর্মাবলম্বীদের পক্ষে অর্জন করা সম্ভব নয়। কেননা, সে জানতো যে সারা ভারতবর্ষে এমন কোন শক্তিদর যোগী-তাপস নেই যে তার একটিমাত্র যাদুর মোকাবেলা করতে সক্ষম হবে। যার অগ্নিবাণ নিক্ষেপে পাথর পর্যন্ত জ্বলে যায়, অথচ এ কোন শক্তি বলে বলিয়ান যার কাছে সমস্ত যাদুই ধূলিসাৎ হয়ে গেলো! সমস্ত ব্যাপারটা উপলব্ধি করতে পেরে জয়পাল গরীব নওয়াজের মজলিসে প্রবেশ করলো এবং খাজা বাবার কদম মোবারকে মস্তক রেখে ইসলামের নিকট আত্মসমর্পণ করলো। ইসলাম গ্রহণ করার পরে জয়পাল আবদুল্লাহ নাম গ্রহণ করে নিজেকে খাজা বুজুর্গের একজন প্রধান খাদেম হিসেবে নিয়োজিত রাখার সৌভাগ্য অর্জন করলেন। জয়পালের যোগ-সাধনার পেছনে উদ্দেশ্য ছিল অমরত্ব লাভ করা। খাজা গরীব-উন-নওয়াজ তার মনের অভিপ্রায় জানতে পেরে রাক্বুল আলামিনের দরবার হতে তার এ প্রার্থনা মঞ্জুর করিয়ে আনলেন। তখন হতে তার মর্যাদা হলো “খিজিরে বিয়াবান” (বন জঙ্গলের খিজির) এবং বিয়াবান শব্দটি নামের সাথে যুক্ত হয়ে নাম হলো আবদুল্লাহ বিয়াবানী। এরপর হতে তিনি আবদুল্লাহ বিয়াবানী নামেই খ্যাত। ভারতের অন্তর্গত মধ্যপ্রদেশের কুরুপাণ্ডবে অবস্থিত একটা পাহাড়ী জঙ্গল (সেটা এখন আবদুল্লাহ বিয়াবানের জঙ্গল নামে পরিচিত), সেখানে তাঁর আস্তানাকে কেন্দ্র করে প্রতিবছর ফাল্গুনে বিরাট মেলা বসে এবং প্রথম বৃহস্পতিবার ফাতেহা হয়।

পৃথ্বীরাজের সমস্ত লোকজন ঈমান আনলেও পৃথ্বীরাজ কিন্তু ঈমান আনল না। অবশেষে খাজা বুজুর্গ দুঃখিত হয়ে পৃথ্বীরাজকে লিখে পাঠালেন, “মা তুরা জিন্দাহ বমুসলমানানে সপারদেম।” অর্থ-আমরা জীবিত বন্দী অবস্থায় তোমাকে মুসলমানদের



হাতে অর্পণ করলাম।” এ চিঠি দেয়ার পরপরই সুলতান শাহাবুদ্দীন মোহাম্মদ যোরীর সাথে পৃথীরাজের যুদ্ধ সংঘটিত হয় এবং যুদ্ধে পৃথীরাজ জীবিত বন্দী হয়। পরে তাকে হত্যা করা হয়।

খাজা বাবা জীবনের চল্লিশটি বছর হিন্দুস্থানের মাটিতে স্রষ্টার সৃষ্টিকে সঠিক পথে নিয়োজিত করার জন্য প্রচেষ্টা চালিয়ে গেছেন। লক্ষ লক্ষ বিধর্মী নরনারী স্বেচ্ছাপ্রণোদিত হয়ে ইসলামের মহানুভবতায় মুগ্ধ হয়ে হযরত খাজা বুজুর্গকে পাওয়ার আশায় তাঁর হাতে হাত রেখে ইসলামের প্রতি ঈমান এনে মুসলমান হয়েছে এবং হযরত খাজা বাবার গোলামি লাভ করে গৌরবান্বিত হয়েছে।

৬৩৩ হিজরীর ৬ই রজব রোববার দারুল খায়ের, আজমীর শরীফে হযরত খাজা বুজুর্গ ইহলোক বর্জন করেন (তাঁর বেসাল শরীফ অর্থাৎ মহামহিমের সাথে মহামিলন ঘটে)। রুহ মোবারক দেহত্যাগ করার পর তাঁর পেশানী মোবারকে (ললাটে) নূরের অক্ষরে লেখা ছিল “মাতা হাবীবুল্লাহ ফি হকিব্লাহ” অর্থাৎ খোদার প্রেমে খোদার বন্ধু বিদায় নিল।

রওজা মোবারক আজমীর শরীফের দারুলখায়েরে জাতিধর্ম নির্বিশেষে সকল দর্শনপ্রার্থীদের জন্য আজও উন্মুক্ত রয়েছে। আল হামদুলিল্লাহ আলা জানেক।

ম্যায় গোলাম খাজাকা

তলব কি রাহুমে হাম জিস্ত কা সামা সমবতে হ্যায়

ছারে খাজা কো বাবে মনজিলে ইরফান সমবতে হ্যায়

খোদাওন্দে জাহাঁ কে লুতফছে খাজা ইয়ে দিওয়ানে

তোমহারে নাম কো ভি ম্যায় ইমা সমবতে হ্যায়

নিগাহেঁ মে তোমহারি হায় হাদীসে মুস্তফা খাজা

তোমহারি গোফতোগো কো শারহে কোরা সমবতে হ্যায়

হামেঁ খাজা ছে উলফাত হায়, গোলামে সনজরী হাম হ্যায়

হর এক মুশকিল কো আপনি জিস্ত মে আসা সমবতে হ্যায়

ইয়ে মানা, আয়ে মুঈনুদ্দীন! তুমছে দূর হ্যায়, লেকিন

তোমহেঁ হর ওয়াক্ত আপনে দিল মে হাম মেহমা সমবতে হ্যায়।

- মনসুর আজমেরী

আমি খাজার গোলাম

অনুসন্ধানের পথকে আমি জীবন উপকরণ মনে করি

খাজার দরবারকে পরিচয়ের ঠিকানা মনে করি।

খোদার জগতে প্রেমে, খাজা আমি দিওয়ানা

তোমার নামকেও ঈমানের মূল মনে করি।

তোমার দৃষ্টিতে আছে মোস্তফার হাদীস, হে খাজা,

তোমার প্রবচনকে কোরানের সারমর্ম মনে করি।

প্রেমিক আমি খাজার গোলাম সনজরীর

দুঃখকষ্ট প্রতিটিকে, তোমার স্বরণে সহজ মনে করি।

মানি, আছি আমি তোমা হতে বহু দূরে হে মুঈনুদ্দীন, কিন্তু

মেহমান তুমি মোর অন্তরে সতত।

### প্রথম মজলিস

রসূলে দোজাহান সরওয়ানে কায়েনাত হযরত, মুহম্মদ সাল্লাল্লাহু আলায়হে ওয়া সাল্লামের হিজরতের ৬১৩ বছর পর ৫ই রজব, বৃহস্পতিবার হযরত খাজা কুতুবুদ্দীন বখ্তিয়ার কাকী রহমতুল্লাহ আলায়হে নিজের বয়াত সম্বন্ধে বলছেন, উপরোল্লিখিত তারিখে আমি বাগদাদ শহরের আবুল লায়ছা সমরকন্দি (রঃ)-এর মসজিদে উপস্থিত হয়ে গৌরবোজ্জুল হযরত খাজা বুজুর্গের হাতে বয়াত গ্রহণ করে ধন্য হয়েছি। তিনি তাঁর দয়াদ্রপ্রেম ও করুণা দ্বারা আমায় স্বীয় তরিকাবুক্ত করে “কুল্লাহ চাহার তর্কী” দান করলেন। (কুল্লাহ চাহার তর্কী অর্থ চার টুকরা কাপড়ে নির্মিত এক ধরনের টুপি যেটা চিশতীয়া তরিকার মাশায়েখ(পীরগণ) কোন ব্যক্তিকে মুরিদ হওয়ার উপযুক্ত মনে করলে তাকে মুরিদ করার পর ইহা দান করেন। এই ধরনের টুপি প্রথম হযরত জিব্রাইল (আঃ) বেহেশত হতে এনে হযরত রাসূলে খোদা (সাঃ)-কে দিয়ে বলেন, “আপনি এটা পরিধান করুন এবং আপনি যাকে ইচ্ছা তাকে দান করে খলিফা নিযুক্ত করুন।” হযরত রসূলে করিম (সাঃ) নিজে ইহা পরিধান করেন এবং চারটি খন্ডের তিনটি, হযরত আবু বকর (রাঃ), হযরত ওসমান গনি (রাঃ) এবং হযরত আলী করমুল্লাহ ওয়াজহুকে দান করেন। এই চার খন্ডে তৈরি টুপির চার অংশের ব্যাখ্যায় হযরত খাজা আবদুল্লাহ সহল তশতরী বলেছেন, প্রথম অংশ দ্বারা নূর ও রহস্যের স্তর, দ্বিতীয় অংশ দ্বারা মহব্বতের স্তর, তৃতীয় অংশ দ্বারা ইশক এর স্তর, চতুর্থ অংশ দ্বারা সন্তুষ্টি ও সমর্পণের স্তর নির্দেশ করে।

উক্ত দিবসের মোবারক মজলিসে শায়খ শিহাবুদ্দীন ওমর সোহরাওয়ার্দী (রহঃ) শায়খ দাউদ কিরমানী শায়খ বুরহানুদ্দীন মুহাম্মদ চিশতী (রহঃ), শায়খ তাজুদ্দীন মুহাম্মদ ইসফাহানী (রঃ) এবং আরও অনেক শ্রেষ্ঠ সূফীগণ উপস্থিত ছিলেন। নামাজ সম্বন্ধে আলোচনা শুরু হলো। হযরত খাজা হুজুর এরশাদ করলেন, নামাজ ব্যতীত কোন ব্যক্তিই আল্লাহ রাব্বুল ইজ্জতের নৈকট্যলাভে সমর্থ হয় না। হযরত রসূলে খোদা (সাঃ) এরশাদ করেছেন, “আসসালাতু মিরাজুল মোমেনীন)”-আল হাদিস। অর্থাৎ নামাজ মুমেনদের মিরাজ। আরও বললেন, “বিলতাহুকিক” অর্থাৎ, নামাজ একটা গোপন তথ্য বা রহস্য, যার মাধ্যমে বান্দা স্বীয় পরওয়ারদীগারের নৈকট্যলাভ করে। সুতরাং যাহারা ‘হুজুরী কলবে’ বা ‘এতমিনান কলবে’ অর্থাৎ তন্ময়তার সাথে অন্তর-মনকে প্রস্তুতে যতটুকু বিলীন করে দিয়ে নামাজে অবস্থান করে, ঠিক সেই অনুপাতেই পরওয়ারদিগারের নৈকট্যলাভ করে। কেননা, গোপন তথ্য শ্রবণ করার জন্য ঐ পর্যন্ত নিরুটে পৌছতে হয়, যে পর্যন্ত ঐ রহস্যের উদ্ঘাটনের প্রয়োজনীয়তার প্রয়োজন হয়।

হযরত রসূলে মকবুল (সাঃ) এরশাদ করেছেন, “আলমুছাল্লি ইউনাজী রাব্বাহ্” অর্থাৎ, নামাজীরা পরওয়ারদীগার হতে রহস্য গ্রহণ করে। এরপর আমাকে উদ্দেশ্য করে খাজা গরীব-উন-নওয়াজ বললেন, “যখন আমি হযরত খাজা ওসমান হারুনী কুদ্দেসা সিররুহুল বারী-এর খেদমতে ছিলাম, ২০ বছর পর্যন্ত এমনভাবে খেদমত করেছি যে দিনকে দিন মনে করিনি রাতকেও রাত মনে করিনি। রাতদিন সবসময়ে সবিনয়ে খেদমতে হাজির থাকতাম। যখন কোথাও তিনি ভ্রমণে বেরুতেন আমি তাঁর ভ্রমণের জিনিসপত্র নিজের মাথায় বহন করে নিয়ে যেতাম। আমার এ অহ্নিশি খেদমত যখন তাঁর দৃষ্টি আকর্ষণ করল তখন তিনি করুণা করে তাঁর দয়ার ভাগর আমার জন্য খুলে দিলেন। মনে রাখবে কষ্ট ও সেবা ব্যতীত কিছুই পাওয়া যায় না। যে যা কিছুই লাভ করেছে তা খেদমত ও মেহনত দ্বারা হাসিল করেছে। মুরিদের উচিত মুর্শেদের সামান্যতম নির্দেশ যেন অমান্য বা অবহেলা না করে। প্রত্যেক আমল বা অজিফা যা কিছু তিনি নির্দেশ দেবেন সে নির্দেশের প্রতি যেন মুরিদ সবসময় সবিশেষ যত্নবান হয়। পীর মুরিদের জন্য ‘কনে’ সাজানোর মত কাজ করে থাকেন। মুর্শেদের প্রতিটি নির্দেশ যথাযথভাবে পালন করাই মুরিদের একমাত্র কর্তব্য। আমার পীরভাই শায়খ শিহাবুদ্দীন ওমর সোহরাওয়ার্দীর অবস্থাও ঠিক আমারই মতো। সেও ১০ বছর পর্যন্ত ভ্রমণ ও অবস্থানে সবসময়ে পীরের খেদমতে নিয়োজিত ছিল। যখন ভ্রমণ করত মুর্শেদের সফরের জিনিসপত্র নিজের মাথায় বহন করে চলতো। এ খেদমতের বিনিময়ে সে যে মহা অমূল্য বস্তু লাভ করেছে তা বর্ণনার উর্ধে। এরপর এরশাদ করলেন হযরত ইমাম আবু লায়ছা সমরকন্দী (রাঃ) প্রণীত ‘তাব্বিহ’ কিতাবে বর্ণিত আছে প্রতিদিন আসমান হতে দু’জন ফেরেস্তা জমিনে অবতরণ করেন। একজন কাবা শরীফের ছাদের ওপর দাঁড়িয়ে ঘোষণা করেন “ওহে বনি আদম ও বনি যান, এ নির্দেশ ভালভাবে গুনে নাও, যারা আল্লাহর ফরজ আদায় করে না তারা দায়িত্ব পালন না করার জন্য দায়ী হবে।” দ্বিতীয় ফেরেস্তা রাসূলুল্লাহ (সাঃ)-এর বড় কোঠার ওপর দাঁড়িয়ে ঘোষণা করেন, “যারা রসূলে মকবুল (সাঃ)-এর সুলত আদায় করে না তারা কিয়ামতের দিন তাঁর শাফায়াত হতে বঞ্চিত হবে। এরপর এরশাদ করলেন, আমি একবার বাগদাদের কংকরী মসজিদে আউলিয়াদের সমাবেশে উপস্থিত ছিলাম, আলোচনা চলছিল ওজুর সময়ে হাত ও পায়ের আঙ্গুলের মধ্যস্থিত ফাঁকসমূহে পানি প্রবেশ করানো সম্বন্ধে। এ সম্বন্ধে হাদিস শরীফে বর্ণিত আছে, রসূলে মকবুল (সাঃ) সাহাবীদেরকে উৎসাহ দিয়ে বলছিলেন, যারা ওজুর সময়ে হাত ও পায়ের আঙ্গুলের মধ্যস্থিত ফাঁকসমূহ ধৌত করবে, হকতায়লা তাদের আঙ্গুলগুলোকেও শাফায়াত (সুপারিশ) হতে কখনও বঞ্চিত করবেন না। এরপর এরশাদ করলেন, হযরত খাজা আযল শিরাজী (রঃ)-এর সাথে এক সঙ্গে বসেছিলাম। সন্ধ্যার



নামাজের সময় হলে খাজা আয়ল শিরাজী (রঃ) ওজু করতে গিয়ে হাত-পায়ের আঙ্গুলের মধ্যস্থিত ফাঁকসমূহ ধৌত করতে ভুলে গেলেন। সাথে সাথে গায়েবী আওয়াজ হলো, “হে আয়ল, আমার হাবীবের প্রেমের দাবিদার এবং উম্মতে মুহম্মদী হওয়া সত্ত্বেও কেন তাঁর সুন্নাত পালনে ক্রটি করলে?” খাজা আয়ল (রঃ) আমাকে বলছিলেন, যখন থেকে আমি এ আওয়াজ শুনলাম তখন থেকে দৃঢ় প্রতিজ্ঞ হলাম যেন ভবিষ্যতে আর সুন্নাতের খেলাফ না হয়। তার পর থেকে খাজা আয়ল (রঃ) যতদিন জীবিত ছিলেন আর কখনও নবীজীর (সঃ) সুন্নাত পালনে বিচ্যুত হননি। এর কারণ খাজা আয়ল (রঃ)-কে জিজ্ঞেস করায় তিনি উত্তর দিলেন, যদি আমি সুন্নাতে রেসালাতের প্রতি অমনোযোগী হতাম তাহলে কাল হাশরের ময়দানে রহমতুল্লিল আলামীন (সাঃ)- এর সম্মুখে মুখ দেখাতাম কি করে? অতপর বললেন, ‘ছালাতে মাসউদ’ কিতাবে বর্ণিত আছে যে, হযরত আবু হোরায়রা (রাঃ) বলেছেন, ‘প্রত্যেক ওজুতে তিনবার অঙ্গ-প্রত্যঙ্গ ধৌত করা সুন্নাত এবং এই নিয়ম অন্যান্য আখিয়া কেরামদেরও ছিল। রসূলে খোদা (সাঃ) বলেন, প্রত্যেক ওজুতে তিন তিন বার করে অঙ্গ-প্রত্যঙ্গ ধৌত করা আমার সুন্নাত। এর বেশি করা আমার সুন্নাতের ওপর জলুম্বরূপ। এরপর খাজা ফুজায়েল বিন আয়াজ (রাঃ)-এর ঘটনা বর্ণনা করলেন। তিনি একবার ওজুর সময়ে হাত ধৌত করতে যেয়ে তিনবারের স্থলে দু’বার ধুয়ে ছিলেন। রাতে হুজুর করিম (সাঃ) স্বপ্নে তাঁকে বললেন, ‘হে ফুজায়েল তুমি নিশ্চয়ই জান আমার সুন্নাতে অবহেলার অর্থ কি? হযরত ফুজায়েল (রাঃ) বললেন, স্বপ্ন দেখার পর আতকে উঠে দাঁড়লাম এবং নতুন করে ওজু করলাম এবং ঐ ভুলের প্রায়শ্চিত্ত স্বরূপ ১ বছর পর্যন্ত প্রতিদিন ৫০০ রাকাত করে নামাজ পড়া অবশ্য কর্তব্যের মধ্যে রেখেছিলাম। এরপর এরশাদ করলেন, আল্লাহর প্রেমিকদের মধ্যে এমন একটি দল আছে যারা ওজুর সাথে শয়ন করে। আল্লাহতায়াল্লা এদের জন্য একজন ফেরেস্টা পাঠিয়ে দেন, ঐ ব্যক্তি জাগ্রত না হওয়া পর্যন্ত সে দোয়া ও মাগফেরাত কামনা করে, “হে আল্লাহ, যে পবিত্রতার সাথে শয়ন করেছে তার গুনাহ মার্ফ করুন”। অতপর বললেন, ‘শরহে আরেফান’ কেভাবে বর্ণিত আছে যখন কোন বান্দা অজু করে শয়ন করে তখন আল্লাহ জ্বায়ে শানহ তার রুহকে আর্শে আজীমের নিচে আরোহণ করান। তখন আল্লাহ ঘোষণা করেন, এই রুহকে নতুন বেহেস্তী পোশাকে (খিলওয়াত) ভূষিত কর। তখন রুহ ‘খিলওয়াত’ পরিধান করে সেজদা করে। অতপর আল্লাহ বলেন, এই নেক বান্দার রুহকে যথাস্থানে রেখে আস। যারা অপবিত্র অবস্থায় শয়ন করে তাদেরও রুহকে প্রথম আসমানে নিয়ে যাওয়া হলে বলা হয়, এ রুহ আর্শে কিবরিয়ার নিচে আরোহণ করার উপযুক্ত নয়, একে ফেরৎ নিয়ে যাও। এরপর এরশাদ করেন, রসূলে খোদা (সাঃ) বলেন, “আল-ইয়ামিনু লিল ওয়াজহি আল-ইয়াছিরু লিল মুক’য়িদ” অর্থাৎ ডান হস্ত মুখের জন্য, বাম হস্ত গুহাদারের জন্য। আরও এরশাদ করেন, মসজিদে প্রবেশ

করার সময় প্রথমে ডান পা প্রবেশ করানো সুন্নাত এবং বেরুবার সময় প্রথমে বাম পা বের করা সুন্নাত। এ প্রসঙ্গে হযরত সুফিয়ান হুওরী (রঃ)-এর ঘটনা বর্ণনা করলেন। একবার হযরত খাজা সুফিয়ান (রঃ) মসজিদে প্রবেশ করার সময় জুলবশতঃ বাম পা প্রবেশ করান, সাথে সাথে গায়েবী আওয়াজ হলো, হে হুওরী (বাঁড়) এ রকম বে-আদবীর সাথে কখনও মসজিদে প্রবেশ করতে নেই। এইদিন থেকে হযরত খাজা সুফিয়ান (রঃ) আল্লাহর দেওয়া ‘হুওরী’ অর্থাৎ বাঁড় নামটি নিজের নামের সাথে প্রায়শ্চিত্তস্বরূপ জুড়ে দিয়ে হযরত খাজা সুফিয়ান ‘হুওরী’ হলেন। এরপর আরেফিনদের অবস্থা ও অবস্থান (আহওয়াল এবং মাকামাত) সম্বন্ধে আলোকপাত করলেন। আরিফ তাদেরকেই বলে যাদের ওপর প্রত্যহ সহস্রবার আলমে গায়েব (অদৃশ্য জগত) হতে জ্যোতি বিচ্ছুরণ হয় এবং প্রতিমুহূর্ত নূরে এলাহির নূরে তারা আপুত হন। পরম করুণাময় আল্লাহর নূর ব্যতীত আর কিছুই তারা দেখতে পায় না। আরিফ সম্বন্ধে আরও বলেন, যে ব্যক্তি সমস্ত জ্ঞানের ধারক ও পরিচয় লাভকারী সেই আরিফ। সে ঐশীজ্ঞান দ্বারা সজ্জিত এবং হাজার হাজার কথার সঠিক অর্থ ও ব্যাখ্যা বর্ণনা করতে সক্ষম। মহব্বত সম্বন্ধে বিভিন্ন প্রশ্নের উত্তর তার কাছ থেকে সঠিকভাবে পাওয়া যায়। নির্ভুল উত্তর প্রদানের জন্য সে অথৈ-সমুদ্রের অতল তলে পৌছে ‘আনওয়ারে এলাহির’ মারেফাতের মহা ভাণ্ডার হতে সঠিক অমূল্য রত্নটি (অর্থটি) সংগ্রহ করে মুর্শেদের নিকট পেশ করার পর যদি মুর্শেদ সন্তুষ্ট হন তখন প্রমাণিত হবে যে, সে সত্যি আরিফে এলাহি বা আল্লাহর আরিফ। পরে এরশাদ করলেন, আরিফ সদাসর্বদা প্রভুর প্রেমের উন্মত্ততায় উন্মাদ থাকে। যদি দাঁড়ান থাকে, তবে বন্ধুর প্রেমই দাঁড়িয়ে থাকে, যদি বসে থাকে তাহলে বন্ধুর স্মরণেই বসে থাকে, আর শুয়ে থাকলেও প্রেমাপ্পদের খেয়ালেই বিভোর থাকে। জেনে রাখ, আহুলে আশেক যখন ফজরের নামাজ শেষ করে তখন সে ঐ জায়নামাজে বসেই এশরাকের নামাজের জন্য অপেক্ষা করতে থাকে; তার উদ্দেশ্য বন্ধুর দৃষ্টি আকর্ষণের মাধ্যমে কবুলিয়াত (গ্রহণযোগ্যতা) হাসেল ও পরম করুণাময়ের জ্যোতি ও জাতে তাজান্নিয়াতে অবগাহন করা। এরশাদ করলেন, যদি কোন ব্যক্তি ফজরের নামাজের পর ঐ জায়নামাজে বসেই এশরাকের নামাজের জন্য অপেক্ষা করে তবে হকতায়াল্লা তাঁর জন্য একজন ফেরেস্টা পাঠিয়ে দেন। সে তার পাশে বসে দোয়া-খায়ের ও মাগফেরাত কামনা করতে থাকে, যাতে লোকটি এশরাকের নামাজ হতে বিরত না হয়। সৈয়দুততায়েফা জুনাইদ বোগদাদী (রঃ)-এর একটি বর্ণনা ‘ওমদাহ’ কিতাবে বর্ণিত আছে যে, রসূলে খোদা (সাঃ) একদিন শয়তানদের সর্দার (ইবলিস)-কে দেখলেন যে, সে জীর্ণশীর্ণ ও পাত্ত্বর্ণ হয়ে যাচ্ছে। হুজুর করিম (সাঃ) শয়তানকে ডেকে জিজ্ঞেস করলেন, তোমার এ দুরবস্থার কারণ কি? উত্তরে শয়তান বলল, “আমি আপনার উম্মতদের চারটি কাজের জন্য বড় কষ্ট পাচ্ছি। প্রথম কাজটা মোয়াজ্জিনের



আজান। সে যখন সময়মত নামাজে আসার জন্য আজান দেয়, তখন শ্রোতার আজানের জবাবে মশগুল হয় এবং নামাজে আসার জন্য তৈরি হয়। ফলে আজান প্রদানকারী ও শ্রোতা উভয়েই পুরস্কৃত হয়। দ্বিতীয় কাজটা গাজীদের ধর্মযুদ্ধ, তারা যখন ঘোড়ার ওপর সওয়ার হয়ে আল্লাহ্ আকবার তকবীর বলতে বলতে যুদ্ধের ময়দানে উপস্থিত হয়ে সম্মানিত হন অর্থাৎ আল্লাহুতায়াল্লা ঘোষণা করেন, তোমাদেরকে তোমাদের বংশধরসহ পুরস্কৃত করলাম। তৃতীয় কাজটা দরবেশদের 'কসবে হালাল' (ধর্মানুমোদিত শ্রম)। দরবেশগণ নিজেদের কসবে হালাল হতে অন্যদেরকেও দান করেন। আল্লাহুতায়াল্লা তাঁর এ বন্ধু দরবেশদের উছিয়ায় অন্যদেরকেও ক্ষমা করে দেন। চতুর্থ কাজটা যারা ফজরের নামাজ পড়ে একই জায়নামাজে বসে থেকে এশরাকের নামাজ আদায় করে, তাদের জন্যই আমার কোমরটা একেবারে ভেঙ্গে গেছে। কেননা, আমি যখন ফেরেস্তাদের মধ্যে ছিলাম সেই সময় একটা সহিফায় (আল্লাহ প্রদত্ত ছোট কিতাব যা কোন নবীদের ওপর নাজেল হয়) লেখা দেখেছিলাম, যে ব্যক্তি ফজরের নামাজ আদায় করে ঐ জায়নামাজে বসে থেকে সূর্য উঠার পর এশরাকের নামাজ আদায় করে, আল্লাহুতায়াল্লা তার বংশধরদের মধ্য হতে ৭০ হাজার লোককে ক্ষমা করে দেন। খাজা বুজুর্গ এরপর এরশাদ করেন, আমি ফেকাউল আকবর কিতাবে দেখেছি হযরত ইমামে আযম আবু হানিফা (রাঃ) বর্ণনা করেছেন যে, এক কাফন চোর যে তার জীবনের চল্লিশটি বছর কাফন চুরির পেশায় নিয়োজিত ছিল, তার মৃত্যু হলে তাকে বেহেস্তে দেখা গেলো। তার এমন গুরুতর অপরাধের পরও বেহেস্ত লাভ কি করে সম্ভব হলো জিজ্ঞেস করায় সে উত্তরে বললো, একমাত্র নামাজ ব্যতীত অন্য কোন সৎকর্ম আমার ছিলো না। আমি প্রতিদিন ফজরের নামাজের পর সূর্য উঠা পর্যন্ত জায়নামাজে বসে থাকতাম এবং এশরাকের নামাজ সমাপ্ত করে উঠতাম। পরম করুণাময় আল্লাহ আমার ঐ এশরাকের নামাজকে কবুল করে নিয়ে আমার সমস্ত গুনাহ মাফ করে দিয়েছেন এবং বেহেস্ত এনায়ত করেছেন। এরপর গরীব-নওয়াজ (রাঃ) এরশাদ করলেন, আরিফ একসময় এমন এক স্তরে পৌঁছে যখন এক কদমে হেযাবে আযমত হতে হেজাবে কিবরিয়া পর্যন্ত এবং দ্বিতীয় পদক্ষেপে ফিরে আসতে পারে। এ পর্যন্ত বলার পর হযরত খাজা (রাঃ)-এর চোখে পানি এসে গেলো এবং কেঁদে কেঁদে বলতে লাগলেন এটাই আরিফদের নিম্নতম স্তর। কামালিয়াতের স্তর এর বহু উর্ধে যার সঠিক নির্ধারণ খোদাতায়াল্লাই ভাল জানেন। কামেলগণ এক পদক্ষেপে কোথা হতে কোথায় যান এবং কোথা হতে কোথায় ফিরে আসেন তা শুধু আল্লাহুতায়াল্লা এবং কামেলগণই ভাল জানেন। এ পর্যন্ত বলার পর হজুর আল্লাহুতে মশগুল হলেন এবং মজলিস শেষ হলো।

আলহামদুলিল্লাহ আলা জ্বালেক।

## দ্বিতীয় মজলিস

বৃহস্পতিবার। আমার কদমবুসি নসিব হলো। উপস্থিত মজলিসে মওলানা রাহাউদ্দীন বোখারী ও মওলানা শিহাবুদ্দীন মুহম্মদ বোগদাদী খেদমতে উপস্থিত ছিলেন। জানাবাত ও নাপাকী (সহবাস ও অপবিত্রতা) সম্বন্ধে আলোচনা শুরু হলো। খাজা বুজুর্গ এরশাদ করলেন, সহবাসের অপবিত্রতা মানুষের লোমের গোড়া পর্যন্ত প্রবেশ করে। প্রত্যেকের উচিত এমতাবস্থায় গোসলের সময় প্রতিটি লোমের গোড়ায় পানি পৌঁছানো এবং সমস্ত অঙ্গ-প্রত্যঙ্গ ও লোমগুলো ভালভাবে ভিজিয়ে নেয়া, যাতে একটা লোমও শুকনো না থাকে। যদি কোন একটা লোমও শুকনো থাকে তাহলে তার ফরজ গোসল শুদ্ধ হবে না এবং হাশরের দিন শরীর তার সাথে শত্রুতা করবে অর্থাৎ তার বিরুদ্ধে চলে যাবে। ফতুয়ায়ে জহিরী কিতাবে লিপিবদ্ধ আছে যে, মানুষের মুখ কখনও নাপাক হয় না বরং সর্বাবস্থায় পবিত্র থাকে। নাপাক অবস্থায় কেউ পানি পান করলে অবশিষ্ট পানি নাপাক হয় না। কেউ পবিত্র থাকুক অথবা অপবিত্র থাকুক, মুমেন হোক অথবা কাফের হোক, সকলের মুখই সর্বাবস্থায় পবিত্র থাকে। একদিন আল্লাহর রসূল (সাঃ) উপবিষ্ট ছিলেন। একজন সাহাবী জিজ্ঞেস করলেন, 'ইয়া রাসূলুল্লাহ (সাঃ) যদি কোন লোক নাপাকী অবস্থায় গরমের সময়ে রাস্তায় চলে এবং অপবিত্র গায়ের পছিনা (ঘাম) কাপড়ে লাগে তবে কাপড় নাপাক হবে কি? নবীয়ে দোজাহান (সাঃ) উত্তর দিলেন, 'না', নাপাক হবে না এবং তার থুথুও নাপাক হয় না। অর্থাৎ নাপাকীর থুথুও যদি কাপড়ে লাগে তবু কাপড় নাপাক হবে না। হযরত খাজা বুজুর্গ এরশাদ করলেন, আমি হযরত খাজা ওসমান হারুনী কুদ্দেসা সিররুহ-এর মুখে শুনেছি যে, হযরত আদম (আঃ)-কে অপবিত্রতার অপরাধে বেহেস্ত হতে দুনিয়ায় ফেলে দেয়া হয়েছে এবং দুনিয়ায় ক্ষমালাভের পর যখন সে বিবি হাওয়া (আঃ)-এর সঙ্গে সহবাসক্রিয়া সম্পন্ন করেন তখন জিব্রাইল (আঃ) উপস্থিত হয়ে তাঁকে গোসল করার জন্য উপদেশ দেন। হযরত আদম (আঃ) গোসল করায় তৃপ্তি পেলেন এবং বললেন, ওহে ভাই জিব্রাইল, এই গোসলের অন্য কোন ফায়দা বা বখশিস আছে কি? জিব্রাইল (আঃ) উত্তরে বললেন, এর বিনিময়ে বহু সওয়াব (পুণ্য) আছে। প্রথমতঃ আপনার শরীর মোবারকে যতগুলো লোম আছে প্রত্যেকটি লোমের জন্য এক এক বছরের ছওয়াব পাবেন। দ্বিতীয়তঃ ফরজ গোসলের এক এক ফোঁটা পানি হতে খোদাতায়াল্লা এক একজন ফেরেস্তা সৃষ্টি করবেন, যারা কাল কিয়ামত পর্যন্ত জীবিত থেকে এবাদত বন্দেগীতে মশগুল থাকবে এবং ঐ সব ফেরেস্তাদের এবাদত বন্দেগীর ছওয়াব আপনি পাবেন। পরে হযরত আদম (আঃ) জিজ্ঞেস করলেন, ওহে ভাই জিব্রাইল এ ছওয়াব কি



শুধু বিশেষভাবে আল্লাহুতায়ালার আমার জন্য নির্দিষ্ট করেছেন না পরবর্তী সময়ে যারা আমার আওলাদ হবে তারাও এ ধরনের কাজের পুরস্কার এভাবেই পাবে? উত্তরে জিব্রাইল (আঃ) বললেন, আপনার আওলাদের মধ্যেও যারা ঈমানদার এবং মুসলমান হবে তারা যদি এমনি করে পবিত্রতার গোসল অর্থাৎ ফরজ গোসল নিয়মানুযায়ী করে তবে তারাও এর ছুওয়াব এমনিভাবেই পাবে, যেভাবে আপনাকে দেয়া হলো। এ ঘটনা বলতে বলতে খাজা গরীব-উন-নওয়াজ (রাঃ)-এর চোখ দুটো অশ্রু ভারাক্রান্ত হয়ে উঠলো। পুনরায় বললেন, এ শ্রেষ্ঠ নিয়ামত শুধু তাদের জন্যই যারা ফরজ গোসল আদায় করে কিন্তু এমনি একটি দল আছে যারা এ ঐশ্বর্য হতে বঞ্চিত। কেননা, তাদের গোসল প্রায়ই নিষিদ্ধ সহবাসে ঘটে। আরও একটি দল আছে যাদের হালাল গোসলও পরিপূর্ণতার অভাবে বাতিল হয়ে যায়। যখন কেউ হারাম গোসল করে তখন আল্লাহুতায়ালার তার আমলনামায় এক বছরের গোনাহ লিখে দেন এবং তার হারাম গোসলের প্রতিফোটা পানি হতে এক একটি দৈত্য-দানব সৃষ্টি করেন, যারা কাল কিয়ামত পর্যন্ত জীবিত থেকে যে সকল পাপ করবে সে সমস্ত পাপই তার আমলনামায় লিপিবদ্ধ হবে।

এরপর এরশাদ করলেন, যদি কেউ তাসাউফের শিক্ষা গ্রহণ করতে বাসনা করে তবে তার উচিত প্রথমে শরীয়তের যাবতীয় বিধিবিধান মেনে চলে শরীয়ত কায়েম করা। তরিকতপন্থিগণের শরীয়ত পরিপূর্ণভাবে পালনের পর, দ্বিতীয় স্তর, তরিকতে পদার্পণের যোগ্যতা অর্জন করা চাই। এরপর তরিকতের যাবতীয় বিধিবিধান পালনে সফলকাম হলে, তৃতীয় স্তর, মারৈফাতে পদার্পণের যোগ্যতা অর্জিত হবে। মারৈফাতের যাবতীয় কাজকর্ম নিয়মানুযায়ী করে সফলতা অর্জন করতে পারলে হকিকতের স্তরে প্রবেশের অধিকার পাবে। এখানে পৌছে অর্থাৎ হকিকতের স্তরে পদার্পণ করে স্থায়ী হলে শিক্ষার্থী যা কিছু কামনা করবে তাই পাবে। এরপর বললেন, আমি এক বুজুর্গের মুখে শুনেছি, সেই আরিফ, যে ব্যক্তি সফলতার সঙ্গে সমস্ত স্তরগুলো অতিক্রম করে “মাকামে ফারদানিয়াতে” (শেষ স্তরে) পৌছে সকল কিছু হতে বিমুক্ত হয়ে বলবে, “বান্দাদের নিকট নামাজ খোদাতায়ালার আমানাত”। বান্দার উচিত নামাজকে এমনিভাবে ধারণ করা যেভাবে তার প্রাপ্য। নামাজ পড়ার সময় নামাজের আহুকাম, রুকু, সিজদাহ ও অন্যান্য বিষয়সমূহের প্রতি সবিশেষ দৃষ্টি রেখে নামাজ আদায় করা উচিত। সালাতে মাসউদী কিতাবে বর্ণিত আছে, যখন নামাজী নামাজের আরকান আহুকামসমূহ যথাযথভাবে পালন করে তখন ফেরেসতা তার নামাজকে আসমানে নিয়ে যায়, ঐ সময় নামাজ হতে উদ্ভাসিত হয় একটি নূর, যার জ্যোতিতে আকাশের দ্বার উন্মুক্ত হয়। পরে ঐ নামাজকে আরশের নিচে পেশ করা হলে আল্লাহুতায়ালার হুকুম

করেন সেজদা কর এবং বখশিস কামনা কর তার জন্য, যে তোমাকে আদায় করেছে। এ পর্যন্ত বলার পর হযরত খাজা গরীব নওয়াজের চোখের কোণে অশ্রুবিন্দু পরিলক্ষিত হলো! ভারাক্রান্ত কণ্ঠে বলতে লাগলেন, আফসোস (দুঃখ) হয় তাদের জন্য যারা নামাজের বিধিবিধান পালনে অবহেলা করে এবং সঠিক সময়ে নামাজ আদায় না করে। ফেরেসতা এদের নামাজকে আকাশের নিচে নিয়ে গেলে আকাশের দরজা খুলে যায়। তখন আওয়াজ আসে, “ফেরৎ নিয়ে যাও এ নামাজকে এবং যে আদায় করেছে তার মুখে নিষ্ক্ষেপ কর”। বড়ই পরিতাপের বিষয় তাদের জন্য, যারা সময় শেষে ও অন্তরবিহীন নামাজে অনর্থ সময় নষ্ট করে। এরপর হযরত খাজা (রাঃ) বললেন, এক সময়ে আমি বোখারায় ছিলাম। তখন কয়েকজন শায়েখের মুখে শুনেছি, “হজুর আক্রাম সাল্লাল্লাহু আলায়হে ওয়া সাল্লাম নামাজে রত এক নামাজীকে দেখলেন, যার নামাজের সঙ্গে আরকান আহুকামের কোন মিল নেই অর্থাৎ নামাজী নামাজের আইনকানুন পালন করছে না। হযরত নবী করিম (সাঃ) তার নামাজ শেষ না হওয়া অবধি দাঁড়িয়ে অপেক্ষা করলেন। নামাজ শেষ হলে লোকটিকে জিজ্ঞেস করলেন, “কতদিন যাবত এ ধরনের নামাজ পড়ছ?” উত্তরে সে বলল, ইয়া রাসূলাল্লাহ (সাঃ) প্রায় চার বছর হলো আমি এভাবে নামাজ পড়ছি।” হযরত সরওয়ারে কায়নাৎ (সাঃ) তার উত্তর শ্রবণ করার সঙ্গে সঙ্গে প্রায় কেঁদে ফেললেন এবং তাকে বললেন, “এই চারটি বছর অযথা নষ্ট না করে তুমি মরবে গেলেও আমার সূনাতের অপমৃত্যু হত না। এরপর হযরত খাজা বুজুর্গ (রাঃ) বললেন, আমি হযরত খাজা ওসমান হারুনী (কুঃ সাঃ)-এর মুখে শুনেছি, কিয়ামতের দিন সমস্ত আন্দিয়া (আঃ), আউলিয়া (রঃ) ও মুসলমানগণের মধ্যে যাদের নামাজ পরিপূর্ণতার দাবিদার হবে শুধু তারাই মুক্তি পাবে দোজখের অগ্নি হতে। যাদের নামাজ পরিপূর্ণতা লাভ করেনি, তারা জাহান্নামের আগুনের স্বাদ গ্রহণ করবে। এরপর এরশাদ করলেন, আমি একসময়ে এক শহরে ছিলাম, নামটা স্মরণ করতে পারছি না, শহরটি শ্যাম দেশের সন্নিকটে অবস্থিত। শহরের বাইরের একটা গুহায় একজন কামেল বুজুর্গ বসবাস করতেন, তাঁর নাম ছিল হযরত শায়খ মুহাম্মাদুল ওয়াহেদ আজিজী (রঃ)। ভাবনা চিন্তায় তাঁর শরীরের মাংস নিঃশেষ হয়ে চামড়া হাড়ের সাথে সখ্যতা স্থাপন করেছিল। নিজে জায়নামাজে উপবিষ্ট ছিলেন এবং দুটো বাঘ পাহারা দিচ্ছিল। আমি তাঁর সাক্ষাৎপ্রার্থী ছিলাম কিন্তু বাঘ দুটোর ভয়ে ভেতরে যাওয়ার সাহস হচ্ছিল না। শায়খ সাহেব যখন আমাকে দেখলেন, বললেন ‘ভেতরে এসো ভয় পেয়ো না’। তাঁর আহবানে ভেতরে প্রবেশ করলাম এবং আদবের সাথে জমিনে চুমু খেয়ে (জমিনবুসি) বসে পড়লাম। তিনি আমাকে অনেক উপদেশমূলক বাক্যদান করলেন। তন্মধ্যে কয়েকটি উল্লেখ করছি : (১) যদি তুমি কোন কিছুর প্রত্যাশা না কর তবে সেও তোমার প্রত্যাশা করবে না। (২) যার অন্তরে খোদাতীতি আছে তাঁকে দেখে সবাই ভীত হয়।



বাঘের কি ক্ষমতা আছে তার ক্ষতি করবে? তারপর আমাকে প্রশ্ন করলেন, 'দরবেশের কোথা হতে আগমন?' আমি উত্তর দিলাম, 'বাগদাদ হতে।' বেশ ভাল, দরবেশদের খেদমত করতে থাক যাতে দরবেশীর শেষ মোকামে (স্তরে) পৌঁছতে পার। তারপর নিজের কথা বললেন, অনেকগুলো বছর কেটে গেল এই গুহায়, দুনিয়ার সমস্ত কিছু বর্জন করে শুধু একটা ভয়ে রাত দিন কেঁদে কেঁদে পার করছি। ভয়টা জানার কৌতূহল সংবরণ করতে পারলাম না। জিজ্ঞেস করায় উত্তর দিলেন, "নামাজের কথা স্মরণ করে। নামাজ আদায় করার পরপরই আমি ভয়ে ভীত হয়ে পড়ি, না জানি অজ্ঞাতে নামাজের মাঝে কোথায় কি ভুল করে বসেছি। কেননা, আমি তো নিঃসন্দেহ নই যে আল্লাহ রাব্বুল আলামিন আমার নামাজ কবুল করেছেন।" এরপর তিনি আমাকে একটা সেব (আপেল) দিলেন এবং উপদেশ দিলেন, চেষ্টা কর যাতে শ্রেষ্ঠ নামাজীর মর্যাদা অর্জন করতে পার; তা না হলে হাসরের দিন লজ্জিত হতে হবে এবং কাউকে মুখ দেখাতে পারবে না। এ ঘটনা বর্ণনার শেষপ্রান্তে হযরত খাজা বাবার চোখ অশ্রুসিক্ত হয়ে উঠলো। তিনি বলতে লাগলেন, 'দরবেশদের নামাজ ধর্মের (দ্বীনের) স্তম্ভ এবং নামাজের রুকন নামাজের স্তম্ভ। যদি ঘরের খুঁটি বা স্তম্ভ মজবুত থাকে তাহলে ঘর খাড়া থাকবে। যখন ঘরের স্তম্ভ বা খুঁটি থাকবে না তখন ঘরও আর দাঁড়িয়ে থাকার ক্ষমতা পাবে না বরং পড়ে যাবে। অতএব, যে ব্যক্তি নামাজের উদ্দেশ্যকে ব্যাহত করে, অর্থাৎ আরকান আহকাম ও অন্তরবিহীন নামাজ আদায় করে, তারা ইসলামকে বিধ্বস্ত করে। শরহে সালাতে মাসুউদী কিতাবে হযরত ইমাম জাহেদ (রাঃ) হতে বর্ণিত আছে, আল্লাহুতায়াল্লা নামাজ সম্বন্ধে যতখানি তাকিদ দিয়েছেন অন্য কোন ব্যাপারে এত অধিক তাকিদ দেননি। হযরত ইমাম জাফর সাদিক (রাঃ আঃ) বলেছেন, আল্লাহুতায়াল্লা কোরান শরীফে বিভিন্নভাবে বিভিন্ন বিষয়ে উপদেশ, আদেশ, নিষেধ ও নির্দেশ করেছেন যার মধ্যে রয়েছে কিছু প্রশংসা, কিছু সম্ভাষণ, কিছু পুরস্কার ও কিছু শাস্তির বাণী, আরও রয়েছে চলার পথের দিশা। এরমধ্যে একমাত্র নামাজ (সালাত-এবাদত বন্দেগীসমূহ) সম্বন্ধেই বলা হয়েছে সাত শত বার। নামাজ ও বন্দেগী সম্বন্ধে এত অধিক তাকিদ দিয়েছেন এ বলেই এটা ধর্মের স্তম্ভ। হযরত মারুফ কারখী (রাঃ)-এর তফসীরে বর্ণিত আছে হাসরের ময়দানে পঞ্চাশ জায়গায় থামতে হবে এবং পঞ্চাশ ব্যাপারে জিজ্ঞাসাবাদ হবে অর্থাৎ হিসেব নেবে। এরমধ্যে সবচেয়ে কঠিন স্টেশন হলো নামাজের হিসেবের স্থান। যে ব্যক্তি এখানে ছাড়া পাবে তাকে দ্বিতীয় কঠিন খাঁটি সম্মুখীন হতে হবে। সেখানে নামাজের ফরজসমূহের ওপর হিসেব নেয়া হবে। যদি সে এখানেও উত্তীর্ণ হয় ভাল, নচেৎ দোজখে পাঠানো হবে। তৃতীয় কঠিন স্থান হচ্ছে পয়গম্বর (আলায়হুস সালাম)-এর সুল্লাত সম্বন্ধে জিজ্ঞাসাবাদের স্থান। এখানে যদি সে টিকে যায় তো খুবই ভাল নতুবা রসূলের নিকট প্রেরণ করা হবে এবং বলা হবে এ আপনার সেই

উম্মত যে আপনার সুল্লাত পালন করেনি। এ পর্যন্ত বলার পর হযরত খাজা গরীব-উন-নওয়াজ (রাঃ) নিজেকে আর সংবরণ করতে পারলেন না; হায় হায় করে কান্নায় ভেঙ্গে পড়লেন, একটু সামলিয়ে নিয়ে পড়ে বললেন, আফসোস ঐ ব্যক্তির জন্য, যে কিয়ামতের দিন সরওয়ারে কায়োনাৎ হযরত রসূলে মকবুল (সাঃ)-এর নিকট লজ্জায় মুখ ঢাকবে এবং বলবে, "হায়! আমি এখন কোথায় যাব?" এরপর হযরত তেলাওয়াতে মশগুল হলেন। মজলিস এ দিনের মত শেষ হলো।

আলহামদুলিল্লাহ আলা জালেক।

### তৃতীয় মজলিস

দিনটি ছিল বুধবার। পদচূষনের (কদমবুসি) ঐশ্বর্য নসিব (ভাগ্য) হলো। দু'জন সমরকন্দি দরবেশ সাক্ষাতের অনুমতি নিয়ে প্রবেশ করলেন। পরে মওলানা বাহাউদ্দীন বোখারী হাজির হলেন। এরপর শায়খ আহাদ কিরমানী (রাঃ) উপস্থিত হয়ে আসন গ্রহণ করলেন। আলোচনা শুরু হলো নামাজ পড়ার সঠিক সময় সম্বন্ধে। প্রশ্ন উত্থাপিত হলো নামাজ বিলম্বে পড়া ভাল না অবিলম্বে (তামীর ইয়া তকদীম)? হজুর এরশাদ করলেন, সৌভাগ্যবান তারাই যারা নামাজের সময়ের ব্যাপারে টিলেমী না করে নির্ধারিত সময়ে আদায় করে এবং অত্যন্ত দুঃখ অনুভব হয় ঐ মুসলমানদের জন্য যারা বন্দেগীতে ক্রটি করে। এরপর বললেন, আমি একসময়ে কোন এক শহরে ছিলাম, যার নাম স্মরণ হচ্ছে না। ঐ শহরের মুসলমানদের রীতি ছিল সঠিক সময়ের একটু পূর্বেই নামাজের প্রস্তুতিপর্ব সেরে নামাজের জন্য অপেক্ষা করা। আমি জিজ্ঞেস করলাম, নামাজের সময়ের পূর্বেই এভাবে প্রস্তুতির কারণ কি? উত্তরে তারা বললো, এতে সুবিধা আছে এই যে, সময় হওয়ার সাথে সাথেই নামাজ আদায় করতে পারি, তা না হলে নামাজের প্রস্তুতির জন্য নামাজে দেরি হয়ে যেতে পারে; এমন কি সময় শেষও হয়ে যাওয়ার ভয় রয়েছে। আমরা কাল কিয়ামতের ভয়ে এই জন্য ভীত যে নামাজে অবহেলার জন্য নবী (সাঃ)-এর নিকট শেষে লজ্জিত না হতে হয়। রসূলে খোদা (সাঃ)-এর নির্দেশ রয়েছে মৃত্যুর পূর্বেই তওবা কর নচেৎ সময় পাবে না এবং যথাসময়ে নামাজ আদায় কর নতুবা নামাজ পাবে না। এরপর এরশাদ করলেন, হযরত ইমাম এহুইয়া হাসান জিন্দুসী (রাঃ) শ্রীযুত রওজা কিতাবে আমি লেখা দেখেছি এবং আমার গুস্তাদ মওলানা হিসামুদ্দীন মুহম্মদ বোখারী (রাঃ)কে বলতে শুনেছি যে, রসূলে খোদা (সাঃ) এরশাদ করেছেন, ভদ্রোচিত গোনাহের মধ্যে রয়েছে দুই গুস্তাদের নামাজ এক গুস্তাকে পড়া। এরপর বললেন, একবার হযরত খাজা ওসমান হারুনী (কুঃ সাঃ) খেদমতে হাজির ছিলাম তিনি



বলছিলেন যে, হযরত আবু হোরাইরা (রাঃ) হতে রওয়ায়েত আছে যে, রসূলে মকবুল (সাঃ) এরশাদ করতেন, যদি কেউ সূর্য অস্ত যাওয়া পর্যন্ত আসরের নামাজ আদায়ে অবহেলা করে অথবা সূর্যের স্বাভাবিক রং পরিবর্তন না হওয়া পর্যন্ত আদায় না করে তার জন্য শত হাজার আফসোস। পরে সব সাহাবিগণ আরজ করলেন, “ইয়া রাসূলান্নাহ, একটা সময় নির্দিষ্ট করে দিন। হযরত রসূলে দোজাহান (সাঃ) এরশাদ করলেন, সূর্যের রং পরিবর্তনের পূর্বে এবং আলো তার স্বাভাবিক বর্ণে থাকা অবস্থায় অর্থাৎ গাঢ় হলুদ (জরদ) বর্ণ হওয়ার পূর্বে আসর আদায় করবে। শীত ও গ্রীষ্ম সব সময়ের জন্যই একই নির্দেশ। হেদায়া কিতাবে নিম্নোক্ত হাদিসটি বর্ণিত আছে, “রসূলে করিম (সাঃ) এরশাদ করেছেন, সকালের (ফজরের) নামাজ সূর্যোদয়ের পূর্বে ভোরের আলো যখন উদ্ভাসিত হয় তখন পড়লে সওয়াব বেশি পাওয়া যায়।” জোহরের নামাজ গরমের দিনে বাতাসের উত্তপ্ততা কমে গেলে (সূর্য পশ্চিমে হলে পড়লে) এবং শীতের সময়ে সাধারণ নিয়মে পড়তে হবে।” এ ব্যাপারে তিনি আরও হাদিসের উল্লেখ করলেন, “গরমকালে দুপুরের নামাজ (জোহর) পড়বে যখন প্রকৃতি ঠাণ্ডা হয়ে আসতে থাকে।” কেননা, গরমের প্রচণ্ডতা বৃদ্ধি পায় দোজখের মুখ খোলা থাকলে।” পরে বললেন, একবার হযরত বায়েজিদ বোস্ট্রামী (রঃ) কর্তৃক ফজরের নামাজ কাজা (নির্ধারিত সময় অতিক্রম হয়ে যাওয়া) হয়ে শ্মাওয়ায় তিনি এত কাঁদলেন যার জন্য করুণাময় আল্লাহ তাঁকে গায়েবী আওয়াজের মদ্রাধ্যমে আশ্বস্ত করলেন, “হে বায়েজিদ বসো, তোমার এ অনুতাপে হকতায়লা তোমার আমলনামায় হাজার নামাজের ছওয়াব এনায়েত করেছেন।” এরপর এরশাদ করেন, “যে ব্যক্তি চিরস্থায়ীভাবে নামাজের সঠিক সময়ে নামাজ সমাপন করতে থাকে কিয়ামতের দিন নামাজ ঐ ব্যক্তির আগে আগে চলতে থাকবে।” এরপর এরশাদ করলেন, রসূলে আক্রাম (সাঃ) এরশাদ করেছেন, যে নামাজ পড়েনি তার ঈমান ছিল না। অর্থাৎ যে নামাজ আদায় করে না তার ঈমান নেই।” এরপর বললেন, হযরত খাজা ওসমান হারুনী (কুঃ সাঃ) হতে কথিত আছে, হযরত ইমাম জাহেদ (রঃ) এ আয়াত করিমের তফসীলী বা ব্যাখ্যা বলেছেন “(ফাওয়াই লুল্লিল মুছল্লিনা ল্লাজিনা হম আন ছালাতিহিম ছালাহন” অর্থ-সুতরাং দুর্ভাগ সেই সমস্ত নামাজীদের যাহারা তাহাদিগের সালাত সঙ্কে উদাসীন)-এর ব্যাখ্যা লিখেছেন, ওয়ায়েল নামে দোজখের মধ্যে একটা কূপ বা স্থান আছে যার চেয়ে অধিক আজাব (শাস্তি) কোন দোজখে নেই এবং ঐ শাস্তি ঐ সব নামাজীদের জন্য যারা সঠিক সময়ে নামাজ আদায় করে না। ওয়ায়েল- এর তফসীলে হযরত ইমাম জাহেদ (রঃ) বলেছেন ওয়ায়েল আজাবের প্রচণ্ডতায় কাঁদতে কাঁদতে ৭০ হাজার বার এলাহির দরবারে আরজ করেছে, “হে খোদা এত কঠিন আজাব কাদের জন্য?” ফরমানে এলাহি (আল্লাহর নির্দেশ) হলো “তাদের জন্য, যারা নামাজ ঠিক সময়ে পড়ে না এবং কাজা করে।” এরপর এরশাদ করলেন, একবার হযরত ওমর

(রাঃ) মাগরেবের নামাজ আদায় করার পর দেখলেন আকাশে নক্ষত্র দেখা দিয়েছে, তিনি ঘরে যেয়ে একজন গোলাম আজাদ করে দিলেন। কারণ সূর্যাস্ত যাওয়ার সাথে সাথে মাগরেবের নামাজ পড়া সূত্রাত।

পরে সদকা সঙ্কে আলোচনা শুরু হলো। হযরত খাজায়ে খাজেগান (রাঃ) এরশাদ করলেন, যদি কেউ ক্ষুধার্তকে পেট ভরে আহার করায়, হক সোবাহানতায়লা তার ও দোযখের মাঝে সাতটা পর্দা দাঁড় করাবেন এবং এক পর্দা হতে অপর পর্দার দূরত্ব হবে পাঁচশত বছরের পথ। এরপর ‘কসম’ (শপথ) খাওয়ার ব্যাপারে কথা উঠলো। তিনি এরশাদ করলেন, যে ব্যক্তি মিথ্যা ‘কসম’ খায় সে স্বীয় পরিবারবর্গকে বিধ্বস্ত করে। সম্পদ ও সৌভাগ্য (বরকত ও জখিরা) তার ঘর থেকে তুলে নেয়া হয়। এরপর এরশাদ করলেন একবার আমি বাগদাদ জামে মসজিদে মওলানা ইমাদুদ্দীন (রঃ), যিনি অত্যন্ত খ্যাতনামা বুজুর্গ ছিলেন, তাঁর মুখে শুনেছি যে, খোদাতায়লা হযরত মুসা (আঃ)-এর নিকট দোজখের বর্ণনা দিতে যেয়ে বললেন, “হে মুসা, দোজখের মধ্যে ‘হাবীয়া’ নামে একটা ঘর তৈরি করা হয়েছে এবং এই হাবীয়াই হল দোজখের মধ্যে সবচেয়ে কঠিন শাস্তির স্থান, সেখানকার অন্ধকারের সামনে অমাবস্যার অন্ধকারও তুচ্ছ, শাপ-বিছায় পরিপূর্ণ, রাশি রাশি পাথর রয়েছে, সেগুলো প্রতিদিন উত্তপ্ত করা হয়। হে মুসা, যদি ঐ আজাবের এক বিন্দুও দুনিয়াতে পতিত হয় তাহলে সারা দুনিয়ার পানি শুকিয়ে যাবে এবং পাথরও গলে যাবে। উত্তাপের প্রচণ্ডতায় সাত জমিন ফেটে যাবে। হে মুসা, এ আজাব ঐ সব লোকদের জন্য সৃষ্টি করা হয়েছে যাদের মধ্যে একদল, যারা নামাজ ত্যাগ করেছে এবং দ্বিতীয়, যারা আমার নামে মিথ্যা কসম খায়।” এরপর বললেন, মুহাম্মদ আসলাম তৌসী (রঃ) নামে একজন বড় বুজুর্গ ছিলেন, একবার দূরবস্থায় অজ্ঞানে কসম করেছিলেন। জ্ঞান ফিরে এলে তিনি অন্যান্য লোকজনকে জিজ্ঞেস করলেন, “আমি কি কসম খেয়েছি?” উত্তরে তারা বলল, হ্যাঁ আপনি কসম খেয়েছেন। তিনি বললেন, আমার নফস আজ অবাধ্য হয়েছে, আজ সে সুযোগ পেয়ে কসম খেয়েছে; কাল আরও খাবে এবং যখন অভ্যেস হয়ে যাবে প্রতিদিন খেতে থাকবে। এ সব কথা চিন্তা করে তিনি প্রকৃতই কসম খেলেন, “যতদিন জীবিত থাকব কারও সাথে আর কথা বলব না।” এই ঘটনার পর তিনি ৪০ বছর জীবিত ছিলেন, এর মধ্যে তিনি তাঁর শপথ ভঙ্গ করেননি। অর্থাৎ কারও সাথে কথা বলেননি। হযরত খাজা কুতুব সাহেব (কুঃ সাঃ) বলেছেন, আমি হযরত খাজা বুজুর্গ (রঃ)-কে জিজ্ঞেস করেছিলাম, যখন কারও কসমের প্রয়োজন দেখা দেয় তখন সে কিভাবে তা রক্ষা করে? হযরত খাজা বুজুর্গ আদমাল্লাহ বারকাতাহ এরশাদ করলেন ইশারা দ্বারা প্রয়োজন সমাধা করে। হযরত খাজা বুজুর্গ নুরুল্লাহ মারকাদাহ এ পর্যন্ত বয়ান করার পর আল্লাহতে মশগুল হলেন। উপস্থিত ব্যক্তিবর্গ দরবার ত্যাগ করলেন। মজলিস এদিনের মত এখানেই সমাপ্ত হলো।

আলহামদু লিল্লাহ আলা জালেক।



## চতুর্থ মজলিস

সোমবার প্রথমে কদমবুসি লাভের সৌভাগ্য অর্জন হলো। শেখ শিহাবুদ্দীন ওমর সোহরাওয়ার্দী (রঃ), খাজা আয়ল শিরাজী (রঃ) এবং শায়খ সাইফুদ্দীন বাখিরজী (রঃ) দেখা করার জন্য এসেছিলেন। আলোচনা শুরু হলো প্রশ্ন দিয়ে, “মহব্বতে সাদিক” (সত্য প্রেমিক) কে? হুজুর এরশাদ করলেন, যখন কোন বাল্য (দুঃখ-কষ্ট) বন্ধুর নিকট হতে আসে এবং যে অত্যন্ত সন্তুষ্টচিত্তে তা গ্রহণ করে সেই মহব্বতে সাদিক। এরপর হযরত শায়খ শিহাবুদ্দীন ওমর সোহরাওয়ার্দী (রঃ) বললেন, আলমে শওক এবং ইশতিয়াক (জড়জগতের সন্তুষ্টি ও আকাংক্ষা) তার ওপর থেকে এমন ভাবে নিঃশেষ হয় যখন তার মাথার উপর তরবারির হাজার আঘাত হানলেও তার চৈতন্যোদয় হবে না। এরপর হযরত খাজা আয়ল শিরাজী (রঃ) বললেন, মওলার সাথে প্রকৃত বন্ধুত্বের দাবীদার সেই, যাকে টুকরো টুকরো করে কেটে আঙুনে জ্বালিয়ে ছাই করে দিলেও তার মুখ দিয়ে রা শব্দটি বেরোবে না। এরপর শায়খ সাইফুদ্দীন বাখিরজী (রঃ) বললেন, মওলার প্রকৃত বন্ধু সেই যার উপর প্রায়ই বিপদ-আপদ নিপতিত হতে থাকে সত্যেও সে বন্ধুর প্রেমে সমস্ত কিছুকে ভুলে থাকে এবং দুঃখ দুর্দশায় কোন প্রতিক্রিয়ার সৃষ্টি হয় না। শায়খ সাইফুদ্দিনের বক্তব্য পেশ করার পর খাজা বুজুর্গ এরশাদ করলেন, শায়খ সাইফুদ্দিনের বক্তব্য শায়খ শিহাবুদ্দিনের বক্তব্যেরই অনুরূপ, কেননা আসারে আউলিয়ায় লেখা দেখেছি, একবার হযরত রাবেয়া বসরী (রঃ), খাজা হাসান বসরী (রঃ) মালেক বিন দিনার (রঃ) এবং হযরত খাজা শকীক বলখী (রঃ) বসরায় একত্রে বসে “মওলার প্রকৃত বন্ধু” সম্বন্ধে কথা বলছিলেন। হযরত মালেক বিন দিনার (রঃ) বললেন, মওলার সাথে প্রকৃত বন্ধুত্বের দাবীদার সেই, যার প্রতি বন্ধুর তরফ থেকে বাল্য-মুসিবত আসা সত্ত্বেও সে তাতে খুশি থাকে। হযরত রাবেয়া বসরী (রঃ) বললেন, এরচেয়ে আরও অধিক হওয়া উচিত। এরপর খাজা শকীক বলখী (রঃ) বললেন, মওলার সাথে বন্ধুত্বে সাদিক সেই যাকে মেরে টুকরো টুকরো করে ফেললেও তার কোন প্রতিক্রিয়ার সৃষ্টি হয় না। পরে খাজা হাসান বসরী (রঃ) বললেন, মওলার সাথে সাদিক বন্ধুত্ব তারই ঘটে যার ওপর দুঃখ- দুর্দশা নিপতিত হলেও সে তাতে নির্ভরশীল থাকে। রাবেয়া বসরী (রঃ) বললেন, দু’জনের বক্তব্যে একই আভাস পাওয়া যায়। এরপর, রাবেয়া বসরী (রঃ) বললেন, মওলার বন্ধুত্বে সাদিক সেই যখন তাকে দুঃখকষ্ট প্রদান করলেও সে তাঁকে ভুলে না। খাজা হাসান বসরী (রঃ) বললেন, আমিও সমর্থন করছি, শায়খ সাইফুদ্দীন বাখিরজী (রঃ) বললেন, মহব্বতের কথা একেই বলে। এরপর ‘খোন্দা’ বা হাসি সম্বন্ধে আলোচনা শুরু হলো। হুজুর এরশাদ করলেন, ‘আসল খোন্দা’ হলো

উচ্চহাসি যা কবির গুনাহের মধ্যে গণ্য হয় এবং সলুকের উচ্চ হাসিকে খোন্দা বলে। এরপর হুজুর এরশাদ করলেন প্রথম তামাশা ও খোন্দা অর্থাৎ উচ্চহাসি কবরস্থানে নিষেধ। কেননা তা শিক্ষা গ্রহণের স্থান, খেলাধুলার স্থান নয়। রসূলে খোন্দা (সাঃ) এরশাদ করেছেন, যখন মানুষের চলাচল কবরস্থান দিয়ে হয়, তখন মৃত ব্যক্তি বলে, হে উদাসীন যদি তোমার জানা থাকত যে, আমার ওপর কি ঘটছে এবং তুমিও যার সম্মুখীন হবে, তখন তোমার ওপরও ঘটবে, সে সময় তোমার চামড়া-মাংস বিগলিত হবে। এরপর এরশাদ করলেন, এক সময়ে কিরমান দেশে শায়খ আহাদুদ্দীন কিরমানীর সঙ্গে ভ্রমণ করছিলাম, একজন বুজুর্গকে দেখলাম, যিনি অত্যন্ত সাহাবে নিয়ামত (ঐশী আশীর্বাদপ্রাপ্ত ব্যক্তি) ও মশগুল ছিলেন। আমি এমন মশগুল আর কাউকে দেখিনি। আমি ছালাম দিয়ে কাছে গেলাম, দেখলাম শরীরে মাংস ও চামড়া কিছুই নেই, আছে শুধু হাড় ও রুহ। কথা খুবই কম বলেন। আমি ইচ্ছে করলাম তাঁর এ অবস্থার কারণ জিজ্ঞেস করব। তিনি তাঁর আলৌকিক অন্তরের মাধ্যমে আমার ইচ্ছা বুঝতে পেরে বললেন, “ওহে দরবেশ, আমি আমার এক বন্ধুর সাথে একদিন কবরস্থানে গেলাম। সে একটা কবরের নিকট থামল। বন্ধু যুবকটির কৌতুকপূর্ণ কথায় আমি হাসি সংবরণ করতে পারলাম না। আমি যে কবরে বসে ছিলাম সেখান হতে আমার হাসিকে উদ্দেশ্য করে আওয়াজ হলো, ‘হে উদাসীন (গাফেল) যার সম্মুখে এমন কঠিন বাসস্থান যার প্রতিদ্বন্দী মালেকুল মউত, যে মাটিতে রয়েছে সাপ এবং অজগর, সেটা হবে তার বাসস্থান; তার পরেও এভাবে হাসার অর্থ কি? যখন আমি এ আওয়াজ শুনলাম বন্ধুকে আহবান করে আস্তে আস্তে উঠে পড়লাম, সে তার নিজের বাসস্থানে চলে গেল এবং আমি এই শুভায় প্রত্যাবর্তন করে নিশ্চুপ রইলাম। ঐ দিন হতে আমি ভীষণ আতঙ্কগ্রস্ত, সন্ত্রাসগ্রস্ত এবং ভয়ে আমার প্রাণ ওষ্ঠাগত। আজ ৪০ বছর হলো, আমি হাসিনি এবং লজ্জায় উর্ধ্বাকাশে দৃষ্টিপাত করিনি; কেননা, কাল কিয়ামতের ময়দানে আমি কি করে এ মুখ দেখাব। আর এক বুজুর্গ ছিলেন যার নাম আতয়ে ছলমী (রঃ)। তিনিও ৪০ বছর উর্ধ্বাকাশ দৃষ্টিপাত করেননি, দিনরাত তিনি অঝরে কাঁদতেন। জনগণ তাঁর এ কান্নার কারণ জিজ্ঞেস করায় তিনি জবাব দেন। কবর এবং কিয়ামতের ভয়ে আমার এ অবস্থা। পরে প্রশ্ন করা হলো আপনি উর্ধ্বাকাশে দৃষ্টি নিক্ষেপ হতে বিরত কেন? উত্তরে বললেন, আমি অত্যধিক গুনায় জর্জরিত এবং মজলিসে খুব হাসতাম, তাই লজ্জায় উর্ধ্বগগনে দৃষ্টিপাত করি না। ‘এরপর খাজা বুজুর্গ খাজা ফতেহ মওসলি (রঃ)-এর ঘটনার বর্ণনায় বললেন যে, তিনি এক মহান বুজুর্গ এবং জমানার আল্লামা ছিলেন। যিনি ৮ বছর এমনভাবে ফ্রন্দন করেছেন যে, তাঁর গণ্ডদেশ হতে মাংস গলে পড়ে গিয়েছিল। তাঁর ইত্তেকালের পর লোকজন তাঁকে স্বপ্নে দেখে জিজ্ঞেস করল, আল্লাহ আপনার সাথে কিরূপ ব্যবহার করেছেন? তিনি উত্তর দিলেন, আল্লাহ পাক আমায় ক্ষমা করেছেন। যখন আমাকে



আরশে আযীমের নিচে নিয়ে যাওয়া হলো তখন আমি অত্যন্ত সবিনয়ে ভীতগ্রস্ত ও কল্পিত অবস্থায় সেজদাবনত হলাম; সম্ভাষণ হলো, “হে ফতেহ মওসলি, এত কাঁদছ কেন? তুমি কি জানতে না যে আমি ক্ষমাশীল?” আমি পুনরায় সেজদাবনত হলাম এবং আরজ করলাম, হে প্রভু সে কেমন ব্যক্তি, যে তোমায় গাফফার (ক্ষমাকারী) মনে না করে? কিন্তু আমি মৃত্যু-স্মরণে ও কবরের সংকীর্ণতার ভয়ে ভীত হয়ে কাঁদতাম। কারণ, না জানি এই সংকীর্ণ কবরে আমার কি অবস্থা ঘটবে? এরপর আল্লাহতায়ালার হুকুম হলো যখন এতসব ব্যাপারে তুমি আতঙ্কিত তখন সমস্ত সন্ত্রাস হতে তোমাকে মুক্ত করা হলো। খাজা গরীব-উন-নওয়াজ এরশাদ করলেন, আমি সিস্তানে হযরত সাইয়্যেদনা খাজা ওসমান হারুনী (কুঃ সাঃ)-এর সাথে ভ্রমণে ছিলাম। একদিন এক এবাদতগাহে পৌছলাম। সেখানে হযরত শায়খ হদরুদ্দীন মুহম্মদ আহমদ সিস্তানী (রঃ) কল্পনাভীতভাবে তনুয় অবস্থায় ছিলেন। আমি কয়েকদিন ঐ বুজুর্গের সোহবতে ছিলাম, যে কেউই তাঁর এবাদত গাহে আসত, কাউকেই তিনি নিরাশ করতেন না। তিনি ভেতরে যেয়ে কিছু এনে তাকে দিয়ে বলতেন, আমার জন্য দোয়া খায়ের কর, যেন আমি ঈমান নিয়ে কবরে যেতে পারি। এ বুজুর্গ যখন কবরের কঠিন আজাবের কথা শ্রবণ করতেন তখন ভয়ে কাঁপতে থাকতেন এবং চোখ দিয়ে ফোয়ারার মত রক্ত-অশ্রু প্রবাহিত হতো। ৭ দিনের মধ্যেও এ অবস্থার পরিবর্তন হতো না। তিনি আকাশের দিকে তাকিয়ে কাঁদতে থাকতেন, তাঁর কান্না দেখে আমারও কান্না আসত। এরপর বললেন, “হে প্রিয় যার মৃত্যু অবধারিত এবং মালেকুল মওত যার প্রতিদ্বন্দী, তার শয়ন করা, হাসা বা সন্তুষ্ট থাকা কি শোভা পায়? তুমি যদি তাদের কথা জানতে, যারা মাটির নিচে শায়িত অবস্থায় এমন ঘরে কারারুদ্ধ রয়েছে, যার মধ্যে রয়েছে সাপ-বিছু ভর্তি, তাহলে এমনভাবে বিগলিত হতে যেভাবে নিমক পানিতে গলে যায়। এরপর হযরত খাজায়ে খাজেগান এরশাদ করলেন, এক সময় আমি এবং একজন কামেল বুজুর্গ বসরা শহরের কবরস্থানে বসা ছিলাম, আমাদের সম্মুখে একজন মৃতের গোর আজাব হচ্ছিল, আমার সঙ্গী বুজুর্গ যখন ঐ আজাব দেখলেন, তখন খুব জোরে চিৎকার করে মাটিতে পড়ে গেলেন। আমি উঠাতে চেষ্টা করতাই বুঝলাম দেহে রুহ নেই। কিছুক্ষণের মধ্যেই তাঁর দেহ পানির মত ঠাণ্ডা হয়ে গেল। আমি তাঁর মধ্যে যে ভয় দেখেছি অন্য কারও মধ্যে তেমন দেখিনি এবং কখনও শুনিনি। তারপর এরশাদ করলেন, আমি ঐ দিনের পর হতে ভীষণ ভয়-ভীতির মধ্যে কালাতিপাত করছি। এই ঘটনার ত্রিশ বছর পর তোমাদের নিকট বর্ণনা করলাম। হে বন্ধুগণ, দুনিয়ার প্রতি এত মশগুল হয়ে না, যাতে স্রষ্টাকে ভুলে যাও। এ পর্যন্ত বলার পর তিনি দুটো খোরমা আমাকে দান করলেন এবং কাঁদতে লাগলেন। ভয়ের প্রভাব অধিক হলে হযরত খাজা বুজুর্গ (রাঃ) চিৎকার করে কাঁদতে লাগলেন। এরপর এরশাদ করলেন এ ব্যাপারটা বড়ই কঠিন, যে রেহাই পেলো

সেই বাঁচল। পরে বললেন, কবরস্থানে রুটি খাওয়া, পানি পান করা অথবা অন্য কিছু আহ্বার করা কবির গোনাহের অন্তর্ভুক্ত। এরপর তিনি একটা লিখিত ঘটনার বর্ণনা দিলেন, হযরত ইমাম এহুইয়া হাসান জিন্দুসী (রঃ) শ্রীত রওজা কিতাবে বর্ণিত আছে, হযরত রসূলে খোদা (সাঃ) এরশাদ করেছেন, “মান আকাল ফিল মাকাবারে তায়ামান আও শারাবান ফাহুয়া মালউ'নু ওয়া মুনাফিকুন।” অর্থাৎ যে ব্যক্তি কবরস্থানে কিছু খায় বা পান করে সে অভিশপ্ত (মালউ'ন) বা কপট-ভণ্ড (মুনাফিক)। এরপর হযরত খাজা হাসান বসরী (রঃ)-এর কথা বর্ণনা করে বললেন, তিনি একদল মুসলমানকে দেখলেন কবরস্থানে আহ্বার করছে এবং পানি পান করছে; খাজা হাসান বসরী (রঃ) তাদের সম্মুখে যেয়ে বললেন, “তোমরা মোনাফিক না মুসলমান?” এ প্রশ্নে তারা খুব রাগান্বিত হয়ে তাঁকে প্রহার করার জন্য উদ্যত হওয়ায় তিনি বৃকিয়ে বললেন, এ কথা আমার নিজের নয়; হযরত রসূলে আক্রাম (সাঃ)-এর বাণী। তিনি এরশাদ করেছেন, কবরস্থান ভয় ও শিক্ষা গ্রহণের স্থান। এ মাটিতে কত তোমাদের মত এবং কত তোমাদের চেয়ে শ্রেষ্ঠ ব্যক্তি শায়িত আছে যাদেরকে পিপীলিকায় ভক্ষণ করেছে। তাদের সৌন্দর্য এই মাটিতে মাটি হয়ে মিশে গেছে। তোমরা জীবিতরা তাদেরকে এই ভূমিতে শোয়ায়ে রেখেছ। তারপর কি করে তোমরা এটাকে পানাহারের জায়গা হিসেবে বেছে নিলে? তিনি এ পর্যন্ত বলে চূপ হয়ে গেলেন। খাজা হাসান (রঃ)-এর উপদেশ তাদের অন্তরে এমন প্রতিক্রিয়ার সৃষ্টি করলো যে, তারা তৎক্ষণাৎ তওবা করলো এবং নিজেদের অপরাধের জন্য মাফ চেয়ে নিলো। বাকী জীবনের জন্যেও তারা তাদের তওবার ওপর কায়েম ছিল। এরপর খাজা বুজুর্গ (রাঃ) অনুরূপ আর একটা ঘটনা বর্ণনা করলেন। রায়াহান কিতাবে উল্লেখ আছে যে, একসময়ে হুজুর করিম (সাঃ) এমন এক সম্প্রদায়ের লোকদের মধ্য দিয়ে যাচ্ছিলেন যারা তখন হাসি-ঠাট্টায় মশগুল ছিল। হযরত (সাঃ) চলার গতি থামিয়ে তাদেরকে সালাম দিলেন। তারা হাবীব খোদা (সাঃ)-কে দেখে সম্মানের সাথে দাঁড়িয়ে গেলো। হুজুর আক্রাম (সাঃ) তাদেরকে বললেন, “ওহে ভ্রাতৃবৃন্দ, তোমরা কি মৃত্যুকে ভয় কর না?” সকলে এক সঙ্গে উত্তর দিলো, ‘খায়ের’ ইয়া রাসুলান্নাহ, মৃত্যুকে কে না ভয় করে? হযরত পয়গম্বর (সাঃ) এরশাদ করলেন যারা মৃত্যুকে ভয় করে তাদের হাসি-ঠাট্টায় কি কাজ? সরদারে কায়েনাৎ (সাঃ)-এর পবিত্র উপদেশ এমনভাবে তাদেরকে পরিশোধিত করেছিল যে, পরবর্তীতে কোনদিন আর তাদেরকে কেউ হাসতে দেখেনি।

অতপর রৌশনজমির খাজা বুজুর্গ (রাঃ) এরশাদ করলেন, ঠিক এমনভাবে আশ্বিয়া ও আউলিয়া কেরামগণ পৃথিবীকে নিকৃষ্ট ভেবেছে এবং তার উপর লা'নত (অভিশাপ-ভর্ৎসনা) করেছেন। এর কারণ এই যে, মৃত্যু ও গোর আজাবের ভয় তাদের মনে গাঁখে গিয়ে ছিল। পরে এরশাদ করলেন, আহলে সলুক কোন মুসলমান ভাইকে তিনবার দুঃখ

দিলে কবীরা গুনাহ হিসেবে গণ্য হয় এবং এরচেয়ে আর বড় গুনাহ নেই। এ সম্বন্ধে কোরান শরীফে হকতায়াল্লা এরশাদ করেন, “ওয়াল্লাজিনা ইউজুনাল মুমেনিনা বেগায়রে মাকতাসাবু ফাক্বাদ এহতামানু বুহতানাও ওয়া ইসমান মুবিনা।” অর্থ- যারা অনর্থ দুঃখ দেয় মুসলমানদেরকে নিশ্চয়ই তারা অর্জন করেছে অপবাদ এবং প্রকাশ্য গুনাহ। আসল কথা হলো, বিনা কারণে যারা কষ্ট দেয় মুসলমান ভাইকে তারা আল্লাহর অসন্তুষ্টিতে পতিত হয়। এরপর একটা ঘটনা বললেন, এক বাদশাহ আল্লাহর বান্দাদের প্রতি এমন জোর-জুলুম করত যে বিনা কারণে তাদেরকে দুঃখ-কষ্টে জর্জরিত করত এবং হত্যা করত। কিছুদিন পর ঐ জালিম বাদশাহকে বাগদাদের কংকরী মসজিদের নিকটে দেখা গেল, ধুলায় লুষ্ঠিত এলোমেলো মাথার চুল, ধন-দৌলত ও ঐশ্বর্য হতে বঞ্চিত। একজন লোক তাকে দেখে চিনল এবং জিজ্ঞেস করল, ‘তুমি কি সেই বাদশাহ নও যে মক্কা শরীফে জনসাধারণের প্রতি জুলুম করতে?’ সে লজ্জিত হয়ে উত্তর দিল, “হ্যাঁ আমিই সেই লোক।” কিন্তু তুমি আমাকে চিনলে কি করে? লোকটি বলল, আমি তোমাকে সেই সময় ধন-দৌলতের ঐশ্বর্যে দেখেছি যখন তুমি বিনা কারণে লোকদের প্রতি জুলুমের শাসন কয়েম করেছিলে এবং খোদার ভয় হতে চোখ বন্ধ করেছিলে। বাদশাহ বলল এতে কোন সন্দেহ নেই যে আমি তাই করতাম এবং আমার বর্তমান অবস্থা সেই পাপেরই প্রায়শ্চিত্ত। এরপর হযরত খাজা বুজুর্গ (রঃ) আর একটা ঘটনা বললেন। আমি তখন দজলা নদীর তীরে এক এবাদতখানায় গিয়েছিলাম সেখানে একজন বুজুর্গ স্থায়ী ভাবে বাস করতেন। আমি সালাম করলাম, তিনি ইশারায় আমাকে বসতে বললেন। একটু পরে তিনি আমার সঙ্গে আলাপে রত হলেন। বললেন পঞ্চাশ বছর যাবৎ জনকোলাহল হতে এখানে এসে নিঃসঙ্গভাবে বসে আছি। তোমার মত আমিও একসময় ভ্রমণ করতাম। তৃতীয় ভ্রমণকালীন সময়ে এক শহরে অবস্থান করছিলাম। একজন ধনবান লোককে দেখলাম বাজারে দাঁড়িয়ে বিক্রেতার সঙ্গে অত্যন্ত কঠোর ও দুর্ব্যবহার করছিল এবং নিজের গ্রাহকদেরও কষ্ট দিচ্ছিল। আমি ধনী লোকটিকে কিছু না বলে নিশ্চূপ চলে এলাম। হঠাৎ গায়েবী আওয়াজ হলো, “যদি তুমি আল্লাহরওয়াল্লাস্তে ঐ দুনিয়ার মূর্দার থেকে চলে না এসে তাকে বুঝিয়ে দিতে যে ঐ-রকম দুর্ব্যবহার অন্যায়, তাহলে এমনো ত হতে পারত যে তোর কথা মেনে নিয়ে সে জুলুম থেকে বেঁচে যেত।” যেদিন থেকে আমি এ আওয়াজ শুনেছি সেদিন হতে এই এবাদতগাহে বসবাস করছি। কখনও এর বাইরে পা রাখিনি। এ ঘটনার পর হতে আমি অত্যন্ত ভীত আছি যে রোজ হাশরে যখন এ ব্যাপারে আমাকে জিজ্ঞেস করবে তখন কি জবাব দিব? ঐ তারিখের পর হতে আমি কসম খেয়েছি আর কোথাও যাব না। কেননা, যদি এমন কোন ঘটনা আবার আমার সম্মুখে পড়ে এবং আমি তার জন্য জবাবদিহি হই? সন্ধ্যা হলে অদৃশ্যলোক হতে (গায়েবী) দুটো গমের রুটি এবং একবাটি পানি এলো। আমরা দু’জন একসঙ্গে বসে ইফতার করলাম। রওয়ানা হওয়ার প্রাক্কালে তিনি তাঁর জায়নামাজের তলা হতে অমাকে দুটো আপেল দিলেন। তারপর আমি বাগদাদে ফিরে এলাম।

হযরত খাজা বুজুর্গ (রঃ) এরশাদ করলেন, আহলে সলুকদের মাঝে যে চতুর্থবার কবীরা গুনাহ করে তার অবস্থা এমন হয় যে, যদি সে আল্লাহ পাকের নাম শ্রবণ করে এবং কালাম পাক পাঠ করে তবু তার অন্তর নরম হয় না ও ঈমানও বৃদ্ধি হয় না। না হওয়াটাই স্বাভাবিক। যদি সে আল্লাহর করুণা কামনা করে এবং খেল-তামাশায় মশগুল থাকে তবে সেটা খুবই খারাপ কথা। কোরান মজিদের নির্দেশ “ইন্না মাল মুমেনিনাল্লাজিনা এজা জুকেরাল্লাহ ওয়া জিলাত কুলুবাহম ওয়া এজা তুলেইয়াত আলাইহিম আইয়াতুল্ জাদাতহম ইমানাও ওয়া আলা রাব্বেহিম ইয়া তাওয়াক্বালুন।” নিশ্চয়ই মুমেন ঐ ব্যক্তি যাদের নিকট আল্লাহর জিকির করা হয় তাদের অন্তর ভীত হয় এবং তাদের নিকট আল্লাহর আয়াতসমূহ বর্ণনা করলে তাদের ঈমানের মধ্যে মন্থনত্ব সৃষ্টি হয়, তারা আল্লাহর ওপর নির্ভরশীল থাকে। ইমাম জাহেদ এই আয়াতের তফসীরে বলেছেন, প্রকৃত মুমেন ব্যক্তি তারাই যারা খোদার নাম শ্রবণ করলে তাদের ঈমান ও এতেকাদ (বিশ্বাস) বর্দ্ধিত হয় এবং যে কোরান শরীফ পাঠকালীন সময়ে হাসে তাকে তুমি জানবে প্রকৃত মোনাফেক। রসূলে খোদা (সাঃ) এরশাদ করেন চলার পথে একবার একদল লোককে অতিক্রম করছিলাম তারা তখন আল্লাহতায়ালার জিকির করছিল ও হাসছিল এবং খোদাওন্দ করীরের কথা শুনেও তাদের মন নরম হচ্ছিল না। হজুর (সাঃ) বললেন আমি দাঁড়িয়ে পড়লাম এবং বললাম এটা মোনাফেকদের তৃতীয় দল। এরপর খাজা বুজুর্গ বললেন, খাজা ইব্রাহিম খোয়াজ এমন একটি সম্প্রদায়ের লোকের মধ্য দিয়ে যাচ্ছিলেন যারা বসে আল্লাহতায়ালার জেকের করছিল। তিনি আল্লাহর নাম নিলেন এবং শ্রবণ করার পর ফকিরদের একজনের এমন প্রেমের (শওক) সৃষ্টি হল যে ৭ দিবস-রজনী ঐশী- প্রেমে সে মূর্ছাগত (ওজুদ) হয়ে অচেতন্য রইলেন। চেতনা ফিরলে আবার খোদার নাম নিলেন এবং পুনরায় চেতনা হারিয়ে ৭ অহোরাত্র কাটালেন। সম্পূর্ণ হুঁশ হওয়ার পর অজু করে দু’রাকাত নামাজ পড়লেন। মাথা সেজদাবনত রেখে ‘ইয়া আল্লাহ’ বললে পুনরায় বেহুঁশ হয়ে পড়লেন এবং রুহ দেহ ছেড়ে স্রষ্টার কাছে চলে গেল। এ ঘটনা বলার পর হযরত খাজা গরীব-নওয়াজ (রঃ)-এর চোখ অশ্রু ভারাক্রান্ত হয়ে উঠল। তিনি নিম্নোক্ত ফার্সী কবিতার পংতি দুটো উচ্চারণ করলেন —

আশিক ব হাওয়ালে দোস্ত বেহুঁশ বুয়াদ,

ও জে যাদে মুহব্বাত খেশ মদহুশ বুয়াদ।।

ফরদা কে ব হাশুরে খালকে হয়রান মানাদ,

নামে তু দরু সিনা ও গুশে বুয়াদ।।

অর্থ—বন্ধুর পরশে প্রেমিক হয় বেহুঁশ,

প্রেমাধিক্যে হারিয়ে নিজেই হয় নেশায় বিভোর।।

সৃষ্টি হবে আতঙ্কিত আসছে হাশরে,

কর্ণ - সিনায় থাকবে সদা নামটি জাগ্রত।।



এরপর এরশাদ করলেন, হযরত খাজা নাসিরুদ্দীন আবি ইউসুফ চিশতী রহমতুল্লাহে আলায়হের খানকা শরীফে কয়েকজন কামেল দরবেশ এসেছিলেন। ঐ সময় আমিও সেখানে ছিলাম। একদিন 'সামা' (গান)-এর এমজলিসে কাওয়ালগণ এমন রুবাই (চার পংক্তির কবিতা) গাইতে শুরু করল যা শ্রবণ করার পর আমারও দরবেশগণের মধ্যে এমন হালের (অবস্থার) সৃষ্টি হল যে, ৭ অহোরাত্রি পর্যন্ত আর কোন হুঁশ রইল না। সামা (গান) চলাকালীন সময়ে 'ওজুদ হালে' (ঐশী-প্রেমে মূর্ছিত হয়ে স্রষ্টাতে বিলীন) উক্ত দরবেশগণের মধ্য হতে দু'জনে মাটিতে পড়ে যায় এবং খিরকাহ (আজু নম্বা পরিধেয় বস্ত্র) ভূতলে লুটিয়ে থাকে আর শরীর অদৃশ্য হয়ে যায়। এ অমৃতনুধা আমাদেরকে পান করিয়ে হযরত খাজায়ে খাজেগান (রাঃ) তেলওয়াতে মশগুল হলেন। মজলিস বিরত রইল।

আলহামদু লিল্লাহ আলা জালেক।

### প্রথম মজলিস

শনিবার। কদম মোবারকে চুমু খাওয়ার সৌভাগ্য হল। শায়খ জালাল, শায়খ আলী সন্জরী, খাজা মুহম্মদ আহমদ চিশতী রহমকুমুল্লাহ এবং আরও অনেক প্রখ্যাত মাশায়খ, সুফীয়ে আজম খেদমতে উপস্থিত ছিলেন। আলোচনা শুরু হলো। বিষয়বস্তু ছিল নিম্নোক্ত পাঁচটি জিনিস পালন নিয়ে, যদি এগুলো পৃথক পৃথকভাবে পালন করে, তবে তা হবে আহলে সলুকগণের জন্য এবাদত। খাজা বুজুর্গ (রাঃ) এরশাদ করলেন, জিনিস পাঁচটির মধ্যে প্রথম আদেশ হল স্বীয় পিতামাতার হক আদায় (অর্থাৎ তাঁদের সাথে ভাল ব্যবহার করা, ভরণ-পোষণ করা, মনে দুঃখ না দেয়া এবং অন্যান্য খেদমত করা)। পিতামাতার খেদমত সন্তানদের জন্য অত্যন্ত হওয়াবের এবাদত। রসুলে খোদা (সাঃ) বলেছেন, যে ব্যক্তি পিতামাতার খেদমত আন্বাহুর ওয়াস্তে করে আন্বাহুতায়াল্লা তার আমলনামায় একটি হজের হওয়াব প্রদান করেন এবং যে সন্তান স্বীয় জননীর কদমবুসি করে আন্বাহু জাল্লে শানহু তার আমলনামায় হাজার বছর এবাদতের হওয়াব দান করেন এবং তার সমস্ত গুনাহ আন্বাহুতায়াল্লা মাফ করে দেন। এরপর এরশাদ করলেন, এক লম্পট ব্যভিচারী, দুশ্চরিত্র ও দুনিয়াসক্ত ব্যক্তির মৃত্যুর পর তাকে বেহেস্তে হাজিগণের সাথে দেখা গেল। লোকজন তাকে স্বপ্নে এ অবস্থায় দেখে তাজ্জব (আশ্চর্য) হয়ে গেল এবং প্রশ্ন করল তুমি এ নিয়ামত কি করে অর্জন করলে? তোমার তো এমন কোন আমল ছিল না যদ্বারা এ নিয়ামত লাভ করতে পার? উত্তরে সে বলল, তোমাদের ধারণা সন্দেহাতীতভাবে সত্য, কিন্তু তোমরা তো জানতে আমার এক বৃদ্ধা মা ছিলেন,

যখন আমি ঘর থেকে বেরুতাম তাঁর পায়ে চুমু (কদমবুসি) খেয়ে তারপর বেরুতাম। তিনি আমাকে দোয়া দিতেন “খোদা তোমাকে ক্ষমা করুন এবং হাজীদের সওয়াব এনায়েত করুন।” পরম করুণাময় আন্বাহু জাল্লে শানহু আমার সেই বৃদ্ধা মায়ের দোয়া কবুল করে আমাকে বেহেস্তে হাজীদের সাথে স্থান দিয়েছেন। এরপর এরশাদ করলেন, হযরত খাজা বায়েজিদ বোস্তামী রহমতুল্লাহ আলায়হেকে জিজ্ঞেস করা হয়েছিল, “ঐশ্বর্য ভাঙরের শ্রেষ্ঠ ঐশ্বর্যটি এবং নিয়ামত ভাঙরের শ্রেষ্ঠ নিয়ামতটি আপনি কি করে হাসেল করেছেন?” তিনি জবাব দিলেন, “যখন আমি বালক ছিলাম, বয়স ৭ বছরের মত হবে। মসজিদে পড়তে যেতাম, নিম্নোক্ত আয়াতটি একদিন পাঠের মধ্যে এসে গেল। “ওয়াবিল ওয়া-লেদায়নে এহুহানা” ওস্তাদের নিকট এর অর্থ জিজ্ঞেস করায় তিনি উত্তর দিলেন, এটা আন্বাহুর আদেশ, ‘পিতা মাতার হক আদায় কর’, যেমন তাদের প্রাপ্য। এ কথা শ্রবণ করার সাথে সাথেই আমি কালামপাক বন্ধ করে মায়ের খেদমতে যেয়ে হাজির হলাম এবং বললাম মা আমি আজ একটা আয়াত পড়েছি, ওস্তাদ সে আয়াতের ব্যাখ্যায় যা বলেছেন মাকে তা শোনালাম এবং বললাম এখন আদেশ কর, আমি কি তোমাদেরই খেদমত করব। একই বক্তব্য পিতার সম্মুখেও পেশ করলাম। উভয়েই আমার জন্য দু'রাকাত নামাজ পড়ে দোয়া করলেন এবং আন্বাহুতায়াল্লা কাছে আমাকে সমর্পণ করলেন। আমার নিয়ামত লাভের পেছনে মায়ের তরফের আরও একটি দোয়া সংযুক্ত আছে। শীত কাল, তখন বরফ পড়ছিল, রাতে মা পিপাসায় কাতর হয়ে পানি চাইলেন আমি জেগেছিলাম, ঘরে দেখলাম কলস শূন্য, পানি নেই। পানি আনতে বাইরে চলে গেলাম। পানি এনে পাত্রে ঢেলে মায়ের কাছে যেয়ে দেখি তিনি নিদ্রিত হয়ে পড়েছেন। ভাবলাম যদি আমি এখন ঘুমিয়ে পড়ি এবং মা জেগে পানি না পান তাহলে মায়ের আদেশ পালন না করায় আদবের খেলাপ হবে এবং মায়েরও কষ্ট হবে। এ সমস্ত ভেবে আমি আর শয়ন না করে পানির পাত্র হাতে নিয়ে মায়ের শিয়রে দাঁড়িয়ে রইলাম। অত্যধিক ঠাণ্ডায় হাতের পানি জমে যাচ্ছিল এমন সময় মা চোখ মেললেন। আমাকে পানির পাত্র হাতে নিয়ে দাঁড়িয়ে থাকতে দেখে মা অত্যন্ত সন্তুষ্ট হলেন এবং এলাহীর বারগাহে এই বলে দোয়া করলেন, ‘হে বারে এলাহী আমার সন্তানকে তোমার ফজল ও করম দ্বারা আরিফদের বাদশাহ করো,’ তোমরা যে সব নিয়ামতের কথা আমাকে জিজ্ঞেস করেছিলে সে সবই আমার মায়ের দোয়ার বরকতে লাভ করেছি।

খাজা বুজুর্গ (রাঃ) এরশাদ করলেন পাঁচটি জিনিসের দ্বিতীয় জিনিস হলো কোরান শরীফসংক্রান্ত একটা নির্দেশ, যা বন্দেগীর মধ্যে শ্রেষ্ঠ বন্দেগী। শরহে আউলিয়া কিতাবে উল্লেখ আছে, যে ব্যক্তি আন্বাহুর কালাম পাঠ করেন হকতায়াল্লা দুটো হওয়াব তাকে দান করেন। একটা হওয়াব কোরান পড়ার জন্য দ্বিতীয় হওয়াব কোরান শরীফে

দৃষ্টিপাত করার জন্য। যে কোরান শরীফ পাঠ করে তার আমলনামায় প্রতিটি অক্ষরের জন্য ১০টি করে নেকি লেখা হবে এবং দশটি করে পাপ মুছে যাবে। এরপর কেউ আরজ করল ভ্রমণের সময়ে অথবা যুদ্ধের ময়দানে কোরান শরীফ সাথে নিয়ে যাওয়া ঠিক হবে কিনা? হজুর এরশাদ করলেন রাসুলুল্লাহ (সাঃ)-এর সময়ে যখন ইসলামের প্রসার বেশী ঘটেনি তখন বেদ্বীনদের জন্য ভয় ছিল যদি তাদের হাতে কোরান পাক পড়ে তাহলে কোরান পাকের (বেইজ্জতি) অসম্মান হওয়ার সম্ভাবনা ছিল, যার জন্য কেউ কোরান শরীফের লিখিত সূরা আয়াত সাথে নিতেন না। কিন্তু যখন ইসলামের মর্যাদা উপলব্ধি করে এর প্রসার বৃদ্ধি লাভ করে তখন নবী করিম (সাঃ) নাজিলকৃত কোরান শরীফের ভ্রমণে বা যুদ্ধের ময়দানে সব জায়গাতেই সাথে নিয়ে যেতেন। এরপর এরশাদ করলেন সুলতান মাহমুদ গজনবীকে ওফাতের পরে (মৃত্যুর পরে) স্বপ্নে দেখলাম এবং জিজ্ঞেস করলাম, আল্লাহতায়াল্লা আপনার সাথে কিরূপ ব্যবহার করেছেন? জবাবে বললেন একরাতে আমি একটা ছোট শহরে মেহমান ছিলাম। সেই ঘরের তাকে একটা কোরান শরীফের পাতা রাখা ছিল, আমি ভাবলাম, যেহেতু এখানে কোরান শরীফ রাখা আছে সুতরাং এখানে শয়ন করা উচিত নয়। পরে মনে ওয়াসওয়াসা (খারাপ চিন্তা) এলে ভাবলাম, কোরান শরীফের পাতাটা অন্য কোথাও সরিয়ে দিয়ে ঘুমিয়ে নিলে মন্দ হয় না; কিন্তু পরক্ষণেই খেয়াল হল এতে ভীষণ বেয়াদবী হবে। কেননা, নিজের আরামের জন্য কোরান শরীফকে স্থানান্তর করব? শেষ পর্যন্ত কোরান শরীফ স্থানান্তর না করে জেগে রইলাম। পরে যে সময়ে আখেরাতের ডাক পড়ল, চলে এলাম। আল্লাহ পরম করুণাময়, আমার ঐ রাতের কোরান শরীফের প্রতি সম্মান প্রদর্শনের জন্য আমায় ক্ষমা করেছেন। এরপর এরশাদ করলেন কোরান শরীফের প্রতি কেউ দৃষ্টিপাত করলে তার চোখের জ্যোতি বেড়ে যায় এবং সে কখনও অন্ধ হয় না। এ সম্বন্ধে একটা ঘটনা বললেন, 'এক সাজ্জাদা নসীন শায়খ তার গদির ওপর বসেছিলেন, কোরান শরীফ তাঁর সামনে রাখা ছিল, একজন অন্ধ লোক এসে আরজ করল আমি বহুদিন যাবৎ অন্ধ অবস্থায় আছি বহু চিকিৎসা করিয়েছি কিন্তু কোন ফলোদয় হয়নি। আপনার কাছে এসেছি দোয়া খায়েরের জন্য, একটু দোয়া করুন আমার জন্য।' পীর সাহেব কেবলামুখী হয়ে ফাতেহা পড়লেন এবং কোরান শরীফ তুলে তার চোখে লাগালেন। তৎক্ষণাৎ লোকটি তার দু'চোখে দৃষ্টিশক্তি ফিরে পেল। এরপরে "জামেউল হেকায়েত" কিতাব হতে একটা ঘটনা বর্ণনা করলেন। ফেলে আসা দিনগুলোর কোন একসময়ে এক লোক দু'চরিত্রের কর্ণধার ছিল। মুসলমানগণ তার দু'চরিত্রের জন্য তাকে ঘৃণা করত এবং সবসময়েই সংশোধন হওয়ার জন্য উপদেশ দিত। কিন্তু সে কোন উপদেশই মানত না। সে মারা গেলে লোকগণ তাকে স্বপ্নে দেখল, সে উত্তম পোশাকে সজ্জিত, মাথায় তাজ এবং ফেরেস্তাদের ওপর আদেশ হয়েছে তাকে

বেহেস্তে নিয়ে যাওয়ার জন্য। জিজ্ঞেস করা হল তুমি তো ফাসেক ছিলে তোমার এ উচ্চ সম্মান কি করে লাভ হল? জবাবে সে বলল, আমি চলার পথে কোথাও যদি কোরান শরীফের পাতা পড়ে থাকতে দেখতাম সেটাকে তুলে নিতাম এবং অত্যন্ত আদবের সাথে দেখতাম। হকতায়াল্লা আমাকে তার প্রতিদান হিসেবে এ মর্যাদা এনায়েত করেছেন। অর্থাৎ কোরান শরীফের প্রতি সম্মান প্রদর্শনের জন্য আমার এ সৌভাগ্য অর্জন হয়েছে।

পাঁচ জিনিসের তৃতীয় জিনিস হলো, ঐশীজ্ঞানে জ্ঞানী ব্যক্তিদের জিয়ারত (দর্শন), যে ব্যক্তি জীবিত অবস্থায় জ্ঞানীদের চেহারার প্রতি, বিশেষভাবে আল্লাহর গুণে গুণান্বিত মনে করে দর্শন করবে, খোদাতায়াল্লা তার ঐ দৃষ্টি হতে একজন ফেরেস্তা সৃষ্টি করেন এবং ঐ ফেরেস্তা কিয়ামত পর্যন্ত তার জন্য দোয়ায় মাগফেরাত কামনা করে। এরপর এরশাদ করলেন, যে ব্যক্তির অন্তরে জ্ঞানী ও মাশায়েখদের প্রতি মহব্বত হবে খোদাতায়াল্লা হাজার বছর এবাদতের ছওয়াব তার আমল নামায় এনায়েত করেন। যদি এই অবস্থায় তার মৃত্যু হয় তাহলে রোজ হাশরে জ্ঞানীদের সাথে তাকে উত্তোলন করা হবে এবং বাসস্থান তার ঈদ্বীনে হবে (মৃত্যুর পর যেখানে নেক আত্মাদেরকে রাখা হয় তাকে ঈদ্বীন বলে)। ফতুয়ায় জহিরা কিতাবে বর্ণিত আছে যে খোদার রসূল (সাঃ) এরশাদ করেছেন যে ব্যক্তি আলেমদেরকে (জ্ঞানীদেরকে) বেশি বেশি দেখে এবং তাদের সঙ্গে উঠাবসা (সোহবত) করে এবং সাত দিন খেদমত করে, হকতায়াল্লা তার সমস্ত গোনাহ মাফ করে দেন এবং সাত হাজার বছর এবাদত বন্দেগীর নেকী তার আমলনামায় লিখে দেন। এ সম্বন্ধে একটা ঘটনার উল্লেখ করলেন, ঘটনাটি প্রথমটির বিপরীত। এক ব্যক্তি যখন কোন আলেম বা মাশায়েখদের দেখতো, ঘৃণা ও বিদ্বেষে সে মুখ ঘুরিয়ে নিত। আল্লাহর ইচ্ছায় তার যখন মৃত্যু হল তখন তার মুখ কেবলার দিকে ঘুরছিল না। বহু প্রকারের চেষ্টা চালান হল কিন্তু কোন ফল হল না, এই দৃশ্যে সমস্ত লোক অবাক হয়ে গেল। অবশেষে গায়েবী আওয়াজ হলো, "ওহে মুসলমানগণ অযথা কষ্ট করো না এ লোক জীবিত অবস্থায় আলেম ও মাশায়েখ (পীর)-দের দেখে ঘৃণা ও বিদ্বেষে মুখ ফিরিয়ে নিত; আমি আমার রহমত থেকে একে বঞ্চিত করেছি এবং বহিস্কৃতদের তালিকায় এর নাম লিখেছি। কাল কেয়ামতের দিন ভল্লুকের চেহারায় একে উত্তোলন করা হবে।"

পাঁচটি জিনিসের চতুর্থ জিনিসটি সম্বন্ধে হযরত খাজা বুজুর্গ এরশাদ করলেন, 'কাবা-শরীফ' দর্শন করা। যে ব্যক্তি আল্লাহর উদ্দেশ্যে খানা কাবার সম্মান ও তাজীম করবে হাজার বছরের এবাদত এবং হজুর ছওয়াব আল্লাহতায়াল্লা তাকে প্রদান করবেন এবং সে বুজুর্গ হবে।



পাঁচটি জিনিসের পঞ্চম জিনিস হলো স্বীয় পীরের জিয়ারত (দর্শন) ও খেদমত। কাজটি একটি উচ্চপর্যায়ের বন্দেগীর মধ্যে গণ্য। আমি এ বিষয়ে “মারেফাতুম মুরিদীন” কিতাবে লেখা দেখেছি এবং আমার পীর ও মুর্শেদ হযরত খাজা ওসমান হারুনী-কান্দাসা সাররাহ এর মুখে শুনেছি, যে ব্যক্তি স্বীয় পীরের খেদমত করে হক তায়াল্লা বেহেস্তের মধ্যে তাকে হাজার মহল দান করবেন। প্রত্যেক মহলে একজন করে হর থাকবে। কিয়ামতের দিন সে বিনা হিসেবে বেহেস্তে প্রবেশ করবে এবং এক হাজার বছরের এবাদত তার আমল নামায় লেখা থাকবে। এরপর এরশাদ করলেন মুরীদের উচিত স্বীয় পীরের প্রত্যেক কথা ও কর্মের উপর খেয়াল রাখা এবং সে যা কিছু এরশাদ করেন অত্যন্ত পবিত্র অন্তকরণে তা পালন করা এবং যথা সম্ভব পীরের খেদমত হতে অনুপস্থিত না থাকা। এরপর বললেন, অতীতে একজন জাহেদ ছিলেন সে হাজার বছর পর্যন্ত অহর্নিশি হক তায়াল্লা এর এবাদত বন্দেগী করেছেন। কোন সময়েই সে জেকের হতে বিরত হতেন না। যে ব্যক্তি তাঁর জিয়ারতের জন্য যেত তিনি সেই ব্যক্তিকে উপদেশ-বাণী শুনাতে, খোদাতায়াল্লা কোরান শরীফে এরশাদ করেছেন, “ওয়া মা খালাকতু জেন্না ওয়াল ইনছা ইল্লা লে ইয়া'বুদুন।” অর্থ আমি জিন এবং মানবকে সৃষ্টি করেছি আমার এবাদতের জন্য। অতএব হে ভাতব্দ, আমাদের উচিত দিনরাত খোদাতায়াল্লা মাঝে নিজেদেরকে মশগুল রাখা এবং তাঁকে স্মরণ করা। বহুদিন গত হয়েছে যাহেদ ইহলোক ত্যাগ করেছেন। ওফাতের পর লোকজন তাকে দেখে জিজ্ঞেস করল, আল্লাহতায়াল্লা আপনার সঙ্গে কেমন ব্যবহার করেছেন? তিনি জবাব দিলেন, ক্ষমা করে দিয়েছেন। পুনরায় জিজ্ঞেস করা হল, আপনার কোন আমল বারগাহে সোবহানীতে মকবুল (গৃহীত) হয়েছে? উত্তরে বললেন, কোন বন্দেগীই কাজে আসেনি শুধু আমার উপদেশ, যা মানুষকে দান করতাম, আমাকে ক্ষমা করিয়েছে এবং সবচেয়ে বড় এনাম পেয়েছি আমার শায়খের (পীরের) খেদমত করার জন্য। আমার প্রতি আওয়াজ হলো, ‘তুমি শায়খের খেদমতে কার্পণ্য করনি যার জন্য তোমাকে ক্ষমা করা হল।’ এরপর হযরত খাজা বাবা অশ্রুশিক্ত নয়নে বললেন, কেয়ামতের দিন আস্থিয়া, আউলিয়া প্রত্যেককে কবর হতে উঠানো হবে এবং তাঁদের কাঁধের উপর কঞ্চল থাকবে, প্রত্যেক কঞ্চলে কমবেশী একলাখ সূতা লাগানো থাকবে এবং প্রত্যেক সূতায় কমবেশী একলাখ গিট থাকবে। তাঁর মুরীদান, পুত্র-কন্যা, শিশু-বাচ্চা সব বংশধর সেই সূতা ধরে থাকবে, ততক্ষণ পর্যন্ত, যতক্ষণ না হাশরের হাঙ্গামা থেকে মুক্তি না পাবে। হকতায়াল্লা তাদেরকে পুল ছেঁরাতে পৌঁছাবে এবং স্বীয় পীরের সাথে এই ত্রিশ হাজার বছরের পথ, (পুলছেঁরাতে) এক পলকে ঐ কঞ্চল ধরে থাকার বরকতে পার হয়ে যাবে এবং বেহেস্তের দরজায় পৌঁছে বিনা দ্বিধায় প্রবেশ করবে। কোথাও কোন বাধার সম্মুখীন হবে না। হজুর এ পর্যন্ত বলে তেলওয়াতে মশগুল হলেন। মজলিস এ দিনের মত শেষ হল।

আলহামদু লিল্লাহ আলা জালেক।

## ষষ্ঠ মজলিস

বৃহস্পতিবার। পদ চুষনের ভাগ্যে ভাগ্যবান হলাম। শায়খ বুরহানুদ্দিন চিশ্তী, শায়খ মুহম্মদ (রঃ) এবং অনেক সুফি দরবেশ খেদমতে হাজির ছিলেন। আল্লাহতায়াল্লা কুদরত সম্বন্ধে আলোচনা শুরু হলো। হযরত খাজা বুজুর্গ (রঃ) এরশাদ করলেন, আল্লাহ জাল্লে শানহু চিরঞ্জীব এবং চিরস্থায়ী। তিনি অনন্তকাল ধরে ছিলেন, আছেন এবং থাকবেন। মানুষ যদি শুধু এই বিষয়ের উপর আলোচনা করতে চায় তাহলে তার সে প্রচেষ্টা তার জীবনপ্রদীপ নিভে যাওয়া পর্যন্ত চেষ্টা করলেও শেষ হবে না। হযরত নবী করিম (সাঃ) “আসহাবে কাহাফ” দেখার ইচ্ছা প্রকাশ করায় বারগাহে এলাহি হতে হুকুম হলো, তুমি দুনিয়ায় তাদেরকে দেখতে পাবেনা তবে আখেরাতে অবশ্যই দেখবে। ইচ্ছা করলে তুমি তাদেরকে তোমার উম্মতের মধ্যেও পেতে পার। হযরত রসূলে খোদা (সাঃ) বেসাল শরীফের পর “আসহাবে কাহাফের” গুহা পরিদর্শন করেন এবং তাদেরকে সালাম দিলেন। আল্লাহ তায়াল্লা সকলকে জীবিত করেন এবং সালামের জবাব দেওয়ান। হজুর আক্রাম (সাঃ) তাঁদেরকে স্বীয় মজহাবে ইসলামের অন্তর্ভুক্তির আমন্ত্রণ জানালে তাঁরা সিদ্দিক দিলে রসূলে খোদা (সাঃ) এর আমন্ত্রণ গ্রহণ করেন এবং উম্মতে মুহাম্মদীর মধ্যে সামিল হন। এরপর খাজা বুজুর্গ এরশাদ করলেন, এমন কোন জিনিস নেই যা কুদরতে এলাহিতে নেই। মানুষের উচিত স্রষ্টার বন্দেগী এমনভাবে করা, যে রকম তার হক আছে। মানুষ যা কিছু করবে তার প্রতিদান সে কর্তামুযায়ী পাবে। আমার প্রতি দৃষ্টিপাত করে হযরত খাজা বুজুর্গ বললেন, আমি এবং অনেক সুফীগণ হযরত খাজা ওসমান হারুনী (কাঃ সাঃ)-এর খেদমতে বসে ছিলাম। একজন অতি বৃদ্ধ লোক মজলিসে প্রবেশ করলেন। খাজা ওসমান হারুনী (কাঃ সাঃ) বৃদ্ধের সম্মানে দাঁড়িয়ে তার সাথে মিললেন এবং নিজের সম্মুখে বসালেন। বৃদ্ধ আরজ করলেন, আজ ত্রিশ বছর যাবৎ আমার যুবক ছেলে আমার নিকট হতে বিচ্ছিন্ন, তার মৃত্যুর কোন খবরও আমি পাইনি, আল্লাহতায়াল্লাই জানেন সে মৃত না জীবিত। বহু যায়গায় তালাশ করা হয়েছে, কিন্তু কোন ফল হয়নি। অবশেষে আপনার খেদমতে হাজির হয়েছি, দোয়ার মাধ্যমে লুত্ফ ও করম (দয়া ও করুণা) এনায়েত করুন। হযরত খাজা ওসমান হারুনী (কাঃ সাঃ) এই ঘটনা শোনার পর কিছুক্ষণ চুপ থেকে মোরাকাবা করলেন। তারপর এরশাদ করলেন, এসো ছেলের জন্য দোয়া করি। দোয়ার পর বৃদ্ধকে বললেন, ‘আপনি চলে যান আপনার ছেলেকে আপনার ঘরের দরজার সম্মুখেই পাবেন।’ বৃদ্ধ মজলিস থেকে উঠে চলে গেলেন এবং কিছুক্ষণ পরেই তার ছেলেকে সঙ্গে নিয়ে ফিরে এসে খাজা ওসমান হারুনী (কাঃ সাঃ)-এর কদম মোবারকে ফেলে দিলেন এবং বলতে শুরু করলেন, যখন আমি এখান থেকে বাড়ীর পথে রওয়ানা হলাম তখন মহল্লার লোকজন আমার ছেলেকে সঙ্গে নিয়ে এ দিকেই আসছিল, আমাকে



শুভ সংবাদ দেওয়ার জন্য। এখন ছেলেকে আমি আপনার খেদমতে হাজির করলাম। হযরত খাজা ওসমান হারুনী (কাঃ সাঃ) ছেলেটিকে জিজ্ঞেস করলেন, 'এই ত্রিশ বছর কোথায় ছিলে?' সে উত্তর দিল, আমি ত্রিশ বছর দানবদের হাতে বন্দী ছিলাম, কিছুক্ষণ পূর্বে ঠিক আপনারই অনুরূপ একজন বুজুর্গ আমাকে মুক্ত করে বললেন, 'চোখ বন্ধ কর।' আমি চোখ বন্ধ করলাম। যখন চোখ খোললাম, দেখলাম নিজের ঘরে আছি। ছেলেটি আরও কিছু বলতে চেয়েছিল কিন্তু খাজা ওসমান হারুনী (কাঃ সাঃ) ইশারায় নিষেধ করায় সে চুপ হয়ে গেল। বৃদ্ধ এবং বৃদ্ধের ছেলে উভয়েই হযরত খাজা ওসমান হারুনী (রাঃ) এর নিকট মুরীদ হয়ে বললেন, এমন লোক কাছে থাকতে আর কোথায় যাব? এত ক্ষমতার অধিকারী হয়েও যিনি নিজেকে গোপন রেখেছেন! তাঁর কথা আর কি বলব? সোবহান আল্লাহ! এ সবই আল্লাহুতায়ালার কুদরত। তারপর বললেন, কাবে এহবার (রাঃ) হতে রওয়াকে আসছে খোদা হাবীল নামে এক ফেরেস্তা পয়দা করেছেন, তার হাত এত লম্বা যে, এক হাত পশ্চিম দিকের শেষ প্রান্তে, অন্য হাত পূর্ব দিকের শেষ প্রান্তে অবস্থিত। ঐ ফেরেস্তা সব সময় 'লা-ই-লাহা ইল্লাল্লাহু মুহাম্মাদুর রাসূলুল্লাহ' এই তসবীহ পাঠে রত। যে হাত পূর্ব দিকে তদ্বারা সে দিনকে আলোকিত করে এবং অপর হাত দ্বারা অন্ধকার আনয়ন করে। যদি ঐ ফেরেস্তা আলোকিত হাত ছেড়ে দেয় তখন আর কখনও অন্ধকার আসবে না। এবং অনুরূপ ভাবে যদি অন্ধকার হাত ছেড়ে দেয় তাহলে আর দিন হবে না। তার সম্মুখে ফলক লটকানো আছে, ওর মধ্যে কালো ও সাদা বহু চিঠি আছে যদ্বারা সে দিন রাত্রি বিবেচনা করে এবং এর মাধ্যমেই দিন ও রাত ছোট বড় করে। ইহা বলার পর তিনি অঝরে কাঁদতে লাগলেন এবং আলমে বেহশী তাকে ছেয়ে ফেলল। জ্ঞান ফিরলে বললেন এ জগৎ কুদরতে এলাহির এক তামাশা-ঘর; হাজারো রকমের কর্ম-কুর্কর্ম ও অপকর্ম এখানে সংঘটিত হয়। আরিফের উচিত ব্যতিক্রমধর্মী বিষয়সমূহের আলোচনা করা। এরপর এরশাদ করলেন, আরও একজন ফেরেস্তা আছে যার এক হাত আকাশে এবং দ্বিতীয় হাত মাটিতে। আকাশের হাত দিয়ে হাওয়াকে নিয়ন্ত্রণ করে এবং জমিনের হাত দিয়ে পানির গতিকে নিয়ন্ত্রণ করে। যদি সে জমিনের হাত একটু সরিয়ে নেয় তাহলে পৃথিবীর সমস্ত কিছুই পানিতে প্লাবিত হয়ে যাবে এবং আকাশের হাতকে গুটিয়ে নিলে হাওয়ায় সব ওলট-পালট হয়ে যাবে। এরপর বললেন, আল্লাহুতায়ালার 'কোহকাফ'কে পয়দা করেছেন, সমস্ত জগৎ তার ঘেরাওর ভিতরে অবস্থিত। কোরান শরীফে এ সম্বন্ধে উল্লেখ আছে, "কাফ ওয়াল কোরআনিল মজিদ" অর্থাৎ কসম কোহকাফ ও কোরান মজিদের। এরপর এরশাদ করলেন, হক তায়ালার 'ওতায়েল' নামে আর একজন ফেরেস্তা তৈরী করেছেন, সে কোহকাফে অবস্থান করছে, 'লা-ই-লাহা ইল্লাল্লাহু মুহাম্মাদুর রাসূলুল্লাহ' এই তসবীহ সে অনবরত পাঠ করছে। কোহকাফের ভার তার উপর ন্যস্ত। কখনও মুষ্টি বন্ধ করছে কখনও মুষ্টি খুলে দিচ্ছে। তার হাতে সাতটি আলমের ধমনীর নিয়ন্ত্রণ ভার দেওয়া আছে। আল্লাহপাক যখন ইচ্ছা করেন কোন অঞ্চলে দুর্ভিক্ষ নাজেল করতে, তখন ঐ

ফেরেস্তার উপর হুকুম দেন। সে তখন তার হাতে রাখা সংশ্লিষ্ট ধমনীটিতে টান দেয়; এতে ধমনীটি সংকুচিত হওয়ায় সে যায়গার নদীনালা শুকিয়ে যায়, যার ফলে জমীনে শস্য অঙ্কুরিত হয় না; এবং অজন্নার সৃষ্টি হয়। আবার যখন ধমনীটি ছেড়ে দেওয়া হয় তখন জমীন সুজলা সুফলা হয়ে উঠে। আবার কখনও ফেরেস্তাকে হুকুম দেওয়া হয় ধমনীকে দোলাতে। সে যখন ধমনীটিকে দোলায় তখন সংশ্লিষ্ট এলাকাটি প্রকম্পিত হতে থাকে। এরপর এরশাদ করলেন, আমি হযরত খাজা ওসমান হারুনী (কাঃ সাঃ)-এর মুখে শুনেছি যে, আল্লাহপাক ঐ পাহাড়টিকে দুনিয়া হতে ৪০ গুণ প্রশস্ত করে সৃষ্টি করেছেন ঐ পাহাড়টি কখনও অন্ধকারাচ্ছন্ন হয় না। সব সময়ই পাহাড়টি সমোজ্জ্বল থাকে; কখনও রাত হয় না। ভূমি স্বর্ণের এবং অধিবাসীরা ফেরেস্তা তাদের কোন কিছুই ভয় নেই। যেদিন থেকে তারা পয়দা হয়েছে সেদিন হতেই তারা আল্লাহর জেঁকেরে মশগুল। তাদের তসবী 'লা-ই-লাহা ইল্লাহু মুহাম্মাদুর রাসূলুল্লাহ'। এর পেছনে ৪০টি পর্দা (অস্তরাল) আছে যার উদ্দেশ্য ও স্বরূপ আল্লাহুই ভাল জানেন। জিন ইনসান বা ফেরেস্তা কেউই এর ভেদ জানে না। এরপর এরশাদ করলেন, ঐ পাহাড়টি একটা গরুর সিংহের উপর রাখা হয়েছে; এক সিং হতে অন্য সিংয়ের দূরত্ব ত্রিশ হাজার বছরের পথ। ঐ গরুটি দাঁড়িয়ে আল্লাহর প্রশংসায় নিমগ্ন। গরুটির মস্তক মাশরেকের দিকে এবং লেজ মাগরেবের দিকে। হযরত খাজা ওসমান হারুনী (কাঃ সাঃ) এ ঘটনা বর্ণনা করে বললেন, আমি খোদার শপথ করে বলছি, এ ঘটনা আমি হযরত খাজা মওদুদ চিশ্তী রহমতুল্লাহ আলায়হে (আমার দাদা পীর)-এর মুখে শুনেছি। ঐ মহফিলে এক দরবেশ উপস্থিত ছিলেন, তিনি এ ঘটনার বর্ণনায় সন্দেহ প্রকাশ করায় খাজা মওদুদ চিশ্তী (রাঃ) মোরাকাবায় নিমগ্ন হলেন এবং সন্দেহকারীসহ তিনি অদৃশ্য হলেন এবং কিছুক্ষণ পর তাঁরা ফিরে আসলেন। ঐ দরবেশ কসম খেয়ে বললেন, খাজা মওদুদ চিশ্তী আমাকে কোহকাফ দেখিয়েছেন এখন হতে আমার আর কোন সন্দেহ নেই। অতঃপর খাজা মুঈনুদ্দিন হাসান চিশ্তী (রাঃ) বললেন যে, দরবেশদের বাতেনী শক্তি এমনই যে, তাঁরা যদি ইচ্ছা করেন তা হলে এক পলকেই যে যা দেখতে চায় তাকে তা দেখাতে পারেন। এরপর হযরত খাজা আজমেরী (রাঃ) নিজের একটা ঘটনা বর্ণনা করলেন। এক সময় আমি সমরকন্দে ছিলাম তখন আবু লায়ছা সমরকন্দির বাড়ীর সন্নিহিতে একটা মসজিদ তৈরী হচ্ছিল। এক ব্যক্তি এসে বলল, কেবলা প্রসঙ্গে আমার সন্দেহ আছে, তোমরা কেবলা যেদিকে করছ কেবলা সেদিকে নয়। আমি তাকে বুঝলাম যে মসজিদ ঠিক কেবলার দিকেই হচ্ছে। কিন্তু সে মানল না। আমি তার গর্দান ধরে বললাম, দেখ এই সেই কেবলা যেদিকে আমি বলেছি। ঐ ব্যক্তি কাবা ঘর দর্শন করে কেবলা সম্বন্ধে নিঃসন্দেহ হল। এরপর এরশাদ করলেন, আল্লাহপাক যেদিন জাহান্নাম সৃষ্টি করেছেন সেইদিন একটা সাপও সৃষ্টি করেছেন। সাপকে হুকুম করলেন, আমি তোমার কাছে একটা আমানত অর্পণ করছি, তুমি গ্রহণ করছ কি না? সাপ উত্তর করল, বিনাশর্তে গ্রহণ করব। হুকুম হল মুখ খোল, সাপ মুখ খোলল। ফেরেস্তাকে নির্দেশ করলেন



জাহান্নামকে নিয়ে এসে সাপটির মুখে রেখে দাও। ফেরেস্তা জাহান্নামকে এনে সাপের মুখের ভিতরে স্থাপন করল এবং সাপের মুখটি বেঁধে দিল। এখন দোজখ ঐ সাপের মুখের ভিতরে সাত জমীনের নিচে অবস্থিত। দোজখ যদি সাত জমীনের নিচে সাপের মুখে রক্ষিত না হত তাহলে সমস্ত জগত জ্বলে ভস্ম হয়ে যেত। যখন কিয়ামত হবে তখন দোজখকে সাপটির মুখ হতে বের করা হবে। দোজখটিকে সহস্র শিকল দ্বারা বাঁধা হয়েছে। প্রতিটি শিকল ধরে হাজার হাজার ফেরেস্তা টানবে, ঐ ফেরেস্তাদের দৈহিক আকৃতি এত বড় যে, তাদের যে কোন একজনের কাছে পৃথিবীটা এক লোকমার (গ্রাস) সমতুল্য। দোজখ হাশরের ময়দানে প্রবেশ করে একটা নিঃশ্বাস ত্যাগ করবে যার ফলে কিয়ামতের ময়দান কুণ্ডলীকৃত ধূয়ায় অন্ধকারাঙ্কন হয়ে পড়বে। যে ব্যক্তি কিয়ামতের দুর্বিসহ আযাব থেকে নিজেকে মুক্ত রাখতে চায় তার উচিত সে যেন এমন ধরনের এবাদত করে যার চেয়ে বড় এবাদত নেই। ভক্তগণ আরজ করলেন, সেটা কোন এবাদত? হযরত খাজা বুজুর্গ (রাঃ) এরশাদ করলেন, লোকজনের ফরিয়াদ শ্রবণ করা, গরীব দুঃখীদের চাহিদা পূরণ করা, ক্ষুধার্থকে অন্ন দান করা এবং আহারকালীন সময়ে গরীবগণ পরিতৃপ্ত না হওয়া পর্যন্ত আহার করানো। এ পর্যন্ত বলার পর হজুর তেলাওয়াতে নিমগ্ন হলেন। মজলিস সমাপ্ত হলো।

আলহামদু লিল্লাহু আলা জালেক।

সপ্তম মজলিস

বুধবার, কদমবুসির ঐশ্বর্য লাভ করলাম। খানা কাবা (আল্লাহ এর মান সম্মান বৃদ্ধি করুন) হতে এক হাজী এসেছিলেন। সূরা 'ফাতেহা' বা আলহামদু নিয়ে আলোচনা শুরু হল। হযরত খাজা বুজুর্গ বললেন 'আছারে মাশায়েখ' কিতাবে লেখা দেখেছি, 'আলহামদু' সূরা বাসনা পূরণের জন্য অনেক বার পড়া উচিত। রসূলে খোদা (সাঃ) এরশাদ করেছেন, যখন কোন লোকের কোন বড় কাজ বা কঠিন কাজ সম্মুখে আসে তখন তার উচিত সূরা ফাতেহা যেন 'বিছমিল্লাহির রাহমানের রাহিম'-এর শেষ মিমের সাথে মিলিয়ে পড়ে অর্থাৎ বিছমিল্লাহির রাহমানের রাহিমিল হামদু লিল্লাহি .. দোয়াল্লিন, এবং শেষ হওয়ার সাথে সাথে তিনবার আস্তে আস্তে আমিন বলে। ইনশাআল্লাহ তার কঠিন কাজ সমাধা হয়ে যাবে। এরপর হজুর (সাঃ) একদিন সাহাবীদেরকে সঙ্গে নিয়ে মসজিদে উপস্থিত হলেন। সব সাহাবীদের দিকে তাকিয়ে তিনি এরশাদ করলেন, আল্লাহতায়াল্লা আমার প্রতি অগণিত নেয়ামত ও করম করেছেন, তন্মধ্যে এটাও একটা যে, আমার পরে কোন নবী হবে না এর মধ্যে জিব্রাইল (আঃ) তসরীফ আনলেন এবং বললেন, "আল্লাহতায়াল্লা বলেছেন—হে আমার হাবীব, আমি আপনার প্রতি আমার কিতাব নাযিল করেছি যার মধ্যে একটি সূরা আছে, যদি আমি ঐ সূরাকে তৌরাতে

নাযিল করতাম তাহলে মুসার উম্মতদের মধ্যে জেহাদ হত না, যদি ঐ সূরা ইঞ্জিলে নাযিল করতাম তাহলে ঈসার উম্মতগণ ভয়গ্রস্ত হত না এবং ঐ সূরা যদি যবুরে নাযিল করতাম তাহলে দাউদের উম্মতগণের সঙ্গীতজ্ঞের প্রয়োজন হত না। আমি এ সূরা কোরান শরীফে এ জন্য নাযিল করেছি, যেন আপনার উম্মত নিজেদের ধর্মের উপর দৃঢ় থাকে এবং কিয়ামতের বিভিন্ন অবস্থা ও দোজখের আশঙ্ক হতে নিরাপদ হয়। জিব্রাইল (আঃ) আরও বললেন, "হে আল্লাহর হাবীব, আখেরী জমানায় এ সূরার ফজিলত এত বেশী যে, যদি সমস্ত নদীর পানি কালি বানান হয় এবং সমস্ত বৃক্ষরাজি কলম বানান হয় এবং সূরার ফজিলত লিখতে লিখতে এ কালি-কলম উভয়ই শেষ হয়ে যায়, তবু এর ফজিলত লেখা বাকি থেকে যাবে।" এরপর এরশাদ করলেন, এ সূরা সমস্ত রোগের ঔষধ স্বরূপ। যে রোগের ওষুধ নেই বা চিকিৎসা সম্ভব নয় সে রোগের চিকিৎসায় সূরা ফাতেহা এমনভাবে প্রয়োগ করতে হবে যেন ফজরের নামাজের সূনাৎ ও ফরজের মধ্যবর্তী সময়ে ৪১ বার পাঠ করে রুগীদের মুখে ফুঁ দেয়। ইনশাআল্লাহ তায়াল্লা দ্রুত আরোগ্য নসীব হবে। এরপর এরশাদ করলেন, "আলফাতেহা শাফায়ে বেকুল্লে দা-আয়ে" অর্থাৎ সূরা ফাতেহা সমস্ত রোগের ওষুধ। এরপর এরশাদ করলেন, একবার খলিফা হারুন-উর রশীদ (নূরুল্লাহ) কঠিন রোগে আক্রান্ত হলে দু'বছর পর্যন্ত বহু চিকিৎসা করেও কোন লাভ হল না। অবশেষে স্বীয় মন্ত্রী জাফর বর মক্কীকে হযরত খাজা ফুজায়েল বিন আয়াজ(রাঃ) কে আনার জন্য তাঁর খেদমতে পাঠালেন এবং বলে দিলেন আপনি যেয়ে তাঁকে বলবেন, আমি এমন রোগে আক্রান্ত হয়েছি যে আর বাঁচার সাধ হয় না। যে সব চিকিৎসা করান হয়েছে তার ফল উপকার না হয়ে অপকারে পর্যবসিত হয়েছে। এখন খলীফার জীবন প্রদীপ নিভে যাওয়ার সময় নিকটবর্তী হয়ে এসেছে। মন্ত্রী (উজির) খলিফার নির্দেশ মত হযরত খাজা ফুজায়েল (রাঃ)-কে সব জানালেন। তিনি খলিফার অবস্থা শ্রবণ করার সাথে সাথে উজিরের সঙ্গে রওয়ানা হয়ে খলিফার কাছে পৌছলেন এবং সূরা ফাতেহা ৪১ বার পাঠ করে হারুন-উর রশীদের মুখে ফুঁ দিলেন। সঙ্গে সঙ্গে হারুন-উর রশীদ রোগ মুক্ত হলেন এবং স্বাস্থ্য ফিরে পেলেন। এরপর তিনি আরও একটা ঘটনার উল্লেখ করলেন, একবার হযরত আলী করমুল্লাহ ওয়াজহ একজন রোগীকে দেখার জন্য গিয়েছিলেন এবং সূরা ফাতেহা পড়ে রোগীর মুখে ফুঁ দিলেন। রোগী তৎক্ষণাৎ আরোগ্য লাভ করল। কিছু সময় পরে অন্য একজন লোক রোগীকে দেখার জন্য এসে দেখল রোগী সুস্থ হয়ে গেছে। সে জিজ্ঞেস করল, তুমি কি ভাবে আরোগ্য লাভ করলে? লোকটি উত্তর করল, হযরত আলী (রাঃ) এসে আমার মুখে সূরা ফাতেহা পড়ে ফুঁ দিতেই আমি সেরে উঠলাম। এই উক্তি করার সাথে সাথেই পুনরায় লোকটি রোগাক্রান্ত হয়ে পড়ল এবং উক্ত রোগেই সে মারা গেল। এর কারণ এই ছিল যে, সূরা ফাতেহা প্রতি তার বিশ্বাস বিভ্রান্ত ছিল না। রোগ মুক্তির

কারণ বর্ণনার সময় সে অবিশ্বাসের সাথে বর্ণনা করেছে। কোন কাজ থেকে যদি কেউ ফল ভোগ করতে চায় তাহলে বদ আকিদা দ্বারা তা সম্ভব নয়।

এরপর এরশাদ করলেন—তফসীরে আছে, আল্লাহতায়াল্লা সব সূরার ভিন্ন ভিন্ন নাম দিয়েছেন। একটা সূরার একটাই নাম আছে দু'টো নাম নেই। কিন্তু পাক সোবহান তায়াল্লা সূরা ফাতেহা'র ভিন্ন ভিন্ন ৭টি নাম নির্দিষ্ট করে দিয়েছেন।

- ১। ফাতেহাতুল কিতাব
- ২। সাব উ'সসানী
- ৩। উম্মুল কিতাব
- ৪। উম্মুল কোরান
- ৫। সূরা মাগফেরাত
- ৬। সূরা রহমত
- ৭। সূরায়ে ছানিয়া

এ সূরায় ৭টি হরফ নেই এবং না থাকার সাতটি কারণও রয়েছে।

১। 'ছে' বা 'ছা' অক্ষরটি এ সূরায় নেই। 'ছে' অক্ষর থেকে 'হবুর' হয়, যার অর্থ ধ্বংস। 'ফাতেহা' পাঠকারীর সঙ্গে ধ্বংসের কোন সম্পর্ক নেই।

২। 'জিম' অক্ষরটি এ সূরার বহির্গত। জাহান্নামের আদ্যক্ষর 'জিম'। সূরা 'ফাতেহা' পাঠকারীর সঙ্গে জাহান্নামের কোন সম্পর্ক নেই।

৩। 'জে' বা 'জা' অক্ষরটি 'জাক্কুম' শব্দটি লিখতে প্রথমেই ব্যবহার হয়। 'জাক্কুম' একটা কাঁটায়ুক্ত ফল যা দোজখবাসীদের আহার। অতএব জাক্কুমের সাথেও 'ফাতেহা' পাঠকারীর সম্পর্ক থাকতে পারে না।

৪। 'শিন' অক্ষরও সূরা ফাতেহায় নেই। কারণ 'শিকাওত'-এর প্রথম অক্ষর 'শিন' যার অর্থ দুর্ভাগ্য। ফাতেহা পাঠকারী কখনও দুর্ভাগ্যের শিকার হতে পারে না।

৫। 'যোয়া' অক্ষরটি হতে ফাতেহামুক্ত। কারণ, 'যুল্মাত' অর্থাৎ অন্ধকারের আদ্যক্ষর 'যোয়া'। সুতরাং ফাতেহা পাঠকারী কখনও অন্ধকারাচ্ছন্ন হতে পারে না।

৬। 'ফা' অক্ষরটি সূরা ফাতেহা হতে বর্জিত। কারণ, 'ফিরাক্ক' শব্দে 'ফা' প্রথমে ব্যবহার হয়। 'ফিরাক্ক' অর্থ বিরহ-বিচ্ছেদ যার সঙ্গে ফাতেহা পাঠকারী কখনও বন্ধুত্ব করতে পারে না।

৭। 'খা' অক্ষর হতে সূরা ফাতেহা বিমুক্ত। কারণ 'খাওয়ারী' শব্দের শুরুতে 'খা' ব্যবহৃত হয়। যার অর্থ 'ভবঘুরে-লম্পট-গৃহহীন' অতএব এমন শব্দের সঙ্গে 'ফাতেহা' পাঠকারী সম্পর্ক রাখতে পারে না।

সূরা ফাতেহায় আয়াত রয়েছে ৭টি। ইমাম নাছির বিস্তি (রঃ) লিখেছেন, মানুষের দেহে প্রধান ৭টি 'রগ' রয়েছে, যাকে 'হাফত আন্দাম' (সপ্ত রগ বা দেহ) বলে। যারা এ ৭ টি আয়াত পাঠ করবে আল্লাহতায়াল্লা তার 'হাফত আন্দামকে' দোজখের আগুন হতে নাযাত দেবেন। অতঃপর এরশাদ করলেন, এই সূরার মধ্যে ১২৪টি অক্ষর বিদ্যমান এবং আখিয়া আলায়হেস্ সালামদের সংখ্যা ১ লাখ ২৪ হাজার। যে ব্যক্তি এই ১২৪ (একশত চব্বিশটি) অক্ষর পাঠ করবে আল্লাহ পাক তাকে অগণিত ছওয়াব এবং বরকত দান করবেন। খাজা বুজুর্গ এরপর অনুরূপ আর একটি হেকায়েত বর্ণনা করলেন, আলহামদু শব্দটিতে আরবীতে ৫টি অক্ষর রয়েছে এবং ফরজ নামাজ পাঠ করার সময়ও ৫ বার। যে ব্যক্তি এ ৫টি অক্ষরের শব্দ আলহামদু পাঠ করবে তার ঐ ৫ ওয়াক্ত নামাজের ভুলত্রুটিগুলো আল্লাহ গাফুরুর রাহিম মাফ করে দেবেন। এরপর এরশাদ করলেন, লিল্লাহে শব্দটিতে তিনটি অক্ষর রয়েছে আলহামদুর সাথে লিল্লাহে মিলিত হলে হয় ৮টি অক্ষর। আল্লাহ তায়াল্লা ৮টি বেহেস্ত সৃষ্টি করেছেন; যে ব্যক্তি ঐ ৮টি অক্ষর পাঠ করবে হক তায়াল্লা তার জন্য বেহেস্তের ৮টি দ্বারই উন্মুক্ত করে দেবেন। সে তার ইচ্ছামত যে কোন দরজা দিয়েই বেহেস্তে প্রবেশ করতে পারবে। রাস্কুল আলামিন শব্দতে আরবীতে ১০টি অক্ষর আছে, পূর্বোক্ত ৮টির সাথে এ ১০টি অক্ষর মিলিত হয়ে হয় ১৮টি অক্ষর। আল্লাহতায়াল্লা ১৮ হাজার জগৎ সৃষ্টি করেছেন। যে ব্যক্তি উক্ত ১৮টি অক্ষর পাঠ করবে আল্লাহপাক তাকে ১৮ হাজার আলমের ছওয়াব প্রদান করবেন। আররহমান শব্দটিতে আরবীতে ৬টি অক্ষর আছে। পূর্বোক্ত ১৮টির সাথে এ ৬টি যোগ করলে দাঁড়ায় ২৪। দিনরাত ২৪ ঘন্টায় বিভক্ত; যে ব্যক্তি উক্ত ২৪টি অক্ষর পাঠ করবে আল্লাহ রাব্বুল আলামিন তার ২৪ ঘন্টার পাপ ও অপিব্রতা দূর করে দেবেন এবং এমনভাবে পবিত্র করবেন যেন সদ্য ভূমিষ্ট নবজাত শিশু। আররাহিম শব্দে আরবীতে ৬টি অক্ষর রয়েছে পূর্বোক্ত ২৪টির সাথে মিলিয়ে হয় ৩০টি অক্ষর। পুলহিরাতের দৈর্ঘ্য ৩০ হাজার বছরের পথ, যে ব্যক্তি উক্ত ৩০টি অক্ষর পাঠ করবে সে বিদ্যুৎগতিতে পুলহিরাত পার হয়ে যাবে। মালেকে ইয়াও মিন্দিন শব্দে ১২টি অক্ষর আছে। পূর্বোক্ত ৩০টির সাথে যোগ দিয়ে হয় ৪২টি (এবং গুণ দিয়ে হয় ৩৬০) অক্ষর। যে ব্যক্তি এ ৪২টি অক্ষর পাঠ করবে আল্লাহ জান্নে শান্হ তার ১২ মাসের অর্থাৎ সম্পূর্ণ ১ বছরের গুনাহ এমন ভাবে মুছে দেবেন যেন সে বছরে কোন গুনাহই করেনি। এইয়াকানাবুদু শব্দে আছে ৮টি অক্ষর। আগের ৪২টির সাথে এ ৮টি অক্ষর যোগ করলে হয় ৫০টি। হাশরের আজাব চলবে ৫০ হাজার বছর ধরে। যে ব্যক্তি এ ৫০টি অক্ষর পাঠ করবে সে উক্ত হাশরের আজাব হতে নাজাত পাবে। ওয়া এইয়াকানাস্তায়ীন-এল্ল মধ্যে আছে ১১টি অক্ষর। পূর্বের ৫০টি, এর সাথে যোগ করলে হবে ৬১টি।



খোদাতায়ালা আকাশ ও মাটিতে যত নদ-নদী পয়দা করেছেন তার সমস্ত পানির সমতুল্য পরিমাণ নেকি বা পুণ্য ঐ ৬১ অক্ষর পাঠকারী লাভ করবে এবং সমপরিমাণ গুনাহ বা পাপ তার আমলনামা হতে বাদ যাবে। এহদেনাছ ছেরাতা'ল মুসতাকিম এতে আছে ১৯টি অক্ষর। পূর্বোক্ত ৬১টির সাথে যোগ দিলে হয় ৮০টি। মদ্যপানকারীর জন্য শরীয়তের বিধানে রয়েছে ৮০টি বেত্রাঘাতের দণ্ড। উক্ত ৮০টি অক্ষর পাঠ করলে শরাবখোরের দণ্ড মওকুফ (মাফ) হবে। ছেরাতোয়াল্লাজিনা আন্ আম্তা আলাইহিম গাইরিল মাগদুবে আলাইহিম ওয়ালাদ দোয়া-ল লিন এর মধ্যে রয়েছে ৪৪টি অক্ষর। পূর্বে ৮০টির সাথে যুক্ত হয়ে মোট হয় ১২৪টি অক্ষর। যে ব্যক্তি এ ১২৪টি অক্ষরের সূরাটি সম্পূর্ণ পাঠ করবে এবং কায়েম (দৃঢ়) থাকবে আল্লাহ রাহমানুর রাহিম ১ লাখ ২৪ হাজার আস্থিয়া (আঃ)-দের সম্পূর্ণ এবাদত বন্দেগীর ছওয়াব দান করবেন।

হযরত খাজায়ে আজমেরী (রাঃ) এরপর এরশাদ করলেন, আমি এবং খাজা ওসমান হারুনী কাদাসাল্লাহ সাররুহু ডমণে ছিলাম। একসময় দজলা নদীর তীরে পৌছলাম। নদী প্রাবিত ছিল এবং পার হওয়ার কোন উপকরণ ছিল না। আমি চিন্তা করতে লাগলাম কিভাবে পার হব? এদিকে ওপারে যাওয়ার তাড়াও ছিল। এমন সময় হযরত খাজা ওসমান হারুনী (রাঃ) বললেন, চোখ বন্ধ কর, আমি চোখ বন্ধ করলাম। কিছুক্ষণ পর চেয়ে দেখলাম আমরা নদী অতিক্রম করে চলে এসেছি। আমি জিজ্ঞেস করলাম, হুজুর কি করে পার হলাম? তিনি উত্তর দিলেন আলহামদু ওবার পাঠ করে পা পানিতে রাখলাম এবং এপারে চলে এলাম। সুতরাং এটা খুবই সত্য যে, প্রয়োজনে সূরা ফাতেহা খুবই ফলোদায়ক। এ সূরা আমল থাকলে অন্য কোন আমলের প্রয়োজন হয় না। এ পর্যন্ত বলার পর হযরত খাজা আজমেরী (রাঃ) তেলওয়াতে মশগুল হলেন এবং দোয়া প্রার্থীগণ দোয়া নিয়ে ঘরে ফিরলেন। মজলিস সমাপ্ত হল।

আলহামদু লিল্লাহ আলা জ্বালেক।

### অষ্টম মজলিস

বৃহস্পতিবার। আস্তানা বুসির সৌভাগ্য অর্জিত হল, তসবীহ পাঠের অভ্যেস নিয়ে বলতে যেয়ে খাজা বুজুর্গ (রাঃ) এরশাদ করলেন, প্রত্যেক ব্যক্তির উচিত একটা অজিফা নির্দিষ্ট করে নিয়ে প্রতিদিন পাঠ করা। দিন বা রাতের যে কোন সময়েই হোক না কেন, প্রথমে অজিফা পাঠ করে পরে অন্য কাজ করতে হবে। রসূলে খোদা (সাঃ) এরশাদ করেছেন, তারেকুল বিরদে মালউনুন অর্থাৎ অজিফা ত্যাগকারী অভিশপ্ত। এরপর এরশাদ করলেন, মওলানা রাজিউদ্দীন (রাঃ) অশ্বোরোহণ করে যাচ্ছিলেন, হঠাৎ ঘোড়ার

একটা পা গর্তে পড়ে ভেঙ্গে গেল। তিনি বাড়িতে ফিরে এসে ভাবতে লাগলেন এ দুর্ঘটনার কারণ কি? অনেক ভাবনা চিন্তার পর তার খেয়াল হল সকালের অজিফা, যা প্রতিদিন পাঠ করতেন আজ ক্বাজা হয়ে গেছে। এ দুর্ঘটনা এরই সতর্কীকরণ। এরপর এ ঘটনার অনুরূপ আর একটি ঘটনা বর্ণনা করলেন, খাজা আবদুল্লাহ মোবারক নামে এক বুজুর্গ ছিলেন। কোন একদিনের অজিফা তিনি পড়তে ভুলে যাওয়ায় গায়েবী আওয়াজ হলো “হে আবদুল্লাহ তোমা থেকে নিজের প্রতিজ্ঞা সম্পাদন হয়নি, যে অজিফা অবলম্বন করেছিল ভুলে গেছে।” আরও বললেন, “আস্থিয়া আউলিয়া এবং মাশায়েখদের জন্য অজিফাসমূহ নির্ধারিত হয়। তাঁরা এর প্রতি সুদৃঢ় থাকে এবং যে সব অজিফা তাঁদের কাছে পৌছান হয় সেগুলো পালনে তাঁরা যত্ববান হন।” এরপর এরশাদ করলেন, যে সমস্ত অজিফা আমি বুজুর্গানে বীন এবং মাশায়েখদের নিকট থেকে লাভ করেছি আমি সেগুলো এখন পরিপূর্ণরূপে পালনে সুদৃঢ় আছি। তোমাদেরকে আমি নির্দেশ দিচ্ছি, প্রতিটি অজিফা যা তোমাদেরকে দান করা হয়েছে সেগুলোর প্রতি পরিপূর্ণরূপে যত্ববান থাকবে। এরপর এরশাদ করলেন, যখন ঘুম থেকে জাগ্রত হবে, গাত্রোখান করার সময় ডান কাত হয়ে উঠবে এবং এ দোয়া পাঠ করবে : বিছমিল্লাহির রাহমানির রাহিমেল হামদু লিল্লাহে নাজালা রহমাতা ওয়াল বারকাতা, অতপর ওজু করবে এবং ২ রাকাত তাইহইয়াতুল ওজুর নামাজ পড়বে, নামাজ শেষ হলে ঐ জায়নামাজে বসেই কেবলামুখী হয়ে নিম্নোক্ত প্রক্রিয়ায় ধারাবাহিকভাবে সমস্ত কাজগুলো একটার পর একটা করে যাবে।

১। সূরা বাকারার কয়েকটি আয়াত পাঠ করবে।

২। সূরা আনামের ১৭ আয়াত পাঠ করবে।

৩। সূরা ইউসুফের ৩০ আয়াত পাঠ করবে।

৪। লা-ই-লাহা ইল্লাল্লাহ মুহাম্মাদুর রাসূলুল্লাহ ১০০ বার পাঠ করবে।

৫। সূরা আনআমের ৩৩ আয়াত পাঠ করবে।

৬। সূরা ইউসুফের ৩০ আয়াত পাঠ করবে।

৭। ফজরের সূন্নাত নামাজ আরম্ভ করবে। প্রথম রাকাতে সূরা ফাতেহার পর সূরা আলাম নাশরাহ এবং দ্বিতীয় রাকাতে সূরা ফাতেহার পর সূরা আলম তারা কায়ফা পাঠ করা অতি উত্তম কাজ। এ ২ রাকাত সূন্নাত নামাজ শেষ হওয়ার পর এবং ফরজ নামাজ শুরু হওয়ার মধ্যবর্তী সময়ে নিম্নোক্ত দোয়া পাঠ করবে।

৮। সোবহানাল্লাহে ওয়া বিহামদিহি সোবহানাল্লাহিল আজিমে ওয়া বিহামদিহি আসতাগ ফিরুল্লাহে মিন কুল্লে জামবেও ওয়া আতুবু এলায়হে। ১০০ বার পাঠ করবে।

৯। ফজরের ফরজ নামাজ যথারীতি নিয়মে সমাপ্ত করবে। পূর্বোক্ত নিয়মেই কেবলাদিক হয়ে নিচের কাজগুলো করবে।

১০। লা-ই-লাহা ইল্লাল্লাহু ওয়াহদাহু লা-শারিকালাহু লাহুল মুলকু ওয়া লাহুল হামদ ইয়াহুয়ি ওয়া ইউমিতু ওয়াহু ওয়া হাইয়ুন লা-ইয়া মুতু আবাদা জুল জালালে ওয়াল ইকরামে বিয়াদিহিল খায়রে ওয়াহু ওয়া আ'লা কুল্লে শাইয়িন ক্বাদির। ১০ বার পাঠ করবে।

১১। আশহাদু আল্ লা-ই-লাহা ইল্লাল্লাহু ওয়াহদাহু লা-শারিকালাহু ওয়া আশহাদু আন্না মুহাম্মাদান আবদুহু ওয়া রাসূলুহু। ৩ বার পাঠ করবে।

১২। আন্নাহুমা সাল্লে আলা মুহাম্মাদিন মা ইখতালাফাল মিলওয়ানে ওয়া তা'য়াক্বাবাল উছরানে ওয়া তাকওয়াদুল হাদীদে আন্না ওয়াসতাহু সাবুল ফারকেদানে ওয়াল জামরানে বাল্লাগা আলা রুহে মুহাম্মাদিন মিনাত তাহুইয়াতে ওয়াস সালাম। ৩ বার পাঠ করবে।

১৩। ইয়া আজিজু ইয়া গাফুরু। ৩ বার পাঠ করবে।

১৪। সোবহানাল্লাহে ওয়াল হামদুলিল্লাহে লা-ই-লাহা ইল্লাল্লাহু আন্নাহু আকবার ওয়ালা হাওলা ওয়ালা কুয়াতা ইল্লা বিল্লাহিল আলিয়েল আজিম। ৩ বার পাঠ করবে।

১৫। আসতাগ ফেরুল্লাহে রাবি মিন কুল্লে জামবেও ওয়া আতুবু এলায়হে। ৩ বার পাঠ করবে।

১৬। সোবহানাল্লাহে ওয়া বিহামদিহি সোবহানাল্লাহেল আজিমে ওয়া বিহামদিহি আসতাগ ফেরুল্লাজি লা-ই-লাহা ইল্লা হুয়াল হাইয়ুল কাইয়্যুমে গাফফারুল জুবুবে, সাত্তারুল উ'যুবে আন্নামুল ওযুবে, কাশফুল কুবুরে, মাকাল্লেবুল কুলুবে ওয়া আতুবু এলায়হে। ৩ বার পাঠ করবে।

১৭। ইয়া হায়্যু, ইয়া কাইয়্যুম, ইয়া হান্নানু, ইয়া মান্নানু, ইয়া দায়্যানু, ইয়া সোবহানু, ইয়া সুলতানু, ইয়া গোফরানু, ইয়া জুল জালালে ওয়াল ইকরাম, বেরাহমাতেকা ইয়া আরহামার রাহেমীন। ৩ বার পাঠ করবে।

১৮। লা হাওলা ওয়ালা কু'য়াতা ইল্লাবিল্লাহিল আলিয়েল আজিমে, ইয়া ক্বাদিমু, ইয়া দা-য়েমু, ইয়া হায়্যু ইয়া কাইয়্যুমু ইয়া আহাদু, ইয়া ছামাদু, ইয়া আ'লেমু, ইয়া আজিমু, ইয়া আলিমু, ইয়া নুরনু, ইয়া ফরদুল, ইয়া ওয়াতারুল, ইয়া বাক্বিউল, ইয়া হায়্যুন, ইয়া কায্যুমুন আকদান হাজাতি বেহাক্কে মুহাম্মাদিন ওয়া আলেহি ওয়া আসহাবেহি আজমায়িন। ৩ বার পাঠ করবে।

১৯। আন্নাহু তায়ালাহ ৯৯ নাম। ১ বার পাঠ করবে।

২০। হযরত রাসূলে মকবুল (সাঃ)-এর ৯৯ নাম ৩ বার পাঠ করবে।

### বিসমিল্লাহির রাহমানির রাহিম

মুহাম্মাদুন	আহু-মাদুন	হা- মেদুন	মাখ্বুদুন	ক্বাসেমুন	
আ'ক্বুবুন	খাতেমুন	হাশেরুন	হায়্যুন	মা হায়্যুন	
দায়েউন	সিরাজুন	মুনিকুন	কাশিরুন	নাজিরুন	
বাদিউন	মুহিদ্দিউন	রাসূলুর	রাহমাতে	নাবিউন	
তা-হা	ইয়া-সিন	মুজাম্বিলুন	মুদাছছেরুন	সুফিউন	
খালিলুন	কারিমুন	হাবিবুন	মাজিদুন	মুত্তাফা	মুরতুজা
মুখতারুন	না-ছেরুন	ক্বায়েমুন	হা-ফিজুন	শাহিদুন	আ-দিলুন
হাকিমুন	আহিদুন	ওহিদুন	ক্বায়েমুন	জা- মেউন	মুকিফুন
মুকফিয়ুন	রাসূলুম মুলাহিম	রাসূলুররাহতিন	কা-মেলুন	আকিলুন	
নুরনু	হাজাতুন	বায়্যয়ুন	বুরহানুন	মু'মেনুন	মুতিযুন
মাজকুরুন	ওয়াজ্জুন	ওয়াহেদুন	আমিনুন	ছোয়াদেকুন	না-তেকুন
ছোয়াহেবুন	মাক্বিউন	মাদনিউন	আবতাহিয়ুন	আরাফিউন	হাশিমিউন
কুরাশিউন	মুজারিউন	উমিউন	আজিজুন	হারিসুন	রা'ওফুন
ইয়াতিমুন	তাবিবুন	তা-হেরুন	মুতাহহেরুন	ফসিহুন	সায়্যেদুন
মুত্তাকিউন	ইমামুন	ইয়ারুন	হাক্বুন	মুবিবুন	আওয়ালুন
আখেরুন	জা-হেরুন	বাতেনুন	রাহমাতুন	শাক্বিউন	মুহররামুন
আমারনা	হালিমুন	শাহিদুন	ক্বারিবুন	মুনিবুন	ওয়ালিয়ুন

আবদুল্লাহ কারামাতিল্লাহ আয়্যা'তুল্লাহ ওয়া-সাল্লামা তাসলিমান কাছিরান কাছিরা বেরাহমাতেকা ইয়া আর হামার রাহেমীন।

২১। আন্নাহুমা সাল্লেআলা মুহাম্মাদিন

হাত্তা লাইয়্যাবকা মিনাস সালাওয়াতে শাইইন,  
ওয়রহামা আলা মুহাম্মাদিন,

হাত্তা লাইয়্যাবকা মিনার রাহমাতে শাইইন,

ওয়া বারেকা আলা মুহাম্মাদিন

হাত্তা লাইয়্যাবকা মিনাল বারকাতে শাইইন। ৩ বার পাঠ করবে।

২২। আয়্যা'তুল কুরসী ৩ বার পাঠ করবে।



১৬

দলিলুল আরেফীন

২৩। সূরা ইখলাস ৩ বার পাঠ করবে।

২৪। ফাইনতাওয়াল্লাও ফাকুল হাসবে ইয়াল্লাহ্ লা-ই-লাহা ইল্লা হুয়া আলায়হে তাওয়াক্কালতু ওয়াহ ওয়া রাক্বুল আরশিল আযিম। ৩ বার পাঠ করবে।

২৫। সূরা বাকারার শেষ আয়াত। ৩ বার পাঠ করবে।

রাক্বা না ওয়ালাতাহুমেল্ না মালা তাকাতালানাবী ওয়া-ফু-আন্না ওয়াগফেরলানা ওয়ার হামনা আনতা মাওলানা ফানসুরনা আলাল কাউমিল কাফেরিন।

২৬। আন্নাহ্মাগফিরলি ওয়ালে ওয়ালে দাইয়্যা ওয়ালিমান তাওয়ালিদু ওয়া বেজামিয়েল মু'মেনীনা ওয়াল মু'মেনাতে ওয়াল মুসলেমিনা ওয়াল মুসলেমাতে আল এহুইয়ায়ে মিনহুম ওয়াল আমওয়াত বেরাহমাতেকা ইয়া আরহামার রাহেমীন। এই দোয়া ৩ বার পাঠ করবে।

২৭। সোবহানাল আওয়ালু মুবাদি, সোবহানাল বাক্বিউল মা-ই দুলাহিস সামাদে লামইয়ালিদ ওয়ালাম ইউলাদ ওয়া লাম ইয়া কুল্লাহ কুফুওয়ান আহাদ। এই দোয়া ৩ বার পাঠ করবে।

২৮। ইন্নাল্লাহা আলা কুল্লে শায়িন ক্বাদির ক্বাদ এহুতাল্লাহে বেকুল্লে শায়িন ইলমা। এই আয়াত ৩ বার পাঠ করবে।

২৯। তাওবাতু আবদাজ জালেমু জালিনু ওয়ালা ইয়ামলেকো লেনাফসিহি জাহ্নরাও ওয়ালা নাফাআ'ও ওয়ালা মাওতান ওয়ালা হায়্যাতিন ওয়ালা নোশরা। ৩ বার পাঠ করবে।

৩০। আন্নাহ্মা ইয়া হায়্য ইয়া কাইয়ুমু ইয়া আন্নাহ্ লা-ই-লাহা ইল্লা আনতা আসআলুকা ইল্লা তাহুই ক্বালবি বেনুরে মা'রেফাতেকা আবাদান, ইয়া আন্নাহ্, ইয়া আন্নাহ্। এ দোয়া ৩ বার পাঠ করবে।

৩১। ইয়া মুসাঐবাল আসবাব ইয়া মুফাওহাল আবুয়াব ইয়া মুকাল্লিবাল কুলুবে ওয়াল আবসারে ইয়া দালিলুম মুতাহহেরিনা ইয়া গিয়াসুল মুসতাগেহিনা আগেছনি, তাওয়াক্কালতু আলায়কা ইয়া রাবে ওয়া ওফাবেজতু আমরি ইলায়কা ইয়া রাবে ওয়ালা হাওলা ওয়ালা কুয়াতা ইল্লাবিলাহিল আলিউল আযিমে মাশায়া কানা ওয়া লাম ইয়া শায়া লাম ইয়া কুন ইয়া কানা'বুদু ওয়া ইয়া কানসতায়ীন। ৩ বার পাঠ করতে হবে।

৩২। আন্নাহ্মা ইনা আসআলুকা ইয়া মাইয়্যামলেকা হাওয়ায়েজুস সায়েলিনা ওয়া ইয়ালামু জমিরাস সামেতিনা ফা ইনা লাকা মিন কুল্লে মা সালাতিন মিনকা সামআন হাজেরান জাওয়াবান আতেদান ওয়া ইনা মিন কুল্লে সামেতিন ইলমান নাফেয়ান ফাই'তনা মাওয়ায়েদু কাসসাদেকাতে ওয়া আবাদিকাশ'শামেলাতে ওয়া রাহমাতিল ওয়াছিয়াতে ওয়া নেয়ামাতেকাস সাবেকাতে উনজুর ইলা নাজেরাতে বেরাহমাতেকা ইয়া আরহামার রাহেমীন। ১ বার পাঠ করতে হবে।

৩৩। ইয়া হান্নানু ইয়া মান্নানু ইয়া দায়্যানু ইয়া বোরহানু ইয়া সোবহানু ইয়া গোফরানু ইয়া জুল জালালে ওয়াল ইকরাম। ৩ বার পাঠ করবে।

৩৪। আন্নাহ্মা ইনা আসআলুকা বেআসমায়েকাল অজিম ইনা তা'তেনি মাছায়া'লাতুকা বেফাজিলাতেকা ওয়া কারামেকা ইয়া আরহামার রাহেমীন। আলহামদু লিল্লাহিল্লাজি ফিস সামাওয়তে আরশাহ ওয়াল হামদু লিল্লাহিল্লাজি ফিল কুবুরে কাজায়েহ ওয়া আমরুহ ওয়ালহামদু লিল্লা হিল্লাজি ফিল বাররে ওয়াল বাহুরে সাবিলাহ ওয়াল হামদু লিল্লাহিল্লাজি লা মালজা ওয়ালা মালজা-য়া ইল্লা এলায়হে। রাবে লাভাজারনি ফারদাও ওয়া আনতা খায়রুল ওয়ায়েহিনা। এই দোয়া ৩ বার পাঠ করবে।

৩৫। আন্নাহ্মারহাম উম্মাতে মুহাম্মাদিন ওয়া আছলেহ ওয়া আছলেহ উম্মাতে মুহাম্মাদিন আন্নাহ্মাগফের আন্নাহ্মা ফাররাজ উম্মাতে মুহাম্মাদিন এই দোয়া ৩ বার পাঠ করবে।

৩৬। সোবহানআন্নাহে মালায়েল মিজানে ওয়া মুনতাহিল ইলমে ওয়াজনাতুল আরশে ওয়া মুবলিগুর রেজায়ে বেরাহ মাতেকা ইয়া আর হামার রাহেমীন। ৩ বার পাঠ করবে।

৩৭। রাজিতু বিলাহে রাক্বাও ওয়া বিল ইসলামে দীনাও ওয়া বিল কোরানে ইয়ানাও ওয়া বিল কা'বতে কিবলাতাও ওয়া বিল মেমেনিনা এখওয়ানালা। ১ বার পাঠ করবে।

৩৮। বিসমিল্লাহিল খাইরাল আসমায়ে বিসমিল্লাহে রাব্বিল আরদে ওয়াহ ছামায়ে বিসমিল্লাহিল্লাজি লা ইয়া জুররু মায়া এছমিহি শাইউন লা ফিল আরদে ওয়ালা ফিছ ছামায়ে ওয়াহ ওয়াস ছামিউল আলিম। এই দোয়া ৩ বার পাঠ করবে।

৩৯। আন্নাহ্মা আজেরনা মিনান্নারে ইয়া মুজির। ১০০ বার পাঠ করবে।

৪০। লা-ই-লাহা ইল্লাল্লাহু মুহাম্মাদুর রাসূলুল্লাহ। ১০০ বার পাঠ করবে।

৪১। আশহাদু আনাল জান্নাতা হাক্কুন, ওয়ান্নারু হাক্কুন, ওয়াল মিজানু হাক্কুন, ওয়াছছিরাতু হাক্কুন, ওয়াল মাউতু হাক্কুন, ওয়াছ ছায়ালু হাক্কুন, ওয়াল কারামাতুল আউলিয়ায়ে হাক্কুন, ওয়াল মোজেজাতুল আখিয়ায়ে হাক্কুন ফিদ্বারেদ দুনিয়া ওয়াশ শাফায়াতু হাক্কুন, ওয়াছ ছায়াতু আতিয়াতু লারাইবাফিহা ওয়া ইন্নাল্লাহা ইয়াবয়াসু মানফিল কুবুরে। ১ বার পাঠ করবে।

৪২। এরপর হাত উত্তোলন করে দোয়া খায়ের করবে। “আল্লাহুমা জেদ নূরেনা, ওয়া জেদ হুজুরেনা, ওয়া জেদ ই'শকেনা, ওয়া জেদ মুহাব্বাতেনা, ওয়া জেদ কবুলেনা বেরাহমাতেকা ইয়া আরহামার রাহেমীন। ১ বার পাঠ করবে।

৪৩। এরপর মুসাব্বেয়াতে আশারা এবং সূরা ইয়াসিন, সূরা মুল্ক, সূরা জুমআ, পাঠ করবে।

৪৪। এরপর সূর্য যখন এক বল্লম পরিমাণ উপরে উঠবে তখন ১০ রাকাত এশরাকের নামাজ ৫ সালামে আদায় করবে। প্রথম রাকা'তে সূরা ফাতেহার পর সূরা কদর ১ বার। দ্বিতীয় রাকা'তে সূরা ফাতেহার পর সূরা জিলজালা ১ বার। তৃতীয় রাকা'তে সূরা ফাতেহার পর সূরা কাওছার ১ বার। চতুর্থ রাকা'তে সূরা ফাতেহার পর সূরা কাফেরুন ১ বার। ৫ম রাকা'ত ও পরবর্তী সব রাকা'তে সূরা ফাতেহার পর সূরা ইখলাস ১০ বার করে পাঠ করবে। নামাজ শেষে ১০ বার দরুদ শরীফ পাঠ করবে। অতঃপর চাশত নামাজের সময় না হওয়া পর্যন্ত কালাম পাক তেলওয়াতে নিমগ্ন থাকবে।

৪৫। চাশতের নামাজ ১২ রাকা'ত, ৬ সালামে পাঠ করবে। প্রত্যেক রাকা'তে সূরা ফাতেহার পর সূরা জোহা ১ বার করে পাঠ করবে।

৪৬। নামাজ শেষে কলেমা তমযীদ ১০৮ বার এবং দরুদ শরীফ ১০০ বার পাঠ করবে। এরপর দুপুর পর্যন্ত একটানা কোরান শরীফ তেলওয়াতে মশগুল থাকবে।

৪৭। দ্বিপ্রহরে ৪ রাকা'ত ইসতুয়া নামাজ সূরা ফাতেহার পর প্রত্যেক রাকা'তে সূরা ইখলাস ৫ বার করে পাঠ করবে। এ নামাজ পাঠকারীর সঙ্গে খিজির (আঃ)-এর দিদার লাভ হয়। এরপর যোহরের নামাজের পূর্ব পর্যন্ত গুয়ে থাকবে।

৪৮। ঘুম থেকে উঠে ১২ রাকা'ত জোহরের নামাজ আদায় করবে এবং এ ১২ রাকা'ত নামাজে কোরান শরীফের শেষ ১০টি সূরা পাঠ করবে। নামাজ শেষে দোয়ার পূর্বে ১৩ বার দরুদ শরীফ পাঠ করবে। অতঃপর সূরা নুহ পাঠ করবে।

৪৯। এরপর আছরের নামাজ পর্যন্ত মোরাকাবায় নিমগ্ন থাকবে।

৫০। আসরের নামাজের পূর্বে ১০০ বার 'লা-হাওলা ওয়ালা কুয়াতা ইল্লা-বিল্লাহিল আলিয়েল আযিম' পাঠ করবে।

৫১। আছরের ৪ রাকা'ত সূনাত পড়ার পর ৪ রাকা'ত ফরজ আদায় করবে। নামাজের পর সূরা ফাতেহা ১ বার, সূরা মুলক ৫ বার, সূরা নাস ও সূরা নাযেয়াত ১ বার করে পাঠ করবে। এ সূরা পাঠকারীকে আল্লাহতায়ালার গোর আযাব হতে মুক্তি দেবেন।

৫২। এরপর মাগরেবের নামাজের সময় হলে নামাজ আদায় করবে; সূনাত নামাজের পর ২ রাকা'ত হেফজুল ঈমান নামাজ প্রথম রাকা'তে সূরা ফাতেহার পর সূরা ইখলাস ৩ বার পাঠ করবে এবং দ্বিতীয় রাকা'তে সূরা ফাতেহার পর সূরা ইখলাস ৩ বার এবং সূরা নাছ ১ বার পড়বে। নামাজ শেষে সেজদায় যেয়ে ইয়া হাইয়ু ইয়া কাইয়্যুমু ছাঐতনী আ'লাল ঈমান ১১ বার পাঠ করবে।

৫৩। এরপর ৬ রাকা'ত আউয়াবিন নামাজ ৩ সালামে পাঠ করবে। প্রথম রাকা'তে সূরা ফাতেহার পর সূরা ইজা জিল-জালা ১ বার পাঠ করবে। দ্বিতীয় রাকা'তে ফাতেহার পরে সূরা আলহাক্কুমুত্তাকাছুর ১ বার পাঠ করবে। এরপর আল্লাহুর জেকেরে মশগুল হবে।

৫৪। এশার নামাজের সময় হলে এশার নামাজ আদায় করে নেবে। নামাজ শেষে এ দোয়া পাঠ করবে। “আল্লাহুমা আয়িন্নি আলা জিকরেকা ওয়া শুকরেকা ওয়া হুসনে ইবানাতেকা।”

৫৫। নামাজ খাফতান, ৪ রাকা'তে আদায় করবে। ১ম রাকা'তে ফাতেহার পর আয়াতুল কুরসী ৩ বার, ২য় রাকা'তে ফাতেহার পর সূরা ইখলাস ১ বার, ৩য় রাকা'তে সূরা ফাতেহার পর সূরা ফালাক ১ বার, ৪র্থ রাকা'তে ফাতেহার পর সূরা নাছ ১ বার পাঠ করবে। সালামের পর দোয়া করবে। ইনশাল্লাহু নৈকট্য লাভ হবে।

৫৬। অতঃপর ৪ রাকাত সায়াদা'ত-এর নামাজ পাঠ করবে। প্রত্যেক রাকা'তে সূরা ফাতেহার পর সূরা কদর ৩ বার এবং সূরা ইখলাস ১৫ বার করে পাঠ করবে। পরে সেজদায় যেয়ে এই দোয়া পাঠ করবে। ইয়া হাইয়ু ইয়া কাইয়্যুমু ছাঐতনী আ'লাল ঈমান (কমপক্ষে ১১ বার)। সেজদা হতে উঠে দু'জানু হয়ে বসে এই দোয়া পাঠ করবে “আল্লাহুমা ইন্নি আসআলুকা বারকাতিন ফিল উমুর ওয়া ছেহাতে ফিল বাদানে ওয়ার রাহাতে ফিল মা'যিশাতে ওয়াল ওয়া ছিয়াতে ফির রিজ্কে ওয়া জিয়াদাতে ফিল ইলমে ওয়া ছাঐতনা আ'লাল ঈমান। এরপর নির্ধারিত ওজিফা পাঠ করবে।



এরপর এরশাদ করলেন, রাতকে ৩ ভাগে ভাগ করে একভাগে নামাজে মশগুল থাকবে, দ্বিতীয় ভাগে শয়ন করবে এবং তৃতীয় ভাগে তাহাজ্জাদ নামাজ পাঠ করবে।

অতঃপর এরশাদ করলেন, রসূলে খোদা (সাঃ) এরশাদ করেছেন, তাহাজ্জাদের নামাজ আমার জন্য ফরজ ছিল এবং আমার আউলিয়া-উম্মতদের উপর এই নামাজ ওয়াজিব। ৪ সালামে ৮ রাকাত তাহাজ্জাদ নামাজ পড়া উচিত। এবং শেষে কোরান শরীফ হতে যা কিছু স্মরণ হয় পাঠ করবে। তারপর কিছুক্ষণ শুয়ে থাকবে এবং সুবেহ সাদেকের কিছুক্ষণ পূর্বে ঘুম থেকে উঠে নতুন করে ওজু করবে তারপর আল্লাহর স্মরণে কিছুক্ষণ ধ্যানমগ্ন থাকবে। পরে ফজরের নামাজ ও পূর্বে বর্ণিত যাবতীয় এবাদত-বন্দেগী নিয়মানুসারে ধারাবাহিকভাবে করতে থাকবে।

পরে খাজা গরীব নওয়াজ (রাঃ) এরশাদ করলেন, এক বুজুর্গ প্রত্যহ তাহাজ্জাদের নামাজ পড়তেন। ঘটনাচক্রে একবার তাহাজ্জাদ ক্বাজা হয়ে যাওয়ায় তাঁর ঘোড়ার পা ভেঙ্গে যায়, গায়েবী আওয়াজে তাকে জানান হয়, “তাহাজ্জাদ ক্বাজা করার সতর্কীকরণ স্বরূপ ঘোড়ার পা ভেঙেছে।” এরপর এরশাদ করলেন, আজ যে সমস্ত অজিফা তোমাদেরকে জানান হলো-এর সবই আমাদের মাশায়েখ রেদওয়ানিল্লাহে আলায়হিম-গণের সুন্নাৎ। যে ব্যক্তি এগুলো পাঠ করবে তারা মাশায়েখগণের সুন্নাতের ওপর প্রতিষ্ঠিত থাকবে। এ ঐশ্বর্য দান করার পর খাজা বুজুর্গ তেলওয়াতে মশগুল হলেন। মজলিস বরখাস্ত হল।

আলহাম্দু লিল্লাহি আলা জালেক।

নবম মজলিস

দৌলতে কদমবুজি অর্জিত হল। শায়খ আহাদ কিরমানী, ওয়াহেদ বোরহানি, খাজা সোলায়মান, শায়খ আবদুর রহমান এবং আরও অনেক সূফী, দরবেশ খেদমতে হাজির ছিলেন। সলুক সম্বন্ধে আলোচনা শুরু হল।

[সলুক এই শব্দটির আভিধানিক অর্থ অনেকগুলো— যেমন পথ, আচার-ব্যবহার, আদান-প্রদান, রীতি-নীতি ইত্যাদি। তাসাউফের পরিভাষায় আধ্যাত্মিক শিক্ষার পথ বা স্তরকে বুঝায়। সাংলিক ভক্ত বা আধ্যাত্মিক শিক্ষার্থী যে পথে চলে আল্লাহর নৈকট্য লাভে সমর্থ হয় সেই পথ বা রাস্তা বহু স্তরে বিভক্ত। সাংলিককে একটার পর একটা স্তর অতিক্রম করে মনজিলে (আকাঙ্ক্ষিত স্থান) পৌঁছতে হয়। এই স্তরসমূহের সমষ্টিকে সলুক বলে।]

খাজা গরীব নওয়াজ এরশাদ করলেন, বহু মাশায়েখ সলুকের স্তরের সংখ্যা ১০০টি নির্ধারণ করেছেন। এর মধ্যে ১৭টি স্তর অতিক্রম করার পর কাশফ (অন্তর্দৃষ্টি) ও কারামত (ঐশীশক্তি) হাসেল হয়। যে ব্যক্তি এই স্তরে আত্মপ্রকাশ না করবে সে অবশিষ্ট ৮৩টি স্তরও অতিক্রম করতে পারবে। এ ব্যাপারে সালেকদের অবশ্যই উচিত ১৭টি স্তরে নিজেকে আবদ্ধ না রেখে পরিপূর্ণ ১০০টি স্তরই অতিক্রম করা। এরপর এরশাদ করলেন, অনেক মাশায়েখদের মধ্যে বিশেষ ভাবে আমাদের খান্দানে অর্থাৎ চিশতীয়া খান্দানে বা তরীকায় কামালিয়াত পর্যন্ত সর্বমোট ১৫টি স্তর বা দরজা রয়েছে, তন্মধ্যে ৫ম স্তর হলো কাশফ ও কারামতের। আমাদের মাশায়েখগণের নির্দেশ রয়েছে, কোন সালেকই যেন ৫ম স্তরের নিকট আত্মসমর্পণ করে নিজের জাতকে প্রকাশ না করে। তাদের কর্তব্য সম্পূর্ণ ১৫টি স্তরই অতিক্রম করা বা হাসিল করা। তারপর নিজের জাতকে (সত্তা) প্রকাশ করলে কোন প্রকার ক্ষতির সম্ভাবনা নেই।

এরপর এরশাদ করলেন, একবার কিছু লোক একত্র হয়ে হযরত জোনায়েদ বোগাদাদী কাদাসাল্লাহু সাররুহুল্ বারীকে জিজ্ঞাসা করেছিল, আপনি আল্লাহর নিকট কোন জিনিস চান না কেন? যদি আপনি চেতেন, খোদাতায়ালা আপনাকে অবশ্যই দান করতেন। তিনি উত্তর দিলেন, আমি সব জিনিসই চাই শুধু একটি জিনিস চাই না এবং সেটা হল হযরত মুসা (আঃ) চেয়েও যা পাননি এবং হযরত মুহম্মদ (সাঃ) বিনা যাচনায় পেয়েছিলেন। বান্দার চাওয়া বা যাচনার কি প্রয়োজন? বান্দা যদি উপযুক্ত হয় তবে তার চাওয়ার কোন প্রশ্নই উঠে না। এরপর এরশাদ করলেন, হযরত সোলায়মান (আঃ)-কে যেমন সামান্য একটা পিঁপড়ে উপহাস করে বলেছিল, “হে সোলায়মান, যদি তুমি অপেক্ষা করতে এবং জলদি না করতে অর্থাৎ দৈত্যদেরকে করায়ত্ত্ব করার দোয়া না চাইতে তাঁ হলে ফেরেস্তাদেরকেও তোমার অধীন করে দিতেন।” হযরত মুহম্মদ মুস্তফা (সাঃ) কিছুই আল্লাহর কাছে চাননি যার জন্য তাঁকে জগতের সমস্ত কিছুই আল্লাহ দান করেছেন।

পরবর্তী আলোচনা ইশুক্ (প্রেম) সম্বন্ধে আরম্ভ হলো। তিনি এরশাদ করলেন, প্রেমিক বা আশেকের অন্তরে থাকে অগ্নি পূজারীদের উপাসনাগারের মত প্রেম যা কিছু এর মধ্যে নিষ্কেপ করা হবে সে সবই জ্বলে পুড়ে নিঃশেষ হয়ে যাবে। কোন প্রকারের আগুনই প্রেমের আগুনের চেয়ে অধিক শক্তিশালী নয়। এরপর বললেন, যখন হযরত বায়েজীদ বোস্তামী (রঃ) আল্লাহর নৈকট্যের স্তর লাভ করলেন, তখন গায়েবী আওয়াজ হলো, “কি চাইবে চাও? আজ যা চাইবে তাই তোমাকে দেয়া হবে!” তিনি স্বীয় মস্তক সেজদাবনত করে আরজ করলেন, “বান্দার সঙ্গে চাওয়ার কি সম্পর্ক থাকতে পারে? যা কিছু তোমার দরবার হতে অনুদান আসবে তাই সন্তুষ্ট চিত্তে গ্রহণ করব।” আবার

আওয়াজ হলো “হে বায়েজীদ তোমাকে আখেরাত (পরবর্তীকালেসমূহ) দান করলাম। হযরত বায়েজীদ (রঃ) আরজ করলেন, “ইয়া এলাহি আখেরাত যদি বেহেস্ত হয় তবে তা প্রেমিকদের জন্য কয়েদখানা এমন জিনিসে আমার কোন প্রয়োজন নেই।” এরপর আওয়াজ হলো, “হে বায়েজীদ তুমি যদি এতে রাজি না থাক তবে তোমাকে আমার বেহেস্ত দোজখ আরশ-কুরছী যা আমার সৃষ্টি জগতে আছে সবই দান করলাম।” তিনি উত্তর দিলেন, “ভাল।” পরে আবার আওয়াজ হলো, “তোমার মকসুদ (বাসনা) জানাও, আমি তোমাকে তাই দেব।” হযরত বায়েজীদ বোস্তামী (রঃ) উত্তর দিলেন, “হে খোদাওন্দতায়লা তুমি তো জানই আমার মকসুদ কি, তবু কেন জিজ্ঞেস করছ?” আওয়াজ হল, “হে বায়েজীদ তুমি কি আমাকে চাও? যদি আমি তোমাকে চাই তাহলে কি হবে?” হযরত বায়েজীদ (রঃ) কসম খেয়ে বললেন, “তোমার পবিত্র মর্যাদার শপথ, যদি তুমি আমাকে তলব কর, তাহলে কিয়ামতের দিন তোমার দোজখের আঙনের সামনে দাঁড়িয়ে আমি এমন ভাবে দীর্ঘশ্বাস ফেলব যার প্রভাবে দোজখের আঙন এমন ভাবে নিতে ঠাণ্ডা হয়ে যাবে, যার অবশিষ্ট যোঁজে পাবে না। কেননা, প্রেমের আঙন এমন ভাবে জ্বলে যে, কোন কিছুই অবশিষ্ট রাখে না। যখন এই কথা বায়েজীদ বোস্তামী (রঃ) বললেন, সাথে সাথে আওয়াজ হলো, “হে বায়েজীদ, যা তোমার বাসনা ছিল পূর্ণ করা হলো।” গরীব নওয়াজ এরপর এরশাদ করলেন, এক সময় হযরত রাবেয়া বসরী (রঃ)-এর শওক ও ইশতিয়াকের (প্রেম ও ভালবাসা) প্রভাব এত অধিক মাত্রায় বৃদ্ধি পেলো যে, অস্থিরতার পরিমাণ সীমা অতিক্রম করল। তিনি তখন ‘আঙন আঙন’ বলে চিৎকার করতে লাগলেন অর্থাৎ তাঁর মধ্য হতে প্রেমানলের হলুকা বেরুতে ছিল। বসরার লোক আঙন আঙন চিৎকার শুনে পানি ভর্তি পাত্র সঙ্গে নিয়ে আঙন নেভাবার জন্য দৌড়াতে লাগল। একজন বুজুর্গ পথিমধ্যে তাদেরকে আটকিয়ে দিয়ে বুঝাল, রাবেয়ার অগ্নি পৃথিবীর অগ্নি নয়, ঐ আঙন ইশকে এলাহির আঙন, দুনিয়ার কোন বস্তুতেই নেভাবার নয়। রাবেয়ার অন্তরে এলাহির প্রেমের প্রখরতা এত প্রবল হয়েছে যে, এখন তা নিয়ন্ত্রণের বাইরে চলে গেছে। এখন এ আঙন প্রেমাস্পদের সঙ্গে মিলনের পূর্বে আর নেভাবার নয়। এরপর এরশাদ করলেন, মনসুর হাল্লাজ (রঃ) কে জিজ্ঞেস করা হয়েছিল ইশকের পরিপূর্ণতা বলতে কি বুঝায়? তিনি উত্তরে বললেন, যাদের মাণ্ডুক দুঃখ কষ্ট প্রদানের জন্য কমর বাঁধে এবং আশেক সে সমস্ত বালা-মুসিবত মাথা পেতে নিয়ে নিজের কাজে দৃঢ় থাকে এবং প্রেমাস্পদের মোশাহেদায় এলাহির নূরের দর্শনে এমনভাবে নিবিষ্ট থাকে যেন তাকে মারুক-কাটুক তবু যেন তার তন্ময়তায় ব্যাঘাত সৃষ্টি না হয়; তাহলে তাকে আশেকে কামেল বা পরিপূর্ণ প্রেমিক বলা চলবে। বলতে বলতে খাজা গরীব নওয়াজের চোখ দুটো অশ্রুতে কানায় কানায় ভরে উঠল। তিনি একটি কবিতার দু’টো লাইন আবৃত্তি করলেন-

খু বর দিয়্যান চু পরদাগ বর গিরানাদ  
আশেকান পেশে শানে চুনি মিরানাদ।।

দুঃখ প্রদানকারী যখন তার দুঃখের পর্দা দিয়ে তাকে গ্রেফতার করে প্রেমিকগণের শান এমন যে তখনই তারা সম্মুখে এগিয়ে চলে।

খাজা বুজুর্গ (রঃ) এরপর একটা ঘটনা বর্ণনা করলেন। বাগদাদের কোব্বা বাজারে একজন আশেককে বেঁধে এক হাজার বেত্রাঘাত মারা হয়েছিল, কিন্তু তাতে তার হাত পা কিছুই নড়েনি অর্থাৎ সে কোন প্রকার ব্যথাই অনুভব করেনি। এর কারণ তাকে জিজ্ঞেস করায় সে উত্তর দিয়েছিল, আমি বন্ধুর নূরের প্রশান্ত জ্যোতির দর্শনে তন্ময় ছিলাম, আঘাতের কোন খবর জানি না। এরপর এরশাদ করলেন, হুজ্জাতুল ইসলাম ইমাম মুহম্মদ গাজ্জালী (রঃ) তাঁর কিতাবে লিখেছেন, একবার এক প্রতারককে বাগদাদের বাজারে হাত-পা বেঁধে কেটে দিল। কিন্তু সে কাঁদল না বরং হাসতে ছিল। তাকে জিজ্ঞেস করা হলো, তোমাকে এত আঘাত করার পরও না কেঁদে হাসছ কি করে? সে উত্তর দিল ঐ সময় বন্ধুর দর্শনে বিভোর ছিলাম, আমি সামান্যতম কষ্টও অনুভব করিনি। খাজা গরীব নওয়াজ এ ঘটনা বলতে বলতে কাঁদতে লাগলেন এবং বললেন-

“ও বর সরে কতল ও মান বরুইয়াশ হয়রান  
কে রানদান তাগাইয়াশ চে নেকো মি আয়াদ”

অর্থ- ওর মাথা রয়েছে কর্তিত আর আমি তার চেহারা দেখে অবাক! (কিন্তু) তরবারির আঘাত খেয়ে বেহুঁশ হলে হবে কি নেক কাজ?

পরবর্তী আলোচনা ‘আহলে সলুক এবং ‘আরেফানে এলাহির’ সম্বন্ধে শুরু হলো। হযরত খাজা বুজুর্গ (রঃ) এরশাদ করলেন, একবার বায়েজীদ বোস্তামী (রঃ) মোনাজাতে মশগুল ছিলেন। তাঁর অজান্তে হঠাৎ তাঁর মুখ দিয়ে বেরিয়ে পড়লো, “দুনিয়াটা কেমন?” গায়েবী আওয়াজ হলো—

তালাকা নাফসুকা ছালাছা ছুমা কুল হু আল্লাহ।

অর্থাৎ তালাক দাও নিজের নফসকে ৩ বার, পরে আমার কথা বল এবং আমাকে চাও।

হযরত খাজা বুজুর্গ (রঃ) এরশাদ করলেন, যে তরিকতের পথে চলতে চায় তার উচিত প্রথম দুনিয়া এবং দুনিয়ার সকল বস্তুকে ত্যাগ করে, তারপর নিজের নফসকে তালাক দেয়, তারপর আহলে সলুকদের পথে পা রাখে। তা না হলে সব কিছুই মিথ্যে। এরপর এরশাদ করলেন একজন বুজুর্গ আহলে সলুক এবং সাহেবে ইশক ছিলেন। একবার মোনাজাতে অনর্গল বলতেছিলেন, “তুমি যদি আমার নিকট ৭০ বছরের হিসেব চাও তবে আমিও তোমার কাছে ৭০ হাজার বছরের (ঐ জগতের ১ দিন সমান পৃথিবীর



৫০০ বছর)। “আল আসতু”-এর জগতের হিসেব চাইব। এখন যা কিছু হচ্ছে আলাসতু বেরাঙ্কেকুমের জন্যেই হচ্ছে। পাপিষ্ঠ এবং পুণ্যবান ঐ সময়েই হয়েছে, এখন তার ফল দারুল বাকায় আখেরাতে হচ্ছে। তৎক্ষণাৎ গায়েবী আওয়াজ হলো, “তোমার ইচ্ছার জন্য উত্তর দেয়া হচ্ছে; আমি তোমার সমস্ত শরীরকে অণু-পরমাণু রূপে বিভক্ত করে প্রতিটি ক্ষুদ্রতম অংশকে পৃথকভাবে দর্শন দিব। ৭০ হাজার বছরের হিসেব পাশেই রেখে দেয়া আছে দেখে নাও। এরপর এরশাদ করলেন, একজন আরিফ প্রতিদিন বলতেন যে, প্রত্যেকেই যার যার চাওয়ার কর্মে বিভোর। কিন্তু আজ পর্যন্ত আমি এও করতে পারলাম না যে নিজের অস্তিত্বকে আল্লাহতায়ালার মাঝে বিলীন করব। কিন্তু একাজ আমি কখনও নিজের ইচ্ছা থেকে করব না। যদি আমি ইচ্ছা করি ৭ জমিনকেই উল্টিয়ে দিতে পারি। এরপর হযরত খাজা (রাঃ) এরশাদ করলেন, অন্য আর একজন বুজুর্গ ‘শওক’-এর প্রভাবে অর্থাৎ প্রেমের আকর্ষণে বলতে ছিলেন, ‘সে (আল্লাহ) আমাকে দেখতে চেয়েছিল দেখেছে’; কিন্তু আমি কখনও তা ইচ্ছা করিনি। কেননা, বান্দার চাওয়ার কি প্রয়োজন আছে? আর একজন বুজুর্গ বলতে ছিলেন, “চাইলে কিছু পাওয়া যায় না; মানুষ উপযুক্ত হওয়া মাত্রই আল্লাহতায়ালার তাকে তার কাম্য বস্তু প্রদান করেন।” এরপর এরশাদ করলেন, এক বুজুর্গ বলতেছিলেন, “যখন মানুষ আমিত্বের খোলস ত্যাগ করে, তখন নিগূঢ়ভাবে চিন্তা করলে দেখবে ইশ্ক, আশেক এবং মাশুক [মাশুক অর্থাৎ ইলাহী। ইশ্ক অর্থাৎ নূরে ইলাহী বা সুলালাহ বা নূরে মুহাম্মদী। আশিক অর্থাৎ ইনছান বা সুলালাহ বা নূরে মুহাম্মদীর নূর] (প্রেম, প্রেমিক, প্রেমাস্পদ) সবই এক।” এরপর এরশাদ করলেন, বান্দা যখন কামেল হয়ে যায় তখন সলুকের সমস্ত স্তরগুলোই অর্জিত হয়ে যায়। তখন সে নিজের অনেক কাজ করতে থাকে। যদি সে সমস্ত স্তর বা মোকামাত অর্জন করতে না পারে তাহলে “হযরত” (আশ্চর্য)-এর একটা স্তর আছে সেখানেই সে আবদ্ধ হয়ে থাকে। এরপর এরশাদ করলেন, “খাজা বায়েজিদ (রহঃ) বলেছেন, ৩০ বছর পর্যন্ত ‘আমি খোদায়ে হক্ব’-এর সাথে ছিলাম এবং ‘হক্ব’ আমার সাথে ছিলেন। এখন আমি জ্ঞাতপাকের (আল্লাহর) আয়না। অর্থাৎ আমি বলতে আমার যা কিছু ছিল এখন তার কিছুই নেই। সমস্ত গর্ব এবং অহংকার বিদূরিত হয়েছে। এখন, যখন আমিই নেই তখন আল্লাহতায়ালার স্বয়ং তাঁর জাতের সাথে সম্বন্ধযুক্ত। আমি যা বলি তা তাঁরই প্রতিধ্বনি। অর্থাৎ আল্লাহতায়ালার নিজেই আমাকে দিয়ে বলান। আমি নিজে থেকে কিছুই বলি না।”

বায়েজিদ বোস্তামী (রহঃ)-এর অন্য আর একটি ঘটনা সম্বন্ধে এরশাদ করলেন। হযরত বায়েজিদ (রহঃ) বললেন, “আমি বহুদিন পর্যন্ত দরবারের খাদেম ছিলাম কিন্তু লোকসান ব্যতীত কোন লাভ হয়নি। এখন যেখানে পৌছেছি সেখানে কোন কষ্ট নেই।

দুনিয়াদারেরা দুনিয়ার কাজে ব্যস্ত, আখেরাত কামনাকারিগণ আখেরাতের কর্মে নিমগ্ন, প্রার্থনাকারিগণ স্বীয় প্রার্থনায় বিভোর, ধর্মানুরাগিগণ ধর্মে লিপ্ত। অনেকে আহা-বিহারে পরিতৃপ্ত। অনেকে আমোদ-প্রমোদে ও রঙ্গ-রসের কয়েদখানায় আবদ্ধ। কিন্তু যে সম্প্রদায় রাক্বুল আলামিনের সম্মুখে উপস্থিত তাঁরা প্রেমসাগরের অতল তলে তলিয়ে আছে।” বায়েজিদ (রহঃ) আরও বললেন, “অনেক দিন পর্যন্ত আমি কা’বা ঘর তওয়াফ করেছি। যখন স্ত্রীর সাথে আমার সাক্ষাৎ হলো তখন এক রাতে আরজ করলাম ‘বায়েজিদ পরিশোধিত অন্তর কামনা করছে।’ ভোর হওয়ার সাথে সাথে গায়েবী আওয়াজ হলো, ‘হে বায়েজিদ আমায় ছাড়া অন্য কিছুও কামনা কর? যদি আমাকে চাও, তাহলে অন্তর দিয়ে কি করবে?’

আরিফ যখন সৃষ্টিজগতকে তাঁর দু’আঙ্গুলের ফাঁকের মাঝে দর্শনে সমর্থ হয় তখন সে কেবলমাত্র ‘আরিফের স্তরে’ প্রবেশ করেছে। অর্থাৎ এটা আরিফের নিম্নতম স্তর। পরে এরশাদ করলেন, বায়েজিদ বোস্তামী (রহঃ)-কে কোন এক সময়ে জিজ্ঞেস করা হয়েছিল, “আপনি তরিকতের কোন স্তর বা মার্গে অবস্থান করছেন?” উত্তরে তিনি বলেছিলেন, আমার রুতবা (মর্যাদা) এ পর্যন্ত পৌছেছে যে, দুনিয়াকে আমি আমার দু’আঙ্গুলের ফাঁকের মাঝে দেখতে পাই। এরপর এরশাদ করলেন, এলাহির ভক্তিশ্রদ্ধা বা বশ্যতায় আজব মিজাজ (বিশ্বয়কর মন) হয় এবং এ ভাব তখনই পয়দা হয় যখন ভক্তিকারী ভক্তিতে সন্তুষ্ট ও পরিতৃপ্ত থাকে। এই সন্তুষ্টিতে আল্লাহর নৈকট্যের স্তর লাভ হয়। এরপর এরশাদ করলেন, আরিফের সবচেয়ে নিম্নতম স্তর হলো এলাহির সেফাতগুলো তার মাঝে প্রকাশ পাওয়া। হযরত রাবেয়া বসরী (রঃ) বলতেন, “এলাহি যদি আমার দেহের মাথা হতে পা পর্যন্ত অগ্নিতে প্রজ্বলিত করে এবং আমি তাতে সবুর্ন করি, তাহলেও তার মুহব্বতের দাবি মিথ্যা নয়। যদি তোমার সৃষ্টির সমস্ত গোনা’ও তুমি মাফ করে দাও তবু তোমার রহমতের কাছে এটা নগণ্য হতেও নগণ্যতর।” খাজা গরীব নওয়াজ এরপর এরশাদ করলেন, ‘বিশ্বাভিভূত হওয়া আহলে সলুকদের নিকট কবিরী গুনাহ, এমন কি কবিরী গুনাহের চেয়েও অধিক খারাপ।’ পরে বললেন, আরিফের আল্লাহ-প্রেমের পরিপূর্ণ স্তর হল, প্রথমে নিজের অন্তরে নূর সৃষ্টি করা, দ্বিতীয় : কেউ কারামত (রহস্য) দেখতে চাইলে তাকে তা দেখানো। এরপর এরশাদ করলেন, ‘আমি, খাজা ওসমান হারুনী (কাঃ সাঃ) এবং খাজা আহাদুদ্দীন কিরমানী (রঃ) মদিনা ও তায়বা ভ্রমণ করছিলাম, দামেস্কে পৌছে দামেস্কের সামনে ১২ হাজার নবীদের রওজা জিয়ারতের জন্য কয়েকদিন ওখানেই ছিলাম। এক মসজিদে হযরত খাজা মুহাম্মদ আরিফ নামে এক কামেল বুজুর্গ থাকতেন। একদিন আমরা তাঁর মজলিসে বসেছিলাম। তিনি বললেন, যদি কেউ কোন কিছুর দাবি করে অর্থাৎ আমি সূফী, আমি আরিফ, আমি

কামেল, আমি শায়খ, আমি পীর, আমি বুজুর্গ ইত্যাদি এবং প্রমাণে ব্যর্থ হয়, তবে কে তাকে বিশ্বাস করবে? তিনি এরপর বললেন, কিয়ামতের দিন সূফী হতে বুজুর্গগণ পর্যন্ত সম্মানিত হবেন এবং বিস্তাশালীরা আজাব ভোগ করবে। এ ব্যাপারে খাজা মুহম্মদ আরিফের সাথে অন্য এক ব্যক্তি বিতর্কে লিপ্ত হলো। সে বলল, আপনার বক্তব্যের পিছনে কোন দলিল আছে কি? অর্থাৎ এটা কোন কিতাবে লিখা আছে? উত্তরে খাজা আরিফ বললেন, কিতাবের নামটা স্মরণ করতে পারছি না। লোকটি বলল, কিতাবে লেখা না দেখানো পর্যন্ত বিশ্বাস করি না। খাজা আরিফ স্বীয় মস্তক আকাশের দিকে উত্তোলন করে বললেন, কিতাবের নাম আমার মনে নেই, 'ইয়া বারে এলাহি, ভুলে যাওয়া কিতাবটি দেখিয়ে দাও'। তৎক্ষণাৎ ফেরেস্তার প্রতি আল্লাহ হুকুম দিলেন, যে কিতাবে ঐ কথা লেখা আছে সেটা নিয়ে দেখাও। ফেরেস্তা ঐ কিতাব খুলে যেখানে ঐ কথা লেখা ছিল বের করে ঐ লোককে দেখিয়ে দিল। যে লোকটি খাজা আরিফ (রহঃ)-এর বক্তব্যের প্রতিবাদ করেছিল সে লজ্জিত হয়ে খাজা আরিফ (রহঃ)-এর কদম মোবারকে পড়ে গেলো এবং তাঁর নিকট মুরিদ হলো। এরপর খাজা আরিফ বললেন, আল্লাহর দর্শন লাভকারী কোন ব্যক্তি যদি এই মজলিসে উপস্থিত থাকে তবে তাঁর উচিত কোন কারামত প্রদর্শন করা। হযরত খাজা ওসমান হারুনী (কাঃ সাঃ) উঠে দাঁড়ালেন এবং স্বীয় হাত জায়নামাজের নিচে প্রবেশ করিয়ে কয়েকটা আশরাফি বের করলেন। একজন ফকির উপস্থিত ছিল, তাকে বলা হল আশরাফি নিয়ে যাও এবং দরবেশদের জন্য রুটি ও সিরকা নিয়ে এস। খাজা ওসমান হারুনী (কাঃ সাঃ)-এর কেলামত দেখানো শেষ হলে হযরত শায়খ আহাদুদ্দীন কিরমানী (রঃ) দাঁড়িয়ে সামনে রক্ষিত কাঠদন্ড, যা পুঁতা ছিল, তার ওপর নিজের হাত রাখতেই সেটা স্বর্ণে রূপান্তরিত হল। দু'জনের কেলামত দেখানো পরে শুধু আয়িই বাকি ছিলাম। কিন্তু পীরের আদবের জন্য কারামত প্রকাশ করতে চাইনি, তখন মুর্শিদ কেবলা আমার দিকে চেয়ে বললেন, তুমি কেন চুপ করে আছ? কিছু কারামত দেখাও। সেখানে একজন ক্ষুধার্ত ফকির ছিলো, হযরত খাজা স্বীয় কবলের ভেতর হতে চারটি গরম রুটি বের করে ফকিরদেরকে দিয়ে দিলেন। ঐ দরবেশ এবং খাজা মুহম্মদ আরিফ (রঃ) বলতে ছিলেন, যে পর্যন্ত দরবেশদের এ রকম ক্ষমতা অর্জিত না হয় সে পর্যন্ত তাকে দরবেশ বলা উচিত না।

খাজা বুজুর্গ গরীব নওয়াজ এরপর এরশাদ করলেন, একজন বুজুর্গ ছিলেন তিনি বলতেন, যেদিন হতে আমি পৃথিবীকে দূশমন ভেবেছি, সেদিন দুনিয়া হতে রক্ষা পেয়েছি, যার ফলে খোদাতায়ালার প্রতি রুজু হলাম এবং মহব্বতও অনেক বেড়ে গেল। মৃত্যুকেও মাঝখান থেকে তুলে দিলাম। মুতুকাবলা আন তামুতM অর্থাৎ মরার পূর্বে মৃত্যুবরণ কর। এ হাদিস আমল করে উনসে বাকা (প্রেমে স্থায়িত্ব) এবং লুত্ফে হক

অর্থাৎ আল্লাহর করুণা হাসিল হয়েছে। পরে এরশাদ করলেন, কিয়ামতের দিন আশেকদের এক দলের প্রতি হুকুম হবে বেহেস্তে যাও। তারা আরজ করবে, "ইয়া এলাহি আমরা বেহেস্ত গিয়ে কি করব? বেহেস্ত তাদেরকে দান কর, যারা বেহেস্তের জন্য তোমার এবাদত করেছে। যে আল্লাহতায়ালার জাতের প্রেমিক তার বেহেস্তে কি প্রয়োজন?" এরপর এরশাদ করলেন, একজন বুজুর্গ বলতেন, দুনিয়াদারেরা দুনিয়া আর আখেরাতওয়ালারা বেহেস্ত পেলে আনন্দিত এবং মারেফাতপন্থীদের জন্য আর কি বলব? তারা তো নূরুন আলা নূর অর্থাৎ নূরের ওপর নূর। এ অবস্থাকে আহলে সলুকগণ ভালভাবেই জানে, আহলে মারেফাতদের মধ্যে এবাদত প্রতি নিঃশ্বাসে চালু থাকে। এরপর এরশাদ করলেন, আরিফ হওয়ার অর্থ এই যে, যখন সে খোদার প্রতি ধাবিত হবে তখন চোখ বন্ধ করলে খোদার ইচ্ছার প্রতি এতদূর মশগুল থাকবে যেন ইস্রাফিলের সিংগা বাজলেও তার তনুয়তা ভাঙবে না। এরপর এরশাদ করলেন হযরত খাজা জুনুন মিসরী (কাঃ সাঃ) বলেছেন, আল্লাহর পরিচয়লাভকারী ব্যক্তিদের নিদর্শন, তারা দুনিয়া থেকে পালিয়ে বেড়ায় এবং নিশ্চুপ থাকে। যখন সে খোদাকে চিনবে তখন সৃষ্টিজগতের প্রতি তার ঘৃণা আসবে। এরপর এরশাদ করলেন, যে দাবি করে যে আমার মারেফাত হাসিল হয়েছে অথচ দুনিয়া হতে মুক্ত নয়, তখন বুঝবে যে সে মিথ্যুক। এরপর এরশাদ করলেন, আরিফ সেই, যে আল্লাহ ব্যতীত সব কিছুকেই ত্যাগ করেছে এবং সকলের সাথে সম্পর্ক ছেদ করেছে। পরে এরশাদ করলেন, আরিফ কামালিয়াতের পথে বন্ধুর সাথে জ্বলে নিভে। এরপর এরশাদ করলেন, আরিফ মারেফাতের কথা সেভাবেই বলে যে ভাবে সে আয়ত্ত করেছে। আহলে আশেকদের জ্বালা ও ফরিয়াদ ঐ পর্যন্ত চলতে থাকে যতক্ষণ পর্যন্ত না মাণ্ডকের সাথে মিলন ঘটে। আরিফদের কোন জ্বালাযন্ত্রণা থাকে না। কেননা, আল্লাহর মারেফাত তাদের হাসিল হয়েছে। আরও বললেন, স্রোতস্থিনী নদীর পানি প্রবাহিত হওয়ার সময় যেমন ছলছল আওয়াজ করতে করতে সাগরে পতিত হয়ে মিশে যায়, তখন তার ফরিয়াদ বা অভিযোগের প্রয়োজন হয় না। ঠিক এমনি অবস্থার সৃষ্টি হয় আশেকের, যখন সে মাণ্ডকের সাথে মিশে যায়। নিশ্চুপ নীরবতা অবলম্বন করে, কোন প্রকার দুঃখ-কষ্ট-যন্ত্রণা কিছুই অবশেষ থাকে না। এরপর এরশাদ করলেন, আমি খাজা ওসমান হারুনী (কাঃ সাঃ)-এর মুখে শুনেছি সৃষ্টির সাথে স্রষ্টার বন্ধুত্বের প্রতিক্রিয়ায় সৃষ্টিজগৎ প্রকম্পিত হয় এবং বন্ধুত্বে এ কম্পন যদি না হতো তাহলে কোন সৃষ্টিই হত না এবং কেউ এবাদতও করত না। এরপর এরশাদ করলেন, একবার হযরত আবদুল্লাহ খফীফ ভুলবশতঃ দুনিয়ার কাজে নিয়োজিত হয়েছিলেন। সাথে সাথে মনে হল এ কাজে বন্ধুর সাথে ওয়াদা ভঙ্গ হয়, এর জন্য কসম খেয়ে বললেন, দুনিয়ায় 'যতদিন থাকব কোন কাজ আর করব না।' এরপর তিনি পঞ্চাশ বছর জীবিত ছিলেন কিন্তু দুনিয়ার কোন কাজ আর করেননি। খাজা বুজুর্গ এরপর বায়েজিদ



বোস্তামী (রঃ)-এর ইশকের ঘটনা বর্ণনা করতে যেয়ে বলেন, বায়েজিদ বোস্তামী (রঃ) প্রত্যেক দিন সকালের নামাজ পড়ে এক পায়ের ওপর খাড়া হয়ে ফরিয়াদ করতেন, একদিন গায়েবী আওয়াজ হল, “ইয়াওমা তাবান্দু লিল আরদ” অর্থাৎ স্বরণ কর সেই সময়ের কথা যখন এই জমিন উল্টটিয়ে ফেলা হবে এবং এর পরিবর্তে অন্য জমিন আনা হবে এবং বিচ্ছেদকে মিলনে রূপান্তরিত করা হবে। এরপর অনুরূপ আরও একটি ঘটনা বর্ণনা করলেন, একবার হযরত বায়েজিদ বোস্তামী (রঃ) বোস্তামের মরুভূমিতে ওজু করলেন এবং ফরিয়াদ করতে লাগলেন, আমি যে পর্যন্ত দেখতে পাচ্ছি মনে হয় এ মরুভূমিতে অনেক প্রেমবর্ষণ হয়েছে, আমি পা বের করতে চাচ্ছি কিন্তু বেরুচ্ছে না। এরপর এরশাদ করলেন, ইশক ও মহব্বতের পথ ভিন্ন ভিন্ন। যারাই এ পথে এসেছে নিজেদেরকে গোপন রেখেছে। আরও বললেন, আহলে আরেফিনের মুখ থেকে আল্লাহর জেকের ছাড়া দ্বিতীয় কোন কথা বেরুতে পারে না। এরপর এরশাদ করলেন, আরিফের নিম্নতম স্তরের নমুনা হলো দুনিয়াদারির প্রতি অভিসম্পাত করা। এ পর্যন্ত বলার পর খাজা গরীব নওয়াজের চোখ অশ্রুসিক্ত হয়ে উঠল। তারপর তিনি বলতে লাগলেন আরিফের নিম্নতম স্তর হলো, দু'জাহানের অর্জিত সম্পত্তির সকল কিছুই যদি আল্লাহর নামে দান করে তবুও তা হবে অতি নগণ্য। প্রেমিক যদি প্রেমাস্পদের সাথে সংযুক্ত থাকে তাহলে তার সমস্ত কর্মের ধারাগুলো হয় ভিন্নতর। যেমন, সে শুয়ে থাকে অথবা জাগ্রত থাকে বাঞ্ছিত প্রেমেই বিভোর থাকে। হৃদয়ের কর্মকে দৈহিক কর্ম হতে পৃথক করে রাখে এবং স্রষ্টার সম্মুখে নিজেকে উপস্থি রাখে। অর্থাৎ সদাসর্বদা দৈহিক কর্মে থাকা সত্ত্বেও অন্তরকে এবাদত বন্দেগীতে মশগুল রাখে। এরপর এরশাদ করলেন, খাজা সামনুন মুহিব্বা বলেছেন আউলিয়াদের অন্তর প্রেমাস্পদ থেকে এমনভাবে সংবাদিত থাকে যে, তাঁদের প্রেমে বিয়্য ঘটানো দুনিয়ার পক্ষে সম্ভব নয়, ফলে তাঁদের প্রতিটি মুহূর্তই এবাদতের সাথে সংযুক্ত থাকে। সুতরাং এমন কোন বিরোধী শক্তি নেই যে এ গতিককে বিচ্ছিন্ন করতে পারে। এরপর এরশাদ করলেন, “সেই প্রকৃত আরিফ যে চেষ্টা করে একটা ‘দম’ (শ্বাস) লাভ করেছে। আরিফদের পরিভাষায় ‘দম’ শব্দটি ব্যাপক অর্থ বহন করে। “দম বলতে প্রতি দমে বা নিঃশ্বাসে জেকেয়ে নিয়োজিত থেকে জীবনের শেষ নিঃশ্বাসটি ত্যাগ করা পর্যন্ত বজায় রেখে আল্লাহর মাঝে বিলীন থাকাকে বুঝায়।” যদি কেউ এমন ‘দম’ পায় তাহলে সে ধন্য। আসমান, জমিনে অনুসন্ধান চালিয়ে এমন দম লাভকারী ব্যক্তি পাওয়া খুবই দুর্লভ। আমি আমার পীরের মুখে শুনেছি, যে ব্যক্তি নিম্নলিখিত তিনটি গুণের অধিকারী, আল্লাহতায়াল্লা তাকে বন্ধুত্বে গ্রহণ করেন।

১। নদীর মত বদান্যতা

২। সূর্যের মত দয়াদ্রতা

৩। মৃত্তিকার মত সহনশীলতা ও ভদ্রতা

এরপর এরশাদ করলেন, আহলে সলুকদের মাঝে এমন জ্ঞান রয়েছে যার কাছে জড়বস্তুর জ্ঞান প্রবেশাধিকার পায় না অর্থাৎ পৃথিবীর কোন বস্তু সম্বন্ধে তাদের জিজ্ঞেস করা হলে তারা তার উত্তর দিতে সমর্থ হবে না। জাহেদ এমনভাবে বন্দেগীতে বিভোর থাকে যে, তার নিজের সম্বন্ধেই সে কোন খবর রাখে না এবং সে উভয় জগৎ হতেই অনবহিত, এটা আল্লাহর রহস্য। তাকে প্রেমিক ও আশেক ব্যতীত আর কেউ চিনে না এবং এ রহস্য উভয়জগতের বহির্ভূত। যারা উভয়জগৎ হতে বিচ্ছিন্ন তারা ওদেরকে চিনবে।

আলহামদুলিল্লাহ আলা জালেক।

দশম মজলিস

বৃহস্পতিবার, কদমবুসির মাধ্যমে সৌভাগ্যবান শ্রোতাদের সৌভাগ্য নসিব হল হযরত খাজা বুজুর্গের অমীয়বাণী শ্রবণ করার। অনেক দরবেশ মজলিসে উপস্থিত ছিলেন। আলোচনা শুরু হলো পুণ্যবানদের সঙ্গলাভ নিয়ে। হাদিস শরীফে বর্ণিত আছে লিসাসোহ্বাতে তাছেরা অর্থাৎ সঙ্গলাভের উপকারিতা। যদি কোন পাপীর পুণ্যবানদের সঙ্গলাভ হয় তবে আল্লাহ ঐ পুণ্যবানদের সম্মানে তাকেও পুণ্যবানে রূপান্তরিত করেন। অনুরূপভাবে যদি কোন পুণ্যবান অসৎ সঙ্গ লাভ করে তবে সেও পাপীদের তালিকায় অন্তর্ভুক্ত হয়। আসল কথা হল, যে রকম সঙ্গ হবে তার ফলও তদ্রূপ হবে। যা কিছু প্রাপ্তি হয় সঙ্গলাভেই হয়। যাদের নেয়ামত লাভ হয়েছে সঙ্গলাভেই হয়েছে। পুনরায় বললেন, যদি পাপিগণ পুণ্যবানদের সঙ্গলাভে সমর্থ হয় তবে তারা পুণ্যবানে রূপান্তরিত হতে পারে এবং পুণ্যবানও অসৎ সঙ্গ পাপীদের অন্তর্গত হয়। নেক কাজের চেয়ে নেক লোকের সঙ্গ করা উত্তম হতে উত্তমতর এবং পাপকার্যের চেয়ে পাপীদের সঙ্গ করা নিকৃষ্ট হতেও নিকৃষ্টতর। তারপর হযরত ওমর ফারুক (রাঃ)-এর সময়ের একটা ঘটনা বর্ণনা করলেন। যখন ইরাকের বাদশাহ্ শ্রেফতার হয়ে খলিফার নিকট নীত হয় তখন তিনি ইরাকের বাদশাহকে ইসলাম গ্রহণের দাওয়াত দিয়ে বললেন, ইসলাম কবুল করলে ইরাক আপনাকে ফেরৎ দেয়া হবে। বাদশাহ উত্তর দিলেন, ইসলাম আমি গ্রহণ করব না। হযরত ওমর ফারুক বললেন, যদি ঈমান না আন তবে গর্দান যাবে। সে মৃত্যুকেই শ্রেয় মনে করল, জল্পাদ এলো, সে পিপাসিত ছিল, বলল, আমাকে পানি দাও। পরিচারক (আহলে খেদমতগার) স্ফটিক পাত্রে পানি আনলে, বাদশাহ বলল, “এ পাত্রে পানি পান করব না।” হযরত ওমর (রাঃ) বললেন উনি বাদশাহ, উনার জন্য স্বর্ণ-নির্মিত পাত্রে পানি আনয়ন কর। আদেশ অনুযায়ী কাজ করা হল, সে পুনরায় উক্ত পানি

পান করার অসম্মতি জ্ঞাপন করে বলল, আমার জন্য মৃতপাত্রের পানি আনয়ন করুন। মাটির পাত্রে পানি আনা হলে বাদশাহ হযরত ওমর ফারুক (রাঃ) বললেন, ওয়াদা করুন যে, যতক্ষণ না আমি এ পানি পান করব ততক্ষণ পর্যন্ত আমার প্রাণনাশ হতে বিরত থাকবেন। হযরত ওয়াদা করলেন, তাই হবে। বাদশাহ এ কথা শ্রবণ করার সাথে সাথে পানিপূর্ণ পাত্রটি মাটিতে আছাড় দিয়ে ভেঙ্গে ফেলল এবং বলল আপনি কথা দিয়েছেন, যে পর্যন্ত আমি এ পানি পান না করব সে পর্যন্ত আমাকে হত্যা করবেন না। হযরত ওমর ফারুক (রাঃ) তার এ হেন বুদ্ধির প্রখরতায় জল্লাদকে বিদায় দিলেন এবং এক বুজুর্গ সাহাবীর সাহচর্যে থাকার নির্দেশ দিলেন। কয়েক দিনের মধ্যেই পুণ্যস্মার সাহচর্যের প্রভাব পরিলক্ষিত হল। বাদশাহ খলিফা (রাঃ)-কে খবর পাঠালেন, “আমাকে আপনার সাক্ষাৎ লাভের অনুমতি দানে বাধিত করুন। হযরত অনুমতি দিলে বাদশাহ উপস্থিত হল। হযরত পুনরায় তাকে ইসলাম গ্রহণের আমন্ত্রণ জানালেন। বাদশাহ এবার বিনা দ্বিধায় ইসলাম গ্রহণ করলেন। বাদশাহের মুশরিক হতে ইসলামে বিশ্বাস স্থাপনের পর হযরত ওমর (রাঃ) বললেন, “ইরাকের বাদশাহী আপনাকে দেয়া হচ্ছে, আপনি তথায় রাজত্ব করুন।” বাদশাহ বললেন, ‘রাজত্বে আমার কোন সাধ নেই। ইরাকের অন্তর্গত কোন অখ্যাত নিখুম গায়ে এ ক্ষণস্থায়ী জীবনের বাকী ক’টি দিন কাটাবার অনুমতি দান করলে বাধিত হব।’ খলিফা (রাঃ) জনহীন গায়ের অনুসন্ধানের আদেশ দিলেন তার লোক জনকে। কিন্তু ইরাকে এমন কোন গ্রাম পাওয়া গেল না যেটা জনমানব বিবর্জিত। খলিফা এই অনুসন্ধানের ফল বাদশাহকে জানিয়ে তার ইচ্ছা পূরণের অপারগতা প্রকাশ করলেন। বাদশাহ বললেন, “আমার উদ্দেশ্য অনুসন্ধান করানোর মধ্যেই নিহিত ছিল, যাতে আপনি ইরাক সম্বন্ধে অবহিত হতে পারেন, যে ইরাক সুজলা-সুফলা ও শ্যামলিমাময়। বাদশাহের কর্তব্য তার দেশকে সুজলা-সুফলা রাখা। অনুসন্ধানের মাধ্যমে প্রমাণিত হয়েছে, আমি আমার শাসনামলে কর্তব্য পালনে ব্যর্থ হইনি। ইরাকের খুব ভাল অবস্থায় তার শাসনভার আমি আপনার হস্তে অর্পণ করছি, এবার আপনি এর শাসনকর্তা, আমার সাথে কোন সম্পর্ক নেই।” এ ঘটনা বলার পর খাজা গরীব নওয়াজ অশ্রুভারাক্রান্ত কণ্ঠে বলতে লাগলেন, ‘ধন্য বাদশাহ তোমার বুদ্ধিমত্তার।’ এরপর মজলিসকে উদ্দেশ্য করে বলতে লাগলেন, “পুণ্যগণের সোহবাতে এমনি করেই ফলোদয় হয়” এবং কবিতার ছন্দে বললেন—

সোহবাতে নেকিয়া ব আজ তা'য়াতে আস্ত

অর্থাৎ— পুণ্যবানদের সঙ্গলাভে এমনি হয় ফলোদয়।

এরপর হযরত খাজা বুজুর্গ বললেন, আমি আমার পীর ও মুর্শেদ হযরত খাজা ওসমান হারুনী কান্দাসাল্লাহ সাররুহ্ হতে শুনেছি, যে বান্দার ওপর বুজুর্গদের বাণী

তখন পর্যন্ত কার্যকরী হয় যখন পর্যন্ত বাম কাঁধের ফেরেশতা ঐ বান্দার আমলনামায় লেখা শুরু না করে, যার সময়সীমা ৮ বছর পর্যন্ত নির্ধারিত। অতঃপর বললেন, আরেফানে হক (আল্লাহর পরিচয়জ্ঞান লাভকারী ব্যক্তি) সেই যে আল্লাহর নিকট হতে বিনিময়ের আশা করে না। তারপর বললেন, যে আরিফ এবাদত করে না সে হারাম রুজি খায়। পরে বললেন, হযরত খাজা জোনায়েদ বোগদাদী (রাঃ)-কে জিজ্ঞেস করা হয়েছিল, প্রেমের ফল (রেজাল্ট) কি? উত্তরে তিনি বললেন, যে একে ভক্ষণ করে প্রেমময় আল্লাহ তাকে ইশ্‌ক্ (প্রেম) ও সরুর (আনন্দ) ততটুকু দান করেন, যতটুকু তার ধারণ করার ক্ষমতা থাকে। তাকে খোদা বান্দা থেকে বন্ধুতে উন্নীত করেন এবং বেহেস্ত তার সাথে সাক্ষাতের আকাংক্ষা করে। এরপর খাজা বুজুর্গ এরশাদ করলেন, প্রেমময়ের সাথে আরিফ ও সালেকের প্রেমে কোন তফাৎ নেই। প্রত্যেক প্রেমিকই প্রেমাস্পদে মিলন আশায় আকাংক্ষিত এবং অতি যত্নবান। পুনরায় বললেন, মহব্বতের ব্যাপারে শ্রদ্ধেয় উস্তাদজী, মওলানা শরফুদ্দীন (রাঃ) শ্রীণীত শরাতুল ইসলামে দেখেছি যে, হযরত শায়খ শিবলী (রাঃ)-কে জিজ্ঞেস করা হয়েছিল আপনার এবাদতের মহব্বতে এত নিবিষ্টতা, ভয় বিহুলতা এবং অশ্রুপাতের কারণ কি? জবাবে তিনি জানিয়েছিলেন দুটো জিনিস আমাকে ভীত করে রেখেছে। প্রথমতঃ আমি যদি বিচ্ছিন্ন হয়ে যাই এবং বলা হয় তোমাকে আমি চাই না। দ্বিতীয়তঃ আমি আমার পূর্ণ ঈমান নিয়ে যেতে পারব কিনা? যদি পারি ভাববো পরিশ্রম সফল হয়েছে, তা না হলে সবই নিষ্ফল হল। এরপর হযরত খাজা এরশাদ করলেন, এক ব্যক্তি হযরত শায়খ শিবলী (রাঃ)-কে প্রশ্ন করেছিল, খারাপ লোকের পরিচয় কি? তিনি উত্তরে বললেন, যে ব্যক্তি গোনাহ করেও ভবিষ্যতে করার আশায় থাকে এবং করে। লোকটি পুনরায় জিজ্ঞেস করল, আসল আরিফের পরিচয় কি? তিনি উত্তরে বললেন, ‘সব সময় নিশ্চুপ ও সাধনায় লিপ্ত থাকা।’ খাজা গরীব নওয়াজ এরপর এরশাদ করলেন, ‘পৃথিবীতে তিনটে জিনিস বন্ধুসুলভ, ১ম : আলেমের (জ্ঞানীর) বক্তব্য, যা সে ধর্মীয়জ্ঞান থেকে পেশ করে। ২য় : লোভ-লালসা বিবর্জিত ব্যক্তি। ৩য় : যে আরিফ তার বন্ধুর (খোদার) প্রশংসা ও গুণকীর্তন করে।’ এরপর বললেন, একবার হযরত জুনুন মিসরী (রাঃ) বাগদাদের কংকরী মসজিদে তরিকতপন্থী বন্ধুদের সাথে বসে মহব্বত সম্বন্ধে আলোচনা করছিলেন। একজন সুফী দাঁড়িয়ে আরিফ ও সুফী সম্বন্ধে জানতে চাইলেন। উত্তরে হযরত জুনুন মিসরী (রাঃ) বললেন, সুফী এবং আরিফগণ এমন এক সম্প্রদায় যাদের মন মুক্ত হয়েছে পৃথিবীর আসক্তি হতে, জয় করেছে লোভ-লালসাকে এবং সম্পর্ক ছিন্ন করেছে জড়বস্তুর সাথে।

খাজা বুজুর্গ এরপর তাসাউফ সম্বন্ধে বলতে যেয়ে বললেন, তাসাউফ কোন সাধারণজ্ঞান বা রসম (আচার-আচরণ) নয়। তাসাউফ মানুষকে এমন এক চরিত্রের



অধিকারী করে যার তুলনা শুধু বেহেস্তের দ্বাররক্ষী ফেরস্তা রেদওয়ানের স্বভাবের মত। তা মুর্শেদ কর্তৃক আল্লাহর পথে প্রদত্ত এমন এক শিক্ষা যা নফসকে বিনাশ ও মনজিলে (আকাংক্ষিত স্থানে) পৌছাবার পাথেয়। আল্লাহর সন্তুষ্টির সাথে যা সম্পর্কযুক্ত, যা সাধারণজ্ঞান বা রীতির মাধ্যমে সাধিত হয় না। কেননা, জ্ঞান বা রীতি এমন কোন স্বভাব বা চরিত্র গঠনে সহায়ক হয় না, যে স্বভাব বা চরিত্র প্রেমময় আল্লাহর প্রিয়, যা সম্পূর্ণ ভিন্ন এক জগতের সাথে সংযুক্ত।

আরিফ সঙ্কে এরশাদ করলেন, আরিফগণ দুনিয়ার দুশমন, মওলার সাথে সঙ্কে নশ্বর পৃথিবীকে তারা ঘৃণা করে। পৃথিবীর প্রেম হতে তারা বিমুক্ত এবং দুনিয়ার আকর্ষণ হতে বিকর্ষিত। আরিফ সঙ্কে অন্য একজন বললেন, “আরিফগণকে অনেক দুঃখকষ্টের মধ্যে পতিত হয়ে বহু অশ্রু ঝরাতে হয়।” এর উত্তরে খাজা গরীব নওয়াজ বললেন, “স্রষ্টার সাথে মিলনে তাদের সব দুঃখ মুছে যায়। পরে এরশাদ করলেন, আল্লাহতায়ালার প্রেমিকদের মধ্যে এমন একদল আছে যারা খোদার বন্ধুত্বে নির্বাক হয়ে যায়। তারা না জানে প্রকৃতির ধনসম্ভার ও সৌন্দর্যকে এবং না জানে তা হাসিলের দোয়া। অতপর বললেন, পরম করুণাময় আল্লাহ যার অন্তরে বন্ধুত্বের আসন গেড়েছেন অর্থাৎ যে ‘আশেকে সাদিক’ তার উচিত দো‘জাহানকে একই দৃষ্টিতে দেখা, যদি না দেখে তাহলে সে প্রকৃত প্রেমিক নয়। পরে বললেন, হযরত দাউদ তারী (রঃ)-কে দেখেছি, এবাদতখানা হতে চোখ বন্ধ অবস্থায় বেরিয়ে এসে মজলিসে দাঁড়ালেন। একজন দরবেশ তাঁকে জিজ্ঞেস করলেন, হুজুর এ অবস্থার মধ্যে কিছু শিক্ষণীয় আছে কি? তিনি জবাব দিলেন, ‘আজ ৪৫ বছর হয়ে গেছে এ চোখ দুটোকে পট্টি বেঁধে বন্ধ করে রেখেছি। এ জন্য যে, আল্লাহতায়ালাকে ভিন্ন অন্য কাউকে দেখব না। কেননা, আল্লাহর সাথে প্রেম করে অন্যকে দেখা মহকবতের পরিপন্থী।’ এরপর বললেন, খাজা আবু সাঈদ আবুল খায়ের (রঃ) বলেছেন, আল্লাহ তাঁর যে বন্ধুকে দীদার (দর্শন) দিয়েছেন, স্বীয় প্রেম সেই বন্ধুর অন্তরে এমনভাবে প্রতিষ্ঠিত করেন যার পরিপূর্ণতা কিয়ামত পর্যন্ত থাকবে, ধ্বংস হবে না। আরিফ আল্লাহতে বিলীন হয়, তার কোন চেতনা থাকে না। যদি তাকে জিজ্ঞেস করা হয় কোথায় ছিলে বা কি চাও, উত্তরে সে বলবে একমাত্র মহান স্রষ্টা ব্যতীত কিছু বুঝি না। এরপর এরশাদ করলেন, আফামান শারাহাল্লাহ সাদরাহ লিল ইসলামে ফাছয়া আলা নূরিম্মের রাখেহি (সূরা যুমার-২২ আয়াত) অর্থ : আল্লাহ পাক যাদের হৃদয়কে ইসলামের জন্য প্রশস্ত করেছেন তাঁরা আল্লাহর নূরের ওপর অবস্থান করেন। যদি কেউ এ আয়াতের তাৎপর্য জিজ্ঞেস করে, তবে উত্তর দেবে যে, এ আয়াত আরিফদের মর্যাদা। যখন আরিফ ওহুদানিয়াত ও জালালে রবুবিয়াতের স্তরে পৌছে তখন সে অন্ধ হয়ে যায়। আর কোন কিছুর প্রতিই

দৃষ্টি নিক্ষেপ করে না। এরপর বললেন, যখন বুখারা শহরে মোসাফির ছিলাম এবাদতে মশগুল এক বুজুর্গকে দেখলাম। তাঁর দৃষ্টিশক্তি রহিত ছিল। জিজ্ঞেস করলাম আপনি দুনিয়া দর্শনে বিরত কত দিন যাবৎ? উত্তরে তিনি বরলেন, যতদিন যাবত মারে‘ফাত (পরিচিতি, আল্লাহপ্রাপ্তি বা আধ্যাত্মিক বা ঐশী অসীম জ্ঞান) হাসিল হয়েছে। আল্লাহতায়ালার আজমাতের (শ্রেষ্ঠত্বের) জ্যোতি বসে বসে অবলোকন করছিলাম এমন সময় এক ব্যক্তি সম্মুখের রাস্তা দিয়ে যাচ্ছিল হঠাৎ আমার দৃষ্টি তাঁর প্রতি নিপতিত হওয়ায় গায়েবী আওয়াজ হল, “আমার সাথে প্রেম করে গায়রুল্লাহতে (আল্লাহ ভিন্ন অন্য) দৃষ্টি দিচ্ছ? আমি ভীষণভাবে লজ্জিত হয়ে বললাম, ইয়া এলাহি যে চোখে প্রেমাস্পদ ভিন্ন অন্যের প্রতি নজর দিয়েছে তাকে জ্যোতিবিহীন কর।” বলার সাথে সাথেই আমার দৃষ্টির বাহ্যিক শক্তি শেষ হলো। এরপর গরীব নওয়াজ বলতে লাগলেন, হযরত আদাম (আঃ)-কে আল্লাহতায়ালার সৃষ্টির পর হুকুম করলেন, ‘নামাজ পড়’। তিনি নামাজ আরম্ভ করতই অন্তর মিলনাকাংক্ষায় পুলকিত হয়ে আত্ম স্থায়িত্বের ঘরে পৌছে স্থির হলো। সৃষ্টির উদ্দেশ্য এরমধ্যেই নিহিত ছিল। তারপর বললেন, এক বুজুর্গ সবসময় এই দোয়া করতেন, “ইয়া এলাহি হাশরের দিন আমাকে অন্ধ অবস্থায় উত্তোলন করো।” মজলিসের লোক এ কথা শুনে জিজ্ঞেস করলো এ কেমন দোয়া হলো? হুজুর বললেন, যে লোক বন্ধুকে দেখতে চায় তার উচিত অন্যের প্রতি দৃষ্টি নিক্ষেপ না করা।

খাজা বুজুর্গ এরশাদ করলেন, দরবেশীর অর্থ এই যে ক্ষুধার্তকে আহাির দান করা, তৃষ্ণার্তকে পানি দেয়া এবং বিবস্ত্রকে বস্ত্র দান করা। কাউকেই নিরাশ করা চলবে না। অভাবগ্রস্তদের অভাব জেনে নিয়ে তার অভাব মেটানো দরবেশের কাজ। এরপর এরশাদ করলেন, একবার আমি এবং আমার শায়খ হযরত ওসমান হারুনী (কাঃ সাঃ) ভ্রমণরত ছিলাম, রাস্তায় কামেল বুজুর্গ হযরত খাজা বাহাউদ্দীন আউসী (রঃ)-এর সাথে সাক্ষাৎ হলো। তাঁর নিয়ম ছিল কোন লোক তার খানকায় এলে তিনি সে ব্যক্তির নেক আকাংক্ষা অবশ্যই পূর্ণ করতেন। যদি কোন বিবস্ত্র আসত তাহলে তিনি তাঁর স্বীয় পরিধেয় কাপড় খুলে তাকে পরাতেন। অনেক সময় এমন হতো যে স্বীয় কাপড় খোলার পূর্বেই ফেরস্তা তাঁর জন্য উত্তম বস্ত্র এনে হাজির করতেন। উনার খেদমতে আমি কিছুদিন ছিলাম। বিদায়ের সময়ে তিনি আমাকে উপদেশ দিলেন টাকা-পয়সা যা কিছু পাও নিজের কাছে না রেখে খোদার রাস্তায় বিলিয়ে দিয়ে তুমিও এলাহির বন্ধুত্বে আবদ্ধ হয়ে যোগো। আরও বললেন, দরবেশ যা কিছু হােসেল করে এসব দান-খয়রাতের বিনিময়েই করে থাকে। এরপর একজন দরবেশের ঘটনা বর্ণনায় বললেন, এক দরবেশ ছিলেন যার নিয়ম ছিল নজর নিয়াজ যা কিছু আসত সবই দরবেশদের মধ্যে বিলিয়ে দিতেন। নিজে পরিশ্রম ও মজদুরী করে জীবনযাপন করতেন। একবার সমস্ত নজর নিয়াজ বন্টন করে শেষ করার



পর দু'জন দরবেশ উপস্থিত হয়ে পানি চাইলেন। তিনি তৎক্ষণাৎ ঘরে গেলেন এবং পানির সাথে দুটো রুটিও এনে তাঁদের সম্মুখে রেখে আহার করার জন্য অনুরোধ করলেন। দরবেশ দু'জন অত্যন্ত ক্ষুধার্ত ছিলেন। তাঁরা সন্তুষ্টচিত্তে আহার করলেন এবং নিজেদের মধ্যে আলাপ করলেন, এর বিনিময়ে একে কিছু দেয়া উচিত। একজন ইচ্ছা করলেন স্বর্ণমুদ্রা প্রদান করার, অপরজন বাধা দিয়ে বললেন, দরবেশকে কেন দুনিয়ায় জড়াতে চাও। পরিশেষে দোয়া করে বললেন, “ইয়া এলাহি এ দরবেশকে কামেল বুজুর্গ কর।” তাঁদের দোয়া আল্লাহতায়ালার দরবারে কবুল হল এবং সে দরবেশ কামেল ওলির দরজা (প্রকোষ্ঠ) লাভ করলেন। এরপর হতেই ঐ দোয়ার বরকতে তাঁর লঙ্গরখানার পরিধি এত বৃদ্ধি পেল যে প্রতিদিন হাজার মণের খাবার রান্না হত।

হযরত খাজা বুজুর্গ এরশাদ করলেন, প্রেমের পথে সেই প্রেমিক যে নিজেকে উভয় জগৎ হতে নির্লিপ্ত রেখেছে। (অর্থাৎ— যেমন প্রয়োজন নেই তার দুনিয়ার ঐশ্বর্যে, তেমনি নেই আখেরাতের সম্পদে অর্থাৎ বেহেস্তে) খাজা বাবা বললেন, প্রেমে, প্রেমিকের চারটি বিষয়ের প্রতি অতি যত্নবান হতে হয়। প্রথমতঃ খোদাতায়ালার জেঙ্কেরে সদাসর্বদা নিমগ্ন ও সন্তুষ্টচিত্তে থাকা। দ্বিতীয়তঃ জেঙ্কেরের পরিপূর্ণতার স্তর পর্যন্ত পৌঁছান। তৃতীয়তঃ এমনভাবে শোগল (আল্লাহর ধ্যানের একটি প্রক্রিয়া) করা যাতে দুনিয়ার মহক্বত বিদূরিত হয়। চতুর্থতঃ সর্বদা ক্রন্দন করা (অর্থাৎ কান্নায় মন যেভাবে বিগলিত হয় ঠিক সেই অবস্থাটা বজায় রাখা)। এরপর প্রেমিক বা আশেকদের জন্য রয়েছে চারটি মনজিল ১। মহক্বত (প্রেম) ২। ইলমিয়ত (জ্ঞান অর্জন) ৩। হায়া (লজ্জা) ৪। তা'জীম (সম্মান)। এরপর বললেন, মহক্বতে সাদিক (প্রকৃত প্রেমিক) সেই যে স্বীয় পিতা-মাতা-স্ত্রী-পুত্র-পরিজন হতে বিমুক্ত থেকে আল্লাহর প্রেমে বিভোর থাকে এবং তাঁর সাথে মহক্বত রাখে, যার সাথে খোদা মহক্বত রাখতে নির্দেশ দিয়েছেন। এরপর বললেন, হযরত খাজা হাসান বসরী (রঃ)-কে জিঙ্কেস করা হয়েছিল আরিফ কে? উত্তরে তিনি বললেন, সেই ব্যক্তি আক্ষিফ যে দুনিয়া হতে নির্লিপ্ত হয়েছে এবং নিজের সমস্ত ধনদৌলত খোদার রাস্তায় বিলিয়ে দিয়েছেন। তারপর বললেন, মহক্বতের পবিত্রতাই আরিফদের স্বভাব। আরও বললেন, দরবেশদের সাথে উঠাবসা করা এবং পবিত্র মন নিয়ে আলোচনা করা পৃথিবীতে সবচে' উত্তম কাজ এবং এর বিপরীত কর্মকাণ্ডই সবচে' খারাপ কাজ। এরপর বললেন, প্রকৃত বন্ধু সেই, যে বন্ধুর (আল্লাহর) নিষেধাজ্ঞা পালনে কৃতকর্ম। আরিফ তখনই কামেল হয় যখন তাঁর নিজের পছন্দমত কাজ করার ইচ্ছা না থাকে বা না জাগে, শুধু বন্ধুর (আল্লাহর) স্মরণই স্থায়িত্বলাভ করে। প্রকৃত আরিফ সেই, যার কাছে মালপত্র, ধনদৌলত কিছুই থাকে না। একবার হযরত সামনুন (রঃ) বন্ধুর প্রেম সম্বন্ধে কথা বলছিলেন, এমন সময় একটা পাখি উড়ে এসে

তাঁর মাথায় বসলো, পরে ডান হাতে, তারপর মাটিতে নেমে ঠোকরাতে লাগলো, ঠোকরাতে ঠোকরাতে ঠোট দিয়ে শোণিত ধারা প্রবাহিত হতে লাগলো এবং কিছুরূপ পরে পাখিটি মারা গেল। হযরত এ পর্যন্ত বলার পর তেলাওয়াতে মশগুল হলেন এবং মজলিস তখনকার মত শেষ হল।

আলহামদু লিল্লাহ আলা জালেক।

## একাদশ মজলিস

বুধবার। প্রথমে কদমবুসির সৌভাগ্য অর্জিত হল। মওলানা বাহাউদ্দিন, শায়খ আহাদ কিরমানী (রঃ) এবং আরও অনেক দরবেশ মজলিসে উপস্থিত ছিলেন। আরিফদের তাওয়াক্কুল সম্বন্ধে আলোচনা শুরু হলো। খাজা গরীব নওয়াজ (রঃ) এরশাদ করলেন তাওয়াক্কুল (ভরসা) একমাত্র খোদা ভিন্ন অন্য কারো ওপর হয় না এবং কারো প্রয়োজনও হয় না। আল্লাহর ওপর নির্ভরশীল ব্যক্তি দুঃখদুর্দশার জন্য কারও কাছে অভিযোগ করে না। এরপর বললেন, হযরত ইব্রাহীম (আঃ)-কে হযরত জিব্রাইল (আঃ) জিঙ্কেস করলেন, আপনার কোন বাসনা থাকলে বলুন। তিনি জবাব দিলেন, “তোমার কাছে কিছু চাওয়ার নেই”। কেননা, আল্লাহর বন্ধু ইব্রাহীম (আঃ) স্বীয় নফস হতে গায়েব ছিলেন এবং বাতেনে আল্লাহর সম্মুখে উপস্থিত ছিলেন। পরে এরশাদ করলেন ‘তাওয়াক্কালে’ এমন একটা পর্যায় আসে যখন তাঁকে কোন যুদ্ধান্ত্র দ্বারা কেটে টুকরো টুকরো করলে বা গায়ের চামড়া তুলে নিলেও তাঁর চৈতন্য হবে না। এরপর বললেন, আল্লাহর সাথে আরিফের তাওয়াক্কুল এমন হয় যে জড়-জগতের প্রতি তার কোন নেশা থাকে না। খাজা বায়েজিদ বোস্তামীকে জিঙ্কেস করা হয়েছিল। আরিফের পরিচয় কি? উত্তরে বলেছিলেন, ‘সেই আরিফ, যে জ্ঞান, কর্ম ও সৃষ্টিজগৎ হতে নির্লিপ্ত। যে পর্যন্ত সে উক্ত তিন বিষয় হতে নিজেকে মুক্ত না করতে পেরেছে সে পর্যন্ত সে তাওয়াক্কালকারী নয়।’ অন্য এক বুজুর্গের কাছে আরিফ সম্বন্ধে জানতে চাওয়া হলে তিনি উত্তর দিলেন, ‘সেই আরিফ যে আল্লাহ ছাড়া অন্য কারও মুখাপেক্ষী নয়।’ হযরত খাজা এরপর বললেন, আমি নিজে এক বুজুর্গের মুখে শুনেছি, ‘শওকের’ এমন কিছু অবস্থা আছে যা আরিফের মাঝে দেখা না গেলে তাকে আরিফ বলা চলবে না। প্রথমতঃ আনন্দের সময় মৃত্যুকে স্মরণ করা। দ্বিতীয়তঃ মাওলার এবং তাঁর সাথে দৃষ্টি বিনিময় ইত্যাদি সময়ে বেচেন (অস্থির) থাকা। এরপর বললেন, শিহাবুদ্দীন ওমর সোহরাওয়ার্দী (রঃ) বলেছেন, পৃথিবীতে এ দুই বন্ধু হতে উত্তম কিছু নেই। প্রথমতঃ দরবেশদের সঙ্গে থাকা। দ্বিতীয়তঃ ওলিগণের ইজ্জত করা।



পরবর্তী আলোচনা তওবা সম্বন্ধে হয়েছে। হুজুর এরশাদ করলেন, তওবার কয়েকটা স্তর আছে— তন্মধ্যে প্রধান স্তর হলো মূর্খ বা অজ্ঞ হতে দূরে থাকা। ২য়— মিথ্যাবাদীদের সঙ্গ ত্যাগ করা। ৩য়— মুনকির বা অবিশ্বাসী হতে দূরে থাকা। নবী করিম (দঃ) এরশাদ করেছেন, সেই পীর বা অভিজ্ঞদের মধ্যে গণ্য হয় যে বলা ছেড়ে দেয় এবং তাতে দৃঢ় থাকে; অর্থাৎ মানুষের সঙ্গ ত্যাগ করে। এরপর বললেন, এ পথে দুটো জিনিস মজবুত করতে হয়, ১। আদবে আবুদিয়াত অর্থাৎ বন্দেগীর সম্মান করা, ২। আল্লাহুর মা'রফাতকে তা'জীম করা। হযরত শায়খ শিবলী (রঃ)-কে জিজ্ঞেস করা হয়েছিল, শওকের মান বেশি না মহব্বতের? তিনি উত্তরে বললেন, মহব্বতের, কারণ শওক বা সন্তুষ্টি মহব্বতেরই ফল। এরপর বললেন, হযরত আদম (আঃ)-এর যে (জান্নাত) ভুল হয়েছিল তাতে আওয়াজ হলো, আ'সা আদামা রাব্বাহ। অর্থ-আদম (আঃ) নিজ প্রভুর সন্নিধানে কাঁদলেন। সমস্ত মখলুক হযরত আদম (আঃ)-কে দেখে কাঁদতে ছিল কিন্তু স্বর্ণ ও রৌপ্য আরজ করল, আমি তাঁর এ অবস্থায় কাঁদব না। আল্লাহুতায়লা তাদের এ আরজ শুনে বললেন, আমি তোমাদের মূল্য বর্ধিত করব এবং বনিআদমদেরকে তোমাদের খাদেম বানাব। যারা পার্থিব বস্তুর সঙ্গে মহব্বত বা প্রেম করে তারা আল্লাহুর প্রেম হতে বিচ্ছিন্ন হবে। প্রেমের ইচ্ছা পূর্ণ হয় মহামহিমের সাথে মহামিলন ঘটলে এবং সম্মান অর্জিত হয় বর্জিত বস্তু হতে বিমুক্ত থাকলে। অর্থাৎ এলাহির নূর দর্শনের মাধ্যমে ফকির দিদার লাভ করে। সেই প্রকৃত বন্ধু, যে স্বীয় স্রষ্টার প্রতি ধ্যানমগ্ন থাকে, নফসের প্রতি দৃষ্টি রাখে এবং ফরজসমূহের প্রতি যত্নবান হয়। এরপর এরশাদ করলেন, সৈয়দ আত্তায়েফা জোনায়েদ বোগদাদী (রঃ)-কে জিজ্ঞেস করা হলো, মহব্বতের স্তরগুলো কি কি? উত্তরে তিনি বললেন, প্রেমিকের ডান হাতে যদি সেই ভয়াল ও বিভীষিকাময় ৭টি দোজখ স্থাপন করে রাখা হয়, তাহলেও সে যন্ত্রণায় কাতর হয়ে বলবে না যে, ডানহাত হতে বাম হাতে রাখ বরং সে বলবে, এলাহির যত্নে ইচ্ছা এ হাতেই থাক।

এরপর মা'রফাত সম্বন্ধে বলতে যেয়ে বললেন, আল্লাহু তায়লা বান্দার প্রতি প্রথম ফরজ করেছেন তাঁর মা'রফাতকে। কোরান শরীফে এ সম্বন্ধে উল্লেখ আছে, “ওয়ামা খালাকতুল জিন্না ওয়াল ইনসা ইল্লা লেইয়াবুদুন” (আমি জিন এবং মানুষকে সৃষ্টি করেছি আমার বন্দেগীর জন্য)। এখানে কথা হচ্ছে, যার বন্দেগী করব তাঁর পরিচয় বা মা'রফাত লাভ করাই প্রথম কর্তব্য বা ফরজ। তা না হলে বন্দেগী আল্লাহুমুখী না হয়ে গায়রুল্লাহুতে যাবে, যার ফল হবে দোজখভোগ। আল্লাহুতায়লা তাঁর সমস্ত রহস্যভাণ্ডার হতে বহু তথ্য সৃষ্টির মাঝে গোপন রেখেছেন। এরপর বললেন, ইসরারুল আউলিয়া কিতাবে বর্ণিত আছে— হাশরের দিন আশেকদের বিশ্বাস ও প্রেম সম্বন্ধে প্রশ্ন করা

হবে। যে ব্যক্তি সত্যিকারের প্রেমিক সে এর উত্তরদানে সক্ষম হবে ও যে আশেক নয় সে লজ্জিত হবে এবং জবাবও দিতে পারবে না। তখন প্রমাণিত হবে যে, সে সত্যিকারের প্রেমিক ছিল না। এরফলে ভগ্ন আশেক আশেকদের দল হতে বিভাঙিত হবে। এরপর এরশাদ করলেন, তারাই আশেকদের দলভুক্ত যারা নিঃসংকোচে বন্ধুর বাক্য শ্রবণ করে। আন ক্বালবী রাব্বি—আল হাদিস। অর্থাৎ আশেকদের অন্তর স্রষ্টা ব্যতীত অন্য কিছু শুনে না। সত্যিকারের প্রেমিকদেরকে পরলোকে পৌছার-সাথে সাথেই পুরস্কৃত করা হয়ে থাকে। তারপর একটা ঘটনার বর্ণনায় বললেন, জন্মলে পতিত এক দরবেশের লাশ দেখা গেল হাসছে; লাশকে প্রশ্ন করা হল, তুমি মরে যাওয়ার পরও হাসছ কি করে? লাশটি উত্তরে বললো, ঐশী প্রেমে প্রেমিকদের অবস্থা এমনই হয়। পরে এরশাদ করলেন, আরিফের অন্তর স্বীয় চৈতন্য হতে মুক্ত থাকে, বন্ধু দর্শনে হয় বিভোর, এক আল্লাহুতায়লা থাকেন তার সমস্ত কাজের জিম্মাদার। স্বীয় সত্তার ওপর কখনও সে নির্ভরশীল হয় না এবং আরশ পর্যন্ত পৌছার পূর্বে তার চৈতন্যোদয় হয় না। এ অবস্থায় চলাচলের পথকে বলে সলুকের পথ বা বন্ধু হাঙ্গামের পথ।

মালেক বিন দিনার (রঃ)-কে প্রশ্ন করা হলো, “পরওয়ার দীগারের গোলামী আদায় হবে কিভাবে?” তিনি জবাব দিলেন, এবাদতের মাধ্যমেই গোলামী হাসেল হবে এবং বন্ধুর সাথে মিলন ঘটবে। তারপর বললেন, হযরত রাবিয়া বসরী (রাঃ)-কে জিজ্ঞেস করা হয়েছিল, আমলের মধ্যে সবচে' উত্তম আমল কি? তিনি উত্তরে বলেছিলেন, সময়মত মোরাবাকায় থাকা। যে ব্যক্তি বুজুর্গীর দাবি করে সে এখনও বাসনার শৃংখলে আবদ্ধ। যখন তার সমস্ত বাসনা ধ্বংস হবে তখন তার দাবি সত্যে পরিণত হতে পারে নতুবা সে মিথ্যাবাদী। আরও বললেন, সেই পরাক্রমশালী ব্যক্তিত্বের অধিকারী, যে তার সমস্ত বাসনাগুলোকে ধ্বংস করে একমাত্র আল্লাহপ্রাপ্তির বাসনাকে অবশিষ্ট রেখেছে। (সে নামের কাঙাল নয়) নাম তার তাই হবে, যা আল্লাহুতায়লা দান করবেন। একমাত্র বন্দেগী ব্যতীত অন্য বিষয়সমূহের সাথে সে কোন সম্বন্ধ রাখে না। আল্লাহুর প্রেমিকদের কোন নাম নেই, রীতি নেই, নেই কোন প্রশ্ন বা তার উত্তর। এরপর বললেন, আমি খাজা ওসমান-হারুনী (রঃ) হতে শুনেছি যে, আহলে আশেক একমাত্র বন্ধু ভিন্ন আর কারও সাথে প্রেম করে না। কেননা, বন্ধু ব্যতীত যে খুশি হয় তাতে সমস্ত দুঃখ দুঃস্বাদ নিকটে এসে পড়ে এবং সে বন্ধুর সাথে মহব্বত করে না, ভয়ভীতি তাকে আবিষ্ট করে রাখে। সুতরাং যার বন্ধু নেই তার কিছুই নেই। এরপর এরশাদ করলেন, আরিফ সেই ব্যক্তি, যে সকালে উঠে রাত্রির কথা বিস্মৃত হয়। অর্থাৎ বন্ধুর খেয়ালে সে এতই মশগুল থাকে যে একদিকে বলে অপর দিকে ভুলে যায়। এ পর্যন্ত বলার পর হযরত খাজা গরীব নওয়াজের চোখে পানি দেখা দিল। তিনি পুনরায় বলতে লাগলেন, 'ওহে গাফেল, প্রথম

পাথেয় যোগাড় কর, কেননা মৃত্যু অতি সন্নিকটে, তার জন্য প্রস্তুত থাক। তারপর বললেন, আহলে আশেক এমন একটি সম্প্রদায়, আল্লাহ ও তাঁদের মাঝে কোন পর্দা নেই। আরিফ প্রেমের ব্যাপারে কখনও গর্ব করে না, কেননা অভিবাদন বা অভিনন্দন পাবে এমন কোন সাধ তাদের জাগে না। তা'ছাড়া সমস্ত জাগতিক ক্রিয়াকর্মকেই যখন তারা বিদায় করেছে তখন আর গর্বের প্রশ্ন থাকে কোথায়? এরপর এরশাদ করলেন, সবচে' উত্তম সময় সেটাই হবে, যখন নফসের অভ্যেসকে পবিত্র ও সন্দেহযুক্ত সৃষ্টি হতে মুক্ত রাখবে। যার প্রেম হয় সে দারিদ্র বা অভাব-অনটনকে ভয় পায় না। অবশ্য আল্লাহর পরিচয় লাভকারিগণের ভালবাসার খ্যাতি আছে।

বিশ্বাস (একিন) এক নূর, মানুষের অন্তর যখন তাতে আলোকিত হয়ে যায় তখন এর উচ্ছ্বাসে সে মাহবুব ও মুস্তাক্কিনের স্তরে উপনীত হয়। এরপর এরশাদ করলেন, মানবজাতির প্রথম পুরুষের দেহ (আদম আঃ) মাটি ও পানি দ্বারা বানান হয়েছে। যার মধ্যে পানির ভাগ বেশি, সে এবাদতে অধিক মশগুল হবে এবং এর জন্যই সে মন্জিলে মকসুদে পৌঁছতে পারবে। যার শরীরে মাটির ভাগ বেশি সে নেক হবে; দৃঢ়তা ও কাঠিন্যতায় তার পরিচয় মিলবে। পরে বললেন, পৃথিবীতে খাওয়ার পানি ছিল না, যার জন্য হকতায়াল্লা মেঘ সৃষ্টি করেন এবং তার মধ্যে বিভিন্ন ধরনের পদার্থ জমা করেন, তারপর সব উপাদান মিশ্রিত হয়ে পানিতে পরিণত হয়। পানিতে একটা স্বাদ রয়েছে, যা আজও পর্যন্ত কারও দ্বারা সঠিক নির্ধারণ হয়নি। পানি দ্বারা প্রাণী ও জীবজগতের প্রত্যেকে জীবিত আছে। এরপর উপস্থিত মজলিস হতে একজন লোক দাঁড়িয়ে হযরত খাজা বাবার নিকট মজনুন সম্বন্ধে জানতে চাইলেন। হজুর বললেন, মজনুন (প্রেমিক উন্মাদ) ঐ ব্যক্তি যে গুরুতেই প্রেমে গোলামীর শিকল পরিধান করে এবং দ্বিতীয় ও তৃতীয় স্তরে গুপ্ত থাকে। প্রশ্নকর্তা তারপর আরজ করলেন, ফানা ও বাকা কি জিনিস? হজুর বললেন, বাকায়ে হক্ক অর্থাৎ হকতায়াল্লার জাতে বিলীন হওয়া ও অমরত্ব লাভ করা। পরবর্তী প্রশ্ন ছিল, তাজরীদ সম্বন্ধে। তাজরীদ সম্বন্ধে গরীব নওয়াজ বললেন, 'মাহবুবের গুণাবলীর মাঝে প্রেমিকের অন্তর বসে যাওয়া।' ফা এজা আহবাবতুহ্ কুনতু লাহ সামমান ওয়া বাছরান (আল হাদীস) অর্থ—যখন আমি তাকে ভালবাসি তখন আমি হই তার চোখ ও কান। এরপর এরশাদ করলেন, মুলতানে এক বুজুর্গের মুখে শুনেছি, তিনি বলেছিলেন আহলে মহব্বতের (প্রেমিকদের দল) তওবা ৩ প্রকারে বিভক্ত : ১। নিদামত (অনুতাপ), ২। তরকে মসিয়াত (পাপকার্য ত্যাগ করা), ৩। মযালিম ও খসুমত (জুলুম, অত্যাচার ও বিবাদ বিসম্বাদ) হতে পবিত্র থাকা। এরপর বললেন, জ্ঞান এক পরিবেষ্টনকারী বস্তু, মারেফাত ঐ বেষ্টনীর একটা অংশ। পরে বুজুর্গদের শানে বয়ান করলেন—

চে নিসবত থাকে রা বা আলমে পাক

অর্থ—মাটির কি তুলনা হয় আলমে পাকের সঙ্গে?

প্রত্যেক জিনিসের জ্ঞান আল্লাহপাকের আছে এবং আকাংক্ষা ও উপযুক্ততা অনুপাতে তাঁর পরিচিতির জ্ঞান (মারেফাত) মানুষকে দান করেন। এরপর বললেন, যে পর্যন্ত পবিত্র রহস্য আরিফদের হাসিল না হয় সে পর্যন্ত কোন আমলই তাদের পবিত্র হয় না। খোদাতায়াল্লা যাকে বন্ধু বানান, তার মাথার ওপর দুঃখ কষ্টের বৃষ্টি বর্ষণ করেন। এরপর বললেন, আহলে সলুকদের তওবা তিন প্রকারের—(১) কম আহারে অভ্যস্ত থাকা, যাতে রোজা রাখতে কোন কষ্ট না হয়। (২) কম শয়নে অভ্যস্ত থাকা যাতে বন্দেগীর ব্যাঘাত না ঘটে, (৩) কম কথা বলা, যাতে প্রার্থনার অসুবিধা না ঘটে। এছাড়া আরও ৩ টি বিষয় আছে—(ক) খউফ (ভয়), (খ) রেজা (ভরসা), (গ) মহব্বত (প্রেম)। ভয়ের জামানত হিসেবে গোনাহ বর্জন করা, যাতে দোজখের অগ্নি হতে মুক্তি মিলে। ভরসার জামানত হিসেবে বন্দেগীতে মশগুল থাকা, যাতে কাম্যবস্তু প্রাপ্তিতে ব্যাঘাত না ঘটে—এটা একটা বৃহৎ বিজয়। প্রেমের জামানত হিসেবে রিপূর বিরুদ্ধে যুদ্ধ ও আল্লাহর সন্তুষ্টি বিধানে যত্নবান হওয়া, যাতে তাঁর সন্তুষ্টি হাসেল হয়। আরিফের মহব্বত এমনই হবে যেন সে একমাত্র আল্লাহ ব্যতীত অন্য কিছুকে বন্ধু না ভাবে। এ কথা বলার পর হজুরের চোখে অশ্রু নেমে এলো এবং ভারাক্রান্ত কণ্ঠে বললেন, এখন আমি সেই স্থানে অবস্থান করছি, যেখানে আমার সমাধি হবে। একথা বলার পর আমাকে ও প্রত্যেককে দোয়া করলেন এবং পরে আমাকে এরশাদ করলেন, তুমি আমার সাথে চলো। আমি (কুতুবুদ্দীন) এবং আমার সাথে আরও কয়েকজন দরবেশ কেবলাকে অনুসরণ করলাম। দু'মাস সফরে ছিলাম, পরে আজমীরে পৌঁছলাম। হজুর বাসস্থানে অবস্থান করলেন, এ সময়ে আজমীর হিন্দুদের আভাসভূমি ছিল, মুসলমান ছিল না। যখন হজুরের কদম মোবারক এখানে পড়ল, তখন এত অধিক লোক ইসলাম গ্রহণ করলো, যার সংখ্যা হিসেব করা দুঃসাধ্য ছিল।

আলহামদু লিল্লাহ আলা জালেক।

দ্বাদশ মজলিস

বৃহস্পতিবার। স্থান—জামে মসজিদ, আজমীর। এটাই খাজা গরীব-উন-নওয়াজের শেষ মজলিস। এ অধীনের কদমবুসি হাসেল হলো। তরিকতের বন্ধু, আহলে সোফ্যা, সঙ্গীগণ এবং অনেক বুজুর্গ ও দরবেশ হযরতের খেদমতে উপস্থিত ছিলেন। মালেকুল মওত সম্বন্ধে আলোচনা শুরু হলো। হজুর এরশাদ করলেন, দুনিয়া মৃত্যু ছাড়া আর



কোন কাজের নয়। এর কারণ জিজ্ঞেস করায় তিনি উত্তর দিলেন, খোদার রসূল (সঃ) বলেছেন, আল মাওতু জাসরুন ইউছেলুন হাবীবুল ইলাল হাবীব (আল হাদীস) অর্থাৎ মৃত্যু একটা পুনের মতো, যার ওপর দিয়ে বন্ধু বন্ধুর দিকে অগ্রসর হয়। বন্ধুত্ব তা-ই যা মুখ দিয়ে নয় বরং অন্তরে স্মরণ করা হয় এবং জিহ্বাকে হকতায়াল্লা ব্যতীত অন্য কারও সম্বন্ধে বলা হতে বিরত রাখে। এরপর এরশাদ করলেন, রুহকে শুধু এ জন্যই তৈরি করা হয়েছে যেন সে আরশের চারপাশে তওয়াফ (পরিভ্রমণ) করতে পারে। এরপর এরশাদ করলেন, মুহম্মত পুস্তকে বর্ণিত আছে যে, হক সোবহানতায়াল্লা বলেছেন, “হে আমার বান্দাগণ, আমার জেকের তোমাদের ওপর জয়ী হয়েছে, আমি তোমাদের আশেক হয়েছি” অর্থাৎ তোমাদের সাথে আমার প্রেম হয়েছে। এরপর বললেন, খোদার প্রেমিক, আরেফদেরকে সূর্যের সাথে তুলনা করা হয়। সম্পূর্ণ সৃষ্টিজগতের ওপর তাঁদের জ্যোতি পতিত হয়। সকলেই তাঁদের নূরে আলোকিত। এ পর্যন্ত বলার পর তিনি কেঁদে ফেললেন। তারপর বললেন, “ওহে দরবেশগণ, আমাকে এখানে আনা হয়েছে, কারণ এখানেই আমার শেষ নিঃশ্বাস ত্যাগ হবে। এখন বাকী ক’দিন আমি সৃষ্টির জন্য কিছু করব।” শায়খ আলী সন্জরী হুজুরের কাতেব (কেরানী) উপস্থিত ছিলেন। তাঁকে নির্দেশ দিলেন, “কুতুবুদ্দীন বখতিয়ার কাকীর নামে চিঠি লেখ, সে যেন দিল্লি যায়, খিলাফাত এবং সাজ্জাদায়ে খাজেগান (খাজেগানের গদি) আমি তাকেই দান করছি। সে দিল্লিতেই অবস্থান করবে।” চিঠি লেখা শেষ হলে আমাকে দান করলেন। আমি আমার পীর ও মুর্শেদ খাজা গরীব নওয়াজের শুকরিয়া করলাম। হুকুম হলো, সামনে এসো। আমি কাছে গেলাম, হুজুর স্বীয় ইস্ত মোবারক দ্বারা তাঁর পাগড়ি মোবারক আমার মস্তকে রাখলেন এবং আমার দাদা পীর হযরত খাজা ওসমান হারুনী (কুঃসঃ)-এর আছা (লাঠি), কোরান শরীফ ও মুছল্লা (জায়নামাজ) যা তিনিও পেয়েছিলেন তাঁর মুর্শেদ হতে আমাকে দান করলেন এবং বললেন, ‘এগুলো রসূলে খোদা (সঃ)-এর আমানত। খাজেগানে চিশ্ত হতে আমাকে দেয়া হয়েছিল এবং আমি তোমার কাছে অর্পণ করলাম এগুলোর হক আমি এবং অন্যান্য খাজেগান যেভাবে আদায় করেছি তুমিও তদুপ করবে, হাশরের দিন যেন আমাদের মাশায়েখগণের সামনে আমাকে লজ্জিত না হতে হয়।’ আমি তাঁর সমস্ত কথাকে অবনত মস্তকে গ্রহণ করলাম এবং দু’রাকাত ‘শোকরানা’র নামাজ আদায় করলাম। পরে তিনি আমার হাত ধরে স্বীয় মুখ আকাশের দিকে উত্তোলন করে বললেন, ‘যাও তোমাকে খোদার হাতে সমর্পণ করলাম এবং তোমাকে তোমার মনজিলে পৌছিয়ে দিলাম।’ পরে এরশাদ করলেন, ‘চারটি জিনিস মণিমুক্তার মতো উপাদেয় : (১) দরবেশকে যেন ধনী ও অভিজাত মনে হয়, (২) ক্ষুধার্তকে পর্যাণ্ড অন্নদান করা, (৩) অন্তরে বিষণ্ণ থাকা কিন্তু চেহারায় খুশি ও উৎফুল্ল ভাব বজায় রাখা, (৪) খোদার দূশমনের সাথেও দোস্তী ও দয়া দেখানো।’ পরে বললেন, ‘আহুলে

মহব্বতের অবস্থা এমন থাকে যে, যদি তাকে জিজ্ঞেস করা হয় চাশতের নামাজ পড়েছে? জবাব দিবে আমার অবসর নেই। মালেকুল মওতের পিছে ঘুরছি, যে জায়গায় সে অসহায় হয়, তাকে সাহায্য করি।’ আমি ভাবছিলাম কদমবুসি করে বিদায় নেব। তিনি আমার মনের ভাব বুঝতে পেয়ে অত্যন্ত গভীরভাবে কাছে ডাকলেন, আমি কাছে গেলাম এবং কদম মোবারকে পড়ে রইলাম। হুজুর আমাকে তুলে আলিঙ্গনে আবদ্ধ করলেন। পরে ফাতেহা পড়লেন এবং বললেন, তরিকার রাস্তা থেকে মুখ ফিরিয়ে নিও না, এ পথে বীর পুরুষের মতো থাকবে। আবার তাঁর কদম মোবারকে স্থান নিলাম। তিনি আমাকে আদর করে বুকে তুলে নিলেন। পরে আমি দিল্লি চলে এলাম এবং নির্দেশমতো এখানেই বসবাস করতে লাগলাম। কিছু বন্ধু-বান্ধব যারা আমার সাথে এসেছিলো তারা আমার সাথেই রয়ে গেলো। আমার এখানে আসার চল্লিশ দিনের দিন এক সংবাদদাতা (কাছেদ) এসে সংবাদ দিল, “আপনার চলে আসার ২০ দিন পরেই হুজুর পরলোকগমন করেছেন।” এ সংবাদে আমি অত্যন্ত ব্যথিত হলাম এবং ঐ অবস্থায়ই আমি জায়নামাজে শোয়ে পড়লাম। দেখলাম, হযরত খাজা বুজুর্গ আরশের নিচে প্রেমময় ভঙ্গিতে পায়চারী করছেন। আমি কদমবুসি করলাম এবং হাল (অবস্থা) জিজ্ঞেস করলাম। হুজুর উত্তরে বললেন, “আল্লাহুতায়াল্লা আমায় ক্ষমা করে দিয়ে তাঁর করুণা ও করম দ্বারা দান করেছেন তাঁর নৈকট্য, মহান ফেরেস্তাদের সঙ্গ এবং আরশের বাসিন্দাদের সঙ্গ। এখন আমি এখানেই থাকি।”

উপরোক্ত ১২ মজলিসের যাবতীয় আলোচনা ও সলুকদের উপকারিতা যা কিছু এতে বর্ণনা করা হয়েছে এর সবকিছুই হযরত খাজা গরীব নওয়াজ শায়খ মুঈনুদ্দীন হাসান চিশ্তী সন্জরী রহমতুল্লাহু আলায়হের জবান মোবারক হতে নিঃসৃত অমিয়বানী।

আলহামদু লিল্লাহি আলা জালেক।

দোয়া :

ইয়া এলাহি, তোমার হাবীব হযরত মুহম্মদ সাল্লাল্লাহু আলায়হে ওয়া সাল্লামের উহ্লায়, তোমার বন্ধু খাজা গরীব নওয়াজের উহ্লায়, সমস্ত বুজুর্গানে দ্বীনের উহ্লায়, শহীদানে কারবালার উহ্লায়, তোমার সঠিক পথ ও নৈকট্য প্রদান কর, এ পুস্তক পাঠকারীকে এবং অনুবাদককে। আমিন —

হযরত খাজা কুতুবউদ্দিন (রহঃ) ওরাউল মহযর-এর অন্তর্গত আউশ নামক এক প্রখ্যাত গ্রামে জন্মগ্রহণ করেন। তিনি আউলিয়াদের মাঝে জনাগত ওলী হিসেবে পরিচিত। হযরত আবদুল কাদের জিলানী (রহঃ)-এর মতো তিনিও মায়ের উদর হতে ১৫ পারা পাক কালাম (কোরান শরীফ) মুখস্থ করে ভূমিষ্ঠ হন। হযরত খাজা কুতুবুল ইসলামের মাতা ও গাওস পাকের মাতার ন্যায় ১৫ পারা কোরান শরীফ মুখস্থ পড়তে পারতেন, অবশ্য গাওস পাকের আত্মা ছিলেন ১৮ পারার হাফেজ। হযরত খাজা কুতুবের আত্মা তাঁকে গর্ভে ধারণ করার পর নিয়মিত ঐ মুখস্থকৃত কোরান শরীফ তেলাওয়াত (পাঠ) করতেন এবং হযরত খাজা তাঁর আত্মার জবান মোবারক হতে শোনে শোনে তা মুখস্থ করেছিলেন। (সোবহানাল্লাহ)

শুক্রবার মধ্যরাত্রির পর তিনি ভূমিষ্ঠ হন। ভূমিষ্ঠের পূর্বে তাঁর আত্মা ঘুমিয়ে ছিলেন, হঠাৎ ঘর আলোকিত হয়ে যাওয়ায় তাঁর নিদ্রা ভঙ্গ হয়। এ অলৌকিক দৃশ্য অবলোকনে তাঁর মা আশ্চর্য ও ভীত হয়ে পড়লেন। এ ঐশী নূরের উৎস কোথায় তিনি তা জানার জন্য ব্যাকুল হয়ে আল্লাহুতায়ালার দরবারে হাত তুললেন, “হে এলাহি, এ নূরের কারণ সম্বন্ধে আমায় অবহিত করালে আমি তৃপ্তি পেতাম।” সাথে সাথে গায়েবী আওয়াজ হলো, “এ নূর কুতুবউদ্দিনের, যে তোমার গর্ভে অবস্থান করছে।” এর কিছুক্ষণ পরেই খাজা কুতুব ভূমিষ্ঠ হলেন এবং ঘরের সমস্ত নূর তাঁর হৃদয়ে প্রবেশ করলো এবং ভূমিষ্ঠ হয়েই তিনি সেজদাবনত হয়েছিলেন। এ ঘটনার পর হতেই তিনি কুতুবউদ্দিন (দ্বীনের প্রবর্তার) নামে পরিচিত। অর্থাৎ জনাগত ভাবেই তিনি ‘ওলী’ বা আল্লাহর বন্ধু ছিলেন এবং এ জন্যই তাঁকে মাদারজাত ওলী বলা হয়।

হযরত খাজা কুতুবের মাননীয়া আত্মা বলেন, “বুজুর্গীর প্রভাব জন্মলগ্ন হতেই তার মাঝে শুরু হয়েছে। ভূমিষ্ঠকালীন অলৌকিক ঘটনাসমূহই তার প্রকৃষ্ট উদাহরণ। এছাড়াও রয়েছে কিছু বিচ্ছিন্ন ঘটনা। যেমনঃ আমি যখন রাতে তাহাজ্জুদ নামাজ পড়তে উঠতাম, তখন শিশু কুতুবও জাগ্রত হতো এবং এক ঘন্টা বা তারও বেশী সময় ‘আল্লাহু আল্লাহু’ জেকের করতে; যার আওয়াজ আমার কানে স্পষ্ট ভেসে আসতো।” যখন তার বয়স ৩০ মাস তখন পিতার ছায়া তার মাথা হতে বিদায় নিলো। স্বভাবতই লালন-পালনের ভার তাঁর মায়ের উপর ন্যস্ত হলো। যখন তাঁর বয়স ৪ বছর ৪ মাস ৪ দিনে পদাৰ্পণ করলো তখন খাজা খিজির (আঃ) দর্শন দিয়ে তাঁর মায়ের নিকট হতে তাঁকে নিয়ে শিক্ষা দেয়ার জন্য হযরত আব্বা হফস-এর নিকট সমর্পণ করলেন যিনি ঐ সময় জামানার কুতুব ছিলেন। হযরত খাজা খিজির (আঃ) বললেন, “মওলানা এ ছেলে থেকে আমাকে অনেক কাজ করিয়ে নিতে হবে, আপনি একে পবিত্র শিক্ষা দান করুন।” একটা বিশেষ সময় পর্যন্ত তিনি মওলানা খাজা হফস এর নিকট এবং পরে মাননীয় কাজী হামিদুদ্দীন নাগোরীর নিকট পড়াশুনা করেন। এরপর তিনি আল্লাহর পথের জ্ঞানার্জনের জন্য প্রকৃত মানুষের সন্ধানে বের হলেন।

৬১২ হিজরীর ৫ই রবিউল আউয়াল, বৃহস্পতিবার বাগদাদ শরীফে ইমাম আবু লায়সা সমরকন্দী (রহঃ) মসজিদে হযরত খাজা গরীব নওয়াজের হাতে বয়াত গ্রহণ করার সৌভাগ্য অর্জন করলেন। বর্ণিত আছে যে, তিনি বহুদিন পর্যন্ত খাজা গরীব নওয়াজ-এর সাথে থেকে রিয়াজাত (উপাসনা) কঠিন মোজাহেদার মধ্যে নিজেকে নিমগ্ন করে দুনিয়ানারীর সমস্ত কিছু হতে বিমুক্ত ছিলেন এবং খাজা গরীব নওয়াজের সোহবতের (সঙ্গ লাভের) আশীর্বাদ লাভ করেন। যখন হযরত খাজা বুজুর্গ (রাঃ) নবী করিম (সাঃ)-এর নির্দেশে বাগদাদ শরীফ হতে আজমীর শরীফ অভিমুখে রওনা হলেন তখন খাজা কুতুব (রহঃ) স্বীয় কামেল মুর্শেদের প্রেমের আকর্ষণে সঙ্গী হয়ে দিল্লী পৌঁছলেন। খাজা বুজুর্গ (গরীব নওয়াজ) কিছুদিন দিল্লী অবস্থানের পর যখন আজমীর অভিমুখে রওয়ানা হল তখন খাজা কুতুবকে দিল্লীতে রেখে গেলেন। কিন্তু খাজা কুতুব প্রজ্বলিত প্রেমাকর্ষণে তাঁর সাথে থাকার ইচ্ছা প্রকাশ করলেন, খাজা গরীব নওয়াজ বললেন, রহমী উন্নতির পরে কিছুদিন বিচ্ছিন্ন থাকার প্রয়োজন আছে। তাছাড়াও তোমার স্থান এ দিল্লীতেই নির্ধারিত হয়েছে। শেষ পর্যন্ত মুর্শেদের ইচ্ছায় তিনি দিল্লীতেই অবস্থান করলেন। কিন্তু গোলামী লাভের জন্য বেশ কয়েকবার আজমীর শরীফ গমন করে ছিলেন। হযরত খাজা বুজুর্গ ও ভক্তের প্রেমের আকর্ষণে দু'বার দিল্লী এসে ছিলেন। হযরত খাজা কুতুব মুর্শেদের বেসাল শরীফের (শ্রেষ্টার মিলনের মাধ্যমে দেহত্যাগ) সময় দিল্লীতে ছিলেন। ২০ দিন পূর্বে তরীকার শাসন ক্ষমতা (সাজ্জাদা নশীন খলিফা) লাভ করে রসূলে মকবুল (সাঃ)-এর অভিজ্ঞান ও আমানত পীরের মাধ্যমে লাভ করে তা সাথে নিয়ে পীর ও মুর্শেদের নির্দেশানুযায়ী আজমীর শরীফ হতে দিল্লীতে ফিরে আসেন। খিলাফত প্রদান করে হযরত খাজা বুজুর্গ হযরত খাজা কুতুবকে বললেন, “হে কুতুব, তুমি বড় পবিত্র ও সৌভাগ্যবান” অবশ্য কথটা এ জন্য বলছি যে, আজ ৪০ দিন হতে ক্রমান্বয়ে হযরত রসূলে (সাঃ) স্বপ্নে আমাকে এরশাদ করতেন যে, “কুতুবুদ্দীন আমার এবং আল্লাহুতায়ালার উভয়েরই বন্ধু, তাকে তোমার খিলাফত দান কর এবং আমার খিরকা যা তোমার কাছে মওজুদ আছে তাকে পরাও। অদ্য রাতে আমি আল্লাহুতায়ালাকে স্বপ্নে দেখলাম, তিনিও আমাকে নির্দেশ দিলেন, কুতুবুদ্দীন আমার বন্ধু যে নিয়ামত তোমার কাছে রয়েছে তাকে তা দান করে তোমার পরবর্তী খলিফা মনোনীত করো।

হযরত খাজা কুতুবুদ্দীন বখতিয়ার কাকী (রহঃ)-এর বিভিন্ন অবস্থা, কাশফ ও কারামতের অজস্র ঘটনা তাঁর জীবনীতে বর্ণিত রয়েছে। এ ক্ষুদ্র পুস্তকে সে সাগরের বর্ণনার অবকাশ কোথায়? তার সামান্য বর্ণনা করলেও একটা পূর্ণ কিতাবের প্রয়োজন।



হযরতের বেছাল শরীফ সামার হালতে (সংগীতের প্রতিক্রিয়ায়) ঘটেছিলো, যার জন্য তাঁকে শহীদুল মহব্বত বলা হয়। এ ঘটনাটি 'কুতুবুবে ছে'র' কিতাবে এভাবে বর্ণিত আছে যে, রবিউল আওয়াল মাসের ১২ তারিখে খানকায়ে আলীয়ায় হযরত রসূলে মকবুল (দঃ)-এর প্রেমের শানে (মর্যাদায়) সামা (বিভক্ত গান) হচ্ছিলো হাজার হাজার শ্রেষ্ঠ সূফী ও আরিফগণ ঐ সামার মজলিসে সামা শ্রবণ করতে করতে বেহঁশ হয়ে পড়েছিলেন। কাওয়ালগণ গাইতে ছিলেন :—

আশেকে রুইয়াত কোজা বিনাদ বকস  
বস্তায় মুইয়ত নামি ইয়াবদ খালাস ।।  
অর্থ— প্রেমিক তোমাকে ছাড়া কিছুই দেখে না  
তোমার দর্শনেই মুক্তি পায় ।।  
প্রেমিকের দৃষ্টি কোথায় দেখেছে কাকে  
তোমার মৃত্যু ফাঁদের বন্দীত্ব হতে  
মুক্তি পেয়েছে কে কবে। মুক্তি পায়নি কেউ

এই পংতি দু'টো গীত হওয়ার পর হযরত খাজা কুতুবের ক্রন্দন শুরু হলো এবং প্রেমোন্মত্ততা এতো বাড়লো যে, আয়ত্বের সীমা অতিক্রম করে চলে গেলো। অবস্থা সঙ্গীন পরিদৃষ্ট হওয়ায় কাউয়ালগণ ঐ গান ছেড়ে এ গজল (গান) গাওয়া শুরু করলো।

মনজিলে ইশ্কাতে মাকানে দিগারাস্ত,  
মরদেইয়ে রাহ রানে নিশানে দিগারাস্ত  
কুশতগানে খঞ্জরে তসলিমে রা,  
হর জামানে আয় গায়বে জানে দিগারাস্ত ।

অর্থ— তোমার প্রেমের মঞ্জিলের স্থানটিই ভিন্ন  
এ পথের বীরদের চলার নমুনাই ভিন্ন  
প্রেমে বধিতজন জানায় তসলিম (অভিবাদন) খঞ্জরকে (ধারালো অস্ত্র)  
প্রতি মুহূর্তেই অদৃশ্যালোক হতে পায় স্বাদ ভিন্ন জীবনের  
নবজীবন লাভ করে ।

এ গজল গীত হওয়ায় হযরত খাজা কুতুবুল ইসলাম (রহঃ)-এর ওজদ (আত্মিক উন্মাদনা) পূর্বের অবস্থাকে অতিক্রম করে চলে গেলো। বাহ্যিক অবস্থা এমন দাঁড়ালো যে 'মাছকে পানি হতে তুললে যে রূপ হয়, ঠিক তদ্রূপ।' ৩ দিন ৩ রাত পর্যন্ত এ

অবস্থার মধ্যে বিরাজমান ছিলেন। নামাজের সময় হলে জ্ঞান ফিরে পেতেন এবং নামাজ শেষে পূর্বের অবস্থায় ফিরে যেতেন। শেষ পর্যন্ত অবস্থা এমন দাঁড়ালো যে, ৬৫৩ হিজরীর ১৪ই রবিউল আওয়াল দিনে মহামহিমের সাথে মহামিলন (বেছাল-মোবারক) ঘটলো। অর্থাৎ ইহলোক ত্যাগের মাধ্যমে আল্লাহ পাকের জাতের নৈকট্য লাভ করেন।

তিনি কত বছর হায়াত (আয়ু) পেয়েছিলেন তাঁর সঠিক কোন তথ্য পাওয়া যায় না বলেই চলে। হযরত দারাশিকো (রহঃ) তার শফিনাতুল আউলিয়া কিতাবে লিখেছেন, হযরত খাজা কুতুবুল ইসলাম যখন মুরীদ হন তখন তাঁর বয়স ছিলো ১৬ বছর এবং রওজা কিতাবে সাহেবজাদা মুহম্মদ বোলাক লিখেছেন, বয়েত গ্রহণের ২০ বছর পরে তিনি খেলাফত প্রাপ্ত হন। দেহত্যাগের সময়ে তাঁর বয়স কত ছিলো তা নিয়ে মতভেদ হিসেব অনুযায়ী দেখা যায়, গরীব নওয়াজের ২০ বছর পর তিনি দেহত্যাগ করেন অর্থাৎ খেলাফত প্রাপ্তির ২০ বছর পর তিনি দেহত্যাগ করেন। তাহলে ১৬ বৎসর বয়সে যদি তিনি বয়েত গ্রহণ করে থাকেন এবং ২০ বছর পর যদি খেলাফত প্রাপ্তি হয়ে থাকেন এবং এর ২০ বছর পর যদি দেহত্যাগ করে থাকেন, তাহলে পরিষ্কার বোঝা যায় তাঁর বয়স ছিলো তখন ৫৬ বছর।

## সূচনা

## প্রথম মজলিস

প্রেমের জলজ্যোত নিদর্শন হযরত খাজা শায়খ ফরিদউদ্দীন গঞ্জ শকর ওজুধনী (রহঃ) বর্ণনা করেন যে, এ অধম বান্দার যখন হযরত খাজা কুতুবুদ্দীন (রহঃ)-এর কদমবুটির সৌভাগ্য অর্জন হলো তখন তিনি কুল্লাহ চাহার তর্কী আমার মাথার উপর রাখলেন এবং অত্যন্ত দয়া দান করলেন। সেদিন আমি, কাজী হামিদুদ্দীন নাগোরী, মওলানা আলাউদ্দিন কিরমানী, সৈয়দ নূরুদ্দিন মোবারক, শায়খ নিজামুদ্দীন আবুল মুয়িদ, মওলানা শামসুদ্দীন তুর্ক, শায়খ মাহমুদ মোয়ায়না এবং আরও অনেক আসহাবে আহলে সোফ্ফা খেদমতে উপস্থিত ছিলেন। খাজা কুতুবুদ্দীন (রহঃ) এরশাদ করলেন, পীর বা মুর্শেদকে এমন শক্তিশালী ও ক্ষমতাবান হতে হয়, যখন কোন শিক্ষার্থী বয়াত গ্রহণ বা মুরীদ হওয়ার জন্য তাঁর নিকট আসে, তখন তাঁর জন্য ওয়াজেব হয়ে যায় যে, সে একটি মাত্র দৃষ্টি নিষ্ক্ষেপের মাধ্যম শিক্ষার্থীর মনে জমাকৃত দুনিয়া প্রেম, লোভ-লালসা, ঘৃণা-অহঙ্কার সব এমনভাবে বিদূরিত করবে যার কণামাত্র অবশিষ্ট থাকবে না। তারপর তাকে বয়াত করে আল্লাহর সাক্ষাতকারী হিসেবে মনোনীত করবে। যদি পীরের মাঝে এ রকম ক্ষমতা না থাকে তা হলে অবশ্যই বুঝবে যে, সে পীর এবং মুরিদ উভয়েই পথভ্রষ্ট।

এরপর বললেন, এসরাকুল আরেফীন কিতাবে খাজা আবুবকর শিবলী (রহঃ) বর্ণনা করেছেন, বদখশান দেশে এক বুজুর্গের সাথে আমার দেখা হয়েছিলো, যার প্রশংসা বর্ণনা করার ভাষা আমার নেই। তিনি অত্যন্ত প্রেম্যুপদ প্রেমিক ও প্রচেষ্টার উৎকর্ষতার নজীরবিহীন ব্যক্তিত্ব ছিলেন এবং সমস্ত কিছুই সুন্নতের বিধান অনুযায়ী করতেন। আমি তাঁকে সালাম দিলাম, তিনি সালামের উত্তর দিয়ে বললেন, 'বসো'। আমি তাঁর নির্দেশানুযায়ী বসে পড়লাম এবং কয়েকদিন তাঁর সোহবতে (সাথে) কাটলাম। তিনি সবসময় রোজাব্রত পালন করতেন। ইফতারের সময় অদৃশ্যালোক হতে দু'টো রুটি আসতো, তিনি সেই রুটি দ্বারা ইফতার করতেন এবং পাথর নিঃসৃত পানি পান করতেন। শহরবাসী তাঁর শিষ্যত্ব গ্রহণের উদ্দেশ্যে দরজায় ভিড় জমাতো। এ অবস্থায় তিনি সেখানকার শাসনকর্তাকে নির্দেশ দিলেন একটা খানকা তৈরী করতে। বাদশাহ তাঁর আদেশকে নিজের সৌভাগ্য মনে করে খানকা তৈরী আরম্ভ করলেন। খানকা তৈরী হওয়ার পর তিনি তাঁকে সংবাদ দিলেন। হযরত সে খানকায় তাঁর

বাসস্থান স্থানান্তর করলেন এবং হুকুম দিগেন প্রত্যেকদিন বাজার হতে একটা করে কুকুর ক্রয় করে নিয়ে আসতে। হুকুম অনুযায়ী প্রত্যেকদিন বাজার হতে কুকুর ক্রয় করে আনা হলে তিনি সেই কুকুরের হাত (সামনের পা) ধরে সেজদায় বসাতেন এবং বলতেন, তোকে 'আল্লাহর নিকট অর্পণ করলাম'। পরিশেষে ঐ কুকুরগুলো এমন হয়ে গেলো যে, তাদের মধ্যে প্রত্যেকে পানির উপর দিয়ে চলতে পারতো এবং যদি কাউকে কামড় দিতো সে ভালো হয়ে যেতো। খাজা আবুবকর শিবলী (রহঃ) বলেছেন যে, আমি ঐ সব কুকুরের কারামত (অলৌকিক ক্ষমতা) দেখে আশ্চর্য ও বিস্মিত হয়ে পড়লাম। ঐ বুজুর্গ আমার মনের ভাব বুঝতে পেরে বললেন, "হে শিবলী সেজদার উপর এরা প্রতিষ্ঠিত হয়েছে। সেজদার উপর সুপ্রতিষ্ঠিত ব্যক্তি, যাকে সাহেবে সেজদা বলা হয়, তিনি কারও হাত ধরলে সেও সাহেবে সেজদা হয়ে এমন ক্ষমতাবান হয় যে, যদি সেও কারও হাত ধরে তাহলে সেও তাকে সাহেবে সেজদাতে পরিণত করে দেয়। যদি এমন ক্ষমতা তাঁর না থাকে তাহলে সলুকের পথে তার দাবী খাদপূর্ণ বা ভেজালযুক্ত। এরপর এরশাদ করলেন, কামালিয়াত চার জিনিসে সৃষ্টি হয়। প্রথমতঃ অল্প শয়ন করা, দ্বিতীয়তঃ কম কথা বলা, তৃতীয়তঃ সামান্য আহার করা, চতুর্থতঃ মানুষের সাথে কম সম্পর্ক রাখা। এরপর এরশাদ করলেন, গজনীতে এক বুজুর্গ ছিলেন, যিনি চিরকুমার ব্রত পালন করে একাকী আল্লাহর ধ্যানে অত্যন্ত বিভোর থাকতেন। যা কিছু তাঁর কাছে ফতুহাত নজর নিয়জ-এর মাধ্যমে আসতো, কিছুই নিজের কাছে রাখতেন না। দিনের মধ্যে যা কিছু পেতেন সন্ধ্যার মধ্যে তা বিলিয়ে দিতেন এবং রাতে যা পেতেন তা সকাল পর্যন্ত রাখতেন না, বিলিয়ে দিতেন। ছোট-বড়, ধনী-দরিদ্র বা দরবেশ কেউ তাঁর খানকাহ (ফকির দরবেশদের আশ্রয়) হতে খালি যেতো না। ক্ষুধার্তকে আহার দিতেন, বিবস্ত্রকে বস্ত্র দিতেন এক কথায় বলা চলে তিনি আল্লাহুতায়ালার আশীর্বাদে পুষ্টি (সাহেবে নি'মত) দরবেশ ছিলেন। আমি তাঁর মুখে শুনেছি— তিনি বলছিলেন, "আমি ৪০ বছর মোজাহেদা করেছি, কিছু হাসেল হয়নি, সামান্য পরিমাণ আলোও নিজের জাতে (অস্তিত্ব)-এর মাঝে অনুভব করিনি। যখন থেকে (উপরে বর্ণিত) এ চার জিনিস গ্রহণ করেছি তখন হতে এমন আলো পয়দা হয়েছে যে দৃষ্টি তুলে উপরে তাকালে আরশ এবং হিজাবে আজমত পর্যন্ত কোন জিনিসই দৃষ্টির বাইরে গোপন থাকে না এবং যখন মৃত্তিকার দিকে দৃষ্টিপাত করি, তখন মাটির তলার মৃত্তিকার শেষ স্তরের জিনিস পর্যন্তও দেখতে পাই। এ অবস্থা আমার ৩০ বছর যাবৎ, যার জন্য চোখ বন্ধ করে রাখি। এরপর আমার প্রতি মনোনিবেশ করে বললেন, "হে দরবেশ, যে পর্যন্ত কম আহার করা, কম শোয়া, কম কথা এবং মানুষের সঙ্গ করা না কমাতে সে পর্যন্ত দরবেশীর মহারত লাভ হবে না। তারাই দরবেশের দলভুক্ত যারা শয়ন করাকে নিজের গুন্য হারাম করে দিয়েছে এবং সৃষ্টি বা মানুষের সঙ্গে বন্ধুত্ব করাকে বিষধর সর্পের সঙ্গে বন্ধুত্ব করার



চেয়েও নিকট মনে করেছে। যে দরবেশ দুনিয়াকে দেখবার জন্য উত্তম পোষাক পরিধান করে, মনে করবে সে দরবেশ নয়, সলুকের পথের ডাকাত, সে মানুষের ঈমান হরণ করে। অর্থাৎ তাকে দেখে মানুষ সঠিক দরবেশ ভেবে নিজের ঈমান নষ্ট করে। যে দরবেশ নফসের ইচ্ছায় পেট ভরে আহার করে সে দরবেশ নয়, সে নফসের গোলাম।

এরপর এরশাদ করলেন, নদীপথে ভ্রমণের সময় এক দরবেশের সঙ্গে দেখা হয়েছিলো, তিনি আল্লাহুতায়ালার এক অনন্য দান। সাধনার কাঠিন্যে তাঁর অবস্থা এমন হয়েছিলো যে, দেহে শুধু হাড় ক'খানাই অবশিষ্ট ছিলো। তাঁর নিয়ম ছিলো, প্রতিদিন চাশতের নামাজ সমাধা করে লঙ্গরখানায় চলে যাওয়া। হাজার মণ গমের লঙ্গর হতো, পরবর্তী নামাজের সময় না হওয়া পর্যন্ত লঙ্গর বন্টনের কাজে নিজেকে নিয়োজিত রাখতেন। হাজার হাজার লোক যারা আসতো তাদেরকে আহার করাতেন এবং বিবস্ত্রকে বস্ত্র দান করতেন, যতক্ষণ পর্যন্ত লঙ্গর থাকতো বন্টন করতেন। লঙ্গর শেষ হয়ে গেলে জায়নামাজে যেয়ে বসতেন এবং প্রত্যেক দর্শনার্থীকে জায়নামাজের তলা হতে যা তার ভাগ্যে থাকতো বের করে দান করতেন। আমি কয়েক দিন তাঁর সোহবতে ছিলাম। তিনি সব সময় রোজা ব্রত পালন করতেন। ইফতারের সময় তাঁর নিকট আলমে গায়েব (অদৃশ্যলোক) হতে ৪টি খোরমা আসতো— ২টি আমাকে দিতেন, ২টি তিনি নিজে খেতেন। আমাকে বলতেন, যতদিন পর্যন্ত দুনিয়া, দুনিয়ার মানুষ ও জিনিসের বন্ধুত্ব হতে মুক্ত না হবে, অন্ন আহার না করবে এবং অন্ন শয়ন না করবে, ততদিন পর্যন্ত শ্রেষ্ঠ স্তর বা সোপান (দর্জা Stage) লাভ করতে পারবে না।

এরপর হযরত কুতুবুদ্দীন (রহঃ) এরশাদ করলেন, হযরত মুসা (আঃ) উপাসনা, একগ্রহতা ও নির্জনবাসে শ্রেষ্ঠত্বের দাবীদার ছিলেন। যখন তাঁকে দর্শনের জন্য আসমানে নির্ম্মে যাওয়া হলো, তখন আওয়াজ এলো, “একে পৃথক রাখ, কারণ এর সাথে দুনিয়ার আবর্জনা রয়েছে।” হযরত মুসা (আঃ) ভীত হয়ে পড়লেন এবং পার্থিব বস্তু খুঁজতে দেখতে পেলেন তাঁর সঙ্গে রয়েছে একটা সুঁই ও কাসাচুবি (এক ধরনের পাত্র)। তিনি নিবেদন করলেন, “ইয়া বারে এলাহি, এগুলো কি করবো?” ওহি এলো, “ফেলে দাও।” হে দরবেশ, যখন এ সামান্য ও নগণ্য জিনিসের জন্য একজন পয়গম্বর (আঃ) দর্শনে বাধা পেলেন, তাহলে যারা পার্থিব বস্তুর নিকট নিজেকে উৎসর্গ করেছে তাদের উপায় কি হবে? এরপর এরশাদ করলেন, ‘দরবেশদেরকে একা থাকা উচিত কেননা, তাতে তাদের উন্নতি ত্বরান্বিত হয়।’ এরপর একজন দরবেশের কথা বললেন, তিনি বড় বুজুর্গ ছিলেন, তাঁর নিকট প্রতিদিন একটা করে, রহস্য প্রকাশ পেতো। এমনি করে প্রতিদিন ভিন্ন ভিন্ন রহস্য প্রকাশ পাওয়াতে এক সময় আল্লাহর অগণিত রহস্যের দ্বার তাঁর নিকট উন্মুক্ত হয়ে গেলো। পরে খাজা কুতুব হায়! হায়! করে কেঁদে ফেললেন এবং বললেন,

ঐ বুজুর্গের মুখেই নিম্নোক্ত মসনবীর রুবাই শুনে মুগ্ধ হয়ে পড়েছিলাম।

মসনবী : হর আঁ মুলকে কে ওয়াপস্ মিঞ্জারাম  
দু সদ মুলকে দিগর দর পেশ দারম।।

অর্থ : প্রত্যেকবার যখন একটি দেশ ভ্রমণ করে ফিরে আসি  
তখন আমার সম্মুখে দু'শ দেশ উপস্থিত করা হয়।।

এরপর এরশাদ করলেন, আহলে সলুক এবং মুতহিরান (ঐশী রহস্যলোকে বিচরণে বিশ্বয়াভিভূত ব্যক্তি) বলেন— তাঁরাই দরবেশ, যাঁরা সবসময় ভ্রমণে বিভিন্ন দেশ অতিক্রম করেছেন এবং সম্মুখে যে দেশ ভ্রমণের প্রস্তুতি নেয় সে দেশের কোন মহামূল্য রত্নটি (বুজুর্গানে দীন) কোথায় কিভাবে অবস্থান করছেন তা অবগত থাকেন। কিন্তু সে জগতের সংবাদ হতে যে অজ্ঞ সে অবশ্যই দরবেশ নয়। এরপর এরশাদ করলেন, কিছুসংখ্যক ওলীআল্লাহু যাঁরা আল্লাহর গোপন রহস্য প্রকাশ করেছেন তা তাঁদের অত্যধিক প্রেমে ও অজ্ঞানতার মাধ্যমে ঘটেছে। অনেকে আবার প্রেমের উন্মত্ততায় কোন গোপন রহস্য ফাঁস (ব্যক্ত) করে ফেলেছেন। কিন্তু যাঁরা পরিপূর্ণতার স্তরে অবস্থান করছেন তাঁদের নিকট হতে কোন গোপন রহস্য ফাঁস হয় না। সুতরাং বন্ধুত্ব অর্জনের পথে উৎসাহ-উদ্দীপনা সহকারে রহস্য গ্রহণ করতে থাকবে কিন্তু প্রকাশ হতে দেবে না। কেননা, রহস্য হলো বন্ধুর গোপন ভেদ, যে ব্যক্তি পরিপূর্ণতা লাভ করেন সে কখনও বন্ধুর গোপন রহস্য প্রকাশ করেন না। এরপর এরশাদ করলেন, আমি বহুদিন পর্যন্ত আমার পীর ও মুর্শেদ হযরত খাজা মুঈনুদ্দীন হাসান চিশতী (রহঃ)-এর খেদমতে উপস্থিত ছিলাম কিন্তু অসতর্ক মুহুর্তেও কোনদিন তাঁকে বন্ধুর কোন গোপন রহস্য প্রকাশ করতে দেখিনি। এরপর আমাকে লক্ষ্য করে বললেন, “হে ফরিদ, পরিপূর্ণ কামেল এমনি হয় যে, তাঁর নিকট হতে কোন অবস্থাতেই বন্ধুর কোন ভেদ প্রকাশ তো হয়ই না বরং নতুন রহস্যের দ্বার উদঘাটন করে নিজের মাঝে গোপন রাখেন।” এরপর এরশাদ করলেন, “হে ফরিদ, যদি মনসুর কামেল হতেন তাহলে অবশ্যই বন্ধুর রহস্য প্রকাশ করতেন না।” সুতরাং মনসুর কামেল ছিলেন না বরং এক ফোটাতেই উজ্জ্বল হয়ে উঠেছিলেন এবং বন্ধুর রহস্য প্রকাশ করে দিয়েছেন। প্রতিফল তাঁর এই হয়েছে যে, অবশেষে তাঁকে ফাঁসিকাঠে ঝুলতে হয়েছে। [খাজা গরীব নওয়াজের মনসুর সম্বন্ধে উক্তিটি নিম্নরূপ : মনসুর যে প্রেম-সমুদ্রের এককাতরা (ফোঁটা) পানি পান করে নিজেকে আনাল হক (আমি খোদা) বলেছিলেন, তেমনি হাজারো সমুদ্র আমার মাঝে প্রতিনিয়ত বয়ে যাচ্ছে কিন্তু তৃষ্ণা নিবৃত্ত হচ্ছে না (এই অংশটুকু খাজা গরীব নওয়াজের জীবনী হতে সংগৃহীত) এরপর এরশাদ করলেন, হযরত জোনায়েদ বোগদাদী যখন প্রেমসুধা পান করে শান্তির জগতে অবস্থান করতেন, তখন বলতেন, “হাজারো আফসোস ঐ

প্রেমিকদের জন্য যারা (মুখে) বন্ধুত্বের দাবি করে অথচ বন্ধুর নিকট হতে কোন রহস্য উন্মোচিত হলে সাথে সাথে তা প্রকাশ করে দেয়।” এরপর এরশাদ করলেন, “আমি হযরত খাজা মুঈনুদ্দীন চিশ্তী (রহঃ)-এর মুখে শুনেছি এক বুজুর্গ দীর্ঘকাল যাবত এবাদত করেছেন এবং অনেক মুজাহিদা (সাধনা) করেছেন। এবাদত ও রিয়াজতের মাধ্যমে তার নিকট একটি রহস্য উদঘাটন হয়, কিন্তু আফসোস তার ধারণক্ষমতা প্রশস্ত ছিলো না, যার ফলে সে এ রহস্যকে নিয়ন্ত্রণে রাখতে পারেনি বরং সাথে সাথে সেই প্রেমের রহস্যকে প্রকাশ করে দেয় এবং প্রকাশমাত্রই তার নিকট হতে সমস্ত নিয়ামত ছিনিয়ে নেয়া হয়। এই নিয়ামত ছিনিয়ে নেয়ার দুঃখে সে পাগল হয়ে গেলো, তখন গায়েবী আওয়াজ হলো “হে বান্দা, যদি তুমি ঐ রহস্যকে প্রকাশ না করতে তাহলে দ্বিতীয় রহস্য লাভের যোগ্যতা অর্জন করতে। কিন্তু তোমার মাঝে সে যোগ্যতা ছিলো না, যার জন্য তোমার নিকট হতে তা ছিনিয়ে নিয়ে অন্যকে দিয়ে দেয়া হয়েছে।” এরপর হযরত খাজা কুতুবুল ইসলাম ‘ফয়েজ’ (দয়া)-এর ব্যাখ্যা বললেন, “হে ফরিদ, সলুকের পথে এমন ব্যক্তিত্বের আবির্ভাব ঘটেছে যারা হাজার হাজার রহস্য-নদীর পানি পান্ন করে শান্ত হয়ে বসে আছেন।” এরপর এরশাদ করলেন, এক বুজুর্গ অন্য এক বুজুর্গকে চিঠি লিখেছেন, আপনি ঐ ব্যক্তি সম্বন্ধে কি মন্তব্য করেন, ‘যে এক কাতরা প্রেমের ঝলকে ঝলসে উঠেন?’ দ্বিতীয় বুজুর্গ উত্তরে লিখেছিলেন, দুঃখ হয় তার কম সাহস ও অপ্রশস্ত উৎসাহের জন্য। আসলে লোক একরূপ হওয়া দরকার, যেনো হাজার হাজার এলাহির মারেফাতের দরিয়ার পানি পান করেও হজম করে ফেলে এবং আরও বৃদ্ধির জন্য দোয়া প্রার্থনা করে। আমার এমনই ঘটেছে যে, পঞ্চাশ বছর যাবত উপরোক্ত অবস্থায় অবস্থান করছি এবং আরও বৃদ্ধির জন্য প্রচেষ্টা চালাচ্ছি। আমি তোমাকে নিষেধ করছি, কোন অভূত চক্রান্তের শিকার হয়ো না। যে বন্ধুর রহস্য প্রকাশ করে দেয় সে দুর্ভাগা। এরপর এরশাদ করলেন, যে পর্যন্ত দরবেশ সব এগানা (আত্মীয়) হতে বেগানা (অনাত্মীয়) না হয় এবং কঠিন সাধনায় লিপ্ত না থাকে তাহলে দুনিয়ার অপবিভ্রতার মধ্যে গ্রেফতার হয়ে যায়। কখনও নৈকট্যের স্তর বা মোকাম হার্সেল হয় না। এরপর এরশাদ করলেন, ৭ বছর এবাদত বন্দেগীর পর যখন হযরত খাজা বায়েজিদ বোস্তামী (রহঃ)-কে নৈকট্যের স্তরে নিয়ে যাওয়া হলো, নির্দেশ এলো, “একে ফিরিয়ে নিয়ে যাও, সে দুনিয়ার আবর্জনা সঙ্গে এনেছে।” তখন হযরত বায়েজিদ বোস্তামী (রহঃ) নিজের শরীরের দিকে তাকিয়ে দেখলেন একটি মাটির পেয়ালা ও এক টুকরা চামড়া তাঁর খিরকার মধ্যে রয়েছে। তৎক্ষণাৎ তিনি এগুলো ফেলে দিলেন। তারপর তিনি নৈকট্যের স্তরে স্থান পেলেন। অতপর এরশাদ করলেন “হে ভ্রাতৃবৃন্দ লক্ষ্য করুন যে বায়েজিদের মতো বুজুর্গের যদি এমন তুচ্ছ জিনিসের জন্য জবাবদিহি হতে হয় এবং নৈকট্যের স্তরে স্থান পেতে বাধাপ্রাপ্ত হতে হয়, তাহলে যারা দুনিয়ার অসংখ্য আবর্জনার মাঝে

গ্রেফতার হয়ে আছে তারা কি করে আল্লাহর নৈকট্য লাভ করবে? সলুকের পথ এক জিনিস আর দুনিয়াদারী আর এক জিনিস— এ দুটো সম্পূর্ণ ভিন্ন, একে অপরের শত্রু; ভাই এ দু’বস্তুকে একত্র করা যায় না। এরপর এরশাদ করলেন, দরবেশ যখন কামেল হয়ে যায় তখন যা কিছু আদেশ করে তাই হয়ে যায়, এর সামান্যতম ব্যতিক্রমও ঘটে না। এরপর এরশাদ করলেন আমি এবং কাজী হামিদুদ্দীন নাগুরী, যিনি আমার অন্তরঙ্গ বন্ধু, নদীপথে ভ্রমণ করছিলাম, সেখানে কুদরতে এলাহির এক অত্যাশ্চর্য জিনিস অবলোকন করলাম, যা বর্ণনা করা কঠিন। নদীর নিকটবর্তী একটা বাড়ি ছিলো, আমি এবং কাজী হামিদুদ্দীন দু’জনে এক সাথে সেখানে বসে ছিলাম। একটু গরম অনুভব হলো, হঠাৎ একটা ছাগল দুটো রুটি মুখে করে এনে আমাদের সম্মুখে রেখে চলে গেলো। আমরা দু’জনে খেলাম এবং নিজেদের মধ্যে আলোচনা করলাম, এটা প্রকৃত ছাগল ছিলো না, ফেরেস্তাদের মধ্য হতে কেউ ছিলো। কথার মাঝখানে একটা বৃহৎ আকারের বিষ্ণু নজরে পড়লো, সে নদীর দিকে যাচ্ছিলো। নদীর তীরে পৌঁছে নিজের শরীর পানিতে নিক্ষেপ করে সাঁতরিয়ে ওপারে চললো। আমরা এ দৃশ্য দেখে হতভয় হয়ে গেলাম। কাজী সাহেবকে বললাম, নিশ্চয়ই এর মধ্যে এলাহির রহস্য লুক্কায়িত রয়েছে। ব্যাপারটা দেখার জন্য উঠে পড়লাম এবং নদীর দিকে চলতে লাগলাম। নদীর কিনারায় পৌঁছে দেখি, নদীতে অত্যধিক প্রোত কিন্তু পার হওয়ার জন্য কোন নৌকা বা অন্য কোন প্রকার জিনিস নেই, যার মাধ্যমে ওপারে যেতে পারি। আমরা অসহায় ছিলাম, তাই ইলাহীর দরবারে দোয়া করলাম, ‘হে খোদা যদি আমরা আপনকর্মে কামেল হয়ে থাকি তাহলে নদীর মধ্যদিয়ে আমাদের জন্য রাস্তা দাও। হঠাৎ নদীর মাঝখানে পানির মধ্যে ফাটল ধরলো এবং পথ তৈরি হয়ে গেলো। আমরা সেই পথ দিয়ে নদী অতিক্রম করলাম। বিষ্ণু আমাদের আগে আগে চলতে ছিলো এবং একটা গাছের নিচে যেয়ে থামলো। সেখানে একজন লোক শুয়ে ছিলো এবং একটা বৃহৎ অজগর লোকটিকে দংশন করার জন্য গাছের দিকে এগিয়ে যাচ্ছিলো। বিষ্ণু সাপটার কাছে পৌঁছেই তাকে ছোবল মারলো। দংশনের সাথে সাথে সাপটা মারা গেলো এবং বিষ্ণুও অদৃশ্য হয়ে গেলো। আমরা দু’জন সাপটার কাছে যেয়ে দেখলাম এবং অনুমান করলাম সাপটার ওজন প্রায় হাজার মণ হবে। আমরা লোকটার জাগ্রত হওয়ার অপেক্ষায় ছিলাম—ইচ্ছা, আলাপ করবো। তার উঠতে দেরি দেখে আমরা সামনে এগিয়ে গেলাম। দেখে মনে হলো লোকটা মদখোর, মদ্যপানের জন্য বমি করে বেইশ হয়ে পড়েছিলো। আমাদের দুঃখ হলো অযথা কষ্ট করলাম এবং আশ্চর্য ছিলাম এই ভেবে যে এমন নাফরমান লোকের জন্য আল্লাহুতায়াল্লা এমন করুণা করলেন এবং এতো বড় বিপদ হতে রক্ষা করলেন। এ চিন্তা যখন মনের মধ্যে ঘোরপাক খাচ্ছিলো তখন গায়েবী আওয়াজ হলো, “আমি প্রতিপালক হয়ে যদি শুধু ভালোর প্রতি মনোযোগ দেই তাহলে গরীবের বন্ধু কে



হবে?" আমরা যখন এই কথা শোনার জন্য নিবিষ্ট ছিলাম তখন লোকটি জাখত হলো। নিজের কাছাকাছি মৃত অজগরকে দেখে সে অত্যন্ত ভীত ও অবাক হয়ে গেলো। আমরা তাকে সাপ ও বিষ্ণুর সকল কাহিনী বর্ণনা করে শোনালাম। সে স্বীয় কর্মের জন্য অত্যন্ত দুঃখিত হলো এবং সাথে সাথে তওবা করলো। আমরা চলে এলাম এবং অনতিকাল পরেই শুনতে পেলাম যে, উক্ত লোকটি বেশ উঁচুদরের বুজুর্গ হয়েছেন এবং আল্লাহুর বন্ধুত্ব স্থান পেয়েছেন। খালি পায়ে হেঁটে সে ৭ বার হজুব্রত পালন করেছেন। এরপর এরশাদ করলেন, যখন ভালো হওয়ার সময় হয় তখন আল্লাহুর দানও সঙ্গলাভ করে; বাতাসের সাথেও তখন প্রেমের পরশ চলতে থাকে। তিনি মহা ক্ষমতাবান, তিনি চাইলে অগ্নিপূজারী, মদ্যপায়ী বা যাকে খুশি তাকে এক মুহূর্তে সেজদাকারীদের দলে অন্তর্ভুক্ত করতে পারেন। আবার যখন দুর্ভাগ্য সঙ্গে অবস্থান করে তখন সুগন্ধযুক্ত মৃদু হাওয়াও প্রভুর শান্তি বহন করে চলতে থাকে, হাজারো সেজদাকারী নষ্ট হয়ে যায়। হে ভাত্বন্দ, স্বরণ রেখো, আল্লাহতায়ালার নিকট কখনও নির্ভীক হতে নেই। কেননা, পরিণাম বা ভবিষ্যৎ কারো জানা নেই এবং কেউ জানতেও পারে না। এরপর এরশাদ করলেন, ইবলিস যদি তার কর্মের পরিণাম জানতো তাহলে নিঃসন্দেহে সে আদম (আঃ)-কে সেজদা করতো। সুতরাং বুঝাই যাচ্ছে তার পরিণাম জানা ছিল না। সে তার নিজের সাধনার কথা চিন্তা করে অহংকারী হয়েছিলো, তাই মাটিকে (আদমকে) সেজদা করা সম্মানের হানি বলে বিবেচনা করেছে এবং সেজদা না করার জন্য অর্থাৎ হুকুম পালন না করার জন্য তার সমস্ত সাধনা তার দিকে ছুঁড়ে মারা হয়েছে। যার ফলে আল্লাহতায়ালার দরবারে সে অভিশপ্ত হয়েছে। এরপর এরশাদ করলেন, আমি কোন এক শহরে দেখেছিলাম যে কোথাও দশজন বিশজন লোক একত্রে দাঁড়িয়ে রহস্যলোকের রহস্যে স্তম্ভিত ও অচৈতন্য হয়ে আছে, কিন্তু নামাজের সময় হলে তাঁরা চেতনার জগতে ফিরে আসতো, আবার নামাজ শেষ হলেই মত্ততার জগতে ফিরে যেতো। আমি তাঁদের খেদমতে বহুদিন ছিলাম। একদিন তাঁদের দলের কয়েকজন লোকের চেতনা ফিরে এলো। আমি তাঁদের নিকট আবেদন (আরজ) করলাম, আপনাদের এমন অবস্থা কত দিন যাবৎ? তাঁরা জানালেন, ৬০/৭০ বছর হবে, যেদিন আল্লাহুর দরবারে ইবলীসের অভিশপ্ত হওয়ার 'কিষ্সা' শুনেছিলাম সেদিন হতেই আমাদের এ অবস্থা। এরপর হযরত খাজা কুতুবুল ইসলাম হায়, হায়, করে কাঁদতে লাগলেন। তারপর বললেন, কামেলগণ এর চেয়েও অধিক 'ফয়েজ' লাভ করে থাকেন। ঐ লোকগুলো নিজেদের হালেই নিজেরা বিভোর রয়েছে। আমি জানি না যে আমি কোন্ দলের অন্তর্ভুক্ত! এরপর হযরত খাজা কুতুবুল ইসলাম দাঁড়িয়ে গেলেন। মজলিস সমাপ্ত হলো। হযরত খাজা সাধনার জগতে তন্ময় হলেন।

আল্হামদুলিল্লাহ আলা জ্বালেক।

## দ্বিতীয় মজলিস

রোজ বৃহস্পতিবার, তারিখ-৪, মাস শওয়াল, সন ৬৪৮ হিঃ। কদমবুসির ঐশ্বর্য লাভ হলো। কাজী হামিদুদ্দীন নাগুরী, মওলানা শামসুদ্দীন তুর্ক ও অনেক প্রখ্যাত সূফী খেদমতে উপস্থিত ছিলেন। আলোচনা আহলে সলুক সম্বন্ধে শুরু হলো। হযরত খাজা কুতুবুল ইসলাম এরশাদ করলেন, সলুকের পথ তাকেই বলে, যে পথে দৃঢ় থাকলে সালেকের পা হতে মাথা পর্যন্ত প্রেম-দরিয়ায় নিমজ্জিত থাকে, তার নিকট এমন একটি মুহূর্তও অতিবাহিত হয় না যে, অদৃশ্যালোক হতে ইশ্ক ও মহব্বত তার সত্তাকে আকর্ষিত না করে। এরপর বললেন, সদাসর্বদা হাজারো অভূতপূর্ণ অবস্থা যার ওপর প্রকাশ পায় সেই আরিফ। সে প্রেম-জগতের অতল তলে এমন ভাবে বিলীন হয়ে থাকে যে বিশ্বের সমস্ত কিছু তার বুকের ওপর সংস্থাপন করলেও সেগুলো ফেলে দেয়ার অনুভূতিও উপলব্ধি করবে না। এরপর এরশাদ করলেন, সমরকন্দে এক বুজুর্গের সঙ্গে আমার সাক্ষাৎ হয়েছিল। তিনি ঐশী-বিশ্ব্যালোকে বিশ্বয়াবিষ্ট ছিলেন। আমি সেখানকার অধিবাসীদেরকে জিজ্ঞেস করলাম, উনার এ বিলীন অবস্থা কত দিন যাবৎ? তারা উত্তর দিলো, আমরা ২০ বছর যাবত উনাকে এ অবস্থায় দেখছি। আমি তাঁর সাথে কয়েকদিন কাটালাম। একদিন তাঁকে স্বাভাবিক অবস্থায় পেয়ে জিজ্ঞেস করলাম, 'কতদিন যাবৎ আপনি বস্ত্রজগতের খবর হতে মুক্ত?' উত্তরে বললেন, "ওহে নাদান (নির্বোধ), দরবেশ যখন প্রেমসাগরে নিমজ্জিত থাকেন তখন তাঁর ওপরে হাজারো জগৎ হতে যদি হাজারো বস্ত্রও নিপতিত হয়, সেগুলোর সংবাদ রাখার তাঁর অবকাশ কোথায়? এমনকি এ অবস্থায় তাঁকে কেটে টুকরো টুকরো করলেও তাঁর চৈতন্যোদয় হবে না। হে দরবেশ, এখন নিশ্চয়ই বুঝতে পারছো যে এটা ইশ্ক-এর পথে বাজিখেলা। যে ব্যক্তি এ পথে পা রেখেছে সে নিজের জানকে নিরাপদে নিয়ে যেতে পারে না।" এরপর এরশাদ করলেন, যখন হযরত ইয়াহুইয়া (আঃ)-এর গলার ওপর শত্রু ছুরি বসিয়ে কাটতে আরম্ভ করলো তখন তীব্র ও অসহ্য যন্ত্রণা সহ্য করতে না পেরে ইচ্ছা করলেন যে আল্লাহুর দরবারে ফরিয়াদ জানাবে, সাথে সাথে জিব্রাইল (আঃ) তাঁর কাছে পৌঁছলেন এবং বললেন, আল্লাহতায়ালার নির্দেশ করেছেন যদি আপনি উহ শব্দটিও করেন তাহলে কিতাব হতে আপনার 'নবী' নাম মুছে ফেলা হবে। হযরত ইয়াহুইয়া (আঃ) এ নির্দেশ পাওয়ার পর উহ বা আহু কোন প্রকার শব্দই করেননি এবং অত্যন্ত ধৈর্যের সাথে 'জান' জানের মালিকের নিকট সমর্পণ করেছেন। এরপর এরশাদ করলেন, অনুরূপভাবেই হযরত জাকারিয়া (আঃ)-কে চিরে ফেলার জন্য যখন তাঁর মাথার ওপর করাত সংস্থাপন করে চিরে ফেলতে লাগলো, তিনিও তখন বর্ণানীত অসহ্য যন্ত্রণার বহিঃপ্রকাশ মুখ দিয়ে

উচ্চারণ করতে চাইলেন, কিন্তু পূর্বের ঘটনার মতোই হযরত জিব্রাইল (আঃ) উপস্থিত হয়ে আল্লাহতায়ালার ফরমান (আদেশ) শোনালেন। তিনি হুকুম অনুযায়ী ততক্ষণ পর্যন্ত নীরব রইলেন, যতক্ষণ পর্যন্ত করাত তাঁর পবিত্র দেহকে দ্বিখন্ডিত না করলো। এ ঘটনা বলার পর হযরত খাজা কুতুবুল ইসলাম (রহঃ)-এর পবিত্র চোখে অশ্রু দেখা দিলো। পুনরায় বললেন, যে ব্যক্তি বন্ধু-শ্রমের দাবি করে এবং কষ্টের সময় ফরিয়াদ করে, সে প্রকৃত শ্রেমিক নয় বরং মিথ্যাবাদী ও ভক্ত। কেননা, বন্ধুত্ব গ্রহণ করার অর্থই হলো যে বন্ধুর নিকট হতে যা কিছুই আসবে তাকে নেয়ামত হিসেবে গ্রহণ করতে হবে এবং মনে করতে হবে, যে কোন উপলক্ষেই হোক আল্লাহ আমায় স্বরণ করেছেন। এরপর এরশাদ করলেন, হযরত রাবেয়া বসরী (রহঃ)-এর রীতি ছিলো, যেদিন তাঁর ওপর কোন দুঃখ-কষ্ট নাাজেল হতো সেদিন অত্যন্ত সন্তুষ্ট থাকতেন এবং বলতেন বন্ধু আমায় স্বরণ করেছেন। যেদিন বালা নাাজেল হতো না সেদিন দুঃখে কাতর হয়ে বলতেন, কি কারণে আল্লাহ আজ আমাকে স্বরণ করলেন না? আমি হযরত খাজা বুজুর্গ মুঈনুদ্দীন হাসান সনজরী (রহঃ)-এর মুখে শুনেছি যে, শ্রেম তারই করা উচিত যে বন্ধুর দেয়া দুঃখ-কষ্টে সবুর করতে পারে। বন্ধু প্রদত্ত দুঃখ বন্ধুর জন্যই হয়ে থাকে। সলুকের পথে বন্ধু হতে আসা বালা নিয়ামতস্বরূপ, যেদিন কারও প্রতি তা নাাজেল না হয়, সেদিন বুঝতে হবে যে তার ওপর হতে সে নেয়ামত ভুলে নেয়া হয়েছে।

মা বালা বর কাসে কাযা নাকুনেম,  
নামে আওর অযে আউলিয়া নাকুনেম ॥  
ই বালা গাওহারে খাজানায়ে মাস্ত,  
গাওহারে খোদ বকাস আতা নাকুনেম ॥  
অর্থ-আমরা কোন বিপদ মুসিবতকে এড়িয়ে যাইনা  
তাদের নাম বন্ধুত্বে অস্বীকার করি না  
এ বিপদ আমাদের সম্পদ-ভান্ডার  
নিজের সম্পদ অন্যকে দান করি না ॥

হযরত খাজা এরপর একটা ঘটনা বর্ণনা করলেন মরদানে গায়েব (অদৃশ্য ব্যক্তি) সম্বন্ধে। তিনি বললেন, মানুষ যখন ফেরেস্তাদের মতো পরিপূর্ণ পবিত্রতার অধিকারী হয় তখন ফেরেস্তা তাকে আহবান করে। তিনি সে শব্দ শ্রবণ করে তাদের দিকে চলতে থাকে এবং কাছে যেয়ে তাদের সঙ্গে মিশে যায়। এরপর এরশাদ করলেন, শায়খ ওসমান সনজরী নামে আমার এক বন্ধু এবং পীর ভাই ছিলেন, এবাদত, বন্দেগী ও রোজা পালনে তিনি ছিলেন এক অনন্যপ্রতিভা। তিনি তাঁর কর্মে যখন পরিপূর্ণতা বা কামালিয়াতের স্তরে সুদৃঢ় হলেন তখন ফেরেস্তা তাঁর সাথে দেখা করে দলভুক্ত হওয়ার

জন্য অনুরোধ করলো। তিনি তাদের প্রস্তাব গ্রহণ করলেন। একদিন আমার সঙ্গে বন্ধুদের মজলিসে বসেছিলেন, ফেরেস্তা আহবান করলো, শায়খ ওসমান এসো আমরা যাই। তিনি 'লাকায়েক' বললেন এবং আমার নিকট হতে তাদের দিকে চলে গেলেন। কিন্তু কোথায় গেলেন তা জানি না। এরপর এরশাদ করলেন, আমি এবং কাজী হামিদুদ্দীন নাগরী কাবা শরীফ তাওয়াকে রত ছিলাম, আমাদের সম্মুখে ছিলেন হযরত শায়খ ওসমান (রহঃ), যিনি হযরত শায়খ আবুবকর শিবলী (রহঃ)-এর বংশধর ছিলেন এবং বড় বুজুর্গ ছিলেন। আমরা তাঁর সামান্য পিছনে থেকে তাঁর পায়ের ছাপ অনুসরণ করে চলছিলাম। তিনি তাঁর স্বচ্ছ হৃদয় দ্বারা আমাদের অবস্থা বুঝতে পেরে বললেন, আমার প্রকাশ্য অনুকরণ করে লাভ কি? যদি পার তো আমার বাতেনী (অপ্রকাশ্য) অনুসরণ কর। আমরা নিবেদন করলাম, আপনার বাতেনী অনুসরণ কি প্রকারের? তিনি বললেন, 'প্রতিদিন এক হাজার বার কোরান শরীফ খতম করা'। আমি এবং কাজী হামিদুদ্দীন নাগরী উভয়ে তাজ্জব হয়ে গেলাম এই ভেবে যে, এ কাজ কোন মানব সন্তানের দ্বারা সম্ভব নয়, নিশ্চয়ই মনে হয় প্রত্যেক সূরায় প্রথম আয়াতটা পাঠ করে থাকেন। আমরা যখন এই চিন্তা করলাম তখন তিনি মুখ ঘুরিয়ে আমাদের দিকে তাকিয়ে বললেন, তোমরা যা মনে করলে সেটা ভুল। কারণ, আমি প্রতিদিন একহাজার বার কোরান শরীফের প্রতিটি অক্ষর একটার পর একটা পাঠ করে থাকি। যখন এ ঘটনা বর্ণিত হচ্ছিলো তখন মওলানা আলাউদ্দীন কিরমানী বললেন, তাঁর উত্তর আমার জ্ঞানের ধারণ ক্ষমতার বাইরে। এটা হয়তো কোন কারামত হবে, খাজা কুতুবুল ইসলাম (রহঃ)-এর চোখে অশ্রু দেখা দিলো এবং বললেন যে ব্যক্তি মাকামে আলীয়াতে অর্থাৎ শ্রেষ্ঠতর স্তরে পৌছেছে সে নিজের নেক আমল দ্বারাই পৌছেছে। আল্লাহর অনুগ্রহ প্রত্যেকের জন্য উন্মুক্ত, কেউ গ্রহণ করে, কেউ করে না। চেষ্টা ও কঠোর সাধনার মাধ্যমে অনুগ্রহকে সম্বল করে শ্রেষ্ঠ স্তরে পৌছতে হয়।

পরবর্তী আলোচনা মজলিসের আদব সম্বন্ধে বর্ণনা করলেন, হযরত খাজা কুতুব (রহঃ) এরশাদ করলেন, মজলিসে প্রবেশ করে যেখানে জায়গা খালি পাবে সেখানেই বসে পড়বে, কেননা আগতদের জন্য শূন্যস্থানই নির্দিষ্ট থাকে। এরপর এরশাদ করলেন, আমি অধম আজমীর শরীফে মওলানা সালাহউদ্দীন (রহঃ)-এর মজলিসে উপস্থিত ছিলাম, আমার মুর্শেদ হজুর (রহঃ)-ও উক্ত মজলিসে ছিলেন। বালা সম্বন্ধে আলোচনা চলছিলো, মওলানা সালাহউদ্দীন (রহঃ) এরশাদ করলেন, একবার পয়গম্বর (আঃ) কোথাও গিয়েছিলেন, সেখানে সাহাবীগণ ঘরের মধ্যে তাঁকে বেঁস্টন করে বসে ছিলেন। পরে আরও তিনজন লোক আসলো, তাদের মধ্য হতে একজন রসূলে মকবুল (দঃ)-এর বেঁস্টনীর মাঝে স্থান পেলেন, অপর দু'জনের বসার মতো জায়গা ঐ বেঁস্টনীতে ছিল না,



তাদের মধ্যে একজন বেঈশ্বরী বাইরে বসল অপরজন চলে গেল। তখন হযরত জিব্রাইল (আঃ) উপস্থিত হয়ে বললেন, “হে নবী, আল্লাহ তায়ালা নির্দেশ দিয়েছেন, যারা এই বেঈশ্বরীর মধ্যে বসে আছে, তাদেরকে ক্ষমা করেছেন এবং যে ব্যক্তি বেঈশ্বরীর বাইরে বসে আছে তাকেও আল্লাহ তাঁর করুণা ও দয়া দ্বারা ক্ষমা করেছেন, কিন্তু যে ব্যক্তি চলে গেছে সে দুর্ভাগা। সে মুখ ফিরিয়ে নেয়ার জন্য আল্লাহর রহমতও তার নিকট হতে মুখ ফিরিয়ে নিয়েছে।” এরপর এরশাদ করলেন যে, আবু লায়ছা লিখিত ‘তব্বীহ’ কিতাবে উল্লেখ আছে, যে ব্যক্তি মজলিস পাবে অথচ বসবে না সে অভিশপ্ত (মালউন)।

পরবর্তী আলোচনা ‘পদক্ষেপ’ সম্বন্ধে শুরু হলো। হযরত খাজা কুতুবুল ইসলাম (রহঃ) এরশাদ করলেন, পদক্ষেপ দুই প্রকার (১) ‘নফসে নেক’ বা পবিত্র বাসনা, (২) ‘নফসে বদ’ বা অন্যায বাসনা। খোদা যেন কারো জন্য ‘নফসে বদ’ বা অন্যায বাসনা নির্ধারণ না করেন। এরপর এরশাদ করলেন, আমি হযরত খাজা মুঈনুদ্দীন চিশতী (রহঃ)-এর মুখে শুনেছি তিনি বলছিলেন, “একদিন আমি এবং হযরত খাজা ওসমান হারুনী (কুঃ সেঃ) এক জায়গায় বসেছিলাম, এমন সময় আমার পীরভাই শায়খ বুরহানুদ্দীন চিশতী সেখানে এসে উপস্থিত হলেন, তাঁর চেহারায় অস্থিরতা প্রকাশ পাচ্ছিলো। হযরত খাজা ওসমান হারুনী (কুঃ সেঃ) এরশাদ করলেন, হে বোরহান, আজ তোমার মন এতো খারাপ কেন? সে আরজ করলো, আমি আমার এক প্রতিবেশীর ব্যবহারে অতিষ্ঠ হয়ে পড়েছি, সে নিজের বাড়িকে এমনভাবে দোতলায় পরিবর্তন করেছে, যার ফলে আমার মেয়ে মহলের পর্দা ও গোপনীয়তা রক্ষা করা কঠিন হয়ে পড়েছে। খাজা ওসমান হারুনী (রহঃ) জিজ্ঞেস করলেন, সে কি জানে যে তুমি আমার মুরিদ? বোরহানুদ্দীন বললো, আমি যে আপনার মুরিদ সে তা জানে। হুজুর একথা শোনার পর বললেন, তাহলে সে এখনও দ্বিতল হতে ভূপতিত হয় না কেন? এ সময়ে বোরহানুদ্দীনের বাড়ির এক লোক মজলিস হতে তার প্রয়োজনে বিদায় নিয়ে চলে গেল। সে পথিমধ্যে গুনতে পেল যে দ্বিতল হতে ভূপতিত হয়ে ঐ পড়শীর ঘাড় ভেঙে গেছে। এরপর খাজা কুতুব এরশাদ করলেন, আমি আজমীর শরীফে হযরত বুজুর্গের খেদমতে হাজির ছিলাম, সে সময় রাজা পৃথ্বীরাজের রাজত্ব ছিলো। রাজা সবসময় খাজা বুজুর্গের ক্ষতি সাধনে সচেষ্ট থাকতো এবং চাইতো যে, এমন কিছু ঘটুক যার কারণে হুজুর আজমীর ত্যাগ করে চলে যান। সবসময়েই সে সবার সাথে ষড়যন্ত্র করতো। এ খবর যখন হযরত খাজা বুজুর্গের পবিত্র কানে পৌঁছলো তখন তিনি মোরাকাবায় ছিলেন। মোরাকাবা হতে অবসর হয়ে এরশাদ করলেন, আমি পৃথ্বীরাজকে মুসলমানদের হাতে জীবিত বন্দী অবস্থায় অর্পণ করলাম। এ ঘটনার কয়েকদিন পরেই সুলতান শাহাবুদ্দীন যোরীর সৈন্যগণ পৃথ্বীরাজকে আক্রমণ করলো এবং যুদ্ধে পৃথ্বীরাজ পরাজিত হয়ে জীবিত বন্দী হলো। সুতরাং বুঝতে হবে যে দরবেশের একটি কথায় আশুন জুলে উঠে এবং অপর কথায় আশুন নিতে পানি হয়ে যায়।”

মালেক ইখতিয়ারউদ্দীন আইবেক একটা ছোট শহরের শাসনকর্তা ছিলেন। সে বাদশাহের নির্দেশে হযরত খাজা কুতুবুদ্দীন বখতিয়ার কাকী (রহঃ)-এর দরবারে উপস্থিত হয়ে কদমবুসি করলেন এবং হযরত খাজা যেখানে বাস করতেন অনুরূপ কয়েকটি নিষ্কর গ্রাম উপটোকন (নজরানা) দেয়ার প্রস্তাব পেশ করলেন। হযরত খাজা কুতুবুদ্দীন উপস্থিত ব্যক্তিদের উদ্দেশ্য বললেন, এ ধরনের কাজ আমাদের পীরগণের রীতিবিরুদ্ধ। কোন নিষ্কর জায়গা অথবা কোন প্রকার নজর গ্রহণ করলে দুনিয়াতে তার সম্পত্তি বৃদ্ধি হয়, সেটা আমাদের জন্য শাস্তিস্বরূপ। এরপর তিনি স্বীয় জায়নামাজের একটা কোণা উত্তোলন করে মালেক ইখতিয়ারউদ্দীনকে ডেকে এরশাদ করলেন, এদিকে তাকাও এবং উপস্থিত অন্যদেরকেও বললেন, তোমরাও এদিকে দেখ। প্রত্যেকে জায়নামাজের নিচে তাকিয়ে দেখলেন, আল্লাহর রক্তভাভারের নহর (নদী), তাঁর জায়নামাজের তলা দিয়ে প্রবাহিত হচ্ছে। তিনি মালেক ইখতিয়ারউদ্দীন আইবেকের দিকে দৃষ্টি নিবদ্ধ করে বললেন, ‘হে আইবেক, যার নিকট আল্লাহর রক্তভাভারের নদী মজুদ রয়েছে তার এ ক’টি গ্রাম উপটোকন নিয়ে কি হবে? এ উপহার ফেরৎ নিয়ে যাও এবং বাদশাহকে বলে দিও, যেন ভবিষ্যতে দরবেশদের প্রতি এমন ধৃষ্টতা ও অভদ্রোচিত ব্যবহার না করে, তা না হলে এমন কাজের জন্য শাস্তি ভোগ করতে হবে।, এরপর এরশাদ করলেন, হযরত খাজা মুঈনুদ্দীন হাসান চিশতী সন্জরী কান্দাসাল্লাহ সাররাহ, শায়খ আহাদুদ্দীন কিরমানী (রহঃ), শায়খ শিহাবুদ্দীন ওমর সোহরাওয়ার্দী (রহঃ) এবং আমি একত্রে উপবিষ্ট ছিলাম। আঘিয়া আলায়হেস্ সালাম সম্বন্ধে কথা চলছিলো, এমন সময় সুলতান গিয়াসউদ্দীন মুহম্মদ ঘোরী ঘোড়ায় সওয়ার হয়ে হঠাৎ আমাদের নিকট দিয়ে যাচ্ছিলো, বুজুর্গদের দৃষ্টি তার প্রতি নিপতিত হলো। খাজা বুজুর্গ বললেন, এ ছেলে একদিন দিল্লির বাদশাহ হবে এবং যে পর্যন্ত সে দিল্লির ক্ষমতা হস্তগত না করবে সে পর্যন্ত তার মৃত্যু হবে না। পরবর্তীকালে খাজা বুজুর্গের কথা অক্ষরে অক্ষরে সত্যে পরিণত হয়েছিল। এরপর এরশাদ করলেন যে, আল্লাহর নিকট সম্মানিত (বুজুর্গ) ব্যক্তিদের বাক্যের মর্যাদা আল্লাহ তায়ালা এমনভাবেই দিয়ে থাকেন।

পরবর্তী আলোচনা ছিলো বয়াত সম্বন্ধে। তিনি এরশাদ করলেন, দ্বিতীয়বার বয়াত গ্রহণ করা জায়েজ (সিদ্ধ) আছে। যদি কোন ব্যক্তি নিজের পীরের নিকট হতে চলে আসে অথবা তার দিক হতে মুখ ফিরিয়ে নেয় অথবা তার তওবা যদি নির্ভেজাল বা সন্দেহমুক্ত না হয়, তাহলে সে দ্বিতীয়বার বয়াত গ্রহণ করতে পারে এবং করতে হয়। যদি না করে তাহলে প্রথম বয়াত বাতিল হয়ে যায়। এরপর এরশাদ করলেন, শায়খ সায়ফুল ইসলাম বোরহানুদ্দীন (রহঃ) বিরচিত রওজু কেতাবে বর্ণিত আছে যে, হযরত খাজা হাসান বসরী (রহঃ) রওয়ানেত করেছেন, হযরত রসূলে খোদা (সাঃ) যখন মক্কা বিজয় করার উদ্দেশ্যে যাচ্ছিলেন তখন দূত হিসেবে প্রথমে হযরত ওসমান (রাঃ)-কে



মক্কাবাসীদের নিকট প্রেরণ করলেন। তিনি রওয়ানা হয়ে যাওয়ার পরপরই শত্রুপক্ষ গুজব ছড়াতে লাগলো হযরত ওসমান (রাঃ)-কে মক্কা শরীফে শহীদ করা হয়েছে। রসূলে মকবুল (সাঃ) যখন এ সংবাদ শ্রবণ করলেন তখন সকল সাহাবীকে (রাঃ) একত্রিত করে নির্দেশ দিলেন, মক্কাবাসীদের সাথে যুদ্ধ করার জন্য নতুনভাবে বয়াত গ্রহণ করো। সকলেই হুজুরে পাক (সাঃ)-এর হাতে বয়াত গ্রহণ করলেন। এ সময় হুজুর করিম (সাঃ) একটা গাছের গুঁড়ির সাথে ঠেস দিয়ে বসে ছিলেন, যে জন্য এ বয়াতকে বয়াতে শাজারা (গাছ) বা বয়াতে রেদওয়ান বলা হয়। এরপর হযরত খাজা কুতুবুল ইসলাম আদামালাহ্ বাকাউহ এরশাদ করলেন, তাহলে বুঝতে পারলে তো যে, প্রয়োজনে সাহাবা (রাঃ)-গণও নতুনভাবে বয়াত গ্রহণ করতেন। এরপর আমি (শায়খ ফরিদ) আবেদন করলাম যে, যদি পীরকে উপস্থিত না পাওয়া যায় এবং তওবার মধ্যেও সন্দেহ দেখা দেয় তখন কি করা ওয়াজেব (কর্তব্য)? হযরত খাজা কুতুবুল ইসলাম ওয়াল মুসলেমীন এরশাদ করলেন যে, নিজের পীরের কাপড় সামনে রেখে ঐ কাপড় হতে বয়াত গ্রহণ করতে হবে। এরপর বললেন, আমি আমার মুর্শেদকে কয়েকবার এরূপ করতে দেখেছি এবং কখনোও কখনোও আমি নিজেও করেছি। এরপর মুরীদের বিতর্ক বিশ্বাস সম্বন্ধে একটি ঘটনা বর্ণনা করলেন। বললেন, বাগদাদ শরীফে এক দরবেশকে সন্দেহ করে ধরে কাজীর সম্মুখে উপস্থিত করা হলো। কাজী সমস্ত ঘটনা শ্রবণ করার পর দরবেশকে হত্যা করার আদেশ দিলো। জল্লাদ কতলের হুকুম পাওয়ার পর দরবেশকে বন্ধভূমিতে নিয়ে গেলো। নিয়ম অনুযায়ী দরবেশকে কেবলামুখী করে হত্যা করত উদ্ধৃত হতেই দরবেশ মুখ ঘুরিয়ে স্বীয় পীরের আন্তানার দিকে করে নিলো। জল্লাদ বললো, মৃত্যুর সময় মুখ কেবলার দিকে করা দরকার। দরবেশ বললো, তুমি তোমার নিজের স্কাঙ্ক করে যাও; আমি আমার মুখ আমার কেবলার দিকে করে নিয়েছি। উভয়ে এ বাক-বিতর্কায় নিয়োজিত ছিলো, এমন সময় দূত আলিফার আদেশ নিয়ে এলো যে, আমি দরবেশের অপরাধ ক্ষমা করে দিয়েছি, তাকে মুক্ত করে দাও। খাজা কুতুব (রহঃ) এ ঘটনা বলার পর বললেন, দেখ তাঁর বিতর্ক আক্বিদা (বিশ্বাস) তাঁর অবধারিত মৃত্যু হতে তাকে উদ্ধার করালো। এরপর এরশাদ করলেন, হযরত খাজা মুঈনুদ্দীন হাসান চিশতী (রহঃ) সূফীদের মধ্যে বসেছিলেন, বিভিন্ন বিষয়ের উপর আলোচনা চলছিলো। যখন তার মুখ এক বিশেষ দিকে ঘুরে যেতো তিনি তখনই দাঁড়িয়ে যেতেন। অবশেষে দেখা গেলো যে, তিনি সেই মজলিসে ১১০ বার এ ভাবে দাঁড়িয়েছিলেন। সব আসহাবে সূফ্যা এ কারণে বিস্মিত ও কৌতূহলী হয়ে উঠেছিলো। তাদের সকলেই বুঝতে পেরেছিলো যে এর পেছনে নিশ্চয়ই কোন গুরুরহস্য লুক্কায়িত আছে। কিন্তু আদবের খেলাফ হবে, এ কথা চিন্তা করে কেউ কিছু জিজ্ঞেসও করতে পারেনি। যখন তিনি মজলিস হতে চলে গেলেন তখন আমি তাঁর এক বিশেষ খাদেমকে বললাম, উপযুক্ত সময় বুঝে হুজুরের নিকট হতে এর কারণটা জেনে নেবেন। পরে তিনি একদিন সময় বুঝে হুজুরের নিকট হযরত খাজা বুজুর্গকে উক্ত ঘটনার রহস্য উন্মোচন করার

জন্য আরজ করলেন। তিনি এরশাদ করলেন, ঐ দিকে আমার মুর্শেদের হাজার পবিত্রতা বিজড়িত রয়েছে, যখন আমার দৃষ্টি ঐ দিকে নিবদ্ধ হতো আমি তাঁর সম্মান প্রদর্শনে দাঁড়িয়ে পড়তাম। এরপর এরশাদ করলেন, পীরের উপস্থিতি ও স্মরণে মুরীদকে সম্মান প্রদর্শন করা উচিত এবং যখন পীর পরলোকগমন করবেন সে সময় আরও বেশি আদব করা উচিত।

পরবর্তী আলোচনা 'সামা' (বিতর্ক গান)-কে কেন্দ্র করে শুরু হলো। এরশাদ করলেন সামায় যে মজা আছে তা অন্য কোন বস্তুতে নেই এবং সে অবস্থা এমন যে, সামা ব্যতীত অন্য কিছুর মাধ্যমে হাসেল করা সম্ভব নয়। এরপর এরশাদ করলেন যে, আমি এবং কাজী হামিদুদ্দীন নাগুরী, শায়খ আলী সনজরী (রহঃ)-এর খানকায় অবস্থান করছিলাম। সেখানে সামার মজলিস বসলো, কাওয়ালগণ নিম্নোক্ত শের (কবিতা) গাইতে শুরু করলো—

কুশতগানে খনজরে তসলীম রা

হর জমাঁ আয গায়েবে জানে দীপারাস্ত।।

অর্থ— প্রেমের তরবারীতে যারা খন্ড বিখণ্ড হয়েছে

তাঁরা প্রতিমুহূর্তে অদৃশ্য হতে নবজীবন লাভ করে।

এ গানে কাজী হামিদুদ্দীন ও আমার ওজুদ (ঐশী প্রেমাকর্ষণে মূর্ছগত হওয়া) এমন বৃদ্ধি পেলো যে, তিনরাত ও তিনদিন এ অবস্থাতেই বিভোর ছিলাম। অচৈতন্য ও বিবশতায় নিমজ্জিত হয়ে যাই আমরা এ গানের কথা ও সুরের মূর্ছনায়! যখন আমাদের স্বাভাবিক অবস্থা ফিরে এলো তখন আমরা কাওয়ালদেরকে সঙ্গে নিয়ে নিজ আবাসে ফিরে এলাম। কাওয়ালদেরকে বললাম, ঐ গান পুনরায় গাইতে, তারা ঐ গান গাইতেই আমরা জাগতিক চেতনা হতে বিমুক্ত হয়ে অচৈতন্যলোকে গমন করলাম। একাধারে চার অহরাত্র এ অবস্থায় পড়েছিলাম। নামাজের সময় হলে চেতনা ফিরে পেতাম এবং নামাজ পাঠ শেষ হলেই পুনরায় আলমে বেহুঁশীতে প্রবেশ করতাম। এভাবে ৭ দিন সামার মাঝে বিভোর ছিলাম। প্রত্যেক দিন ঐশী-প্রেমাকর্ষণের একটা করে নতুন মত্ততা উপভোগ করতাম। এরপর এরশাদ করলেন, আমি এবং কাজী হামিদুদ্দীন নাগোরী এক শহরে পৌঁছে দেখলাম, ১২ জনের একটা দল আকর্ষিত হয়ে নিজ নিজ সত্তা হতে বিমুক্ত হয়ে অত্যাশ্চর্যের জগতে অবস্থান করছেন। আমরা এদের সাথে সাক্ষাৎ করলাম— প্রত্যেকে সাহেবে কামাল বা পরিপূর্ণতার স্তরে অধিষ্ঠিত ছিলেন। এরপর আমাকে এরশাদ করলেন, "হে ফরিদ, আখিয়া আলাইহিস সালামগণ মাসুম (নিষ্পাপ) এবং আওলিয়া কেরামগণ মাহুফুজ (সুরক্ষিত বা নিরাপদ)। কারণ, উন্মত্ততার জগতেও



তাদের দ্বারা কোন শরীয়ত বিরোধী ক্রিয়াকর্ম সম্পাদন হয় না।” এরপর এরশাদ করলেন, “আমি আমার মুর্শেদ হযরত খাজা বুজুর্গের সাথে হজুবৃত্ত পালনের জন্য গিয়েছিলাম, ফেরার পথে এক শহরে অবস্থান করছিলাম, শহরটির নাম স্মরণ নেই। সেখানে এক বুজুর্গের সাথে দেখা হলো, তিনি অত্যন্ত মহিমাম্বিত ছিলেন। তিনি একটা শুয়ায় বাস করতেন। আল্লাহর ভয়ে ভীত ও সন্তুষ্টতার কারণে তাঁর দেহে মাংস অবশিষ্ট ছিল না। তাঁকে দেখলে মনে হয় একখণ্ড শুকনো কাঠ। খাজা বুজুর্গ আমার দিকে খেয়াল করে বললেন, তোমার ইচ্ছা হলে কয়েকদিন এখানে অপেক্ষা করতে পার।” আমি বললাম, হজুর আপনার ইচ্ছাই আমার ইচ্ছা, আপনি যে নির্দেশ দেবেন তাই করবো। অবশেষে আমি এবং খাজা বুজুর্গ উভয়ে এক মাসের বেশি সময় তাঁর সঙ্গে কাটলাম। এ সময়ের মধ্যে তিনি শুধু একদিন মাত্র চেতনার জগতে ফিরে এসেছিলেন, মাত্র সামান্য সময়ের জন্য। একটু পরেই আবার অচেতন্যলোকে প্রবেশ করেছিলেন। আমরা তাঁকে স্বাভাবিক অবস্থায় পেয়ে সালাম জানালাম, তিনি সালামের জবাব দিয়ে বললেন, ‘হে বন্ধুদয় তোমাদের এখানে কষ্ট হয়েছে ঠিকই কিন্তু প্রতিদানে সৌভাগ্য হাসেল হবে। কেননা, আহলে সলুকগণ বলেছেন, যে দরবেশদের খেদমত করে সে অবশ্যই মনজিলে মকসুদে পৌঁছে যায়। পরে বললেন, ‘বসো।’ ‘আমরা বসে পড়লাম। নিজের কথা বলতে লাগলেন, বললেন আমি মুহম্মদ আসলাম তৌসী (রহঃ)-এর বংশধর। আমি অলৌকিক জগতে পদার্পণ করেছি ৩০ বছর হলো। দিন বা রাতের কোন সংবাদ রাখি না, হকতায়লা শুধু আজ আমাকে তোমাদের জন্য চেতনার জগতে ফিরিয়ে এনেছেন। হে বন্ধুগণ, এখন তোমরা বিদায় নিতে পার। তোমরা এখানে যে কষ্টসাধনা করেছ তার প্রতিদানে আল্লাহ তোমাদের মর্যাদা বৃদ্ধি করবেন। কিন্তু একটা কথা স্মরণ রেখো, “দুনিয়ার প্রতি আসক্ত হয়ে পড়ো না এবং মানবসমাজ ও বস্তুবাদ থেকে দূরে থেকে, যা কিছু তোমরা নজর-নিয়াজ হিসেবে পাবে তা অপরের প্রাপ্য মনে করে সম্পূর্ণ বিলিয়ে দেবে। নিজের কাছে কিছুই রাখবে না, তা না হলে দরবেশের মখতার মণি হতে পারবে না। আমার সর্বশেষ উপদেশ হচ্ছে প্রভুর ধ্যান-মগ্নতা ব্যতীত অন্য কোন কিছুর প্রতি আকৃষ্ট হবে না।” এ অমূল্য উপদেশ দান করার পর তিনি আল্লাহুতায়ালার ধ্যানে মগ্ন হয়ে ঐশী-অচেতন্যলোকে গমন করলেন। আমি এবং খাজা বুজুর্গ সেখান হতে যাত্রা করে বাগদাদ ফিরে এলাম। যখন হযরত খাজা এ অমূল্য বাণী শেষ করলেন, তখন প্রভুর ধ্যানে অচেতন্যলোকে গমন করলেন। মজলিস এখানেই সমাপ্ত হলো। দোয়াপ্রার্থীগণ নিজ নিজ আবাসে যেয়ে স্বীয় কাজে মশগুল হলো।

আল্‌হামদুলিল্লাহ আল্লা জ্বালেক।

## তৃতীয় মজলিস

৬৪৮ হিজরী নববী (দঃ) সনের পবিত্র শওয়াল মাসের ৭ তারিখে রোববার দিন পবিত্র কদম মোবারক চূষনের সৌভাগ্যে ভাগ্যবান হলাম। আলোচনা ‘সলুক’ সম্বন্ধে শুরু হলো। হযরত খাজা কুতুবুল ইসলাম আদমাল্লাহ বাকাউহ এরশাদ করলেন, অনেক শায়খ (পীর) ও তরীকতের আউলিয়া সলুকের ১৮০টি স্তর বা সোপান নির্ধারণ করেছেন। জোনায়দিয়া/কাদরিয়া তরীকার পীরগণ এই স্তরের সংখ্যা নির্ধারণ করেছেন ১০০টি। জুনুন তরীকার ওলীগণ বলেছেন, এই স্তরের সংখ্যা ৭০টি। তবকাতীয়া, ইব্রাহীম এবং বশ্‌রহানী তরীকাগুলোর মাশায়েখ এই স্তরের সংখ্যা নির্ধারণ করেছেন ৫০টি। খাজা বায়েজিদ বোস্তামী (রহঃ), হযরত আবদুল্লাহ মোবারক (রহঃ) এবং হযরত খাজা সুফিয়ান সওরী (রহঃ) বলেছেন, সলুকের সর্বমোট সংখ্যা হচ্ছে ৪৫টি। শাহসোজা কিরমানী (রহঃ), সামনুন মুহেব্বা (রহঃ) এবং খাজা মীরয়াতিশ (রহঃ)-এর তরীকায় সলুকের স্তরের সংখ্যা ২০টি, কিন্তু আমাদের মাশায়েখ রেদওয়ান আল্লাহুআনহু আজমাইন বলেছেন, ‘সলুকের সর্বমোট স্তরের সংখ্যা হচ্ছে মাত্র ১৫টি।’ এরপর তিনি এরশাদ করলেন, এই স্তরগুলোর মাঝে একটি স্তর আছে কাশ্ফ ও কারামতের। প্রত্যেকের উচিত ঐ স্তরে নিজেকে গোপন রাখা। যে ব্যক্তি কাশ্ফ ও কারামতের স্তরে নিজেকে প্রকাশ করবে সে সম্মুখের স্তর হতে বঞ্চিত হবে। কাশ্ফ ও কারামতের স্তর বিভিন্নভাবে দেখানো হয়েছে। যে সব তরীকায় মোট স্তরের সংখ্যা ১৮০টি তাঁদের নিকট কাশ্ফ ও কারামতের স্তরটি হচ্ছে ৮০। জোনায়দিয়া তরীকায় এ স্তরটি হচ্ছে ৭০। বশরিয়ায় ৩০-এর স্তরটি হচ্ছে কাশ্ফ ও কারামতের। জুনুন মিস্রী তরীকায় এ স্তরটি হচ্ছে ২৫-এর। শাহসোজা কিরমানীর নিকট এ স্তরটি হলো ১০-এর। সর্বশেষে খাজাগানে চিশ্ত-এর নিকট ৫ম স্তর হচ্ছে কাশ্ফ ও কারামতের। সুতরাং সেই হবে সফলকাম যে কাশ্ফ ও কারামতের স্তরে নিজেকে প্রকাশ না করে সমস্ত স্তরগুলো অর্জন করে নেবে। এই স্তরে কাশ্ফ ও কারামত প্রকাশ করলে অবশিষ্ট স্তর হতে বঞ্চিত হতে হবে। এরপর আমাকে লক্ষ্য করে বলতে লাগলেন, আহলে সলুকগণ এসব স্তর এ জন্য রেখেছেন যাতে সলুকের পথের পথিকদের পথ চলতে সহজ হয়। তাছাড়া সে তার অবস্থা দ্বারা কোন স্তরে অবস্থান করছেন তাও যেন বুঝতে পারে এবং সে অনুসারে চেষ্টা করতে পারে। এ পর্যন্ত বলার পর হযরত খাজা কুতুবুল ইসলাম (রহঃ)-এর চোখ অশ্রুতে পরিপূর্ণ হয়ে উঠলো। তারপর বলতে লাগলেন, উম্মতে মুহম্মদীর (দঃ) মধ্যে এমন অসাধারণ ও অভুলনীয় ব্যক্তিদের আবির্ভাব ঘটেছিলো যাদের মধ্যে অনেকে গত হয়ে গেছেন এবং অনেকে এখনও বর্তমান আছেন, যারা সলুকের ঐ নির্ধারিত স্তর



অতিক্রম করার পরও আরও হাজারো উর্ধের স্তর অতিক্রম করেছেন। কিন্তু কোন দিনও বন্ধুর রহস্য বাইরে প্রকাশ করেননি এবং তাঁরা এটাও কোনদিন খেয়াল করেননি যে, আমি কে এবং কি। হে ফরিদ, কোন ব্যক্তি এ নির্ধারিত স্তরসমূহ অতিক্রম করার পর আরও সমুখের উচ্চতর স্তরসমূহ লাভ করে খোদার 'ধ্যান-মগ্ন' অলৌকিক অচৈতন্য-লোকে চলে যান এবং তাঁর বিরহ-বিচ্ছেদ মিলনে পরিবর্তন হয়। হযরত খাজা কুতুবুদ্দীন (রহঃ) এ পর্যন্ত বলা শেষ করে ঐশী-অচৈতন্যলোকে গমন করলেন। দোয়াপ্রার্থীগণ স্ব স্ব স্থানে যেয়ে মশগুল হলেন।

আল্‌হামদুলিল্লাহ আলা জালেক।

### চতুর্থ মজলিস

সোমবার, ১৫ই জিলক্বদ, ৬৪৮ হিঃ। প্রথমে কদমবুসির সৌভাগ্য অর্জন করলাম। মজলিসে মওলানা আলাউদ্দিন কিরমানী, শায়খ মাহমুদ ও অনেক সূফী দরবেশগণ খেদমতে হাজির ছিলেন। 'তকবীর' বলা সম্বন্ধে আলোচনা শুরু হলো। প্রশ্ন উঠলো দরবেশগণ যে, অলি-গলিতে তকবীর (আল্লাহ আকবর) বলে তার অর্থ কি? হযরত খাজা কুতুবুল ইসলাম (রহঃ) এরশাদ করলেন যে, এমন কথা কোথাও লেখা নেই যে প্রত্যেক গলিতে তকবীর বলা হবে এবং এ অভ্যাস ভালোও নয়। কিন্তু তকবীর সম্বন্ধে হাদীস শরীফে বর্ণিত আছে নেয়ামতের (আল্লাহর দান) শুকরিয়া বা কৃতজ্ঞতা প্রকাশের জন্য তকবীর বললে নেয়ামত বৃদ্ধি পায়। এরপর এরশাদ করলেন, তকবীরের অর্থ হামদ (প্রশংসা) এবং নেয়ামত বা দানের জন্য শুকরিয়া বা কৃতজ্ঞতা প্রকাশ করা উচিত। তকবীর বা প্রশংসাই হচ্ছে দানের কৃতজ্ঞতা। এরপর বললেন, একবার আমি যখন শায়খ শাহাবুদ্দীন ওমর সোহরাওয়ার্দী (রহঃ) এর মজলিসে উপস্থিত ছিলাম, তিনি বাগদাদে থাকতেন, সন্ধ্যার সুযোগ আমার প্রায়ই ঘটতো, তিনি প্রকৃতই জাহেদ, আবেদ ও বুজুর্গ হিসেবে এক অনন্যসাধারণ ব্যক্তিত্ব ছিলেন। আমি তাঁর মত বুজুর্গ খুব কমই দেখেছি। একদিন এক দরবেশ তাঁর খেদমতে এসে সালাম করে হস্ত মোবারক ধরতেই তসবীহ ও তকবীর বলে উঠলেন। হযরত তার কর্ম দেখে অত্যন্ত কঠোর হলেন এবং বলতে লাগলেন, একবার রসূলে খোদা (সাঃ) এর পাশে সাহাবীগণ বসা ছিলেন। হুজুর করিম (সাঃ) এরশাদ করলেন, কেয়ামতের দিন আমার উম্মত দ্বারা বেহেস্তের এক চতুর্থাংশ পূর্ণ হবে এবং অবশিষ্ট তিন-চতুর্থাংশ অন্যান্য নবীর উম্মত দ্বারা পূর্ণ হবে। এ কথা শ্রবণ করার সাথে সাথে হযরত আমিরুল মুমেনীন আবুবকর সিদ্দিক দাঁড়িয়ে বললেন, এসো এ নিয়ামতের শুকরিয়ায় তকবীর (আল্লাহ আকবর) বলি। হযরত

আবুবকর (রাঃ)-এর জবান মোবারক হতে একথা বেরুতেই সাহাবীগণ দাঁড়িয়ে পড়লেন এবং তকবীর বললেন। এরপর হযরত রসূলে খোদা (সাঃ)-এর নিকট গুহি এলো, "আপনার উম্মত দ্বারা বেহেস্তের এক-তৃতীয়াংশ পূর্ণ হবে এবং দুই-তৃতীয়াংশ অন্যান্য নবীর উম্মত দ্বারা পূর্ণ হবে। যখন হুজুর পাক (সাঃ) এ সুসংবাদ সাহাবীদের শোনালেন, তখন হযরত আমিরুল মুমেনীন ওমর বিন খাতাব (রাঃ)-এর দাঁড়িয়ে হযরত আবুবকর সিদ্দিক (রাঃ)-এর অনুরূপ ইচ্ছা প্রকাশ করলেন। সাহাবী (রাঃ)-গণ হযরত ওমর ফারুক (রাঃ)-এর ইচ্ছার প্রতি সাড়া দিয়ে তকবীর বললেন। এরপর হযরত রসূলে মকবুল (সাঃ) আরও খুশির খবর শুনিতে বললেন, হাশরের দিন আমার উম্মত দ্বারাই বেহেস্তের অর্ধেক পূর্ণ হবে এবং অবশিষ্ট অর্ধেক অন্যান্য নবীর উম্মতদের মধ্য হতে হবে। এ সুখবরে হযরত আমিরুল মুমেনীন ওসমান এবনে হাফফান (রাঃ) দাঁড়িয়ে গেলেন এবং নিজে পূর্বোক্ত দু'বন্ধুর মতো ইচ্ছা প্রকাশ করায় সাহাবী (রাঃ)-গণ দাঁড়িয়ে তকবীর বললেন। এরপর হযরত রসূলে পাক (সাঃ) এরশাদ করলেন, যে পর্যন্ত আমার উম্মত বেহেস্তে প্রবেশ না করবে সে পর্যন্ত অন্যান্য নবীর উম্মত বেহেস্তে প্রবেশ করতে পারবে না। হযরত আমিরুল মুমেনীন আলী এবনে আবু তালিব (রাঃ) দাঁড়িয়ে বললেন, সুসংবাদের শুকুর আদায় করার জন্যও তকবীর বলা প্রয়োজন। (রাঃ) দাঁড়িয়ে তকবীর বললেন। এরপর হযরত শায়খ শাহাবুদ্দীন ওমর সোহরাওয়ার্দী (রহঃ) বললেন, দরবেশগণ যে চার তকবীরের কথা বর্ণনা করেছেন সেগুলো এই তকবীর। সুতরাং সবসময় তকবীর বলা উচিত নয়।

এরপর আলোচনা শুরু হলো পীরের উপস্থিতিতে নফল নামাজ পাঠ করা সম্বন্ধে। প্রশ্ন হলো, মুরীদ নফল নামাজে রত থাকা অবস্থায় যদি পীর তাকে ডাকে এবং সে নামাজ ত্যাগ করে চলে আসে তাহলে তার ফল কি হবে? হযরত খাজা কুতুবুল ইসলাম (রহঃ) এরশাদ করলেন, নফল নামাজ ত্যাগ করে পীরের ডাকে সাড়া দেয়া কল্যাণকর, এর সওয়াব অনেক বেশি কিন্তু নফল নামাজের সওয়াব তত বেশি নয়। একবার আমি নফল নামাজে রত থাকাকালীন অবস্থায় আমার মুর্শেদ হযরত খাজা বুজুর্গ আমাকে ডাক দিলেন। আমি সঙ্গে সঙ্গে নামাজ ছেড়ে দিয়ে উত্তর দিলাম। তিনি বললেন—এসো। আমি পবিত্র খেদমতে হাজির হলাম। তিনি এরশাদ করলেন, কি করছিলে? আমি বললাম, নফল নামাজে ব্যস্ত ছিলাম, আপনি ডাকলেন তাই খেদমতে হাজির হলাম। তিনি শুনে বললেন, খুব ভালো করেছে। নিজের পীরের আদেশ পালন নফল নামাজ হতে উৎকৃষ্ট। এরপর এরশাদ করলেন, আমি হযরত খাজা নাসিরুদ্দীন আবু ইউসুফ চিশতী (রহঃ)-এর খেদমতে উপস্থিত ছিলাম অনেক সূফী বুজুর্গানে চিশতী পবিত্র খেদমতে হাজির ছিলেন। আল্লাহর আউলিয়াদের কারামত সম্বন্ধে বর্ণনা চলছিলো।



একজন আল্লাহর পথের শিক্ষার্থী পবিত্র খেদমতে হাজির হয়ে বয়াত হওয়ার জন্য আরজ করলেন। তিনি এরশাদ করলেন বসো, সে বসে পড়লো এবং দ্বিতীয়বার আবেদন করলো যে, আমি বাসনা নিয়ে এসেছি, হযরতের আলিঙ্গনে আবদ্ধ হবো। তিনি তখন অত্যন্ত খুশীছিলেন, বললেন, যদি তুমি আমার নির্দেশ পালন কর তাহলে তোমাকে আমার মুরীদ করতে কোন আপত্তি নেই। সে আরজ করলো, নির্দেশ পালনে বান্দা প্রস্তুত আছে। হযরত আবু ইউসুফ চিশতী (রহঃ) এরশাদ করলেন, তুমি কলেমা লা-ই-লাহা ইল্লাল্লাহ মুহাম্মাদুর রাসূলুল্লাহ নিশ্চয়ই পাঠ কর কিন্তু আজ এ কলেমার পরিবর্তে লা-ই-লাহা ইল্লাল্লাহ ইউসুফ চিশতী রাসূলুল্লাহ পাঠ কর। ঐ ব্যক্তি বলার সাথে সাথেই বিনা দ্বিধায় তাঁর নির্দেশ পালন করলো। তিনিও তাকে সঙ্গে সঙ্গে বয়াত করে নিলেন এবং অত্যন্ত দয়াপরশ হয়ে নিজের বিশেষ পরিচ্ছদ দান করলেন। এরপর বললেন, আমি নিজেই হযরত রসূলে মকবুল (সাঃ)-এর গোলাম। অতএব, আমার কি ক্ষমতা আছে তাঁর সমপর্যায়ের মর্যাদার দাবি করা, এটা শুধু তোমার বিশ্বাসের দৃঢ়তা পরীক্ষার জন্য করা হয়েছে। তুমি সে পরীক্ষায় উত্তীর্ণ হওয়ায় তোমাকে মুরীদ করা হলো। এবার এসো, আমরা তওবা করে নেই। এরপর এরশাদ করলেন, যখন কোন ব্যক্তি তওবা করে তার উচিত যে, সে যাদের সাথে উঠাবসা করায় নিষিদ্ধ কর্মে প্ররোচিত হয়েছিলো তাদেরকে ত্যাগ করা এবং কোন সময়ের জন্যই তাদের সাথে উঠাবসা না করা কেননা, এতে ভয়ের কারণ রয়েছে যদি সে প্রথম বারের মতো আবার কোন অন্যায় করে বসে। এরপর এরশাদ করলেন, খাজা হামিদুদ্দীন সোহানী অনেক বড় বুজুর্গ ছিলেন। যখন তিনি হযরত খাজা মুঈনুদ্দীন হাসান চিশতী সনজরী (রহঃ)-এর হাতে হাত রেখে তওবা করলেন এবং খানকা শরীফে অবস্থান করলেন তখন তাঁর পুরানো আরিফ বন্ধুগণ এসে ইচ্ছা পোষণ করলো যে সে যেন তাদের সঙ্গ ত্যাগ না করে পুরানো প্রক্রিয়ার (জওক শওক) ওপর দৃঢ় থাকে। খাজা হামিদুদ্দীন তাদেরকে কটাক্ষ করে বললেন, আমার নিকট হতে তোমরা চলে যাও, বেশি বকবক করো না। আমি পাজামার ফিতা এতো মজবুত করে বেঁধেছি যে হাশরের দিন বেহেস্তের হ্রদেরকে দেখেও খুলবে না। খাজা কুতুবুদ্দীন বখতিয়ার কাকি (রহঃ) বর্ণনা করে যাচ্ছিলেন, এমন সময় খাবার সামনে হাজির হলো, তিনি আহ্বারে মনোনিবেশ করলেন। খাওয়া শেষ না হতেই হযরত শায়খ নিজামুদ্দীন আবুল মুঈদ উপস্থিত হয়ে সালাম দিলেন কিন্তু খাজা কুতুব (রহঃ) সালামের উত্তর দিলেন না, এমন কি তার সাথে কোন কথাও বললেন না। এ জন্য হযরত শায়খ নিজামুদ্দীন আবুল মুঈদ (রহঃ) অত্যন্ত অপমানবোধ করলেন। যখন খাজা কুতুব (রহঃ) আহ্বার শেষ করে মজলিসে উপস্থিত হলেন, তখন খাজা নিজামুদ্দীন আবুল মুঈদ জিজ্ঞেস করলেন যে, আপনি যখন আহ্বার করছিলেন তখন আমি উপস্থিত হয়ে সালাম আরজ করেছিলাম, কিন্তু আপনি ছালামের উত্তর না দেয়ার কারণ কি?

হযরত খাজা কুতুব (রহঃ) এরশাদ করলেন, আমি আহ্বারে ব্যস্ত ছিলাম তখন সালামের জবাব দেয়া সম্ভব ছিল না। কারণ, দরবেশ এবাদতের শক্তি অর্জনের জন্য আহ্বার করে থাকেন। যখন তার এ নিয়ত হয় তখন সে আইন অনুযায়ী এবাদতে নিমগ্ন থাকে তাই সে জবাব দিতে পারে না। সুতরাং উচিত হলো যদি কেউ আহ্বারে রত থাকে, তবে তাকে সালাম না দেয়া। আহ্বার শেষ হলে ছালাম দেয়া উচিত। ইমামুল হারামাইন এরশাদ করলেন যে, এ কথা যা তিনি বর্ণনা করলেন, তা কি স্বীয় জ্ঞান দ্বারা না কোন উদ্ধৃতি? হযরত খাজা কুতুবুল ইসলাম এরশাদ করলেন, এ কথা আমার জ্ঞানের মধ্য হতে বর্ণনা করেছি। এখানেই তাঁর বক্তব্য শেষ করে তিনি আল্লাহতে মশগুল হলেন। মজলিস শেষ হলো। দোয়াপ্রার্থিগণ যার যার নির্দিষ্ট স্থানে যেয়ে মশগুল হলেন।

আল্‌হামদুলিল্লাহ আলা জালেক।

পঞ্চম মজলিস

বৃহস্পতিবার ৫ই জিলহজ্জ, ৬৪৮ হিজরী। প্রথমে কদম্বুটি অর্জিত হলো। বহু দরবেশ ও আহলে সূফফা ছাড়াও ছিলেন কাজী হামিদুদ্দীন নাগুরী, মওলানা আলাউদ্দীন কিরমানী, সৈয়দ নূরুদ্দীন মোবারক, সৈয়দ শরফুদ্দীন, মওলানা আলীম উদ্দীন, মওলানা শরফুদ্দীন, শায়খ আবুল হাই, শায়খ মাহমুদ মোজাদ্দজ ও মওলানা যাকিয়া। এঁদের প্রত্যেকে এক একজন অনন্যসাধারণ, কারও সাথে কারও তুলনা হয় না। জমিন হতে আরশ পর্যন্ত তাঁদেরকে এক বিশেষ বৈশিষ্ট্যের অধিকারী বলে মনে হচ্ছিলো, প্রত্যেকেই পবিত্র খেদমতে উপস্থিত ছিলেন। হজু এবং কাবা শরীফ পরিভ্রমণ সম্বন্ধে আলোচনা শুরু হলো। হযরত খাজা কুতুবুল ইসলাম (রহঃ) এরশাদ করলেন যে; খোদাতায়ালার এমন বান্দাও আছেন যাঁদের সম্মানে খানা কাবার প্রতি নির্দেশ হয় আপন জায়গা হতে সেই বুজুর্গের নিকট যেয়ে উপস্থিত হওয়ার— যাতে তিনি দেখান হতেই তওয়াফ করতে পারেন। হযরত খাজা কুতুব (রহঃ) বলছিলেন যে, হযরত খাজা বুজুর্গ এবং আমরা সব আহলে সূফফা দাঁড়িয়ে ঐশী অত্যাশ্চর্যের জগতে বিলীন ছিলাম। আমার নিজের অস্তিত্বের কোন চেতনা ছিল না। আমি প্রেম-পরিতৃপ্তির জগতের মজলিসে বিলীন ছিলাম। ইত্যবসরে হযরত খাজা ও আমি উচ্চস্বরে তকবীর বললাম, যে রকম কাবা তওয়াফের সময়ে বলতে হয়। প্রেম-পরিতৃপ্তির উন্মত্ততায় প্রত্যেকের শরীর হতে রক্ত ঝরতে লাগলো। রক্তের ফোঁটা যেখানেই পড়ছিলো সেখানেই তকবীরসমূহ প্রকাশ পাচ্ছিলো। এরপর আমাদের জ্ঞান ফিরে এলে আমরা কাবা শরীফ তওয়াফ করার

অনুরূপে রক্তে লিখিত তকবীরের চারদিকে চারবার পরিভ্রমণ করলাম। সাথে সাথে আওয়াজ হলো, 'খাজা বুজুর্গ ও অন্যান্য আহলে সূফ্যাদের হজ্ব কবুল করা হলো।' এরপর তিনি এরশাদ করলেন, হযরত খাজা গরীব নওয়াজের নিয়ম ছিলো, প্রত্যেক বছর আজমীর শরীফ হতে কাবাঘর জেয়ারতের (দর্শনের) জন্য যেতেন। যখন তাঁর কর্মপূর্ণ পরিপূর্ণতা লাভ করলো অর্থাৎ তিনি কামালিয়াতের (পরিপূর্ণতার) সর্বশেষ ধাপটি অতিক্রম করলেন তখন কাবাঘরের জেয়ারতকারিগণ হযরত খাজা গরীব নওয়াজকে জেয়ারতের সময় মক্কা শরীফে উপস্থিত পেতেন। কিন্তু তিনি আজমীরেই নিজের আবাসে ধ্যানমগ্ন হয়ে থাকতেন। অবশেষে আমরা জানতে পেরেছিলাম যে, তিনি প্রত্যেক রাতে কাবাঘর জেয়ারতে যেতেন এবং সকাল হওয়ার পূর্বেই ফিরে এসে ফজরের নামাজ জামাতের সাথে সমাধা করতেন। আরও বললেন যে, তিনি বলতেন আমি খাজা ওসমান হারুনী (রহঃ)-এর মুখে শুনেছি, তিনি বলেছেন, হযরত খাজা মওদুদ চিশতী যখন কাবাঘর জেয়ারতের বাসনা করতেন তখন ফেরেস্তাগণ কাবাঘর তাঁর সন্নিকটে নিয়ে যেতেন এবং তিনি জেয়ারতকারীর মর্যাদা অর্জন করতেন। এ অবস্থা যদি নামাজের সময় ঘটতো তাহলে তিনি কাবাঘরের সম্মুখে নামাজ পড়তেন এবং জেয়ারত শেষ হলে ফেরেস্তাগণ কাবাঘরকে পুনরায় তার নির্ধারিত স্থানে নিয়ে স্থাপন করতেন। এরপর এরশাদ করলেন, হযরত খাজা হোজায়ফা মারআসি (কুঃসাঃ) উচ্চপর্যায়ের বুজুর্গ ছিলেন। ৭০ বছর তিনি সেজদাহ হতে হাত-পা তুলেননি। হজ্বের দিন উপস্থিত ব্যক্তিগণ তাঁকে কাবাঘরে দেখতে পেতেন এবং প্রত্যাবর্তনের সময় বলতেন, আমরা হযরতের কাবাঘর ও বায়তুল মোকাদ্দাস (যেগুলো তিনি জেয়ারত করতেন) জেয়ারতকারীদের অন্তর্ভুক্ত।

এরপর কোরান মজিদ ও ফোরকানে হামিদ সম্বন্ধে অমিয়বাণী পেশ করলেন। বললেন, প্রথমদিকে আমি সম্পূর্ণ কোরান শরীফ হেফজ করতে পারতাম না, যার জন্য চিন্তিত হয়ে পড়লাম। এক রাতে স্বপ্নে হযরত রসূলে মকবুল (সাঃ)-কে দর্শনের সৌভাগ্য হলো। আমি তাঁর কদম (পা) মোবারকে চুমু খেলাম। তিনি আমাকে মাথা উত্তোলন করার নির্দেশ দিলেন। আমি নির্দেশানুযায়ী মাথা উত্তোলন করলাম। তিনি এরশাদ করলেন, সূরা ইউসুফ মুখস্থ করো। আমি স্বপ্ন হতে জাগ্রত হলাম এবং কয়েকদিনের প্রচেষ্টায় সূরা ইউসুফ মুখস্থ করে ফেললাম। এরপর আল্লাহুতায়াল্লা সম্পূর্ণ কোরান শরীফ হেফজ করার সৌভাগ্য দান করলেন। এরপর এরশাদ করলেন, যে ব্যক্তি কোরান শরীফ মুখস্থ করতে চায় তার উচিত সূরা ইউসুফ খুব ভালভাবে মুখস্থ করা। ইনশাআল্লাহুতায়াল্লা খুব তাড়াতাড়ি কোরান শরীফ মুখস্থ হয়ে যাবে। এরপর এরশাদ করলেন, আমি আমার পীর ও মুর্শেদ হযরত খাজা বুজুর্গের মুখে শোনেছি, তিনি

বলতেন আমি আমার মুর্শেদ খাজা ওসমান হারুনী (রহঃ)-এর মুখে শুনেছি যে হযরত খাজা আবু ইউসুফ চিশতী (রহঃ) কোরান শরীফ মুখস্থ করতে পারতেন না, এজন্য সে অত্যন্ত চিন্তিত হয়ে পড়েছিলেন। স্বপ্নে তাঁর পীর ও মুর্শেদ দেখা দিয়ে বললেন, এতো চিন্তিত কেন? যদি কোরান শরীফ মুখস্থ না হয় তাহলে প্রত্যেক দিন সূরা এখলাস ১০০ বার কোরান শরীফ মনে থাকার জন্য পাঠ করবে, নিশ্চয়ই আল্লাহুতায়াল্লা কোরান শরীফ মুখস্থ করিয়ে দেবেন। জাগ্রত হয়ে তিনি পীরের নির্দেশ অনুযায়ী কাজ করলেন এবং অল্পদিনের মধ্যেই কোরান শরীফ মুখস্থ করে ফেললেন। এরপর তিনি প্রতিদিন ৫ বার করে কোরান শরীফ খতম করতেন, তারপর অন্যান্য এবাদতে মশগুল হতেন। এ পর্যন্ত বলার পর হযরত খাজা কুতুব (রহঃ) ধ্যানমগ্ন হয়ে ঐশী অচৈতন্যলোকে গমন করলেন। মজলিস শেষ হলো। দোয়াপ্রার্থিগণ বিদায় নিয়ে চলে গেলেন।

আল্‌হামদুলিল্লাহ্ আলা জালেক।

ষষ্ঠ মজলিস

শনিবার, ২০ শে জিলহজ্জ, ৬৪৮ হিঃ। মজলিসের শুরুতে কদমবুসি লাভ করলাম। মাননীয় সূফী-দরবেশগণ ও আল্লাহর করুণাপ্রাপ্ত ব্যক্তিবর্গ মহতী মজলিসে উপস্থিত ছিলেন। 'শামস'-এর জলাধার প্রস্তুতের ঘটনা সম্বন্ধে আলোচনা শুরু হলো। হযরত খাজা কুতুবুল ইসলাম এরশাদ করলেন, যখন সুলতান শামসুদ্দীন আলতামাস কিংবদন্তী-জলাধার স্থাপন করতে চাইলো তখন তার জন্য উপযুক্ত স্থান নির্বাচনে প্রত্যেক দিন মন্ত্রীবর্গকে সাথে নিয়ে বেড়াতেন। যখন তারা বর্তমান জলাধারের নিকট পৌঁছালো তখন সেখানকার জমি দেখে সুলতানের অত্যধিক পছন্দ হলো। সে তার মন্ত্রীদেরকে বললো প্রস্তাবিত জলাধারের জন্য স্থানটি অত্যন্ত উপযোগী। মন্ত্রিগণও স্থানটি পছন্দ করলো। সুলতান আল্লাহর সাক্ষাতকারীও ছিলো। প্রাসাদে পৌঁছে নির্ধারিত সময়ে শুয়ে পড়লো। রাতে স্বপ্নে দেখলো জলাধারের নির্বাচিত স্থানের সন্নিকটে মধ্যাকৃতির লম্বা কেশবিশিষ্ট এক অনিন্দ্যপুরুষ, যার রূপ-সৌন্দর্য বর্ণনাতীত—কয়েকজন পরিচারক ও বন্ধু সঙ্গী সাথী নিয়ে দাঁড়িয়ে আছেন। একবার সুলতান তাদের দিকে দৃষ্টিপাত করছে আবার তারা সুলতানকে দেখছেন, এ সময় তাদের মধ্য হতে একজন লোক সুলতানের নিকট এসে বললো, এসো তোমাকে রসূলে খোদা (সাঃ)-এর য়েয়ারত করিয়ে দিচ্ছি। সে তার সাথে গেলো। আগন্তুক ঘোড়ার ওপর উপস্থিত মহামানবকে দেখিয়ে বললেন, হে শামস্ উনিই হচ্ছেন হুজুর পাক (সাঃ), তোমার যা কিছু আরজ করার আরজ কর। সুলতান তাঁর কদম মোবারকে পড়ে গেলো এবং যে



হা'ওজ (জলাধার) তৈরির বাসনা তার অন্তরে ছিলো আবেদন করলো। তিনি ঘোড়াকে স্বীয় গোড়ালী দ্বারা আঘাত করলেন। ঘোড়া লাফিয়ে উঠলো এবং পায়ের আঘাত মাটিতে পড়তেই সেখান থেকে পানি বেরিয়ে আসলো। তিনি এরশাদ করলেন, 'হে শামসু এই জায়গায় হা'ওজ তৈরি কর, কেননা এখানকার মতো সুস্বাদু ও মিষ্টি পানীয় পানি দুনিয়ার কোথাও নেই। সুলতান নিদ্রা হতে জাগ্রত হয়ে উজিরদেরকে সাথে নিয়ে নির্দিষ্ট স্থানে যেয়ে দেখলেন, ঘোড়ার পায়ের দাগ ও পানীয় নহর বর্তমান রয়েছে। শামসুদীন ঘোড়া হতে অবতরণ করে পানি পান করলো এবং মস্তিষ্কগণও পান করলো। পানির প্রশংসায় সবাই বললো, এমন সুস্বাদু পানি দুনিয়ায় কোথাও পাওয়া যাবে না। এরপর খাজা কুতুবুল ইসলাম এরশাদ করলেন, তোমরা পানিতে যে সুস্বাদু ও মিষ্টিতা অনুভব করো সে সবই হযরত রসুলে মকবুল (সাঃ)-এর কদম মোবারকের সদকা এবং দ্বিতীয় কারণ হচ্ছে, যে এসব হা'ওজের নিকটে ও আশেপাশে সর্বদা খোদার প্রেমিকগণ পরিতৃপ্ত হন এবং জানি না কেয়ামত পর্যন্ত তাঁরা কিরূপ পরিতৃপ্ত হবেন। এরপর হযরত খাজা কুতুবুল ইসলামের চোখ অশ্রুতে ভারাক্রান্ত হয়ে উঠলো। পুনরায় তিনি সুলতান শামসুদীন আলতামাসের অবস্থা সম্বন্ধে বলতে লাগলেন যে, সে অত্যন্ত দৃঢ় ও সুশীল মুরীদ ছিলো। প্রায় রাতই সে জেগে কাটাতে এবং নামমাত্র ঘুমাতো, যখন ঘুম থেকে জাগতো প্রথমেই পানির কলস ভরে নিতো। চাকর-নফরদের ডাকতো না, বলতো যে, ওরা আরামে গুয়ে আছে ওদেরকে কেন কষ্ট দিব? এরপর এরশাদ করলেন, শামসু প্রায় রাতেই ছদ্মবেশে শহরে ঘুরে বেড়াতে যাতে প্রজাদের অবস্থা জানতে ও অবলোকন করতে পারে। গরীব মুসলমানদের বাড়িতে যেতো এবং টাকা-পয়সা দান করতো। প্রত্যেকের অবস্থা জ্ঞাত হওয়ার পর মসজিদ ও বাসের অনুপযোগী স্থানে যেয়ে সেখানকার লোকজনের খোঁজখবর নিতো এবং তাদের সকল অভিযোগ শ্রবণ করতো, তারপর তাদেরকে বলতো আমার কথা কেউ জিজ্ঞেস করলে কিছু বলবে না। সকালে দরবারে বসতো এবং রাতে যাদের অভিযোগ শ্রবণ করতো তাদেরকে ডেকে পাঠাতো। তাদের সাথে অত্যন্ত অমিয় ব্যবহার করতো এবং প্রয়োজন অনুপাতে প্রত্যেককে সাহায্য করতো। তারপর প্রত্যেককে উদ্দেশ্য করে বলতো কেউ যদি তোমাদের ওপর জুলুম ও অত্যাচার করে তাহলে সঙ্গে সঙ্গে আমাকে সংবাদ দিবে। এখন আমি ক্ষমতায় অধিষ্ঠিত, যে কোন বিষয়ের নিষ্পত্তি বা মীমাংসা যা করতে হয় এখন করে নাও। কেননা, হাশরের দিন তোমাদের কোন ব্যাপারের মীমাংসা করার শক্তি আমাদের থাকবে না। এরপর হযরত খাজা কুতুব (রহঃ) এরশাদ করলেন, এ ধরনের কথা সে এজন্য বলতো যেন অত্যাচারীদের দাবি তার ওপর থেকে চলে যায় এবং এ কথা যেন বলার অবকাশ থাকে যে, 'আমি তোমাদেরকে ডেকেছিলাম কিন্তু তোমরা আস নিই। এরপর এরশাদ করলেন, এক রাতে সে হঠাৎ এসে আমার পায়ের পড়ে গেলো। আমি তাকে

উঠিয়ে জিজ্ঞেস করলাম, অতো ভীতসন্ত্রস্ত কেন? সে আরজ করলো, হজুরের দয়ায় এ রক্ষণাবেক্ষণ ও লালন-পালনের বাদশাহী আমি পেয়েছিলাম, আজ আমার বাসনা হাশরের দিনে লজ্জিত হওয়া থেকে মুক্তি পাওয়া। যেভাবে এখানে আপনি আমার দামন ধরে রেখেছেন, কথা দিন সেখানেও এমনিভাবে ধরে রাখবেন। আমি তার কথায় রাজি হওয়ার পর সে আমাকে ছাড়লো এবং সন্তুষ্টচিত্তে বিদায় নিলো। এরপর এরশাদ করলেন, একবার আমি সফরে বাদাউন ছিলাম, তখন এ শামসুদীনও সেখানে এক ময়দানে পলো খেলার জন্য উপস্থিত ছিলো, এক বৃদ্ধ বয়সের লোক এসে তার নিকট কিছু প্রার্থনা করায় সে কোন উত্তর দিলো না। একটু পরে এক যুবক এসে কিছু প্রার্থনা করায় তাকে একমুঠো টাকা দিলো। উপস্থিত লোকজন সুলতানের ব্যবহারে অবাক হয়ে গেলো। সে তাদের মনের কৌতূহল দূর করার জন্য বললো, হে বন্ধুগণ প্রত্যেককে দেয়ার মালিক হলেন আল্লাহতায়াল্লা, আমি কেউ নই। তিনি যাকে দেওয়ান তাকেই দেই। এরপর শায়খ নিজামুদীন ছোগরা, শায়খুল ইসলাম দেহেলবী এবং শায়খ জালালুদীন তিবরীজি (রহঃ)-এর একটা ঝগড়ার ঘটনা বর্ণনা করলেন। শায়খুল ইসলাম দেহেলবী, শায়খ জালালুদীন তিবরীজি (রহঃ)-এর প্রতি অপবাদ রটালো যে, সে কিশোরদের সাথে সোহবত (সঙ্গ) করে। যখন এ ঝগড়া সুলতান শামসুদীনের নিকট পেশ করা হলো তখন সে অনুসন্ধানের নির্দেশ দিলেন। অভিযোগপত্র তৈরী করায় তাতে মোহর লাগানো হলো। বাদশাহ হুকুম দিলো, শায়খ জালালুদীন তিবরীজিকে উপস্থিত করো। আমিও তখন সেখানে উপস্থিত ছিলাম। শায়খ জালালুদীন সুলতানের দরবারে উপস্থিত হলেন, সুলতান তাঁর অবস্থা জিজ্ঞেস করলো তিনি আদ্যোপান্ত বর্ণনা করলেন এবং বললেন এ মামলার একজন মুসেফ নিযুক্ত করা উচিত। শায়খুল ইসলামকে এ প্রস্তাবের ওপর তার মতামত জিজ্ঞেস করায় সেও সম্মতি দিলো যে, শায়খ জালালুদীন যাকে মুসেফ নির্ধারণ করবে তার প্রতি আমার সমর্থন থাকবে। শায়খ জালালুদীন বললেন, আমি শায়খ বাহাউদ্দিন জাকারিয়াকে মুসেফ নির্ধারণ করলাম। কিন্তু বাহাউদ্দিন জাকারিয়া দিল্লি উপস্থিত ছিলেন না। তিনি তখন মুলতানে অবস্থান করছিলেন। শায়খুল ইসলাম প্রতিবাদ করে বললেন, সে কখন এখানে আসেন তার কোন ঠিক নেই, তাই অন্য মুসেফ ঠিক করা উচিত। শায়খ জালালুদীন তিবরীজি (রহঃ) বললেন, কাল তিনি এখানে উপস্থিত থাকার জন্য তসরিফ আনবেন। সবাই শোনে অবাক হয়ে গেলো। সুতরাং পরের দিন দিল্লির সমস্ত লোক হেঁচৈ করতে করতে দরবারে উপস্থিত হলো— বিচার শুরু হলো শায়খ জালালুদীন তিবরীজিও হাজির ছিলেন। সে তাঁর পরিষ্কার জুতোর উপর উপবিষ্ট হলেন। সবাই অনুরোধ করলো আপনি ওপরে নিজের যায়গায় বসুন। তিনি উত্তর দিলেন, এসময়ে আমার স্থান এখানেই। এরপর মোকদ্দমা শুরু হলো, প্রত্যেকেই যার যার মন্তব্য প্রকাশ করতে লাগলো। কিন্তু

একটু পরেই শোনা গেল, খাজা বাহাউদ্দীন জাকারিয়া মুলতানী আসছেন। সবাই তাজ্জব হয়ে গেলো যে, তাঁকে কে খবর দিলো এবং কবে সে মুলতান থেকে রওয়ানা হয়ে আজ এখানে আসছেন? সকলের সমস্ত ভাবনাচিন্তা ছিন্ন করে হযরত খাজা বাহাউদ্দীন জাকারিয়া (রহঃ) দরবার কক্ষে প্রবেশ করলেন। সমস্ত লোক এ বুজুর্গের সম্মানে দাঁড়িয়ে পড়লেন। তিনি দরবারে প্রবেশ করেই প্রথমে হযরত শায়খ জালালউদ্দিন তিবরীজি (রহঃ)-এর জুতো মোবারক হাতে নিলেন এবং চুমু খেলেন ও চোখে লাগালেন। প্রত্যেকের কাছে জালালুদ্দীনের বুজুর্গী প্রকাশ হয়ে গেলো। সবাই তাদের ব্যবহারের জন্য লজ্জিত হলো। প্রত্যেকের চোখের পর্দা উন্মোচিত হয়ে গেলো এবং যার যার অপরাধের জন্য ক্ষমাপ্রার্থনা করলো। মুলতান শামসুদ্দীনও অত্যন্ত বিনয়ের সাথে ক্ষমা চাইলেন। হযরত শায়খ জালালুদ্দীন প্রত্যেককে ক্ষমা করে দিলেন। খাজা বাহাউদ্দীন দরবার কক্ষ ত্যাগ করে সকলের সাথেই বেরিয়ে গেলেন এবং রাতে যমুনা নদীর তীরে অবস্থান করলেন। সকালে যে যার গন্তব্যস্থলে চলে গেলেন। খাজা কুতুব (রহঃ) তাঁর বক্তব্য এখানেই শেষ করলেন।

আলহামদুলিল্লাহ আলা জালেক।